

STENOGRAM
Šeste Radne sjednice Skupštine Kantona Sarajevo
održane 02.09.2015. godine sa početkom rada u 10,00 sati

Predsjedavajući:

Otvaram Šestu Radnu sjednicu Skupštine Kantona Sarajevo. Pozdravljam uvažene kolege i kolegice poslanike, članove Vlade i uvažene goste, kao i predstavnike medija koji prate rad današnje sjednice. Nadam se da će cijenjeni gledaoci Televizije Kantona Sarajevo sa pažnjom pratiti rad današnje Skupštine, te im upućujem pozdrave, a svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 31 poslanik, što je dovoljan broj za punovažan rad i odlučivanje.

Prije nego što krenemo u dalji rad, zamolio bih sve prisutne da učenjem Fatihe ili svako na svoj način odamo počast našem dugogodišnjem Sekretaru Skupštine Kantona Sarajevo, Abidu Kolašincu.

Neka mu je vječni rahmet i hvala.

Prijedlog dnevnog reda Šeste Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 21.08.2015.godine.

Uvaženi zastupnik Kemal Ademović ima, javio se za riječ:

Poslanik/zastupnik Kemal Ademović:

Uvaženi predsjedavajući, dopredsjedavajući, uvaženi zastupnici, zastupnice, premijeru, članovi Vlade, predstavnici javnih institucija, udruženja, građana, sve vas selamim i pozdravljam. Dakle imao sam potrebu da se javim iz sljedećeg razloga. Zbog činjenice da je naš sekretar rahmetli Abid Kolašinac preselio i ne obavlja više svoju dužnost, Skupština je u situaciji da ovo mjesto, pored toga što je upražnjeno, ovlaštenje koje je do sada imala od sekretara Almira Kulovac je stavljeno van snage praktično. Mi smo jutros iz tog razloga održali administrativnu komisiju, komisiju za imenovanja kojom prilikom smo donijeli Odluku o davanju ovlaštenja ili o opunomoćenju Almiru Kulovac Šetkić da obavlja ove poslove do imenovanja sekretara do završetka konkursne procedure imenovanja sekretara, ne duže od šest mjeseci. Iz tog razloga Komisija je Skupštini hitno prosljedila ovu Odluku na potvrđivanje i ja vas molim da razmotrimo mogućnost da se ova odluka uvrsti kao prva tačka današnjeg dnevnog reda i da je donesemo, iz razloga da ne bi ovo administriranje ostalo bez potpisnika jer dokumenti svi vezani za aktivnosti Skupštine, da ih sada ja ne pobrajam, dakle stoje dok se ne ovlasti osoba koja će potpisivati akte. Hvala.

Predsjedavajući:

Zahvaljujem zastupniku Ademoviću. Ja dajem prijedlog da ovo stavimo na glasanje Skupštini, pa molio bih vas da se izjasnimo. Prijedlog Odluke o davanju. Molim poslanike da pristupe izjašnjavaanju o Prijedlogu odluke o davanju ovlaštenja za obavljanje funkcije sekretara Skupštine Kantona Sarajevo.

Samo malo, uvaženi zastupnik Kojović se javio za riječ.

Poslanik/zastupnik Predrag Kojović:

Mi samo treba da glasamo o tome da tu tačku dnevnog reda uvrstimo u dnevni red.

Predsjedavajući:

Da, da. Samo glasamo da li ćemo da uvrstimo ovu tačku dnevnog reda da bude prva tačka dnevnog reda a kasnije ćemo imati raspravu.

Poslanik/zastupnik Predrag Kojović:

Pa upravo to, a vi ste čitali kao da glasamo o odluci.

Predsjedavajući:

Molim da se izjasne zastupnici, da li su za da se ova odluka uvrsti kao prva tačka dnevnog reda današnje Skupštine. Ko je za?

Za je glasalo 31 poslanik, protiv niko, suzdržan niko.

Konstatujem da je Skupština donijela odluku da se razmatra kao prva tačka dnevnog reda. Hvala.

Na osnovu člana 73. Poslovnika Skupštine Kantona Sarajevo Kolegij Skupštine dana 28.08.2015.godine, prihvatio je zahtjev Vlade Kantona Sarajevo, da se Prijedlog dnevnog reda Šeste Radne sjednice, dopuni sa sljedećim tačkama:

1. Prijedlog Odluke o davanju saglasnosti za realizaciju projekta „Rekonstrukcija, nadzidičvanje, izmjena elemenata i materijala vanjskog izgleda fasade“ kroz zajedničku gradnju dvije etaže nad postojećim objektom JU Dom zdravlja Kantona Sarajevo – Organizaciona jedinica Dom zdravlja Ilijaš, na kojima je kao nosilac prava korištenja upisana JU Dom zdravlja Kantona Sarajevo kao i jedne etaže nad postojećim objektom Općine Ilijaš na kojoj je kao nosilac prava raspolaganja upisana Općina Ilijaš; (razmatraće se kao tačka 11.)
2. Prijedlog odluke o promjeni naziva Javna ustanova Srednja trgovačka škola u Javna ustanova Srednja poslovno – komercijalna i trgovačka škola (razmatraće se kao tačka 12.).

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Na osnovu naprijed navedenog, Prijedlog dnevnog reda današnje, 6. Radne sjednice, glasi:

1. Prijedlog odluke o davanju ovlaštenja za obavljanje funkcije sekretara Skupštine Kantona Sarajevo;
2. Poslanička/zastupnička pitanja, inicijative i odgovori;
3. Prijedlog izmjena i dopuna Budžeta Kantona Sarajevo za 2015. godinu;
4. Prijedlog zakona o izmjenama Zakona o izvršavanju Budžeta Kantona Sarajevo za 2015. godinu;
5. Prijedlog zakona o izmjenama Zakona o upotrebi znakovnog jezika u Kantonu Sarajevo-skraćeni postupak;
6. Prijedlog zakona o izmjenama Zakona o pečatu Kantona Sarajevo-skraćeni postupak;
7. Prijedlog zakona o izmjenama Zakona o upotrebi grba i zastave Kantona Sarajevo-skraćeni postupak;
8. Prijedlog zakona o izmjenama Zakona o proglašavanju žalosti u Kantonu Sarajevo-skraćeni postupak;
9. Prijedlog zakona o izmjenama Zakona o objavljivanju propisa i drugih općih akata u "Službenim novinama Kantona Sarajevo" - skraćeni postupak;
10. Prijedlog zakona o izmjenama i dopunama Zakona o izvršenju sankcija u Kantonu Sarajevo;
11.
 - a) Prijedlog odluke o izmjeni naziva ulice, na lokalitetu Mejtaš-Bjelave na području Općine Centar-MZ „Mejtaš-Bjelave“;

- b) Prijedlog odluke o izmjeni naziva ulice, odnosno preimenovanje ulice na području Općine Novi Grad- MZ "Briješće"
 - c) Prijedlog odluke o izmjeni naziva ulice, na lokalitetu Soukbunar na području Općine Centar-MZ "Soukbunar";
 - d) Prijedlog odluke o izmjeni naziva djela ulice, na lokalitetu Kromolj na području Općine Centar-MZ "Betanija-Šip";
12. Prijedlog Odluke o davanju saglasnosti za realizaciju projekta „Rekonstrukcija, nadziđivanje, izmjena elemenata i materijala vanjskog izgleda fasade“ kroz zajedničku gradnju dvije etaže nad postojećim objektom JU Dom zdravlja Kantona Sarajevo – Organizaciona jedinica Dom zdravlja Ilijaš, na kojima je kao nosilac prava korištenja upisana JU Dom zdravlja Kantona Sarajevo kao i jedne etaže nad postojećim objektom Općine Ilijaš na kojoj je kao nosilac prava raspolaganja upisana Općina Ilijaš;
13. Prijedlog odluke o promjeni naziva Javna ustanova Srednja trgovačka škola u Javna ustanova Srednja poslovno – komercijalna i trgovačka škola;
14. Izvještaj o radu Pravobranilaštva Kantona Sarajevo za 2014. godinu;
15. Izvještaj o izvršenju sankcija u Kantonu Sarajevo za 2014. godinu;
16. Izvještaj o radu i finansijskom poslovanju Zavoda za izgradnju Kantona Sarajevo, za 2014. godinu;
- 17.
- a) Izvještaj o radu i poslovanju JP „Televizija Kantona Sarajevo“ d.o.o. Sarajevo za 2013. godinu;
 - b) Izvještaj o radu i poslovanju JP „Televizija Kantona Sarajevo“ d.o.o. Sarajevo za 2014. godinu;
- 18.
- a) Izvještaj o poslovanju KJP "ZOI '84" Olimpijski centar Sarajevo d.o.o. Sarajevo za 2013. godinu;
 - b) Izvještaj o poslovanju KJP "ZOI 84" Olimpijski centar Sarajevo d.o.o. Sarajevo za 2014. godine;
- 19.
- a) Izvještaj o poslovanju KJP Centar "Skenderija" d.o.o. Sarajevo za 2013. godinu;
 - b) Izvještaj o poslovanju KJP Centar "Skenderija" d.o.o. Sarajevo za 2014. godinu;
- 20.
- a) Izvještaj o poslovanju KJP “Poljoprivredno dobro Butmir” d.o.o. Sarajevo - Ilidža za 2013. godinu;
 - b) Izvještaj o poslovanju KJP "Poljoprivredno dobro Butmir" d.o.o. Sarajevo - Ilidža za 2014. godinu;
- 21.
- a) Izvještaj o poslovanju Kantonalnog javnog preduzeća za gazdovanje državnim šumama “Sarajevo – šume” d.o.o. Sarajevo za 2013. godinu;
 - b) Izvještaj o poslovanju Kantonalnog javnog preduzeća za gazdovanje državnim šumama "Sarajevo-šume" d.o.o. Sarajevo za 2014. godinu;
- 22.

- a) Izvještaj o poslovanju KJP "Veterinarska stanica" d.o.o. Sarajevo za 2013. godinu;
 - b) Izvještaj o poslovanju KJP "Veterinarska stanica" d.o.o. Sarajevo za 2014. godinu;
23. Studija o zdravstvenom stanju stanovništva, higijenskim prilikama i zdravstvenoj djelatnosti u Kantonu Sarajevo u 2014. godini, sa Mišljenjem Ministarstva zdravstva i Prijedlogom mjera za poboljšanje zdravstvenog stanja stanovništva i higijenskih prilika na Kantonu Sarajevo;
24. Informacija o finansijskom poslovanju javnih ustanova iz oblasti predškolskog, osnovnog, srednjeg i visokog obrazovanja i nauke za 2014. godinu (zbirno).

Molim poslanike da se izjasne o Predloženom dnevnom redu.

ZA JE GLASALO 31 POSLANIK, PROTIV NIKO I SUZDRŽAN NIKO.

KONSTATUJEM DA JE SKUPŠTINA ZA ŠESTU RADNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.

- 0 -

Uz poziv za sjednicu kao informativni materijal dostavljen vam je:

- Dokument okvirnog Budžeta Kantona Sarajevo za period 2016 – 2018 godina;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec juni 2015. godine;
- Informacija o stanju broja zaposlenih na dan 31.12.2014. godine prema poreznoj kartici i na dan 30.04.2015. godine prema poreznoj kartici.

Prije nego što predemo na realizaciju prve tačke dnevnog reda obavezni smo da razmatramo zapisnike sa stenogramima sa Četvrte radne sjednice, Četvrte hitne sjednice i Pete radne sjednice Skupštine Kantona Sarajevo, koji su vam dostavljeni uz poziv za sjednicu.

Ima li primjedbi?

A)

Molim vas da se izjasnite o Zapisniku sa Četvrte radne sjednice Skupštine Kantona Sarajevo . ZA je glasao 31 poslanik, PROTIV niko i SUZDRŽANIH niko.

Konstatujem da je Skupština potvrdila Zapisnik sa Četvrte radne sjednice Skupštine Kantona Sarajevo održane 17.06. i 29.06.2015. godine.

B)

Molim vas da se izjasnite o Zapisniku sa Četvrte Hitne sjednice Skupštine Kantona Sarajevo . ZA je glasalo 32 poslanika, PROTIV niko i SUZDRŽANIH niko.

Konstatujem da je Skupština potvrdila Zapisnik sa Četvrte Hitne sjednice Skupštine Kantona Sarajevo održane 24.06.2015. godine.

C)

Molim vas da se izjasnite o Zapisniku sa Pete radne sjednice Skupštine Kantona Sarajevo . ZA je glasalo 32 poslanika, PROTIV niko i SUZDRŽAN niko.

Konstatujem da je Skupština potvrdila Zapisnik sa Pete radne sjednice Skupštine Kantona Sarajevo održane 21.07.2015. godine.

Prelazimo na realizaciju prve tačke dnevnog reda.

AD – 1.

PRIJEDLOG ODLUKE O DAVANJU OVLAŠTENJA ZA OBAVLJANJE FUNKCIJE SEKRETARA SKUPŠTINE KANTONA SARAJEVO

Prijedlog odluke vam je podijelila služba. Molim predstavnika Predlagača da podnese uvodne napomene. Ima li potrebe predsjednik komisije za imenovanja koji je već podnio? Nema. Da li predstavnici radnih tijela žele riječ? Ima li pitanja? Otvaram raspravu. ukoliko se niko ne javlja za riječ zaključujem raspravu.

Molim poslanike da pristupe izjašnjavaњу o prijedlogu odluke o davanju ovlaštenja za obavljanje funkcije sekretara Skupštine Kantona Sarajevo. Ko je za?

Za je glasalo 32 poslanika. Protiv niko, suzdržan niko. Konstatujem da je Skupština donijela odluku i čestitam.

Prelazimo na drugu tačku dnevnog reda.

AD – 2.

POSLANIČKA/ ZASTUPNIČKA PITANJA I INICIJATIVE

Spisak poslanika koji su se prijavili za poslanička pitanja i inicijative: Vukasović Mario, Srna Bjaramović Segmedina, Smajić Rasim, Solaković Adnan, Prevljak Fikret, Pleho Haris, Omerbegović Mersiha, Mekić Amel, Marić Zvonko, Kojović Predrag, Kerla Bibija, Jusko Ismir, Filipović Selma, Dovadžija Amar, Delalić Sabahudin, Čomor Eldar, Čelik Mirza, Bukva Sejo, Bjelak Nermin i Avdibegović Neira.

Sada je 10 sati i 44 minuta imamo sat vremena za navedenu tačku. Prije nego krenem redosljedom ja bih iskoristio priliku da imam dvije inicijative pa sam ih iznio da stignem u okviru tri minute.

Poslanik/zastupnik Sejo Bukva:

Moja prva inicijativa se odnosi prema Ministarstvu kulture i sporta i resornom ministru prvo bih čestitao ministru koji je prepoznao i podržao sport, ove mlade igrače koji smo bili svjedok šta su napravili za BIH i za naš Kanton. Sada smo svjedoci nagrađivanja te djece po svim nekim kantonima, ja bih to nekako uveo sistematski ali to već imamo i u budžetu Kantona i u budžetu Ministarstva kulture i sporta, čak imamo i Zakon o sportu koji je donesen na nivou Kantona o nagrađivanju vrhunskih sportista. Danas imamo djecu koja osvajaju medalje to je ravno nekog Oskara, jer nismo u prilici da imamo europsku medalju, nismo u prilici da nam ta djeca donose takvu radost koju ste i sami svjedočili šta je to značilo za građane BIH. Moja inicijativa se odnosi da bi trebalo sva djeca do 18 godina u bilo kojem sportu da li je to pojedinačno da li su to ekipni koji ostvare jedan rezultat na evropskom, svjetskom, na univerzijadi, EYOF-u , bilo gdje da steknu neko pravo stipendije od Ministarstva kulture i sporta da se ta djeca nagrade, da ih probamo zadržati u našoj zemlji da ih drugi ne krađu, jer ta djeca vjerujte odlaze samo zbog boljih uslova. Doći do jedne medalje puno je to odricanja, puno je ulaganja, ovim bi mi pomogli njihov razvoj za seniorski put, i da budu seniorski reprezentativci. Znači to je moja inicijativa, kako da se nagrađuju ta djeca ujedno se nagrađuju ti treneri, jer treneri stvaraju te reprezentativce da Ministarstvo kulture u okviru svog razmotri o nekom stipendiranju djece koja donose medalje i koja su nam ovdje budućnost naše zemlje.

Druga moja inicijativa se odnosi prema Ministarstvu obrazovanja i nauke, iz mog prošlog bavljenja posla bio sam svjedok da u sportskim dvoranama koje se odvijaju nastava školska i

srednja da nam je opremljenost sportskih dvorana sportskim rekvizitima na stvarno minimalno, nikakva gotovo. Od onih običnih lopti a da ne govorim o dalje o spravama gimnastičkim ili nekim strunjačama, ja bih volio da se uvede neki red, da se napravi evidencija škola, šta škole posjeduju a šta bi im bilo potrebno i da se na tome poradi jer ulažemo u tu djecu i tražimo da se bave sportom a nemaju ono osnovno čime bi ih privukli da se bave na časovima tjelesnog ili fizičkog.

To su moje dvije inicijative. Zahvaljujem.

Krenut ćemo sa redoslijedom od pozadi, znači prvi koji ima riječ je uvaženi zastupnik Vukasović Mario.

Poslanik/zastupnik Mario Vukasović:

Zahvaljujem se predsjedavajući. Prije svega iskoristio bih priliku da vas sve srdačno pozdravim u znaku ove ljetne pauze. Ja za danas imam pripremljene tri inicijative.

Prva inicijativa je upućena Ministarstvu finansija Kantona Sarajevo i Vladi Kantona Sarajevo. Naime, zahtijevam od ministarstva finansija Kantona Sarajevo i Vlade Kantona Sarajevo da u roku od 15 dana zatraže od Porezne uprave FBIH spisak svih primanja sa budžeta Kantona Sarajevo kao i sva primanja u svim JU, javnim fondovima, JP, u vlasništvu Kantona Sarajevo u proteklih 12 mjeseci, uključujući i naša primanja, te da se svi spiskovi objave javno po uzoru na spisak koji je objavljen o platama na federalnom nivou 2013 godine. Mišljenja sam da ne postoji nikakva prepreke za ovo s obzirom da je sličan spisak objavljen kako sam već rekao na federalnom nivou te da nije bilo nikakvih ni konsekvenci nakon te objave. Također zahtijevam od Vlade Kantona Sarajevo da objavi imena ilegalnih potrošača vode, kao i imena subjekata koji manipulišu cijenom plaćanja vode, te koliko plaćaju vode a koliko bi realno trebali plaćati vode zbog opšte poznate pojave da ima firmi koje imaju bazene i vodu koriste kao osnovno sredstvo za rad a plaćaju manje račune od privatnih stanova. Smatram da građani kao vlasnici budžetskog novca imaju pravo na ove informacije.

Ovo je bila prva inicijativa.

Druga inicijativa je upućena također Vladi Kantona Sarajevo Ministarstvu saobraćaja Kantona Sarajevo, MUP Kantona Sarajevo kao i Kantonalnoj upravi za inspeksijske poslove. Podnosim inicijativu za hitnim pojačanim inspeksijskim i policijskim nadzorom nelegalnih taksi vozila posebno u večernjim satima. Zaista nije u redu i nije fer da se Zakon ne provodi i ne štiti ljude koji legalno rade svoj posao, koji plaćaju poreze i namete i pune budžetske kase u odnosi na ljude koji jednostavno sjednu u automobilu, ubace taksimetar i nelegalno prevoze putnike. Taksisti o ovome pričaju već godinama, niko ih ne sluša, te se pitam da li postoji možda lobi koji štiti nelegalne taksi prevoznike. Dodatni problem ovdje također jeste i sigurnosni aspekt putnika u vozilu, jer vozilo koje ne posjeduje dozvolu u slučaju bilo kakvog problema jako je teško ući u trag. Drugi dio ove inicijative se odnosi na pojačan policijski i inspeksijski nadzor pojedinih taksi vozila koji rade na taksi štandu na aerodromu od kojih jedan broj ne pali taksimetre i naplaćuje po vlastitom nahođenju te odbija da prevozi putnike, a što je suprotno odredbama zakona o taksi prijevozu u Kantonu Sarajevo koji je usvojen prošle godine. Ovo sve nanosi veliku štetu ugledu našeg Kantona. Na ovaj način baca se mrlja na naš Kanton jer je to prvi susret turista sa našim kantom, te predlažem i pokrećemo praćenje tih vozila od strane inspekcije i policije i metodom slučajnog odabira kako bi se utvrdilo da li postoji problema nakon što vozilo stigne na destinaciju.

To bi bile moje dvije inicijative, zahvaljujem se.

Poslanik/zastupnik Srna Bajramović Segmedina:

Zahvaljujem uvaženi predsjedavajući, dopredsjedavajući, pozdravljam sve prisutne. U skladu sa članom 117 i članom 120 Poslovnika o radu Skupština Kantona Sarajevo predlažem da Skupština danas usvoji sljedeći Zaključak:

Kojim se zahtjeva od Vlade FBiH da što hitnije uputi u proceduru izmjene zakona o pripadnosti javnih prihoda FBiH u sklada sa presudom Ustavnog suda od 10.06.2015 godine u kojoj se nedvosmisleno utvrđuje da odredbama člana 12. Zakona o izmjenama i dopunama Zakona o pripadnosti javnih prihoda u FBiH, povrijeđeno pravo Grada Sarajeva na lokalnu samoupravu. Obrazloženje. Ustavni sud FBiH je utvrdio da su osnovani navodi Grada Sarajeva te da je stupanjem na snagu osporene odredbe ali i ranijim propuštanjem zakonodavnog djelovanja od strane federalnih i kantonalnih vlasti, povrijeđeno pravo na lokalnu samoupravu Grada Sarajeva zagarantovano odredbama Ustava FBiH, Europske povelje o lokalnoj samoupravi te Zakona o principima lokalne samouprave u FBiH. Presude Ustavnog suda FBiH su konačne i obavezujuće te zbog ozbiljnosti situacije u kojoj se Grad Sarajevo nalazi neophodno da Skupština Kantona Sarajevo zaključkom iskaže vrlo jasno svoj stav kada je u pitanju očekivanje i brzina implementacije presude Ustavnog suda FBiH od strane Vlade FBiH. Ja ću vas dakle predsjedavajući zamoliti da se zastupnici izjasne ovom zaključku a ja sam umnožila 35 primjeraka i službu ću zamoliti da to podijeli. I dopustite mi još jedno pitanje. Naime, analizirajući informaciju o stanju broja zaposlenih na dan 31.12.2014 godine prema poreznoj kartici i na dan 30.04.2015 prema poreznoj kartici, koja predstavlja efektivno četiri mjeseca pokazuje da se ostvario porast upošljavanja za 144 novo uposlena što je otprilike 5% od 2716 na 2860 uposlenih. Jasno je iz same informacije da se radi o velikom broju bolovanja i porodijskom odsustvu međutim očigledno je da postoje problemi u kontrolnim mehanizmima resora, spram njihovih odgovornosti iz ustavnih nadležnosti. Postavlja se pitanje kako bi ova informacija izgledala da je obuhvatila analizu svih subjekata u kojima Vlada Kantona ima obavezu nadziranja poštivanja vlastitog moratorija o zapošljavanju. Stoga pitam Vladu Kantona Sarajevo kada planira uraditi sveobuhvatnu analizu zapošljavanja u svim budžetskim korisnicima Kantona Sarajevo za prvih devet mjeseci sa jasnom analizom potreba, postojećih zloupotreba te pregledom mjera za potpunu kontrolu poštivanja vlastitih odluka o moratoriju zapošljavanja. Toliko. Zahvaljujem.

Predsjedavajući:

Zahvaljujem uvaženoj zastupnici Srni Bajramović a Skupština će se o zaključku izjasniti na kraju.

Poslanik/zastupnik Rasim Smajić:

Zahvaljujem predsjedavajući, dopredsjedavajući, ujedno da pozdravim sve prisutne u sali. Ja imam jedno zastupničko pitanje i inicijativu. Naime, moje prvo pitanje se odnosi upućeno je Ministarstvu zdravstva Skupštine Kantona. Iz sredstava informisanja vidimo da je došlo do zastoja i problema u rekonstrukciji objekta DZ Kumrovec Otoka stoga bih želio punu informaciju o tome zašto je došlo do zastoja i problema u rekonstrukciji navedenog objekta jer su kapitalne odluke o ovome donijele i Vlada i Skupština Kantona. Radi se o vitalnom objektu za stanovništvo Novog Grada a i šire. To bi bilo moje zastupničko pitanje.

A drugo je zastupničko pitanje inicijativa koje je upućeno Ministarstvu privrede Skupštine Kantona. Naime, pozdravljam napor Vlade i ministarstva da se uhvate u koštac sa neplatišama vode- takvih primjera ima jako puno. U vezi sa strujom, plinom, komunalijama i tome slično i to postaje praksa. Slično je i sa doprinosima za PIO, zdravstvo, porezi, što znatno utiče na ekonomske tokove u Kanton Sarajevo. Moje pitanje se postavlja, zašto nije pokrenut isti ili sličan postupak sa drugim navedenim neplatišama, zašto je pokrenut postupak samo prema neplatišama vode? A inicijativa se odnosi na to da se pokrene isti ili sličan postupak prema svim neplatišama gore navedenim.

Toliko hvala.

Poslanik/zastupnik Adnan Solaković:

Hvala lijepa. Pozdravljam cijenjeni skup. Mi očigledno od drveta ne vidimo šumu. Htio bih ovom prilikom da gospodin predsjedavajući Skupštine poželim nastavak rada i da podržim ovu inicijativu što ste je vi predložili što se tiče sportista. No međutim, mi kao što sam maloprije rekao od drveta ne vidimo šumu, naš nepotizam nema granice. Čestitam svim sportistima, no međutim zanemarili smo naše sportiste, pa prema tome koji su donijeli mnogo zlata, i u prezentovanju naš Kanton Sarajevo i ujedno i državu. Prema tome, jednu inicijativu bih podnio, a odnosi se na Univerzitetski karate klub Bosna Sarajevo gdje su na Univerzijadi Europe na Žabljaku od 23.-26. osvojili da budem precizan dvije zlatne, pet srebrnih i šest bronzanih medalja. Te želim da pokrenem sa ovim inicijativu da pozove Skupština, premijer, ministar kulture i ministar obrazovanja da obrazuju prijem za naše zlatne momke i djevojke koji su prezentovali Kanton. I po mogućnosti da se refundiraju i troškovi za tu reprezentaciju. Hvala lijepo.

Poslanik/zastupnik Fikret Prevljak:

Gospodine predsjedavajući, dopredsjedavajući, uvaženi premijeru i ministri, kolege, svi prisutni, želim sviju da vas poselamim, i pozdravim. Moja inicijativa je prema Ministarstvu za obrazovanje i nauku. Tražim od ministarstva za obrazovanje i nauku i mlade Kantona Sarajevo da osigura da srednje škole kao javne ustanove i UNSA poštuju odredbe zakona o dopunskim pravima boraca branitelja BIH, koji daju prednost pri upisu djece pripadnika boračke populacije. Obrazloženje smatram da Ministarstvo za obrazovanje i nauku i mlade Kantona Sarajevo treba hitno osigurati poštivanje odredbi zakona o dopunskim pravima boraca, branitelja BIH koji osigurava prednost pri upisu djece pripadnika boračke populacije u srednje škole i visoko školske ustanove. Naime, svjedoci smo da se ove odredbe svjesno krše i uskraćuje pravo na dalje školovanje djeci pripadnika ove populacije. Imajući u vidu navedeno pokrećem ovu inicijativu i ujedno tražim od ministra da dostavi informaciju o radnjama koje Ministarstvo planira poduzeti u cilju realizacije ove inicijative. Ovo me je ponukalo pošto smo svjedoci ovih zadnjih upisa žao mi je što boračka populacija da uzmemo koji nisu iz našeg Kantona van našeg Kantona, Mostar, Tuzla, Goražde nisu u stanju da upišu svoju djecu i da imaju ovdje prednost. Zbog toga ne želim da prema boračkoj populaciji naš Kanton pravi razliku jer znamo da za ovaj Kanton mnogi borci su se borili i ratovali ali su se silom prilika normalno vratili se poslije rata na svoje ognjište i ne žive na ovom kantonu i ne želim da im to uskratimo. Hvala.

Poslanik/zastupnik Haris Pleho:

Hvala lijepo predsjedavajući, prije svega želim sve srdačno da pozdravim i poselamim kao i gledaoce ispred malih ekrana. Ja imam dva zastupnička pitanja. Jedno pitanje se odnosi za Ministarstvo komunalne privrede a drugo za Ministarstvo obrazovanja. Prvo pitanje: u posljednje vrijeme bilo je više obavještenja preko medija od mjesnih zajednica iz okolnih područja gradske deponije vezano za širenje neugodnih mirisa sa istog. MZ su više puta obraćale na zahtjev građana nadležnoj inspekciji. Iz MZ Alipašin most 1 dobili smo informaciju da je izvršen inspekcijski nadzor 12.09.2014 godine u kojem stoji: Problem je nastao uslijed provođenja radnji traženja nestalih osoba od strane Tužilaštva BIH. Tim putem došlo je do uništenja zaštitne folije i da sredstva za saniranje treba obezbjediti Kantona Sarajevo. Pitanje je sljedeće: da li Kanton namjerava obezbjediti sredstva za saniranje ove nastale štete i ako namjerava, kada to planira učiniti?

To je jedno pitanje.

Drugo pitanje za Ministarstvo obrazovanja. Zašto se ukida jedno odjeljenje prvačića u OŠ Mak Dizdar na Otoci i spaja sa druga dva? Obrazloženje: nemoguće će biti raditi sa preko 30 djece u jednom odjeljenju koja neće moći zbog uzrasta pratiti nastavu niti biti adekvatno

pripremljena za nastavak školovanja. Učiteljica ne može adekvatno raditi zbog uzrasta djece i nastava neće imati svrhe. Roditelji su spremni da protestuju pa čak i da ispisuju djecu iz ove škole zbog ministarstva obrazovanja Kantona Sarajevo kako su naveli koje je obećalo da će biti tri razreda i kao takva bila su formirana. Sve do jutros kada im je rečeno da moraju biti samo dva razreda. Molim odgovor da li je ovo istina i da nam da obrazloženje odmah ministar obrazovanja. Hvala lijepa.

Poslanik/zastupnik Mersiha Omerbegović:

Zahvaljujem uvaženi predsjedavajući. Pozdravljam sve prisutne kao i građane Kantona Sarajevo koji prate današnje zasjedanje. Ja imam zastupničko pitanje i upućujem ga Vladi Kantona Sarajevo. Na sjednici održanoj održanoj 29.04.2015 godine pokrenula sam inicijativu da Vlada Kantona Sarajevo putem resornog ministarstva od svih općina u Kantonu Sarajevo pribavi informaciju o stepenu realizacije skupštinske odluke o legalizaciji bespravno izgrađenih objekata analizira stanje, rokove i probleme u primjeni te nakon detaljnije analize predloži izmjene i dopune iste. S obzirom da nisam dobila informaciju o realizaciji navedene inicijative postavljam pitanje Vladi: Da li su od općina pribavljene informacije o stepenu realizacije skupštinske odluke o legalizaciji bespravno izgrađenih objekata, da li je resorno ministarstvo sačinilo analizu stanja zadatih rokova te problema u primjeni odluke i da li je resorno Ministarstvo poduzelo mjere shodno rezultatima analize? Obrazloženje je sljedeće: na osnovu člana 18 Odluke o legalizaciji građevina općine utvrđuju posebnu naknadu za legalizaciju građevina a ista se uplaćuje zavodu za izgradnju Kantona Sarajevo. Na osnovu informacije od građana kojih se ova odluka tiče, bez obzira na eventualne pogodnosti plaćanja, postoje objektivne prepreke zašto se u propisanom roku ne uspijevaju podnijeti zahtjevi za legalizaciju. Nerijetko su to imovinsko pravni odnosi, procedura dobivanja potrebnih saglasnosti, izrada projekata za objekat ali i imovinska situacija zbog koje građani najčešće nisu u mogućnosti izmiriti svoje obaveze. Ilustracije radi, prema podacima iz izvještaja o radu i finansijskom poslovanju Zavoda za izgradnju Kantona Sarajevo za 2014 godinu stanje na računu posebne naknade za legalizaciju građevina izdatih bez odobrenja za građenje na dan 31.12.2014 iznosi cca 1,8 miliona KM. A kratkoročna potraživanja na ime neizmirenih obaveza po izdatim rješenjima za legalizaciju iznose cca 8 miliona KM. Ovaj odnos ukazuje da je mnogo više onih koji ne mogu izmiriti svoje obaveze u važećem roku. Ovaj problem istaklo je i Pravobranilaštvo Kantona Sarajevo u svom izvještaju o radu za 2014 godinu, i to kao prepreku u postupku pokretanja postupku utvrđivanja prava vlasništva u korist Kantona Sarajevo u skladu sa zakonom o stvarnim pravima FBiH Službene novine FBiH 33/13. veliki dio imovine Kantona nije uknjižen u zemljišne knjige te je neophodno da se ili produže rokovi legalizacije bespravno izgrađenih objekata ili da se ukinu svi rokovi za legalizaciju objekata koji su vlasništvu Kantona Sarajevo. Na osnovu ovog podatka kao i na osnovu dostupnih informacija od građana koji se predmetna odluka tiče smatram da je potrebno napraviti presjek stanja od zadnje izmjene odluke o legalizaciji bespravno izgrađenih objekata koja je bila 2012 godine do sada, te napraviti detaljnu analizu i na bazi iste predložiti Skupštini izmjene i dopune odluke. Zahvaljujem.

Poslanik/zastupnik Amel Mekić:

Dobar dan. Hvala vam predsjedavajući. Koristim priliku da pozdravim gledaoce ispred malih ekrana, premijera, ministre, zastupnike, i naravno sve goste na današnjoj Skupštini. Inicijativa da se atletskom klubu Sarajevo dodijele sredstva u iznosu od 40.000 KM za renoviranje tartan staze. U razgovoru sa ministrom, gđinom Semirom Rešidatom dogovorili smo se da se sredstva prebace sa koda koji je bio namijenjen EYOF-u u iznosu od 90.000 KM a pošto je EYOF odgođen sredstva su slobodna. I ja moram da se osvrnem na probleme finansiranja sporta pošto sam ujedno i predsjednik Komisije za kulturu i sport. Problem nastaje u izdvajanju jer znamo da Kanton na nivou izdvaja 0,49% da su europski normativi za

izdvajanje za sport je 2%. Tako mogu da pročitam i zaključke komisije koja predlaže Vladi Kantona naravno i premijeru da se za budžet u 2016 godini izdvoji 2% ako je to moguće jer znamo da ako nema sredstava neće biti ni rezultata. I ovom prilikom koristim priliku da gđinu Rešidatu čestitam rođenje djeteta i da nam se što brže vrati da počnemo da radimo ove izmjene i promjene koje smo počeli u Ministarstvu kulture i sporta. Toliko od mene i hvala.

Poslanik/zastupnik Zvonko Marić:

Hvala gospodine Bukva. Koristim priliku da pozdravim sve gledatelje koji prate ovaj prenos i sve prisutne u Sali, predstavnike Vlade dakle i kolege dame i gospodu zastupnike. I naravno uvažene goste. Ne znam malo konfuziju ste gospodine Bukva izazvali, jer ako idete po abecednom redu, čini mi se da smo ja i gospodin Mekić trebali prije nego kolegica Omerbegović.

Predsjedavajući:

Ne čujem vas, možete li samo mikrofon.

Poslanik/zastupnik Zvonko Marić.

Ne znam ako idete po abecedom redu, ne mogu da ne primijetim da smo trebali ja i gospodin Mekić prije imati pravo da govorimo nego gđica ili gđa Omerbegović pa ne znam da li je to konfuzija oko abecede ili je ovako po stranačkoj liniji.

Predsjedavajući:

Može li samo kratka digresija. Znači greška je u spisku. Ovaj djevojačko je Mehmedović pa zbog toga bila je greška u spisku.

Poslanik/zastupnik Zvonko Marić.

Znate šta. Imam puno dilema vezanih za ovu instituciju postavljanja zastupničkih pitanja i inicijativa, ponekad mi se čini da nemam svrhu iz prostog razloga što se suočavamo sa neozbiljnošću onih koji odgovaraju na naša pitanja koja mi postavljamo u ime onih koji su nas birali. Ja ponovo imam situaciju gdje je MUP odgovorio na sramotan način, neodgovoran, neozbiljan, evo ja mogu pokazati ovaj papir na moje zastupničko pitanje a vezano je za broj predmeta podnesenih prijava prema tužiteljstvu i broj odbijenih. I on nije potpisan. Ja sam ga barem tako dobio a trebao ga je potpisati gospodin Predrag Kurteš ministar i ne bih volio da komentiram ovo ali bih molio i premijera i Vladu da utiču na te na te institucije i te ljude odgovorne da postavljaju da odgovaraju na naša pitanja sasvim odgovorno i ozbiljno jer nas na taj način vrijeđaju. A Vladi također i premijeru sasvim sigurno ne treba ta vrsta reputacije. Da propušta takve stvari. S druge strane imamo odgovor (nerazumljivo) upućeno to pitanje iz Tužiteljstva. I ja čestitam tužiteljici Burzić na ovom aktu ali ću zatražiti jedno malo potpitanje koja je odgovorila vrlo principijelno čini mi se. I podaci su na žalost užasni, užasniji nego što sam ih ja predstavio prilikom postavljanja pitanja. Zamislite samo za prvih šest mjeseci od 4864 zaprimljenih prijava protiv nepoznatog izvršitelja Tužiteljstvo je zbog nepostojanja dokaza odbilo 2855 predmeta. Pa zamislite šta to zapravo govori o radu MUP-a? Druga stvar tužiteljica navodi da je veliki problem tužiteljstva što postoji 110.000 ponavljam 110.000 predmeta protiv nepoznatog izvršitelja koji nisu procesuirani. Neću da komentiram ovo da ne bih oduzimao vrijeme i postaviti ću sljedeće pitanje ako mi dozvolite. Naime Općina Stari Grad je uputila jednu protestnu notu a vezano je za moram kazati.

Predsjedavajući:

Oprostite gospodine Mariću ja stvarno moram prekinuti 3 minute i 30 sekundi. Dao sam vam 30 sekundi više zato što sam ja vam uzeo ali stvarno pismeno pošaljite pitanje vrijeme je isteklo.

Poslanik/zastupnik Zvonko Marić.

Vi ćete dobiti ali neko od mojih kolega će ga postaviti.

Predsjedavajući:

Pošaljite pitanje, vrijeme je isteklo. Zahvaljujem se. Hvala.

Poslanik/zastupnik Predrag Kojović:

Zahvaljujem predsjedavajući. Ja bih samo pokušao koliko budem u prilici da o jednoj vrlo važnoj stvari progovorim u ove tri minute a radi se o Zakonu o utvrđivanju i ispitivanju porijekla imovine izabranih dužnosnika i imenovanih nosioca funkcija u Kantonu Sarajevo. Radi se o Zakonu koji je svojevremeno poslanik Konaković prije par godina predložio, koji je prošao, izrađen je kao nacrt, poslan u javnu raspravu, vratio se iz javne rasprave, iz nekog misterioznog razloga izostavljen iz programa i rada Skupštine za 2015 godinu da bi također na intervenciju sada premijera Konakovića bio vraćen, zaduženo Ministarstvo pravde da ga ovdje da Skupština donese 2015 godine u septembru i mi taj danas Zakon nemamo. Ja ne mogu da kažem samo da se radi o jednom takvom ameterizmu i diletantizmu pogotovo što imam informaciju da je to Ministarstvo pravde odbilo da radi na tom Zakonu i sada se formira neka kvazi grupa u koju se pozivaju i naši divni studenti sa pravnog fakulteta da pišu jedan od najvažnijih zakona. Pogotovo što ministar dolazi iz stranke koja je na sav glas jedinu agendu koju je imala je bila borba protiv korupcije i kriminala ali očigledno da ima neki organski otpor prema donošenju ovog vrlo jednostavnog Zakona koji postoji u mnogim drugim državama. I mene samo zanima odgovor na pitanje zašto ministar nije zašto taj Zakon nije na današnjoj sjednici i pitanje premijeru Konakoviću da li će tražiti odgovornost ministra zato što taj Zakon nije danas na ovoj sjednici? Hvala.

Poslanik/zastupnik Bibija Kerla:

Prije svega želim da pozdravim sve prisutne, želim da pozdravim gledaoce pored malih ekrana, zahvaljujem se predsjedniku Skupštine na ukazanom vremenu. Prije svega isto tako želim da se zahvalim na odgovoru Ministarstvu pravde gđinu Smajkanu na moje poslaničko pitanje o smanjenju vijećnika, delegata u opštinama, kantonima, i Domu naroda. Ali ga prije svega molim da mi pomogne da krenemo u realizaciju ovog prijedloga da mi pomogne oko izrade zakona o smanjenju svih ovih struktura koje odnose veoma puno para što se tiče Kantona Sarajevo a i samih institucija u FBiH. Također se zahvaljujem ministru okoliša koji je odgovorio na moje pitanje oko izgradnje luksuznih vila iznad Vrela Bosne i tačno je to da su opštine zadužene što se tiče prodaje zemljišta ali me interesuje ko je zadužen za izdavanje dozvola da se grade te vile iznad samog Vrela Bosne, koje je zaštićeno, znamo mi vrlo dobro zbog čega i zašto. A što se tiče moje inicijative i mog zastupničkog pitanja danas, ono se tiče saobraćajne infrastrukture u Opštini Ilijaš. Kao prvo, autoput, na autoputu Sarajevo Zenica izlaz Ilijaš nema uopšte oznake Ilijaša ima samo oznaku Breza i Vareš. Meni se vrlo puno ljudi javilo koji kažu da oni jednostavno ne znaju gdje je izlaz za Ilijaš pa me interesuje zašto je to teško na dva saobraćajna znaka postaviti oznaku Ilijaša? Pod broj dva, ljudi moji ja nemam ništa protiv Turske. Turska je otišla prije 500 godina iz BiH, međutim ja danas se susrećem na saobraćajnim znakovima dobrodošlicu na turskom jeziku. Ne znam ko je to dozvolio i pod čijom ingerencijom je sve to. Pod broj tri, u Ilijašu na željezničkoj pruzi nema uopšte saobraćajnih znakova da je to željeznička pruga. Nema signalizacije. Do sada se desilo da imamo tri saobraćajna slučaja u Ilijašu i ja molim one koji su stvarno zaduženi da se

pozabave tim pitanjem jer vozovi svakodnevno prolaze ja se bojim da ne dođe ponovo do tih smrtnih slučajeva. I kao četvrto, pokrećem inicijativu za postavljanje saobraćajnih odnosno autobuskih stajališta u Lješevu Opštini Ilijaš jer znamo da tamo postoji osnovna škola i veoma veliki broj stanovnika međutim jednostavno nema uopšte znaka gdje je uopšte autobuska stanica u Lješevu. Toliko od mene i hvala lijepa.

Poslanik/zastupnik Ismir Jusko:

Poštovani predsjedavajući, premijeru, svi prisutni u Sali, gledaoci pored malih ekrana, srdačno vas pozdravljam. Moja inicijativa upućena je na Ministarstvo komunalne privrede i infrastrukture sa adresom na KJKP RAD. Veliki broj građana naših s jedne strane se žalio a s druge strane traži molbu da se u jutarnjim satima pogotovo u periodu između 6,30 i 8,30 oni radnici koji rade na odvozu smeća pogotovo na ovim frekventnim pristupima glavnoj cesti promijeni njihov raspored odvoza smeća, pogotovo ponedjeljkom zato što se stvaraju veliki saobraćajni čepovi, nervoza između vozača i onih koji rade na odvozu smeća nekada je malte ne pred incidentom, pogotovo sada u vrijeme kada imamo i veliki broj roditelja koji voze školarce u školu. Da bi se izbjegle takve neugodne situacije i za jedne i za druge od dispečerske službe tražimo samo da promijeni raspored odvoza smeća pogotovo ponedjeljkom kada u toku vikenda se nakupe gomile smeća onda na nekim lokacijama radnici komunalnog ostaju po deset do 15 minuta ne trebamo biti previše stručni da znamo na frekventnim ulicama kao što su Opština Stari Grad, Centar, Novo Sarajevo i Novi Grad koliki se čepovi stvore. Onda imao situaciju da neko ko je zakasnio u Opštini Stari Grad napravi saobraćajnu nesreću u Opštini Stari Grad zbog toga što je žurio na posao ili već neku drugu lokaciju. Mislim da ovo nije problem za dispečersku službu i da bez ikakvih problema ovo može riješiti. S druge strane na adrese na pitanje KJKP VIK naše građane interesuje da li zbog nedostatka vode i redukcije u momentu kada je na snazi opet dolazak vode protok zraka intenzivan da li je tačno da taj protok zraka na mjernim instrumentima stvara veće račune nego što je to uobičajeno da niko ne želi da plaća protok zraka već vode. Neka stručna služba se oglasi po pitanju ovoga i zadovolji znatizelju naših sugrađana. Ja ću se također nadovezati na ovo što je rekao moj kolega Marić ovaj put ću biti hajde da tako kažem izuzetno ljubazan i pristojan i zamoliti stručne službe kojima postavimo inicijative da nam u zadatim rokovima odgovore na njih. Mi odgovaramo našim građanima i oni sada pola miliona ljudi sada nas gleda i traže od nas da im dostavimo odgovore koje su postavili. Ako to nisu u stanju da urade neka nam kažu. A ne da mi izigravamo samo ovdje marionete koje dostave pisane tragove i ne dobijemo odgovore. Ima inicijativa koje su naše kolege postavile prije šest mjeseci i nismo dobili odgovore na njih. Ja vas molim da se zasuču rukavi i da radimo. Da radimo svi kao jedan tim kao što je to rekao premijer na samom početku jer jedino tako možemo opravdati povjerenje koje su nam ovi ljudi dali. Hvala.

Poslanik/zastupnik Selma Filipović:

Koristim priliku da pozdravim sve prisutne a posebno građane pored malih ekrana. Kao zastupnik u dva saziva Skupština Kantona Sarajevo više puta sam tražila od Skupštine Kantona Sarajevo, Vlade Kantona kao i resornog ministarstva, Ministarstva unutrašnjih poslova da se očituje da se raspravi i da se donesu potrebne mjere i radnje u vezi sa osiguranjem većeg stepena sigurnosti svih građana Kantona Sarajevo. Svjedoci smo svakodnevne nesigurnosti, počinjenja teških krivičnih djela protiv imovine i ljudi, kao i na čemu posebno insistiram, povećanim nesigurnosti u oblasti sigurnosti saobraćaja. Iz dana u dan naši građani moraju trpiti naročito u noćnim satima trke automobila na gradskim saobraćajnicama, lude vožnje motorima kao i povećani broj otuđenih vozila. Ovo uveliko ometa savjesne vozače i stvara sliku nesigurnosti i nepostojanja pravne države i agencije koje bi trebale provoditi istu a koje su po ustavu i zakonu dužne da osiguraju sigurnost red i mir našim građanima. Tragično je da naši građani osjećaju sigurnost a to smo mogli čuti iz brojnih izjava u medijima samo u onim situacijama kada naš glavni grad posjećuju strane delegacije

ili visoki državnici i velikodostojnici. Za pohvalu je da naša policija ima resurse da osigura red i mir i sigurnost građana u takvim situacijama što se argumentovano može potvrditi po realizaciji posjete pape Franje Sarajevu ali nema opravdanja da se ta sigurnost okonča momentom odlaska istih iz našeg grada. Nedopustivo je da grupice obijesnih kriminogenih, nemoralnih ljudi drže Kanton Sarajevo u opsadi. Kako drugačije opisati stanje u kojem u ovom slučaju strani turisti nedužni izgube život i budu teško povrijeđeni van saobraćajnice na trotoaru, tramvajskom stajalištu preko puta predsjedništva BIH? Kakvu poruku Sarajevo kao potencijalni turistički magnet šalje ljudima koji bi trebali doputovati u njega? Da li smo mi toliko bogata država da nam ne treba novac od turizma? Da ne želimo naplatiti kazne od neodgovornih vozača, da je kaznena politika u korist počinioca a ne u korist osiguranja sigurnosti i reda. Da se neodgovorni pojedinci i kriminogene grupe izruguju i omalovažavaju predstavnice agencija za zaštitu zakona. U proteklom periodu sam informisana od velikog broja građana Kantona Sarajevo o neprofesionalnom i koruptivnom ponašanju službenih osoba, policajaca na ulicama Kantona Sarajevo dobacivanje djevojkama, razgovori o prekršaju uz kafu, razgovor o prekršaju sa traženjem protuusluga u hrani itd. Te vas ovim putem molim uvaženi ministre, gospodine Kurteš da povedete računa o stanju u redovima u MUP-a jer za to primete platu. Na kraju postavljam pitanje koje konkretne mjere i radnje i u kojem roku će MUP poduzeti s ciljem smanjenja stope nesigurnosti u našem kantonu? Hvala lijepo.

Poslanik/zastupnik Amar Dovadžija:

Zahvaljujem predsjedavajući. Selamim i pozdravljam sve prisutne kao i gledatelje pored malih ekrana. U ime Kluba zastupnika SDA i u svoje lično ime podnosim inicijativu prema Ministarstvu privrede za preduzimanje potrebne aktivnosti na izradi novog zakona o turizmu na nivou Kantona Sarajevo. Razlog za donošenje kantonalnog zakona o turizmu je sljedeći: Na nivou FBIH usvojen ne novi Zakon o turističkoj djelatnosti koje reguliše pitanje turističke djelatnosti. S obzirom da se radi o podijeljenoj nadležnosti, te o činjenici da isti nije uopće tretirao oblasti Kantona, ukazuje se potreba da se i na nivou Kantona Sarajevo obavljanje turističke djelatnosti sa svim svojim specifičnostima reguliše novim zakonom. Svojim rješenjem novi kantonalni Zakon bi doprinio unapređenju i bržem razvoju turizma kroz podizanje ukupnih kvaliteta turističke ponude Kantona Sarajevo. Također, ovim zakonom bi trebalo regulisati ustrojstvo i rad turističke zajednice Kantona Sarajevo. S obzirom na činjenicu da je presudom Ustavnog suda FBIH od 3.07.2014.godine kojom je utvrđeno da je Zakon o turističkim zajednicama u promicanju turizma u FBIH nije suglasan Ustavu FBIH. U tom pravcu neophodno je što prije donijeti novi Zakon o turizmu Kantona Sarajevo kako bi se stvorile pravne pretpostavke za regulisanje navedene problematike. Hvala.

Dopredsjedavajući Sabahudin Delalić:

Zahvaljujem predsjedavajući, sve srdačno selamim i pozdravljam. Pitanje je upućeno ministru komunalne privrede i infrastrukture. Vlada je svojim zaključkom od 18.06.2015.godine na prijedlog ministarstva komunalne privrede i infrastrukture dodijelila poslove održavanja javne rasvjete KJKP Park te istim zaključkom ovlasila Park da u slučaju većeg obima kvarova na javnoj raspravi može angažovati podizvođače uz saglasnost ministarstva komunalne privrede i infrastrukture. Moje pitanje ministru glasi: Da li je KJKP Park angažovao podizvođača i ako jeste o kom se podizvođaču radi? Te da li je Ministarstvo dalo saglasnost za tog podizvođača? I pitanje za ministra pravde i uprave: da li je navedeni zaključak u skladu sa Zakonom o javnim nabavkama? Zahvaljujem.

Poslanik/zastupnik Eldar Čomor:

Uvaženi predsjedavajući, dopredsjedavajući, premijeru, ministri u Vladi Kantona Sarajevo kolegice i kolege zastupnice i zastupnici, poštovani građani Kantona Sarajevo esselamu

alejkum i dobar dan. Pokrećem inicijativu prema Ministarstvu za obrazovanje, nauku i mlade Kantona Sarajevo da se odmah pristupi aktivnosti na utvrđivanju prekršajne i eventualne krivične odgovornosti direktora osnovnih i srednjih škola kao i JU na području Kantona Sarajevo. Obrazloženje: smatram da mi Ministarstvo za obrazovanje nauku i mlade Kantona Sarajevo treba hitno pristupiti aktivnostima na utvrđivanju prekršajne i eventualno krivične odgovornosti istih kao direktora JU na području Kantona Sarajevo. Naime, u javnosti je poznata činjenica da je određeni broj direktora osnovnih i srednjih škola zloupotrebjavao zakonom dato ovlaštenje na način da je suprotno pozitivnim zakonskim propisima donosio odluke iz svoje nadležnosti. Navedena pojava je najznačajnije izražena u postupku prijema zaposlenika. U tom smislu tražim da Ministarstvo uputi zahtjev Upravi za inspeksijske poslove da putem inspeksijskog nadzora utvrdi koji su direktori zloupotrijebili data ovlaštenja te da iste prekršajima ili krivično procesuiru u ovisnosti od težine zloupotrebe službene dužnosti. Smatram da bi Ministarstvo pored navedenih aktivnosti trebalo i naložiti školskim odborima da po hitnom postupku pokrenu smjenu direktora u slučaju dokazanog kršenja zakona. Imajući u vidu navedeno, pokrećem ovu inicijativu i ujedno tražim od ministra da dostavi informaciju o radnjama koje Ministarstvo planira preduzeti u cilju realizacije ove inicijative. Druga inicijativa, pokrećem inicijativu za postavljanje usporivača brzine, tzv. ležećih policajaca u Ulici Anđelka Lažetića, centralnoj ulici u Pazariću i centralnoj ulici u Tarčinu općina Hadžići. Početak je školske godine a kroz navedene ulice kreće se ogroman broj djece. Radi se o hiljadama djece. Ulica od centra Hadžića do naselja Grivići, centralna ulica u Tarčinu su nedavno rekonstruisane, opravljene te pojedini nesavjesni građani, odnosno vozači koriste tu ljepotu i ugođaj odnosno kvare tu ljepotu i ugođaj i voze velikim brzinama. Postavljanje istih bi ih u tome spriječilo a isti bi doprinijeli većoj sigurnosti djece i građana. Pošto imam vremena, možda nemam pravo ali ću se samo priključiti vezano za ovu kratku diskusiju o sportu. Ono što ste pričali, u potpunosti podržavam. Ali i da imamo desetina miliona maraka, ako nemamo pravilnike na osnovu kojih ćemo to raspodijeliti onda mislim da tu imamo problem. Džaba vam Zakon o sportu, ako nemamo podzakonske akte kako ćemo raspodijeliti ta sredstva. Nije to samo u Ministarstvu kulture i sporta, već u svim ministarstvima. Stoga postavljam pitanje, svim ministarstvima, cjelokupnoj Vladi Kantona Sarajevo: koliko podzakonskih akata po izglasanim zakonima od strane Skupštine Kantona Sarajevo su ministarstva bila dužna utvrditi, izraditi i propisati. Koliko ih je urađenih i koji su to podzakonski akti? Koliko ih je ne urađenih i koji su to podzakonski akti? Da vidimo kao zastupnici šta se dešava nakon nas, donošenja zakona ovdje.

Poslanik/zastupnik Mirza Čelik:

Zahvaljujem predsjedavajući. Koristim priliku da pozdravim sve prisutne kao i gledaoce pored malih TV ekrana. U skladu sa Poslovníkom Skupštine podnosim inicijativu Ministarstvu privrede za izmjenu i dopunu zakona o vodama Kantona Sarajevo, Sl. Novine Kantona Sarajevo broj 18/10. u dijelu koji se odnosi na član 42 Zakona o vodama, kojim se propisuje donošenje odluke o zaštiti izvorišta. Razlozi za izmjenu i dopunu zakona o vodama Kantona Sarajevo su sljedeći:

- Ministarstvo prostornog uređenja, građenja i zaštite okoliša Kantona Sarajevo je u prethodnom periodu pokrenulo i završilo aktivnosti koje prethodi donošenju odluke o zaštiti izvorišta vode za piće Sarajevsko polje kojeg čine izvorišta Bačevo, Konaci, Sokolović kolonija. Završeni su istražni radovi na osnovu kojih je sačinjen elaborat zaštite izvorišta i dat prijedlog odluke o zaštiti izvorišta. Istražnim radovima je utvrđeno da granice vodozaštitnih zona izvorišta obuhvataju područje FBiH i područja RS-a. Te je shodno Zakonu o vodama Sl. Novine FBiH 70/06 neophodno sporazumno donošenje odluke i usaglašavanje mjere zaštite. U prethodnom periodu Kanton Sarajevo putem ministarstva prostornog uređenja, građenja i zaštite okoliša vodio niz aktivnosti sa federalnim ministarstvom

poljoprivrede, vodoprivrede i šumarstva kako bi se donijela odluka o zaštiti izvorišta Sarajevsko polje. Zbog neusaglašenosti propisa koji se odnose na zaštitu izvorišta u FBiH i propisa zaštite izvorišta RS-a te zbog negativnog mišljenja Općine Istočna Ilidža broj 01012-981/15 od 28.07.2015.godine Odluku nije moguće donijeti pa je neophodno da se do usaglašavanja propisa na nivou entiteta donese privremena odluka kojom bi se zaštitilo izvorište vode za piće Sarajevsko polje od daljeg zagađivanja. U tom pravcu neophodno je što prije izmijeniti i dopuniti Zakon o vodama Kantona Sarajevo kako bi se stvorile pravne pretpostavke za donošenje privremene odluke. Zahvaljujem.

Poslanik/zastupnik Nermin Bjelak:

Hvala gospodine predsjedavajući. Pozdravljam vas kao i sve prisutne u Sali i građani Kantona Sarajevo. Moje današnje izlaganje bit će upućeno premijeru Kantona Sarajevo. Moje pitanje glasi: da li postoji strategija Vlade Kantona Sarajevo o eventualnom prihvatu izbjeglica iz bliskoistočnih zemalja koji se ovih dana dešava u našem susjedstvu što najvjerovatnije neće ni nas zaobići. I drugo pitanje da li je istina koja je obavljena ovih dana u sredstvima informisanja da je u nekim ministarstvima i njima odgovornim institucijama primljen određeni broj ljudi bez odobrenja i saglasnosti Vlade Kantona Sarajevo koja je donijela Uredbu o zabrani zapošljavanja u kantonalnim institucijama do 31.12.2015 ? hvala

Poslanik/zastupnik Ana Babić:

Dobar dan. Pozdravljam vas predsjedavajući, sve u sali i naravno naše gledatelje. Ja imam jedno zastupničko pitanje. Dana 10.09.2012 godine Vlada Kantona Sarajevo je usvojila odluku o povratu finansijskih sredstava općinama za javna skloništa. Tom prilikom i tom odlukom općini Stari Grad treba da se izvrši povrat sredstava za održavanje, izgradnju skloništa u iznosu od 157.079 KM. Ova odluka do današnjeg dana nije realizovana, odnosno realizovala se djelimično. Naime, dolaskom nove Vlade Kantona Sarajevo u martu ove godine imenovanjem Jasmina Halebića za ministra finansija ova odluka je počela da se realizira. Na žalost od šest općina koje su na listi za povrat sredstava samo Općina Stari Grad i Centar nisu dobili povrat sredstava. Mišljenja sam da ne smijemo vršiti samo diskriminaciju među općinama Kantona Sarajevo i smatram da bi sve općine trebale biti jednako tretirane kako u Vladi Kantona Sarajevo tako i za ministra finansija. Naime, javno protestujem zbog načina raspodjele sredstava, to jest uplate sredstava koja su predmet ove odluke. A koja se očito vrši prema stranačkom opredjeljenju načelnika. Naime, znamo da upravo ove općine nisu načelnici SDA. Hvala lijepo. Također bih rekla ono što su moje kolege rekly, da nam se uredno ispoštuju odgovori na naša postavljena pitanja i inicijative jer mislim da dajemo pogrešnu poruku našim gledateljima. Hvala lijepo.

Poslanik/zastupnik Neira Avdibegović:

Hvala gospodine predsjedavajući. Pozdravljam sve prisutne u Sali kao i gledaoce koje prate naše današnje zasjedanje. Ja danas imam dvije inicijative. Pokrećem inicijativu da Vlada Kantona Sarajevo do naredne sjednice Skupštine Kantona Sarajevo predloži rješenje problema sa kojima se susreće preduzeće BAKS – Energotehnika dd Vogošća a koje isporučuje toplotnu energiju najvećem dijelu stanovništva i privrednih subjekata u urbanom dijelu Vogošće. U nastavku dajem kratko obrazloženje: Vlada Kantona Sarajevo je većinski vlasnik sa udjelom 66,6% preduzeća BAKS Energotehnika d.d. Vogošća. Ovo preduzeće se susreće sa brojnim problemima u poslovanju uslijed kojih nije u mogućnosti finansirati isporuku toplotne energije. S obzirom da je već mjesec septembar i da je grijna sezona na pragu velikom broju privrednih subjekata i stanovništva, a radi se o preko 700 stanova, prijati opasnost da ostanu bez grijanja u predstojećoj grijnoj sezoni. Ukoliko izostane reakcija na

ovakvo stanje, Vogošćanima će se uskratiti pravo na normalan i dostojanstven život kakav dolikuje 21 vijeku. Shodno navedenom zahtijevam od Vlade da što hitnije poduzme aktivnosti na rješavanju ovog problema jer Vogošćani ne smiju biti tretirani kao građani drugog reda. Također ukazujem na besmisleni situaciju sa Peračkim vrelom gdje jedno JP BAKS Energotehnika dd Vogošća prodaje vodu drugom JU VIK doo Sarajevo a oba su vlasništvo Kantona Sarajevo. Prema mojim saznanjima kapacitet Peračkog vrela je puno veći, njegovim uključivanjem u sistem vodosnadbijevanja velikim dijelom bi se riješio gorući problem redukcija vode sa kojima se svakodnevno susreću građani Kantona Sarajevo.

Drugu inicijativu upućujem Ministarstvu za obrazovanje nauku i mlade da izvrši analize i utvrdi postojanje potrebe za uvođenjem dvokratnog radnog vremena u vrtićima JU Djeca Sarajeva. Obrazloženje je sljedeće: uzimajući u obzir da se mnogi roditelji danas bave zanimanjima koja zahtijevaju dvokratno radno vrijeme i dežurstva tako da radni dan nerijetko završava u kasnim večernjim satima, predlažem da Ministarstvo za obrazovanje nauku i mlade u roku od 30 dana provede anketu u vrtićima JU Djeca Sarajeva i utvrdi da li su roditelji zainteresovani za organizovanje rada u dvije smjene. Neusklađenost radnog vremena i javnih predškolskih ustanova sa radnim vremenom roditelja značajno otežava organizaciju porodice i utiče na količinu kvalitetno provedenog vremena njenih članova. Na osnovu rezultata ankete moći će se utvrditi eventualna potreba za organizovanjem popodneve smjene u određenim vrtićima. Također predlažem da se minimalno polugodišnje pruži mogućnost roditeljima da se izjasne kakvo im radno vrijeme vrtića odgovara kako bi se isto moglo maksimalno prilagođavati potrebama roditelja. Hvala.

Predsjedavajući:

Zahvaljujem uvaženoj zastupnici Avdibegović. Pošto nemamo više prijavljenih za pitanja i inicijative zaključujem ovu raspravu.

Poslanik/zastupnik Safet Mešanović:

Uvaženi predsjedavajući, dopredsjedavajući, uvaženi ministri, premijeru i kolege zastupnici, uvaženi gosti, gledatelji pored malih ekrana, ja vas selamim srdačno i pozdravljam. Dakle često puta mi zastupnici znamo postaviti pitanja i inicijative i nekada dobijemo a nekad ne dobijemo odgovor ali ja ću evo sada moram biti iskren i reći da u dosadašnjem svom radu postavio sam tri pitanja odnosno inicijative i moram reći da sam veoma zadovoljan dinamikom i realizacijom postavljenih odnosno lociranih problema. Moram reći da su ministar Lukić, ministar Mujo Fišo, ministar Hasan Efendić zaista se potrudili za sve ono što smo naveli kao probleme. Naravno koordinacija premijera ovo zaista ne podilazim nikome. Ali sve ono što smo tražili zaista se promptno reagovalo i onoliko koliko se brzo moglo rješavati od tih problema. Ja se zahvaljujem i nadam se da ćemo ostati u ovakvim trendovima rješavanja ovih problema koji tište nas i naše građane. Hvala lijepo.

Predsjedavajući:

Zahvaljujem uvaženom zastupniku Mešanoviću. Prije nego se izjasnimo o zaključku uvažene zastupnice Srne Bajramović dajem riječ premijeru Konakoviću da odgovori na pitanje.

Premijer Elmedin Konaković:

Poštovani predsjedavajući, poštovani dopredsjedavajući, sekretaru Skupštine Kantona Sarajevo, poštovane zastupnice, zastupnici u Skupština Kantona Sarajevo, ministrice, ministri u Vladi Kantona, poštovani direktori JU, predstavnici udruženja, gosti, cijenjeni gledaoci TVSA, Esselamu alejkum i dobar vam dan. Prije svega želim da kažem svoj lični stav sa aspekta moja dva iskustva da odgovori na zastupnička pitanja i inicijative ovoj Vladi Kantona Sarajevo nisu nimalo nebitna tema. Ukoliko ima onih koji u procesima ne zadovoljavaju vaše zahtjeve molim vas da još jednom podcrtate čak i na stranici Skupština Kantona Sarajevo

imate analizu statistiku odgovorenih nedogovorenih pitanja i realizovanih inicijativa. Ukoliko smatrate da neke od njih nisu na nivou na kojem bi trebali biti a stepen uvažavanja ovog doma uopšte nije upitan. Podsjetit ću samo na neke. Od početka evo gospodin Mešenović je sada govorio o tome, imali smo nekoliko puta opravdano njegovu pokrenutu inicijativu o angažmanu u radu Javnog higijenskog servisa ustvari koji je realizovan, pokrenut od zastupnika Marića i Juske. Imali smo zahtjeve za izradu elaborata o sigurnosti o tome ću odgovoriti na ova pitanja u saobraćaju. Mi smo usvojili taj elaborat informisat ću vas i to su inicijative koje shvatamo. Čak i neke javne nastupe kolega iz skupštinskih klupa, tipa kolege Kojovića koji je tražio da se vikendom zeleni val reducira u Kanton Sarajevo ministarstvo saobraćaja radi na izradi mogućnosti da se to uradi u danima vikenda i smanji broj saobraćajnih nesreća i niz je onih na koja smo zaista s punim respektom odgovarali pojedinačno svakom od zastupnika. Ponavljam ako ima još nekih na koja nismo mi vas molimo da naravno kažete ko to od ljudi unutar Vlade ili službi ili preduzeća JU nije odgovorio na pitanja. Evo ja ću abecednima redom suprotno od onog kako ste vi išli. Dakle krenut ću od ovih zadnjih inicijativa za koje smatram da danas možemo dati odgovore ili djelimične odgovore, a ove pismene ćete dobiti u pismenoj formi iako niste istina je tražili posebno odgovore na ova pitanja. Evo ja ću završiti. Ako bude dodatnih pitanja kako Poslovnik kaže bit ću tu da odgovorite i na dodatna.

Jučer smo završili sastanak i potpuno identično gledamo kolegice Avdibegović na problem BAKS Energetike. Mi smo jučer završili sastanak sa predstavnicima lokalne zajednice, tog preduzeća i resornog ministarstva u kom je resorno ministarstvo preuzelo na sebe obavezu izrade rekonstrukcije funkcije ovog preduzeća u kojem bi oba naša JKP i Toplana i VIK trebali u hitnim procedurama preuzeti svoje upravljanje ovim procesima. To je interes u oba segmenta posebno u VIK. Kapacitet Peračkog vrela koje mi plaćamo oko 300.000 godišnje iz VIK je 40 litara u sekundi trenutno a ono što možemo konzumirati je 120 bez ikakve investicije. 170 litra u sekundi sa eventualno malom investicijom iz VIK-a i time bi drastično poboljšali snabdijevanje zato što onda gasimo i pumpe i radimo uštedu u ono dijelu u kojem se isumpava prema Vogošći. Procedura je pokrenuta, ministar Hasanspahić i ministar Šabić kao resorni ministri rade na tome da iz ministarstva privrede prebacimo ovo preduzeće u resor ministarstva komunalne privrede i pripojimo Toplanama. Riječ je između 600 i 700 korisnika koji su uredne i redovne platiše sa kalorimetrima. Tako da Toplana imaju interes da sa te strane preuzmu tu funkciju a jučer smo rekli smatramo građane Vogošće jednako bitnim kao i građane ostalih opština u Kantonu Sarajevo. Odmah smo promptno izdvojili 150 000 KM za njihov nova koji im pripada platit ćemo ranije nego što treba. Jer im treba za kontrolu kompletnog procesa i plaćanja dijela obaveza. Jučer smo i to realizovali tako da se zahvaljujemo na inicijativi i na činjenici da vi jednako budno pratite procese kao što ih prati Vlada Kantona Sarajevo. Kada je riječ o odnosu prema opštinama ja apsolutno odbacujem bilo kakvu mogućnost da neko od nas drugačije posmatra opštine u kojoj je neko iz jedne a neko iz druge političke partije. U ovom slučaju ste u pravu kolegice Babić i mi ćemo uraditi sve da se brzo iznivelište odnos prema opštinama Stari Grad i Centar. Riječ je o deficitu koji saniramo onoliko koliko možemo, s onoliko sredstava koliko možemo to plaćamo. I možda zbog činjenice da su one malo povoljnijoj situaciju ekonomskoj posebno Centar, nismo njih stavili u prioritete. Sada mogu nabrajati desetina procesa u kojima smo odmah i promptno odgovorili obojici načelnika s kojima ja imam personalno jako kvalitetan odnos. Sada smo stavili u proceduru izradu zakona koji je posebno bitan za ove dvije opštine. On će ići kroz Ministarstvo privrede. Riječ je zakupu poslovnih prostora u kojima to rješava veliki problem upravo u ove dvije opštine a tretirat ćemo ih jednako kao i ostale u skladu sa mogućnostima to su dijelovi obaveza koje smo naslijedili i na žalost ne možemo servisirati onako brzo kako bi smo i mi voljeli. Kolega Bjelak je postavio jedno odlučno pitanje u kojim mi kao Vlada kasnimo. Dakle ne postoji strategija i na nama je obaveza da u narednih nekoliko dana napravimo ozbiljne iskorake u smislu da se kroz one ustanove koje funkcionišu u Kanton

Sarajevo pripremimo za eventualno veći dolazak većeg broja izbjeglica. To za sada nismo uradili i potpuno ste u pravu. Dakle formirat ćemo radna tijela u toku do kraja ove sedmice koja će se ozbiljnije pozabaviti tom situacijom i zahvaljujemo vam se na inicijativi. Kada je riječ, ovdje djelimično odgovaram vama a pitanje provjeka kroz skoro sve zastupnička pitanja. Riječ je o kontroli uposlenika na poziciji budžetskih korisnika i posebno onog težeg djela vanbudžetskih korisnika kojima upravlja Skupština i Vlada Kantona Sarajevo. Mi smo donijeli odluku na predzadnjoj sjednici Vlade da se pokrenu krivične prijave protiv svih onih koji su u periodu privremenog finansiranja januar, mart zapošljavali ljude bez saglasnosti Vlade. To je jedini zakonski mali trenutak u kom lovimo neodgovorne jer nam u velikom broju procesa u drugim slučajevima Zakon ne dozvoljava ama baš nikakvu sankciju prema direktorima JU. Evo o njima je govorio kolega Čomor. Dakle direktori JU mogu po svojim zakonskim ovlaštenjima primati uposlenike onako kako oni cijene da im treba bez ikakve saglasnosti Vlade. Donošenjem moratorija, mi smo donijeli odluku o penzionisanju onih koji su stekli uslove. Donijeli smo odluku o moratoriju. Kontrolišemo ih tako što i vama dostavljamo i predložiti ćemo na kraju da kvartalno dostavljamo izvještaj Skupština Kantona Sarajevo isplate budžetskih plata svim korisnicima u kom će se u svakom kvartalu vidjeti svako ime i prezime onoga ko eventualno u tom procesu primio ne možemo reći nezakonito, taj termin ne mogu koristiti, jer Zakon to dozvoljava ali bez saglasnosti Vlade ili bez stava ili politika ne primjenjujući politiku ovog doma ni Vlade Kantona Sarajevo takvih ljudi ima i zaista radimo niz akata kojima pokušavamo to staviti pod kontrolu. Predlagat ćemo i izmjene zakona. Konkretno u obrazovanju danas imamo procese u kojima Vlada ne utiče na izbor direktora. Apsolutno ne utiče zato što smo pristali na formulu u kojoj uposlenici, roditelji i predstavnici lokalne zajednice zajedno sa vladom kroz školski odbor nama samo administrativno na potvrdu šalju imena ljudi, koja kasnije trebaju da implementiraju politike Vlade. Oni to naravno ne rade, implementiraju politike onih koji ih biraju. I tu vlada ima slabosti. Mi ćemo predlagati da nam u tome pomognete. Kolega Čelik će dobiti odgovor od kolege Lukića. Mi smo te procedure počeli izmjene zakona o vodama u kojima smo uočili slične probleme. Dobit će pismeno. I evo kolegi Čomoru sličan odgovor na ovo pitanje. Mi smo zadužili svaki resor ponaosob da u okviru svog resora jer to Zakon ne dozvoljava u privremenom finansiranju, ne možete primati uposlenike i to je zakonski okvir za koji smo se zakačili. Našli smo određeni broj ljudi protiv kojih ćemo obavezo podnijeti krivične prijave jer to je krivično djelo i time poslati poruku da potpuno na fonu kontrole upošljavanja, a čuti ćete i na budžetu šta smo tamo sve našli i eventualno procese koje vodimo koji su prebitni za stabilizaciju ovog našeg budžeta. Kolega Delalić je postavio stručno pitanje i dobit će u pisanoj formi. Kolega Amar Dovadžija kantonalni Zakon o turizmu mi možda nam fali malo više promocije rada ove Vlade jer danas ima sigurno barem pola od ideja koje ste vi delegirali Vladi na koje rada Vladi ili je već uradila određene korake. Zakon o turizmu je obaveza u kojoj smo, hoću da kažem nešto o konceptu rada ove Vlade. Mi smatramo prednošću da koristimo određenu vrstu outsorsinga i znanja ljudi koji nisu sastavni dio naše Vlade. To ne smatramo slabošću, to smatramo transparentnim odnosnom prema donošenju nekih dokumenata. Tu je riječ o ova dva o kojima ću ja govoriti. Jedan je Zakon o turizmu u kojem cijesimo da kapacitet ministarstva privrede nije dovoljan niti su broj uposlenih ljudi niti eksperti iz ove oblasti nisu dovoljni da damo pravi odgovor u zakonu na ono što je najveći potencijal Kantona Sarajevo dakle to su ubiranja prihoda od turizma. Trenutno ne postoji Turistička zajednica presudom Ustavnog suda. Trenutno ne postoji zakonska regulativa koja nam omogućava kontrolu broja prijavljenih gostiju, kontrolu naplate boravišne takse. Kontrolu legalnih vodiča u Kanton Sarajevo, kontrolu svih procesa uspostavljamo donošenjem novog zakona o turizmu. Radna grupa na čelu sa vladom i resornim ministarstvom, to je koncept i uvijek je tako, ojačana sa nekoliko eksperata iz te oblasti, bez ikakve nadoknade, radi na izradi dokumenta koji će biti najbliži dokumentu koji se zove Zakon o turizmu RS-a koji je sublimirao sve akte u našim pripremama za izradu dokumenta.

Sve akte koji se nalaze na federalnom nivou i sve akte koji se nalaze u regionu u Hrvatskoj i Crnoj Gori napravili su jedan odličan dokument koji čini mi se vrlo malo moramo mijenjati prilagođavajući samo strateške ciljeve razvoja ove oblasti u Kantonu Sarajevo. I hvala i kolegi Dovadžiji za ovu inicijativu. Kolegica Selma Filipović je govorila o sigurnosti. To je inicijativa o kojoj sam ja na početku nešto rekao od kolege prvo Juske kasnije i Marića i stava Vlade da je taj segment sigurnosti posebno u saobraćaju ogroman problem. Mi se već više od mjesec i po dana bavimo pripremom izrade elaborata koji smo usvojili na pretprošnoj sjednici Vlade i radi se o 20 novih pozicija postavljanja rada i sistema kontrole u saobraćaju sa najsavremenijom opremom koja će nam čak pomoći da na dijelovima izlaza iz Kantona imamo najbolje kamere i čitače tablica, kod eventualno krađe vozila koje će pomoći MUP-u u tom dijelu operativnog rada. I time smo na stranici Vlade sve ove informacije možete naći. Datume u kojima smo mi takve odluke donosili i naravno na stranici Vlade koja govori o realizaciji izvršenih dnevnih redova Vlade. Dakle taj elaborat je usvojen, nemamo novac da sami investiramo u taj kapacitet. Imamo zainteresovane privredne subjekte koji su predložili da investiraju da se kasnije iz procenta naplaćenih kazni naplaćuju. Mislim da ćemo se opredijeliti za taj put, naravno uz potpuno transparentan javni poziv i pozvat ćemo vas eventualno da budete tih radnih grupa koje nadgledaju kontrolu realizacije elaborata koji je ponavljam usvojen od strane Vlade Kantona Sarajevo. Kakav odnos imamo prema sigurnosti svi mi, to ne pripisujem zaslugama ove Vlade, to je proces koji je urađen u prošlom sazivu Skupštine Vlade, govori činjenica da u ovom rebalansu budžeta imamo 130 – 140 novih kadeta koji od septembra počinju da rade na ulicama Kantona Sarajevo i time dodatno ojačavamo i MUP Kantona Sarajevo kao jedan od najbitnijih segmenata sigurnosti. Paralelno vodimo sa državnom agencijom za borbu protiv korupcije i našim komisijom za sigurnost proces koji se zove formiranje našeg tijela koje se bavi borbom protiv korupcije u kojoj će građani Kantona Sarajevo imati priliku da svakog neodgovornog pojedinca posebno, čini mi se, akcentat će biti na onima koji bi trebali biti garant sigurnosti. Riječ je o policiji anonimno prijave i pokrenemo procedure onih koji bi eventualno zloupotrebljavali funkciju koristeći svoje pozicije sebi sticali neku ličnu korist. Time ćemo se boriti protiv mita i korupcije i time snažno podržani od vašeg radnog tijela, Komisije za sigurnost Kantona Sarajevo mi radimo već izradu ozbiljnih dokumenata i formiranja onoga što nam je obaveza ako se sjećate imali smo tu konferenciju. Prvi je Kanton Sarajevo to napravio u hotelu Europa zajedno sa Agencijom za borbu protiv korupcije na državnom nivou. Kolega Jusko je rekao nešto što sam ja zaboravio a potpuno smo to trebali već reagovati. Imam sličan problem sticajem okolnosti u zadnjih par mjeseci vozim se ulicama ujutro na posao u kojem uvijek kasnim, barem deset ili 15 minuta jer kamion Rada prođe ovom glavnom ulicom, ustvari sporednom ovom malom pored opere i ovim dijelom između 7 i 9 sati uglavnom kada ljudi idu na posao. Dakle pridružujemo se vašoj inicijativi, tražim od resornog ministarstva odmah hitno i promptno da reaguje prema RADu i zatražimo do dispečera novi sistem odvoženja smeća jer to sigurno jeste problem koji kasnije prouzrokuje i ove eventualno probleme u saobraćaju. Drugo, stručno pitanje na koje ćemo također tražiti odgovor i slažemo se da li ta priča o zraku u vodovodnim cijevima prouzrokuje uvećane troškove i također resorno Ministarstvo koje ćemo ojačati u narednim danima s nekoliko ljudi jer radi samo sa sedam uposlenih, novo Ministarstvo komunalne privrede koje ima jako jako puno posla. I to će biti ono što Vlada radi transparentno na ta zapošljavanja dajemo saglasnost. Mi nismo i to je bilo jedno od pitanja, davali smo saglasnost na prijem pedijatrice u Dom zdravlja. Davali smo saglasnost na prijem novih vozača Grasa, davali smo saglasnost za Zavod za izgradnju u dijelu u kom su ljudi otišli u penziju a apsolutno su stručno potrebni za funkciju tog dijela, to ćemo uraditi isto i u Ministarstvu komunalne privrede i naravno da postoje slabosti da negdje ne možemo kontrolisati ono što ljudi rade koristeći svoje funkcije. Dakle i vi ste spomenuli inicijative na koje niste dobili odgovor. Ja vas molim da pismeno pošaljete još jednom da mi provjerimo ko od stručnih službi ili ko od ministarstava ne odgovara na vrijeme. Mi smo rekli da Vlada ne

zauzima stavove. To smo sklonili sa dnevnih redova Vlade jer su zaista preobimni jer zaista puno radimo i na taj način ne želimo da amnestiramo one koji bi u naše ime kao dijelovi Vlade trebali na vrijeme odgovarati na inicijative. Pošaljite nam samo koji to od službi ili koji to od dijelova sistema nisu odgovorili na vaše pitanje. Dakle kolega Kojović mi ovdje ponavljamo, Vlada Kantona Sarajevo je predlagač ovog zakona. Resorno Ministarstvo pravde i uprave Pravobranilaštvo su organi koje Vlada Kantona Sarajevo koristi da bi ovaj dokument Zakon o prijavljivanju porijekla imovine kontroli njegovoj, bio adekvatno pripremljen i po planu rada Skupština Kantona Sarajevo u septembru na vašim klupama. Dakle piše septembar, ne piše 2. niti 30. mi garantujemo da će se taj dokument naći na dnevnom redu Skupština Kantona Sarajevo ponovo u formi nacrt. Problem je administrativne prirode i problem je mog statusa posla. Dakle, ja sam predlagač zajedno i sa vama i sa kolegama iz skupštinskih klupa. A onda nismo mogli adekvatno sublimirati tu javnu raspravu koja je preduslov za izradu dobrog dokumenta, falilo nam je administracije i zato smo se opredijelili, nosilac izrade jeste Ministarstvo pravde i uprave, i oni vrlo aktivno učestvuju u izradi ovog dokumenta. Još jednom ponavljam slike ili informacije sa našeg sastanka, svi su prvo primijetili studente Pravnog fakulteta, to nam je možda bila i želja. Nakon pisma koje smo dobili od njih da su oni nosioci budućeg pravnog poretka u sistemu kantonalnom, tada mi se čini da smo tada i pokrenuli tu inicijativu i naravno vođeni i našim realnim saznanjima šta se dešava u politici u BIH i nećemo minimizirati ovdje ulogu Vlada. Ja sam taj koji je promijenio radno mjesto Vlada je predlagač. Mnogo napora predstavnik ministarstva pravde i uprave i posebno pravobranilaštva ulažu u taj dokument. Pozvat ćemo i vas nekoliko na narednu sesiju i ponovo koristimo u ovom slučaju taj outsourcing više konsultativno i kapacitiraniji su naši ljudi iz sistema nego što su to još uvijek studenti Pravnog fakulteta ali nam je značajno da i taj nadolazeći val pravnika budućih nosilaca pravnog poretka bude dio ovog sistema. Dakle imat ćete taj dokument u njemu aktivno učestvuje Ministarstvo pravde i uprave. Kolega Mekić mi smo već na raspravi o budžetu odlučili da ćemo ta sredstva namjenski, ne u rebalansu budžeta nego preraspodjelom budžeta sredstva od EYOF-a to je ministar Rešidat rekao, imamo stenogram sa te sjednice Vlade, ja to ponavljam na sjednici Skupštine, upotrijebiti na jedan vrlo značajan projekat koji se zove tartan staza na atletskom klubu Sarajevo jer je sigurno da će i zadnji uspjesi naših atletičara posebno Amela Tuke doprinijeti većem interesu djece. Mi ćemo pratiti taj trend i imat ćemo sredstva obezbijedena po onome što smo od komisije kao zahtjev dobili. Sutra imamo sastanak kolegice Omerbegović u 12 sati. Tema je legalizacija. Dakle si načelnici su pozvani, ministar Lukić je predlagač te ideje i ta dva motiva o kojima ste vi govorili nama su pokretači da moramo u nekom pravcu voditi ovaj proces. Osam miliona nenaplaćenih sredstava ja sam o tome govorio sa ove pozicije, je nešto što ne možemo zanemariti. Druga stvar je nekoliko nerješivih primjera u kojima je država sama zakomplikovala status recimo Akademije scenskih umjetnosti u kojem nema izlaza a moramo nastaviti implementaciju tog projekta i još nekoliko s tim što s druge strane imamo ozbiljna upozorenja struke prije svega. Koja se uglavnom protivi legalizaciji. Imamo upozorenja lokalne zajednice koja kaže da bi to moglo izazvati novi val nerealnih zahtjeva i zato vrlo pažljivo i možda malo sporije na sutrašnjem sastanku mislim da ćemo otkloniti sve nedoumice svih devet načelnika, svih sarajevskih opština su pozvani, i svi su uglavnom odazvali na ove pozive i resornih ministarstava i premijera i imat ćemo jedan ozbiljan sastanak nakon kojeg ćemo povući određene korake u dijelu vjerovatno nove odluke o legalizaciji u jednom kraćem periodu sa mjerama koje garantuju da se neće desiti neka nova eskalacija u administrativnom dijelu. Imamo još kolega Pleho jedno pitanje za koje smo imali i prije pitanja. Ima i ovdje malo provejava lokalističkog, što je također i dobro. Najbolje poznajete vi zastupnici stanje u svojim lokalnim zajednicama iz kojih dolazimo. Pitanje deponije je bilo delegirano i prije. Mi na računu imamo sredstva od 1,5 milion KM IPA fonda. Dakle tako smo isto odgovarali i prošli put jel bio kolega Mešanović, sredstva su pripremljena, proces istraživanja od SIPE i državnog

tužilaštva još nije završen i mi čekamo da nam se da zeleno svjetlo da krenemo u rješavanje jednog od potencijalno najvećih problema Kantona, tamo može doći do strašnih katastrofa. Dakle nije problem samo miris, može doći do katastrofa većih razmjera u kojima trenutno resorno Ministarstvo i Vlada ne mogu ništa, KRO RAD ne može ništa, mi čekamo ubrzavamo procedure i iniciramo sastanke sa državnim Tužilaštvom i SIPOM da završe ono što je njihov dio posla i da mi možemo sa ovim sredstvima i eventualno dodatnim brzo rješavati taj problem. Na to smo ozbiljno upozoreni na našem sastanku zadnjem čini mi se u Zavodu za izgradnju u kojem gospodin Babić jedan o eksperata iz ove oblasti upozorava na moguću eskalaciju tog problema. Nadamo se da će se što prije steći uslovi da taj problem rješavamo. Mi smo za to kao Vlada odmah spremni. Dakle, podržavam potpuno inicijativu kolege Fikreta Prevljaka, veliki je broj zahtjeva, pola moje familije sa mnom ne priča zbog upisa u srednje škole i na fakultete, svi očekuju da mi interвениšemo personalno, pojedinačno, mi to nismo radili. A jedino u šta bi smo se umiješali jeste zaštita iz dopunskih prava naše boračke populacije i često kršenje od onih koji bi trebali ovaj Zakon primjenjivati. O tome stalno govorimo, imali ste skandalozne slučajeve naših dekana koji ne daju djeci šehidskih porodica da završe svoje fakultete. Mi smo jedan od takvih velikih riješili i stalno radimo na tome da se taj dio i kod zapošljavanja i prijema u srednje škole i na fakultete poštuje, na žalost još uvijek nismo na nivou na kom bi smo svi željeli biti a svakako ćemo raditi sve da u tom pravcu i ova Vlada vodi tu upisnu politiku. Kolega Smajić je detektovao isto tako jedan ozbiljan problem. Nisu isti problemi u VIK i u ostalim JKP. Kada smo radili pripremu ovog akcionog plana za kontrolu neplatiša u VIK iz opštinskog suda predsjednica suda nam je objasnila i neke stvari koje nismo baš dobro poznavali. Ja sam čak nekada griješio recimo prema Toplanama koje imaju odličan sistem naplate u dijelu neplatiša i imaju jedan dio koji rješavaju sa sudom vrlo efektno, dok iz VIK nismo imali takav slučaj. Riječ je o menadžmentima koji dugi niz godina tamo rado suprotnu od onoga što sada radi Vlada. Dakle druga stvar je sa Elektrodistribucijom i Elektroprivredom, mi nemamo kontakte to je federalni nivo i ovdje govorimo samo o plinu i o vodi. Kada je riječ o Sarajevo gasu oni imaju imaju 97% naplatu svojih usluga i nemam nikakav problem. Kada je riječ o Toplanama imamo problem koji ćemo sada rješavati novom tarifnom politikom vjerovatno i cijenom. I ključna stvar je da taj dio posla naplate zajedno sa sudom rade puno bolje. VIK je tu najgori. Tu smo mi kao Vlada počeli raditi posao ljudi koji su tamo to trebali raditi daleko prije nas, i naravno o tome ćemo apsolutno informisati cjelokupnu javnost ne samo zastupnike nego će spiskovi koje ćemo dobiti u narednoj sedmici o prosječnoj potrošnji iz koje svako od vas ima mogućnost da vidi ko je to od privrednih subjekata na nekom nerealnom prosjeku u ovom budžetu smo predložiti mali iznos koji nam omogućava prvi veliki korak od 300 novih elektronskih mjerila koja ćemo stavljati na sve te sumnjive pozicije. Vrlo su golim okom vidljive i uočljive i naravno o tome transparentno izvještavati javnost. I tu imamo radno tijelo koje je Vlada formirala i imamo ljudi iz VIK, Tužilaštva i MUP.-a Kantona Sarajevo koji će biti dio ovog dijela koji se tiče sankcija prema odgovornim. Takvih ima sigurno desetina miliona je šteta koju proizvode ljudi nelegalnom potrošnjom i oni su glavni uzrok redukcija u Kanton Sarajevo: dakle glavni uzrok što mi ne akumuliramo u naše podstanice vodu, zato što taj gubitak na mreži jeste 70% ali je barem pola tog gubitka u džepovima pravnih privatnih subjekata koji su možemo ih nazvati tajkunima, dobar dio njih na brojlilima koja im se vraćaju na onoliko koliko oni misle da treba da se prikaže a ne onoliko koliko stvarno troši. Broj uposlenih kolegica Srna Bajramović. Dakle u prvom kvartalu veći broj uposlenih. Dijelom sam odgovorio mi smo uočili u prvom kvartalu ove godine u vremenu privremenog finansiranja imate dio te informacije kao sastavni dio budžeta broj povećanja uposlenih. Imate ljude koji znate ko su direktori tih javnih ustanova sve vam je dostupno. Imat ćemo još jedan bolji dokument vrlo brzo. I imate odluku Vlade Kantona Sarajevo o moratoriju i odluku Vlade Kantona Sarajevo o pokretanju krivičnih postupaka protiv svakog ko je u periodu privremenog finansiranja zaposlio bilo koga na segmentu budžetskih troškova. Dakle mi to radimo i u tome naravno

očekujemo pomoć. Nikada nećemo sigurno doći u situaciju da imamo drugačiji stav od ovoga što vi govorite. Kada planiramo uraditi analizu. Mislim da smo taj dio analize uradili sada radimo drugi dio koji je kolega Halebić već uradio ali je u izradi rebalansa budžeta malo bio zatrpan. I nije to problem. U kvartalnom izvještavanju broja uposlenih svih budžetskih korisnika možete jasno vidjeti u svakoj ustanovi u kojoj je jedan novi uposlenik primljen i možete personalno se pozabaviti tim problemom ili ga delegirati Vladi u svakom od ovih slučajeva. Dakle kolega Mario Vukasović mi smo od poreske uprave zatražili. Ono što nam je rekla poreska uprava da je prvi put da bilo koji organ bilo kojeg nivoa vlasti traži zvanično kao informaciju od poreske uprave. I bili su ljudi iznenađeni a u zakonu potpuno dozvoljeno da mi tražimo poreske kartice. Istina mi nismo zatražili odmah poreske kartice svih uposlenih. U prvom koraku kolega Halebić i ja smo potpisali dokument u kom tražimo poreske kartice svih odgovornih osoba tamo direktora JKP, JU, naših dekana, našim ministara, zastupnika, sve je to što smo u prvom krugu tražili a u drugom krugu svakako je to poreska kartica koja pokazuje i broj uposlenih i njihova lična primanja. Bit će tu strašnih informacija. U prvom dijelu, kontrole JKP naišli smo na jedno u kojem direktor ima duplo veću platu još uvijek od resornog ministra i u kojem sekretar tog JKP ima skoro duplo veću platu od ministra i mnogo veću od premijera. I u kom čistačica ima veću platu od uposlenika u obrazovanju. Dakle to su informacije o kojima ćete biti. Pazimo da u ovim procesima ne napravimo neki prebrz korak. Dakle ovo su ljudi ozbiljne teme, ovdje ne možemo ni tako brzo ni ad hoc optužiti sve one koji na prvi mah izgledaju tako skandalozno. Nekada dobijemo i neke informacije koje malo smanje taj stepen odgovornosti ali smo mi tim putem krenuli i mislim da to jasno možete vidjeti iz prvih pet mjeseci rada ove Vlade. Kada dobijemo te informacije iz poreske uprave onako na oko nisu nam ih mogli dati, malo smo mi virnuli u tom prvom našem sastanku sa PU nije ispoštovan Zakon o plaćama koji smo mi ovdje u kantonu usvajali, direktori JKP neki od njih imaju beneficije koje nisu dozvoljene a naravno za svakog od njih ćemo tražiti sankciju imenom i prezimenom, da znate ko su. I mi ćemo kao Vlada predlagati zamjenu svakog od takvih ljudi koji nije poštovao odluke i zakone ovog doma. Dakle to je procedura koju smo mi otvorili malo drugačije nego što je do sada bio princip. I evo današnja sjednica zbog vjerovatno naših godišnjih odmora i naših nismo imali tih kontakata čestih formalnih, pokazuje da više od pola tema koje ste delegirali nama mi ih posmatramo potpuno identično, da smo neke mjere već pokrenuli i da naravno ovo što smo danas čuli par stvari koje upozoravate na neke procese koji bi mogli doći mi ćemo kao Vlada hitno na njih reagovati u narednih nekoliko sedmica poduzeti određene radnje. Ako imate neka dodatna pitanja da nisam odgovorio na dio ovih. Iskoristio sam priliku, možda poslovnički nisam ni morao ovako široko, ali za početak rada današnjeg dana je dobro da informišem Skupština Kantona Sarajevo o procesima koji su se dešavali u periodu dok nije bilo sjednica Skupština Kantona Sarajevo zbog vremena godišnjih odmora i svakako ako imate dopunska pitanja za nekoga od ministara a ove ćete odgovore dobiti pisano s tim što ja znam naša iskustva iz prošlog mandata. Odgovorno tvrdim da ova Vlada mnogo brže odgovara na zastupnička pitanja nego što je to bio slučaj prije ne optužujući nikoga ali mislim da smo tome dali značaj koji ova Skupština Kantona Sarajevo zaslužuje. Ja vam se zahvaljujem.

Predsjedavajući:

Zahvaljujem premijeru. Imamo dodatna pitanja.

Poslanik/zastupnik Selma Filipović:

Ne bih rekla da je pitanje, više konstatacija. Djelimično sam zadovoljna vašim odgovorom na moje zastupničko pitanje. Međutim ne znam da li su građani Kantona zadovoljni i mislim da nisu sve do momenta dok se ne vide zaista rezultati vašeg rada. Međutim, šta sam htjela da reče je da ste ipak priznali javno da postoji i da znate da korupciju u policijskim redovima.

Nadamo se da ćete se potruditi vi kao premijer i ministar da se to smanji na najmanji mogući nivo. Hvala lijepo.

Premijer Elmedin Konaković:

Ja da znam da korupciju, da znam bilo kojeg od tih ljudi koji na ulicama traže mito ja bih ga imenom i prezimenom prijavio Tužilaštvu. Dakle, taj koji bi eventualno tražio od nekoga nešto što nije zakonito, ja bih to uradio odmah. Očekujem to isto od vas. Očekujem to od građana Kantona, da svakog pojedinca po imenu i prezimenu prijave nadležnom organu u slučajevima kada on zloupotrebljava svoju poziciju. Dakle, mi ja sam rekao da imam pozitivan odnos prema vašoj inicijativi i da ćemo suportirati na svaki mogući način. Pretpostavljamo tamo gdje smo znali, mi smo u nekoliko akcija podržavajući naše novo Tužilaštvo, već kao Vlada aktivno učestovali, naše Pravobranilaštvo posebno, u dijelovima privrednog kriminala za koje smo imali saznanja. Danas već vidite efekte rada tog Tužilaštva, a o tome ćemo govoriti kada bude rad Pravobranilaštva tema. A i ovo da znam ja naravno nisam priznao da znam da ima korupcija da o tome šutim. To ne bi sigurno bio slučaj. A hoće li građani Kantona biti zadovoljni oni će ocjenjivati naš i moj rad, i vaš rad. Nama je u prvom koraku bitno da budete zadovoljni vi u prvom koraku. A kasnije ćemo svi zajedno prezentirati onima koji su nas birali šta je ko od nas ovdje radio.

Poslanik/zastupnik Amel Mekić:

Znamo da je situacija u kantonu izrazito teška, ali opet u vezi sporta. Hoćemo li moći očekivati povećanje sa 0.49 na bar 1%? Bili bi zadovoljni. Evo da počnete već planirati za 2016 godinu. Hvala.

Premijer Elmedin Konaković:

Kako bi funkcija budžeta bila malo bolja, mi radimo već pripreme na izradi budžeta za 2016 godinu. Urađen je prvi korak koji zna ministar Halebić bolje od mene, stručno kako se kaže kada se počne izrada budžeta. Dakle, komuniciranje sa budžetskim korisnicima smo mi već napravili. Ja sam govorio o tome da reforme nema kroz sam budžet. Da je reforma sistema na drugim mjestima. Dakle u borbi protiv korupcije prije svega, u donošenju pozitivnih zakonskih akata, kao drugi korak i mi radimo izradu niza zakona koji bi trebali poboljšati tu prihodovnu stranu. Već smo recimo na segmentu korištenja i naplate parkinga u Ministarstvu saobraćaja ostvarili značajan napredak. I planiramo da to bude značajno povećana prihodovna strana naredne godine. Također mislimo da takvog prostora ima u Zakonu o koncesijama koji je neiskorišten. U Zakonu o javno privatnom partnerstvu koji malo ćemo vjerovatno i modificirati i staviti ćemo ga u funkciju. I u ovim oblastima u kojima govorimo o turizmu kao izvoru prihoda, drveno metalnoj industriji, Zakonu koji je sada na sjednici Vlade, zove se Zakon o obrazovanju odraslih, koji će također djelovati na tu prihodovnu stranu. Uradili smo ministar Halebić i ja sastanak i potpisujemo protokol sa dijelom Svjetske banke koji ubrzava administrativne procese i brže se dolazi do dozvola za investitore i građane Kantona Sarajevo a o premijerima koje su radili u ZDK i lokalnoj zajednici direktno utiče na povećanje budžeta. Dakle, procenti su manji oko 1 do 1,5 % ali na naše brojeve to je vrlo značajno. I ukoliko uspijemo u dijelu naših nastojanja da se poveća prihodovna strana, ja ću svakako zagovarati da taj dio budžeta bude na sportu. Dakle, ja i personalno vodim borbe na drugom frontu sa vjetrenjačama da ljudima objasnim šta znači investiranje u sport, da to nije trošak. Imali smo sreću pa se rodili nekoliko zlatnih sportaša u zadnjih 15 dana su nam donijeli to što je trebalo, taj vjetar u leđa. Čini mi se da lakše svi sada komuniciramo, mi koji zagovaramo prava sporta. I kolega Mekić koji je bio jedan o najboljih sportista države BIH i mi koji se time bavimo sve ćemo u učiniti. Ukoliko to bude ugrožavalo funkciju zakonskih obaveza na dijelu socijalnih davanja, na dijelu boračkih prava, na dijelu, to će biti teško. Dakle, to je naša realnost. Mi radimo sve da prihodovna strana bude veća, da investiramo u nove kapitalne projekte i da

svakako snažno i mnogo kvalitetnije podupremo sport. Ja moram reći jednu stvari istine radi, ako postoji u državi BIH nivo vlasti koji se ipak bavi sportom i o njemu vodi računa, to je Kanton Sarajevo dugi niz godina. Kanton Sarajevo ima duplo veći budžet od zajedno budžeta države i FBiH. Dakle Država i FBiH zajedno zdvajaju za sport u proteklim godinama cca 2 miliona KM na godišnjem nivou. Maksimalno 2, ponekad idu do 2. mi u zadnjih nekoliko godina imamo cca 4 miliona. I mislimo naravno da je to nedostatno, podržat ćemo ukoliko budemo oprihodovali sredstva a i to ćete nam zakonima malo pomoći.

Poslanik/zastupnik Zvonko Marić:

Hvala. Ja moram kazati da sam djelimično zadovoljan sa onim što je premijer odgovorio na naše neke upite i pitanja, međutim neću biti nekorektan da kažem da on ne želi najbolje, ali ovaj pristup čini mi se da neće dati neke rezultate. Ja mislim da mora pojačati se odgovornost. I mislim da gospodine Konakoviću, ovo što mi protestiramo vezano za neozbiljne odgovore koje dobijamo ili neke ne dobijamo, ja ću vam reći ako hoćete ovdje deset nabrojati odmah nismo dobili. Evo recimo konkretno oko stjecanja uvjeta za umirovljenje ili penzionisanje ljudi. Već dugi niz vremena. I moram kazati da je jedino ministar Rešidat odgovorio. I u to ime mu se zahvaljujem. Ali ja raspoložem tim podatkom. Kako sam mogao ja doći a te službe nisu vam dostavile tako nešto. Znači ponižava se ovaj parlament. Svi smo mi odgovorni pred građanima i oni gledaju nas. Ne postavljamo mi pitanja zbog sebe. Druga stvar, vezano za MUP i za stanje sigurnosti koje je vrlo složeno, moramo priznati htjeli ili ne. Svjedoci smo svega šta se dešava u ovome gradu. Ja koliko se sjećam i kolegica Filipović je postavila pitanje, čak i zahtjev za jednom tematskom sjednicom koja se odnosi na to. Niko nije reagirao. Ali sasvim sigurno da imamo puno razloga i vi ste sami rekli neke od njih a i ja kroz ovaj način odgovaranja vezano za uniforme, pa odgovore vezano za podnesene zahtjeve i tako dalje, znači puno razloga da bude jedna takva sjednica. Druga stvar, vezano za prijem u obrazovanju zaposlenika. Ja sam na komisiji čuo recimo, predsjednika jedne od komisija u čijem radu ja sudjelujem, da sindikat zapravo utječe na zapošljavanje a ne direktor. Vi tvrdite da direktor to radi. Ja ne znam sada gdje je zapravo prava istina.

Premijer Elmedin Konaković:

Ako imate vremena ja ću vam sve do detalja pojasniti a možete doći kod nas u Ministarstvo obrazovanja i kod mene da vam do u detalje objasnimo proces u kom komisija prva radi selekciju, pa izabere tri, pa od ta tri direktor bira uposlenika. Dakle to je ako sam u pravu ministre Kazazoviću, dakle procedura. Prije svega odbacujem bilo kakav termin ponižavanje ovog doma jer mislim da nemate nam pravo to reći. Mi to tako ne radimo. S punim pravom, s puno poštovanja uvažavamo svaku pojedinačnu čak i javno. Ja sam vas zamolio da pismeno sama nama slobodno pošaljete i vidjet ćete naše reakcije ukoliko to. Dakle vi kada pošaljete Vladi dio sistema koji ne funkcioniše, koji nije dao odgovore to je naš posao da da odgovore i da odgovori zašto do sada nije. Ja vas molim a i mi ćemo još jednom sve to pregledati. Dakle ove priče su , vidjet ćete šta smo mi uradili u periodu od pet mjeseci, ministar Kazazović ima pokazatelje kako to izgleda kada sistem upravlja procesom. Radi to zajedno sa sindikatima, radi to zajedno sa direktorima. 1. septembra ove godine imat ćemo uštedu na dijelu plata u obrazovanju cca preko 400.000 KM što na godišnjem nivou znači skoro 5 miliona. Dakle to se radi sistemski sada, a naravno analizirat ćemo šta je bio problem u prošlosti. Ja mislim da je najveći bio problem to što godinu i po dana ovo Ministarstvo nije imalo odgovornu osobu. Dakle, ministar je taj koji zastupa interese tog resora i sada kada imamo ministra, vidjet ćete ono što mi smatramo značajnim iskorakom, šta je do sada bilo analiziramo, i ako ste primijetili gdje god uočimo slabosti govorit ćemo sigurno o tome u radu Pravobranilaštva danas. Mi u najmanju ruku obavijestimo Tužilaštvo i nadležne organe. Ne vodeći računa ko su ljudi i kojoj političkoj partiji pripadaju i to je koncept za koji smo se kao Vlada opredijelili. Ima slabosti, mi smo neke od njih detektovali, danas smo govorili uvažavajući vaše stavove,

dvije vrlo ozbiljne teme kolege Juske, kolege Bjelaka, za koje nismo bili spremni kao Vlada, reagovat ćemo i time mi pokazujemo odnos prema onome što vi nama delegirate. Zahvaljujem.

Poslanik/zastupnik Amar Dovadžija:

Kada je u pitanju sigurnost u gradu, konkretno sigurnost u saobraćaju, zaista je za pohvaliti ono što ste pokrenuli i što ste uradili, ali ja mislim koliko je bitno detektovanje tih počinioca, također je bitno da se ti počinioci adekvatno kazne jer postoje iks slučajeva koji su detektovani, i koji imaju po nekoliko stotina KM kazne pa čak i radi se o hiljadama i ti još uvijek posjeduju vozačku dozvolu i nisu adekvatno kažnjeni. Da ne govorim o onima koji zbog prekoračenja brzine, također slučajevi koji su završili sa smrću također takve osobe po godinu, godinu i pol nikada im vozačka dozvola nije oduzeta. Pa ja želim da vas pitam također, zaista je bitno ovo i zaista za pohvaliti ovo što ste uradili ali da li postoji mogućnost da se ide u izmjenu kaznenog poretka, da se povećaju? Zaista je ovo što je trenutno je minimalno je nemoguće da za neko prekoračenje brzine od 20-10 da imamo kaznu od 20 KM. Hvala.

Premijer Elmedin Konaković:

Ima jedna zastrašujuća činjenica za mene. Jučer sam htio podijeliti zadovoljstvo sa našim kantonalnim tužilaštvom u ovom slučaju na kom smo zajedno radili na oživljavanju slučaja možda najvećeg korupcionog slučaja, ili slučaja privrednog kriminala u Kanton Sarajevo i prva stvar koju sam čuo od kantonalne tužiteljice je zabrinutost za proceduru u kojoj se mi plašimo sudova. Možda nešto ovako ne bih trebao reći ali eto nekako tu kočnicu ja nemam. Mi smo zajedno konstatovali da je moguće i da se u svim procesnim radnjama do sada u ovome što Tužilaštvo Kantona Sarajevo radi u zadnjem periodu pa i ovom drugom privrednog kriminala u kom je sud procijenio da ljudi treba da se brane sa slobode, i to je sada već nešto u šta ova Vlada Kantona Sarajevo ne može ulaziti. Dakle, mi se plašimo drugog dijela sistema, ne plašimo se da o njihovim slabostima glasno govorimo i da radeći svoj posao okrenemo reflektore ka onima koji ne rade svoj posao. Dakle mi ojačavamo kantonalno Tužilaštvo danas ponovo, snažno podupiremo sve što rade, oni su već značajno pokazali iskorake u tom segmentu, plašimo se suda i spremni smo zajedno sa svim, sa vama i sa građanima Kantona Sarajevo tražiti od viših nivoa vlasti dvije stvari: jedna je hitna izmjena zakona tamo gdje su oni problem, a radi se o višim instancama. Dakle o FBiH i državnom nivou kojima je ta kaznena politika primarna, mi se njoj prilagođavamo, i druga posebno u ovom segmentu izdvojene vlasti koja se zove sudska u kojoj ćemo tražiti od VSTV da se mnogo ozbiljnije uključi u procese kontrole rada sudija. Reći će vam to i naš pravobranilac. Mi smo čini mi se imali pet zahtjeva za pokretanje disciplinskih postupaka prema sudijama koje ova Vlada i ovo Pravobranilaštvo sada vodi na sudu. To do sada nikada nije bio slučaj. Dakle mi uspostavljamo jednu novu praksu i na taj način se borimo sa svim ovim problemima i koliko ćemo u tome uspjeti, mi ćemo odgovarati za sve što je naša nadležnost. A ono što nije pokušat ćemo svi zajedno tražiti odgovornost onih koji tamo sjede. Imamo strašne probleme u primjeni Zakona o taksi prevozu. To sam kolegi Vukasoviću ostao dužan, ja sam predlagač tog zakona i mi vodimo računa o tome. Pomoći ćemo im tako što ćemo u novom Zakonu o unutrašnjim poslovima dati napokon ovlasti policiji da to ne radi samo inspekcija i pomoći ćemo im tako što upošljavamo i 23 nova inspektora. Ali znate šta nam se još dešava da sud, imamo sada slučaj. Tražio sam od direktora KUIP da piše VSTV koji je sudija je uradio sljedeće. Jednog pravnog subjekta kom smo napisali 24 prekršajne prijave u kojima je svaka kazne do 5.000 KM objedinio i izrekao kaznu od 5000 KM. Peti put u nizu. Dakle to je slučaj s kojim se mi susrećemo i s kojim se borimo. I to je slučaj na kom ćemo dati sve od sebe da se te stvari promjene. Na žalost nije više naša nadležnost. Zakoni i sudovi su nešto što odavde zajedno, mislim da mi imamo energije i snage da utičemo koristeći ovo što mi radimo

transparentnost postupaka i snagu javnosti da pokažemo koji to dijelovi sistema još uvijek štekaju.

Poslanik/zastupnik Predrag Kojović:

Zahvaljujem. Pošto nisam zadovoljan. Sada ste upravo rekli i sudije su dio ljudi koji su imenovali izabrani dužnosnici i koje bi ovaj Zakon o utvrđivanju porijekla imovine također obuhvatao. Vi se sjećate, poštovani premijeru, prije tri godine smo nas dvojica stajali u ovoj Sali uz ovaj zid, i prvi put razgovarali o potrebi ovoga zakona. Prije tri godine. Radi se o relativno jednostavnom zakonu, koji ima manje od 30 članova. Ne vjerujem o ovaj. Da vam kažem, prvo ko god vam je rekao da vaša promjena iz poslaničke u premijersku funkciju je uticala na bilo koji način da budete predlagač, vam nije rekao istinu jer vi ste kao premijer ako pogledate svoje nadležnosti u članu 25 Ustava Kantona Sarajevo nadležni za podnošenje i donošenje propisa iz nadležnosti Skupštine. Ali ja znam da vas nije imao ko iz Ministarstva pravde savjetovati i žao mi je što ste izabrali da štitite svoj tim i njegove loše igrače nauštrb istine. Jer kada se radi o ministarstvu za koje smo i tada govorili da može biti najmoćnije Ministarstvo u sprovođenju zakona, u utvrđivanju nezakovitosti, korupcije i organizovanog kriminala, a koje sebi samovoljno, jer smo imali potpuno neadekvatnu osobu također iz vaše stranke u prošlom mandatu, na tom mjestu, suzilo nadležnost da se o svim pitanjima za koje se pita određuje da li je taj akt, odluka ili Zakon koji Skupština donosi u skladu sa Europskom poveljom o zaštiti ljudskim prava. Kakva totalna pravna budalaština. Za Ministarstvo koje u svojim nadležnostima ima da kontroliše zakonitost rada upravnih organa, znači ministarstava, svih javnih preduzeća i svega, znači to je trebala biti udarna pesnica ove političke volje koja se pojavila a koja se hoće obračunati sa kriminalom i organizovanim. Izvinjavam se što sam sada. Samo da završim dvije rečenice, izvinjavam se malo sam produžio. Ne vjerujem, ja znam da ste vi mene također predložili u tu radnu grupu. Ja nemam više povjerenja da taj sistem će jer tri godine čekamo taj Zakon. Mi ćemo, ja ću napraviti taj Zakon i naravno ako ga vi uspijete kao što ste obećali sada staviti na neku septembarsku sjednicu u narednih 28 dana to je dobro i imat ćemo dva zakonska prijedloga pa će se Skupština opredijeliti za onaj koji je bolji. Hvala.

Premijer Elmedin Konaković:

Nećete vi nas stići kolega Kojoviću, ne možete vi nas stići, osim ako danas baš ne počnete, brzo brzo raditi i ne radite brzo, brzo narednih dana, mi smo kapacitiraniji od onoga što ćete nam vi moći ponuditi. Kolega Kojoviću, ovo je trenutno najbolja Vlada u Državi BIH, sa najboljom skupštinom u BIH koja je izolovala sve političke udare i turbulencije koji su štetni po ovu državu po ko zna koji put. Imamo niz mjera o kojima ćemo govoriti na budžetu o kojima sada govorimo, i ja sam spreman to braniti do zadnje kapi svoje krvi. I ovo su trenutno najbolji igrači koji na tržištu postoje i ja mislim da dobro rade svoj posao. Mi smo u prošlom sazivu Skupština Kantona Sarajevo bili predlagači zakona, iz ministarstva pravde i uprave stigao je dokument koji ja na svom stolu imam i koji kaže sljedeće: „Nema potrebe za donošenjem ovog Zakona takve zakonske procedure su regulisane na višim nivoima vlasti, mi nećemo to da radimo.“ To je bio slučaj, ja evo javno to govorim, sada to nije slučaj. Dakle nisu meni rekli da moram ovako, nego ja mislim da bi nam falilo pola javne rasprave koje ja sam kao zastupnik nisam uspio, mene je zatrpalo sto papira lokalnih zajednica, trebao sam ih sve iščitati, trebao sam na sve njih dati mišljenje i trebao sam to na kraju sublimirati u jedan dokument i procijenio sam lično da to ne može biti slučaj. Da je bolje da sačekamo još tri mjeseca i da nakon ovoga što smo mi uradili u ta tri mjeseca, a najveći će teret javne rasprave nove nositi upravo Ministarstvo pravde i uprave i koje će, vidjet ćete , odgovoriti na način kako ja garantujem da će odgovoriti i dobit ćemo dokument nakon javne rasprave koji će biti najbolji mogući. Dakle, imali smo na prvom sastanku toliko nedoumica, i ozbiljnih

upozorenja upravo iz ove dvije institucije, pravde i uprave, i Pravobranilaštva, na koje ni ja nisam o kojima nisam vodio računa. Uključit ćemo najbolje kritičare u državi, to smo se dogovorili, jer nam fali dio one primjene krivične odgovornosti koja je možda u suprotnosti s postojećim zakonima a nismo je predvidjeli. Ja mislim da smo se opredijelili za dobar put, i ja sam taj čiji je obraz u pitanju kada je ovaj dokument u pitanju. I on će biti ovdje u septembru i na njega ćemo svi moći davati mišljenje. Bolje čuvajte taj kapacitet da popravimo dokument ne možete stići ovo što smo mi već uradilo.

Predsjedavajući:

Molim vas. Samo još prije nego dam riječ. Ministar pravde Smajkan se javio za riječ i do sada je premijer odgovarao ali u buduću će dozvoliti da odgovara na pitanja i inicijative koji su bili tema ove Skupštine, znači koji su već bili diskutovani i nisu zadovoljni odgovorom a ne da širimo temu i nešto drugo raspravljamo. Znači u buduću molim vas.

Poslanik/zastupnik Adnan Solaković zastupnička intervencija:

Uz dužno poštovanje, ovo u Poslovniku nema da nam se oduzima ovoliko vrijeme da se postavljaju pitanja premijeru i da premijer odgovara na pitanja zastupnika. Molim vas da se držimo dnevnog reda i Poslovnika. Toliko i hvala lijepo.

Predsjedavajući:

Zahvaljujem. Upravo ministar Smajkan odgovara na pitanje zastupnika Kojovića.

Ministar Enver Smajkan:

Hvala. Uvaženi predsjedniče, uvaženi dopredsjedniče, uvaženi zastupnici, uvaženi premijeru i ministri, poštovani gledaoci TVSA, dobar dan i sve vas srdačno pozdravljam. Ja sam neprijatno iznenađen komentarem uvaženog zastupnika Kojovića na Zakon o prijavljivanju porijekla imovine. Dakle, da ne bih ovdje dugo objašnjavao kratko ću reći. Prvo je netačno da je ova Skupština donijela zaključak da Ministarstvo pravde izradi Zakon o prijavljivanju porijekla imovine. Dakle, premijer Konaković je povukao ovaj Zakon u nacrtu uz obrazloženje da će uraditi prijedlog sa Ministarstvom pravde. Drugo, netačno je da takav Zakon imaju sve države. Jedini takav Zakon ima Kosovo, i ovaj prijedlog koji je bio u nacrtu je ustvari kopija tog zakona. BIH ima Zakon o agenciji za borbu protiv korupcije koji sadrži odredbe i koji propisuje da se odnosi na sve nivoe vlasti i koji sadrži odredbe o prijavljivanju porijekla imovine i kontroli imovine. Dakle, sadrži. Pitanje je da li je ovaj Zakon što mi raspravljamo još uvijek o prijavljivanju porijekla imovine i Zakon o agenciji za borbu protiv korupcije ustvari duplikat jednog te istog propisa. Imamo li nadležnost uopšte za njegovo donošenje. Treća stvar vrlo bitna je li to propis iz nadležnosti Ministarstva pravde ili nadležnost iz Ministarstva sigurnosti, odnosno organa sigurnosti. Dakle vrlo bitne stvari ovdje ja ne bih želio da ostanem uskraćen, pogotovo ničim izazvan povodom uvaženog zastupnika Kojovića koji je tako nonšalantno kako bih rekao omalovažava rad Ministarstva pravde koje je ako ćete vidjeti plan i program više od deset zakona predložilo što donošenje, što izmjenu u toku ove godine i vjerujemo da ćemo uspjeti, ja ću samo vama gospodine Kojoviću radi vaše informacije da Zakon o državnoj službi predviđa prijavu imovine državnih službenika također i kontrolu. Da imamo potrebu da regulišemo naravno i sudije i tužioce i zastupnike, i ministre, kontrolu njihove imovine i nije cjelishodno da donosimo zakone radi 35 koji bi se odnosili samo na 35 zastupnika i 12 ministara. Dakle moramo obuhvatiti sve uposlene da tako kažem pojednostavljeno u organima i institucijama ove vlasti. Hvala. Toliko.

Predsjedavajući:

Zahvaljujemo ministru pravde Smajkanu. I još imamo samo uvaženi zastupnik Pleho dodatno pitanje i završavamo.

Poslanik/zastupnik Haris Pleho:

Zahvaljujem se na odgovoru za prvo pitanje vezano za deponiju. Ali smatram da trebam dobiti kako ja tako i roditelji učenika odgovora na drugo pitanje a vezano je za ukidanje trećeg razreda prvaca gdje su ljudi jutros tek otkrili taj problem i gdje je nastao. Gdje su se stvorila dva razreda preko 35 učenika. Smatramo da trebamo dobiti danas taj odgovor jer roditelji iščekuju odgovor na postavljeno pitanje i ako ne želi premijer, da uvaženi ministar pojasni o čemu se radi, da li će ovaj problem biti otklonjen. Hvala.

Ministar Elvir Kazazović:

Zahvaljujem predsjedavajući. Selamim i pozdravljam sve prisutne kao i gledaoce pored TV ekrana. Moram uvaženom zastupniku reći da je dobio dezinformaciju. Radi se o 64 učenika. Nikada Ministarstvo nije davalo saglasnost niti je dalo na tri odjeljenja pa sada kao rekli dva odjeljenja. Znači to su krive informacije. Ali moram vas upoznati sa situacijom. Već je premijer rekao da smo mi poduzeli neke korake, to je prvi korak racionalizacije, da smo napravili ogromne uštede za sljedeću godinu. A to je 5 miliona KM. Radili smo na običnom razgovoru sa direktorima škola i zamolili ih da ne izlaze van standarda i normativa, a to je od 18 do 32 učenika. Znači 32 učenika je u zakonskom okviru. Međutim mi imamo razumijevanja i nećemo dozvoliti da bude tako veliki broj učenika u odjeljenjima. Dogovorili smo se sa sindikatom da to bude neka optimalna cifra od 24 do 25 učenika u srednjim školama. I toga se pridržavamo. Zamolili smo direktore na dobrovoljnoj bazi, ovako da se izrazim, da spoje odjeljenja gdje imaju po 17 učenika. Znači tri odjeljenja po 17 učenika su dva odjeljenja po 25. i napravili smo uštedu od 5 miliona. Mi imamo još niz koraka racionalizacije koje trebamo da sprovedemo da bi napravili uštede nauštrb učenika, fokus je na učeniku i želimo da učenicima obezbjedimo što bolje uslove. Mi ćemo riješiti problem u ovoj školi ali na način da direktor škole ne dostavi samo brojku, već imena i prezimena i matični broj da bi mi mogli to kontrolisati. Poljuljalo se i povjerenje između direktora, već je bila inicijativa uvaženog kolege Čomora. Znači poljuljalo se i povjerenje na osnovu proteklih godina gdje mi nemamo povjerenje kao ministarstvo i Vlada u pojedine direktore i nećemo dozvoliti u budućnosti da prave štetu nauštrb učenika. Znači, neophodno je da direktor dostavi podatke, i o učenicima sa teškoćama u razvoju, jer veliki broj direktora opravdava smanjeni broj učenika sa podacima da ima veliki broj učenika sa teškoćama u razvoju. Mi nemamo uvid tačno niti imamo bilo kakve dijagnoze već su to samo brojke na osnovu kojih bi mi trebali da reagujemo. Mi nećemo u budućnosti reagovati samo na brojke, već je neophodno da dobijemo adekvatne podatke da u budućnosti možemo da to racionalno sprovedimo. Znači, za roditelje informacija da ćemo mi nastojati da formiramo i to treće odjeljenje ali prije toga je neophodno da rukovodstvo škole nam dostavi adekvatne podatke. Hvala.

Predsjedavajući:

Zahvaljujemo ministru Kazazoviću. Prije nego što pređemo na sljedeću tačku dnevnog reda, imam zaključak zastupnice Segmedine Srne Bajramović koji ću ja pročitati a da se zastupnici izjasne.

Zaključak:

Kojim se zahtijeva od Vlade FBiH da što hitnije uputi u proceduru izmjene Zakona o pripadnosti javnih prihoda FBiH u skladu sa presudom Ustavnog suda broj: U74/14 od 10.06.2015.godine u kojim se nedvosmisleno utvrđuje da je odredbama člana 13 Zakona o izmjenama i dopunama Zakona o pripadnosti javnih prihoda u FBiH, Službene novine FBiH broj 35/14 povrijeđeno pravo Grada Sarajeva na lokalnu samoupravu.

Molim zastupnike da se izjasne o Zaključku koji je predložila Segmedina Srna Bajramović. Ko je za?

Za je glasalo 30, protiv niko, suzdržan niko.
Konstatujem da je Skupština usvojila ovaj Zaključak.

Premijer Elmedin Konaković:

Kolegice Srna i cijenjeni zastupnici u Skupština Kantona Sarajevo ja apeliram samo na jednu stvar koja je za nas potencijalno može biti vrlo opasna. Da se pod okriljem ove izmjene ne desi amandman koji će gore ne Federaciji reći uključujemo i brisanje pondera 2. vrlo je opasna tema. Ja nisam sebi uzimao za pravo da sugerišem to prije izjašnjavanja Skupštine. Ukoliko se ne daj bože to desi, a moguće je vrlo, jer će se ovdje geografski odnositi ljudi prema pokretanju ovog zakona ja vas molim da i vi i svi predstavnici svih političkih partija koji sudjeluju u radu Skupštine Kantona Sarajevo budu svjesni da bi to značilo bankrot za Kanton Sarajevo uzimanje 140 miliona, eventualno ako čak mi budemo inicijatori donošenja izmjena ovog zakona reći će na m da smo pokrenuli izmjene i dopune zakona, tražili smo to od Federacije a opet ćemo se morati nas nekoliko boriti, strašno se s tim borimo da se ne desi to što oni misle da je rješenje. Nije samo krah Kantona, to je za dvije godine krah ekonomije države BIH ako napadnu ovaj zdravi segment koji proizvodi 40% bruto društvenog proizvoda. Dakle to je preopasna tema, molim vas da o tome svi vodimo računa. Nemamo ništa protiv, sve radimo da se Gradu olakša ali ako pod plaštom čak naše inicijative koju pokrenemo za izmjenom zakona neko ubaci amandman i kaže ukida se ponder 2 to su samo tri riječi, mi smo na koljenima. Zahvaljujem se.

Predsjedavajući:

Zahvaljujem premijeru Konakoviću. Prelazimo na treću tačku dnevnog reda.

AD – 2.

PRIJEDLOG IZMJENA I DOPUNA BUDŽETA KANTONA SARAJEVO ZA 2015. GODINU

Prijedlog ste dobili uz poziv za sjednicu. Amandmane zastupnice Segmedine Srne Bajramović i Kluba Naše stranke po ovom Prijedlogu ste dobili u dopunskom materijalu.

Također ste u dopunskom materijalu dobili amandmane zastupnika Elvedina Okerića, ali je zastupnik Okerić 31.08.2015. godine poslao obavijest da amandmane povlači.

Molim predstavnika Predlagača da podnese uvodne napomene kao i da se izjasni o podnesenim amandmanima zastupnice Srne – Bajramović i Kluba Naše stranke.

Ministar Jasmin Halebić: UVODNO IZLAGANJE

To je što se tiče uvodnog izlaganja. Što se tiče amandmana koji su pristigli da li ćemo ih sada objedinjeno čitati. Dakle na 16. sjednici Vlade Kantona Sarajevo održanoj 31.08. a u funkciji pripreme 6. radne sjednice Skupština Kantona Sarajevo razmatrani su amandmani poslanika u Skupštini Kantona po materijalima koji se nalaze na dnevnog redu i to amandmani Segmedine Srne Bajramović, zastupnice SDP-a BIH u Skupština Kantona Sarajevo, te amandmani Kluba zastupnika Naše stranke. Nakon razmatranja amandmana zastupnika Vlada Kantona zauzela je sljedeće stavove:

1. Zastupnica Segmedina Srna Bajramović i njeni amandmani. Na prijedlog izmjena i dopuna budžeta Kantona Sarajevo za 2015 godinu, podnijela je dva amandmana.

U okviru potrošačke jedinice 0001 Dom za socijalno zdravstveno zbrinjavanje osoba sa invaliditetom i drugih osoba izvršiti:

- uvećanje pozicije za Bruto plaće i naknade sa 1.379.400,00 KM iz vlastitih prihoda 116.100,00 KM na iznos 1.435.084,00 KM, ove manje iznose radi boljeg razumijevanja zaokružujem, pri čemu bi iz budžetskih sredstava 1.319.000,00 KM a i iz vlastitih prihoda 116.084,00 KM. Posljedično uvećavanje pozicije doprinosi poslodavca sa 145.000 KM iz budžetskih sredstava 132.000 KM i iz vlastitih prihoda 12.400 KM na iznos 155.000 KM iz budžetskih sredstava 142.600,00 KM, iz vlastitih prihoda 12.400,00 KM.

Razliku sredstava prema ovom amandmanu od 65.684,00 KM potrebno je osigurati umanjnjem na potrošačkoj jedinici 0001 Kabinet Premijera na poziciji ekonomski kod 614200 funkcija 011 Transferi neprofitnim organizacijama koja je planirana u iznosu od 70.000,00 KM.

Za ovaj amandman dato je sljedeće obrazloženje: kako je prvobitnim usvojenim budžetom za 2015 godinu odobren veći broj zaposlenih 91 u odnosu na prvobitni zahtjev ustanove 87, te kako se ustanovama socijalne zaštite od augusta 2014 godine shodno sporazumu o postupku utvrđivanja platnih razreda i koeficijenata za obračun plata i naknada koje nemaju karakter plate u JU socijalne zaštite Kantona Sarajevo između samostalnog sindikata državnih službenika i namještenika u organima državne službe, sudskoj vlasti i JU FBIH, i ministarstva za rad socijalnu politiku, raseljena lica i izbjeglice Kantona Sarajevo, a kasnije shodno usvojenom zakonu, primjenjuju novi, veći koeficijenti za obračun plata što u odnosu na izvršenje u 2014 godini implicira potrebu za većim sredstvima po ovom iznosu i za prvih sedam mjeseci 2015 godine. Imajući u vidu navedene razloge ovim zahtjevom za dodjelu sredstava u postupku izmjena i dopuna budžeta Kantona Sarajevo za konto 611100 Bruto plaće i naknade potrebno je ukupno prema ovim navedenim iznosima a iznos učešća po osnovu vlastitih sredstava na ovoj poziciji proiciran je shodno ugovoru o osiguravanju zdravstvene zaštite korisnicima Doma za socijalno zdravstveno zbrinjavanje sa invaliditetom i drugih osoba sa Zavodom zdravstvenog osiguranja Kantona Sarajevo po osnovu kojeg ustanova prima navedena namjenska sredstva.

Ovo je bilo dakle obrazloženje, a stav predlagača Vlade Kantona Sarajevo amandman se ne prihvata. Obrazloženje: mi smo u Ministarstvu finansija također pokušali napraviti proračun i prema našem proračunu a ja ću ga sada pročitati Izvršenje bruto plaća za Dom za socijalno zdravstveno zbrinjavanje osoba sa invaliditetom i drugih osoba za sedam mjeseci 2015 godine je iznosilo 779.651 KM. Ako se taj iznos uzme kao osnova za izračunavanje mjesečne plate onda ona iznosi 111.728 KM te kao takva u mjesečnom iznosu pomnoženo sa 12 mjeseci iznosi 1.336.000 KM. A u budžetu je planirano 1.379.000 KM. Smatramo da nedostatka na ovoj poziciji neće biti.

Amandman II

U okviru potrošačke jedinice 0005 Sarajevski ratni teatar izvršiti uvećanje pozicije ekonomski kod 613200 – Izdaci za energiju sa 17.900, 00 KM na 34.000,00 KM.

Razliku sredstava od 16.100,00 KM osigurati umanjnjem na potrošačkoj jedinici 0001 Kabinet predsjedavajućeg i zamjenici predsjedavajućeg Skupštine KS na poziciji ekonomski kod 614200 funkcija 011 Transferi pojedincima koja je planirana u iznosu od 20.000,00 KM.

To je tekst amandmana. Za takav amandman ponuđeno je sljedeće obrazloženje.

U okviru Budžeta za 2015, godinu, za Sarajevski ratni teatar na poziciji 613200 -Izdaci za energiju, planirano je 17,900,00 KM za troškove energije. Sa ove pozicije vrše se uplate za troškove prirodnog gasa i električne energije. Kako je vidljivo u izvještaju o javnoj raspravi Ministarstvo finansija je do sada više puta na teret SARTR-a izvršilo avansne uplate za troškove prirodnog gasa, a na osnovu procjena dostavljenih od strane Sarajevogasa.

Prijedlogom izmjena Budžeta za 2015, godinu, sredstva na poziciji koja je navedena kako bi se zatvorile avansne uplate koje u ovom momentu iznose ukupno 18,911,71 KM. Kako bi bili u mogućnosti izvršiti zakonsko pravdanje avansa, potrebno je da se pozicija kako je navedeno od 17,900,00 KM poveća na 34.000,00 KM, uz napomenu da troškovi električne energije iznose cca 15.000,00 KM godišnje.

Vlada je razmatrala ovaj zahtjev i stav Vlade kao predlagača je da se Amandman ne prihvata, uz sljedeće obrazloženje: u 2014 godini kod javne ustanove SARTR avans za plin je iznosio 14.195 KM. Dakle u 2014 godini od kojih je za 7.537 KM izdata faktura. Ostatak od 6.600 KM je prenesen u 2015 godinu. Tome iznosu se dodaje iznos koji je uplaćen na ime avansa za plin u 2015 godini u iznosu od 12.253 KM te ukupna pozicija iznosi 18.911 KM. Znači cijela godina je već unaprijed avansno plaćena za troškove gasa uzimajući u obzir specifičnu situaciju u kojoj posluje Sarajevo gas. Do sada nije bilo podnijetih faktura na ovoj poziciji. Na poziciji 613200 planiran je iznos od 17.900 i do sada je utrošeno 8000. a do kraja 2015 očekuje se utrošak od oko 7000 KM. Što ukupno iznosi oko 15.000 KM. ova sredstva se isključivo troše za električnu energiju. Ako bi se tokom 2015 godine izdale fakture kao u prethodnoj godini od oko 8000 onda bi ukupan iznos na poziciji 613200 bio 23.000 KM što u odnosu na prijedlog rebalansa budžeta je manje za 5100. dakle ova pozicija je prema sadašnjem prijedlogu manja za oko 5.000 KM. Međutim dosta od ovih računica su zapravo procjene. Smatramo da se preraspodjelom sredstava može obezbjediti nedostajućih oko 5.000 KM pod uslovom da se ove procjene ostvare. I da će naravno takva preraspodjela biti urađena krajem godine kada bude poznat tačan dio nedostajućih sredstava.

2. Amandmani Kluba zastupnika Naše stranke.

Na Prijedlog izmjena i dopuna Budžeta Kantona Sarajevo za 2015 godinu Klub zastupnika Naše stranke podnosi sljedeće amandmane:

Amandman I

Ministarstvo zdravstva, pozicija kako je navedeno u materijalu Provođenje programa obavezne preventivne sistematske deratizacije u Kantonu Sarajevo 120.000 KM povećava se za 880.000 KM.

Ministarstvo saobraćaja, pozicija 614400 EAO004 107 Pokrivanje razlike do ekonomske cijene za penzionerske mjesečne pretplatne karte KJKP „Gras“ 5.000.000 KM smanjuje se za 430.000 KM.

Ministarstvo saobraćaja, pozicija 614400 EAO007 107 Subvencionisanje troškova studentskih karata 1.450.000 KM smanjuje se za 450.000 KM. Time bi se ovih 880.000 prema prijedlogu amandmana moglo finansirati.

Dozvolite da pročitam i obrazloženje uz ovaj amandman.

Kanton Sarajevo je u posljednje dvije godine stekao problem sa glodarima, žoharima i komarcima. Na to upućuje stručna javnost i inspekcijski organi koji djeluju po pozivima građana. Kao osnovni uzrok alarmantne situacije, u kojoj se pune dvije godine ne vrši stručna, sistematska i sigurna preventivna deratizacija i dezinfekcija, vidimo izmjenu u načinu tretiranja površina godišnjom Odlukom o provođenju obavezne preventivne deratizacije. Odlukom su se odjednom prestale tretirati sve površine Kantona, te se tretiraju samo javne površine i javna dobra, koje čine samo frakciju ukupne površine Kantona. U skladu sa ovom izmjenom drastično su smanjena budžetska sredstva za ovu namjenu. Ova praksa je počela 2013. godine Odlukom objavljenom u Službenim novinama Kantona Sarajevo br. 22/13.

Istovremeno, napuštena je praksa da deratizaciju i dezinfekciju vrši jedan izvođač ili mala grupa izvođača izabраниh strogo kontrolisanim javnim pozivom. Sada imamo situaciju da ne znamo koje firme djeluju i na kojim područjima. Imamo situaciju da neke od firmi od pravnih lica insistiraju na gotovinskom plaćanju bez izdavanja faktura uz sramotno nedostatnu dokumentaciju i bez prisustva stručnog i upravnog nadzora.

Imajući u vidu bitnost systemske i redovne deratizacije i dezinfekcije za zdravlje građana, te u nadi da još imamo vremena spriječiti širenje zaraznih bolesti zbog velikog porasta glodara i komaraca, bitno je da se već do kraja ove godine sanira počinjena šteta, te iznos koji bi možda bio dostatan za cijelu godinu utroši do kraja ove godine kroz jesenju obradu svih površina u Kantonu. Ovom prilikom napominjemo da ćemo pokrenuti izmjenu Odluke kojom će se vratiti praksa ustanovljena prije više od 50 godina da se redovno tretiraju sve površine od strane jednog dobavljača, a ne samo frakcija površine. Potrebno je i ukinuti praksu povjeravanja ovog osjetljivog posla velikom broju nekoordiniranih dobavljača koji rade po različitim metodologijama koristeći otrove neuravnoteženog kvaliteta.

Za rješenje situacije koja prijeti da postane daleko opasnija po građane od problema pasa lualica odabrali smo smanjenje transfera prema preduzeću „Gras“ i to sa pozicija subvencija karata penzionerima i studentima. Očekujemo od preduzeća „Gras“ da dio pozicije subvencija za penzionere nadoknadi kroz unutrašnje rezerve, tačnije, dugo očekivanom reorganizacijom firme. Iznos umanjen sa pozicije subvencije za studente opravdava projekcija za ostatak 2015. godine, kao i ostvarene vožnje u prvom dijelu godine, te ne očekujemo da će po ovom osnovu „Gras“ trebati više od iznosa preostalog nakon usvajanja ovog amandmana.

Ne trebamo posebno napominjati da Naša stranka kao jedno od rješenja katastrofalne usluge javnog prijevoza građana vidi u na stečaju preduzeća „Gras“ iz kojeg bi izdvojili njegove zdrave dijelove, prevashodno tramvajski i trolejbuski saobraćaj, te preporučili firmu bez koje je Sarajevo teško i zamisliti.

Završeno obrazloženje. Ovaj amandman je Vlada također razmatrala i donijela stav da se amandman ne prihvata. Uz ovaj stav ponuđeno je sljedeće obrazloženje: sredstva planirana za provođenje obavezne preventivne sistematske deratizacije na području Kantona Sarajevo u budžetu za 2015 godinu u iznosu od 120.000 KM su dovoljna i sa istim se može osigurati kvalitetna i efikasna sistematska deratizacija uz adekvatan nadzor i kontrolu izvođenja deratizacije a u cilju sprječavanja i suzbijanja zaraznih bolesti, poboljšanja općih higijenskih uslova za život, zaštite čovjekove sredine i smanjenja ekonomskih šteta koje prouzrokuju štetni glodari povećanje od 880.000 bi značilo da se je 1/3 ukupnih sredstava Ministarstva zdravstva troše za ove namjene a da se pri tom ne vodi računa o članu 8 odluke prema kojem svi vlasnici ili korisnici ili upravitelji objekata i prostora mogu i sami izabrati izvođača deratizacije ili odabrati onoga koga je na osnovu javnog tendera izabrao Kanton. Obavezna preventivna sistematska deratizacija se finansira iz budžeta i njome su obuhvaćene javne površine i javna dobra koja su definisana u članu 2 odluke o obaveznoj preventivnoj sistematskoj deratizaciji na području Kantona, Službene novine kako je navedeno. I za koju Kanton Sarajevo raspisuje javni tender i bira najpovoljnijeg izvođača u skladu sa zakonom o javnim nabavkama. Samim tim nije napuštena praksa da deratizaciju i dezinfekciju vrši jedan izvođač ili mala grupa izvođača. Problem ekskluziviteta pri izboru ponuđača i duga procedura pri agenciji za žalbe u BiH ne znači da se sredstva za ove namjene trebaju uvećavati.

Sredstva predviđena za subvencionira prevoz kategorija korisnika penzionera i studenata koja su planirana u budžetu Kantona su planirana u minimalno prihvatljivom iznosu koji najvjerojatnije neće biti dovoljan za izmirivanje svih obaveza za subvencionira prevoz korisnika do kraja godine. Pozicija je umanjena sa 6.500.000 na iznos od 5.000.000. sredstva su planirana u iznosu manjem od redovnih obaveza za ove kategorije korisnika jer Ministarstvo saobraćaja kontinuirano provodi reviziju kupona svih korisnika.

Sredstva na poziciji subvencioniranje troškova studentskih karata ne podrazumijevaju samo subvencioniranje samo prevoznika Grasa već i prevoznika Centrotrans doo Sarajevo. Sredstva za kategoriju korisnika subvencioniranje troškova studentskih karata su planirana u manjem iznosu nego što je potreban do kraja godine pod pretpostavkom efekata provedene revizije za ovu kategoriju korisnika. Dalje, Ministarstvo saobraćaja je u toku 2015 provelo niz kontinuiranih mjera kojima se postigla značajna ušteda iz budžeta za kategorije subvencioniranih korisnika javnog prevoza. Sredstva su preraspoređena za unapređenja usluga javnog prevoza putnika i povećanje efikasnosti u poslovanju KJKP Gras. Povećanje karata za subvencionirane kategorije ni na koji način nije povezano sa reorganizacijom firme Gras jer u ovom slučaju Kanton plaća javni prevoz za određene kategorije korisnika a ne daje direktno subvenciju poslovanju Grasa. Smanjenjem subvencija bi se samo smanjila prava korisnika subvencioniranog odnosno kategorija penzionera i studenata. Ministarstvo saobraćaja je odobrilo program konsolidacije poslovanja Grasa na koje je Vlada Kantona Sarajevo dala saglasnost kojim su predviđene mjere reorganizacije poslovanja Grasa. Mjere reorganizacije poslovanja između ostalog predviđaju smanjenje broja uposlenih kroz program zbrinjavanja, umanjenja plata uposlenima, mjere koje trebaju dovesti do povećanja prihoda iz poslovanja, te ostale mjere koje trebaju povećati efikasnost i produktivnost u poslovanju ovog komunalnog preduzeća. Najveći problem preduzeća predstavljaju obaveze za poreze i doprinose iz prethodnog perioda koje Gras nije izmirivao.

Amandman II

Ministarstvo za obrazovanje, nauku i mlade, iza pozicije 614200 LAM001 096 Stipendije učenicima i studentima 100.000 KM iza ove pozicije dodaje se nova pozicija Stipendije studentima Odsjeka za računarstvo i informatiku Elektrotehničkog fakulteta Univerziteta u Sarajevu 450.000 KM.

Ministarstvo komunalne privrede i infrastrukture, pozicija 614400 KJKP „Rad“ Sarajevo, Komunalni redari, smanjuje se za 314.350 KM.

Ministarstvo finansija, pozicija „SERDA“ smanjuje se za 135.500 KM.

Obrazloženje: Vlada Kantona Sarajevo je upoznata sa činjenicom da je u zadnjih nekoliko godina jedan od najvećih generatora radnih mjesta sektor informacijskih tehnologija. Sve je veći broj firmi koje zapošljavaju isključivo inženjere informatičare, takozvane programere i da je ova struka deficitarna na tržištu rada. Vlada je to prepoznala, pa je premijer Elmedin Konaković u svom ekspezu najavio poticaje ovom sektoru. Mi se potpuno slažemo sa stavom Vlade, ali nismo primijetili da se taj stav oslikava u Budžetu. Najmanje što Vlada može učiniti je privući veći broj studenata u ovaj sektor tako što će ukinuti kategoriju samofinansirajućih studenata. Ovaj amandman predviđa pokrivanje troškova studija svim redovnim studentima Odsjeka za računarstvo i informatiku Elektrotehničkog fakulteta Univerziteta u Sarajevu. Iznos je zasnovan na broju od 250 studenata.

Transfer prema KJKP „Rad“ po osnovu komunalnih redara se polovi kako bi se firma stimulisala da boljim radom, izdavanjem i naplatom kazni, te boljom unutrašnjom organizacijom firme ova pozicija nadomjesti do potrebnog iznosa.

Transfer Sarajevskoj razvojnoj agenciji se umanjuje kako bi se potaknula u putu ka samoodrživosti i kako bi se okrenula evropskim i regionalnim fondovima kao osnovnim izvorima svog finansiranja. Ova agencija je u partnerstvu sa 32 opštine i Kanton Sarajevo snosi nesrazmjerno učešće u radu agencije.

Povezano s tim ovaj amandman je razmatran stav predlagača je da se amandman ne prihvata.

Obrazloženje koje smo ponudili za neprihvatanje ovog amandmana je slično kao i obrazloženje za amandman III jer je amandman III sličan amandmanu II pa dozvolite da i amandman II pročitam prije čitanja obrazloženja.

Amandman III

Ministarstvo za obrazovanje, nauku i mlade, iza pozicije 614200 Stipendije učenicima i studentima 100.000 KM dodaje se nova pozicija Stipendije studentima Odsjeka za automatiku i elektroniku, Odsjeka za elektroenergetiku i Odsjeka za telekomunikacije Elektrotehničkog fakulteta Univerziteta u Sarajevu i studentima Mašinskog fakulteta Univerziteta u Sarajevu 333.000 KM

Ponovo, Ministarstvo komunalne privrede i infrastrukture, pozicija KJKP „Park“, Komunalni redari smanjuje se za 225.000 KM.

A Ministarstvo finansija, ponovo pozicija „SERDA“ 400.000 KM smanjuje se za 108.000 KM.

Obrazloženje je slično s tim što je ovaj put procjena urađena na broju od 185 studenata. I ovaj amandman Vlada je razmatrala te je stav Vlade kao predlagača da se amandman ne prihvata. Dozvolite mi sada da pročitam obrazloženja za obadva ova amandmana.

Sredstva na poziciji KJKP Rad su planirana za isplatu plaća tog preduzeća. Traženo umanjeno znatno bi utjecalo na cjelokupno poslovanje preduzeća budući da se radi o dijelu poslovanja koje obavlja ovo preduzeće u okviru svih poslova i segmenata zajedničke komunalne potrošnje. Također je bitno istaći da predloženo umanjeno umanjuje tekuće grantove i to za poslove zajedničke komunalne potrošnje. Dalje. SERDA u okviru svojih aktivnosti realizira projekte koji su usmjereni ka sektoru informaciono komunikacionih tehnologija. SERDA učestvuje u projektu pod nazivom „Market makers“ koji ima za cilj edukaciju iz oblasti IT Tehnologija i preko 500 polaznika je završilo različite kurseve. Ovaj projekat realizira se sa ključnim partnerima HAB 387 i Bit alijansa. Projekt obuhvata i pet različitih projekata stažiranja i prekvalifikacije za zanimanja iz oblasti IT industrije od kojih je preko 20 zaposleno u kompanijama koje su učestvovala u ovom projektu. Na drugi ciklus se prijavilo 1300 kandidata od kojih je 50 najuspješnijih odabrano za obuku. Specifičnost ovog ciklusa ogleda se u tome što svi kandidati koji uspješno prođu obuku budu zaposleni u nekoj od informaciono telekomunikacionih kompanija. Bitno je naglasiti da će se kroz ovaj projekat inicirati izmjene nastavnog programa na određenim predmetima na Elektrotehničkom fakultetu u cilju ispunjavanja potreba tržišta rada vezano za IT sektor. SERDA i Vlada kantona su pokrenule inicijativu za izradu strategije razvoja IKT sektora na čijoj će implementaciji raditi Elektrotehnički fakultet. IKT sektor zauzima značajano mjesto u privrednim kretanjima u BIH i regionu te je jedan od tri ključna sektora privrede koji imaju ogroman potencijal za ulaganje. Također u okviru IT projekata Agencija SERDA implementirala je projekat informacioni sistem za putnike u jadranskoj regiji. Akronimtisar. Projekat se bavi tematikom pružanja informacija o javnom prevozu i informacijama u multimodalnom prevozu na tehničkom i institucionalnom nivou u jadranskoj regiji. Serda je bila nosilac aktivnosti na izradi aplikacije na programu Horaizont 20 20 Integra i sličnim IT projektima.

Dakle ovo obrazloženje je ponuđeno jednako za II i za III amandman budući da su oni tematski slični.

Amandman IV

Ministarstvo za obrazovanje, nauku i mlade, iza pozicije 821600 Rekonstrukcija i investiciono održavanje dodaje se nova pozicija Opremanje računarskih centara 150.000 KM. Neprofitne organizacije i pomoć vjerskim zajednicama, briše se pozicija 615300 Rekonstrukcija, adaptacija, sanacija i izgradnja vjerskih objekata 150.000 KM.

Obrazloženje koje je pristiglo uz ovaj amandman: Pristup djece računarskim tehnologijama u osnovnom obrazovanju je prioritet za postavljanje zdravih temelja za budući razvoj kantona.

Ovim amandmanom će se obezbjediti sredstva za 10 računarskih centara koji podrazumijevaju učionicu sa 20 umreženih računara uz prisustvo adekvatno obučenog obrazovnog osoblja. Računarski centri će se opremiti u školama koje pohađaju djeca kojima je iz materijalnih razloga otežan pristup računarskim tehnologijama. Odabir škola će izvršiti nadležno ministarstvo.

Kapitalni transfer vjerskim zajednicama se briše kako bi se vjerske zajednice potaknule na aktivnije prikupljanje donacija od pojedinaca i firmi, kao i unaprijeđeno upravljanje sredstvima prikupljenim sa raznih nivoa vlasti, a imajući u vidu i transfer vjerskim zajednicama od 350.000 KM predviđen u ovom prijedlogu budžeta.

Stav predlagača je da se Amandman ne prihvata. Obrazloženje: pozicija 615300 rekonstrukcija adaptacija sanacija i izgradnja vjerskih objekata je izvršena već u iznosu od 84.000 KM. Pored toga sve škole u Kanton Sarajevo imaju opremljene informatičke kabinete i učenicima je omogućeno kroz predmet informatiku i slične vannastavne aktivnosti i sekcije korištenje tih postojećih kapaciteta.

Amandman V

Ministarstvo privrede, pod ekonomskim kodom 613000 dodaje se nova pozicija Poslovni centar u iznosu od 20.000 KM a u okviru istog ministarstva smanjuje se pozicija Podrška sajmovima u organizaciji KJP „ZOI 84“ i KJP „Skenderija“ 85.000 KM za 20.000 KM.

Obrazloženje koje je pristiglo uz ovaj amandman glasi: Ne treba posebno obrazlagati da je glomazna administracija možda i najveća prepreka investiranju koje bi vodilo otvaranju radnih mjesta. Neke sredine u BiH su već daleko ispred Kantona Sarajevu u informisanju i pomoći potencijalnim investitorima. Uspostavljanje Poslovnog centra će pomoći na dva polja. Prvo, adekvatnom obukom i procedurama može se značajno pomoći firmama koje već posluju ili namjeravaju poslovati u kantonu. Drugo, Poslovni centar će biti generator uspostave i implementacije pojednostavljenja procedura koje će biti rezultat saradnje sa međunarodnim institucijama. Dobar primjer je sporazum koji Kanton već ima sa Međunarodnom finansijskom korporacijom. Zaposlenici Poslovnog centra će biti isključivo već zaposleni u Ministarstvu, a inicijalna sredstva su potrebna za uspostavu centra, opremanje prostora i obuku zaposlenih.

Smanjenje pozicije podrške sajmovima je potrebno kako bi se KJP „Skenderija“ i „ZOI '84“ potaknuli da veći dio sredstava prikupe od privatnih komercijalnih partnera koji će vršiti promociju svojih proizvoda, usluga i djelatnosti na predviđenim sajmovima.

Vlada je razmatrala ovaj amandman i stav Vlade kao predlagača izmjena i dopuna je da se amandman ne prihvata. Obrazloženje: sredstva planirana za potrebe sajмова u organizaciji KJP ZOI 84 i Skenderija Sarajevo u cijelosti su već izvršena zaključno sa 30.06.2015 godine. Također već je spomenuto da Kanton Sarajevo ulazi u jedan novi projekat sa Međunarodnom finansijskom korporacijom u okviru koje će se revidirati oko 200 dozvola koje se na nivou cijelog Kantona izdaju a koje BIH pozicioniraju kao jednu da kažemo najlošije mjesto u odnosu na zemlje u regionu. Realizacijom ovog projekta će se sigurno i pozicija BIH u onim izvještajima ako pratite Doing biznis ili lakoća poslovanja biti unaprijeđena. Prema tome, amandman se ne prihvata.

Dakle to su bili stavovi koji su pristigli od strane zastupnika i od strane Kluba zastupnika. Zatim na današnjoj 7. vanrednoj sjednici Vlada Kantona Sarajevo je razmatrala i utvrdila tri amandmana na Prijedlog izmjena i dopuna budžeta Kantona Sarajevo u sljedećem obliku.

Amandman I

Sa pozicije akumulirani deficit iz prethodnih godina umanjiti iznos 5 miliona KM te prebaciti na razdjel 34 glava 01 potrošačka jedinica ekonomski kod i subanalitika kako je navedeno u materijalu a odnosi se na Pokriće gubitka u poslovanju KJKP Toplane Sarajevo iz prethodnih godina, te poziciju uvećati za iznos od 5 miliona KM. Opis pozicije također promijeniti Pokriće gubitka u poslovanju KJP Toplane iz prethodnih godina mijenja se i glasi: Pokriće gubitka u poslovanju KJP Toplane Sarajevo namijenjene za plaćanje duga prema Sarajevo gasu i prema BH gasu. Obrazloženje već smo čuli, radi obezbjeđenja početka nesmetanog početka sezone grijanja i stabilnosti rada Toplana i plaćanja obaveza prema BH gasu do kraja 2015 godine potrebno je podmiriti dio gubitka te se predlaže preraspodjela koja je predstavljena u ovom amandmanu.

Amandman II

Sa razdjela 14 glava 01 potrošačka jedinica 001 Ministarstvo saobraćaja, ekonomski kod subanalitika funkcija kako je navedeno u materijalu Izgradnja i rješavanje imovinsko pravnih odnosa na primarnim gradskim saobraćajnicama umanjiti za 100.000 KM i sa ekonomskog koda 821600 subanalitika i funkcija kako je navedeno u materijalu Investiciono održavanje saobraćajne infrastrukture umanjiti za 50.000 KM. Dakle ukupno 150.000

Razdjel 13 glava 01 potrošačka jedinica 001 Ministarstvo za boračka pitanja ekonomski kod 614200 subanalitika i funkcija kako je navedeno u materijalu Jednokratne pomoći pojedincima udruženjima i druge pomoći uvećati za iznos 50.000 KM.

Ekonomski kod 614200 subanalitika i funkcija kako je navedeno u materijalu Sredstva za liječenje u inostranstvu uvećati za iznos 20.000 KM

Ekonomski kod i subanalitika kako je navedeno u materijalu zatim sufinansiranje pravne pomoći u korist branilaca BIH uvećano za iznos 30.000 KM

Ekonomski kod 615100 nova subanalitika sredstva za postavljanje spomen obilježja šehidima i poginulim borcima na području Kantona Sarajevo dodati iznos od 50.000 KM.

Obrazloženje na osnovu zaključka Koordinacionog odbora boračkih organizacija Kantona Sarajevo kojim su se obratili Vladi Kantona Sarajevo potrebno je bilo obezbjediti navedena sredstva na naprijed iskazanim pozicijama za šta je Vlada Kantona Sarajevo na ovoj sjednici održanoj prije sjednice Skupštine dala saglasnost da finansijska sredstva su obezbijeđena preraspodjelom sredstava sa Ministarstva saobraćaja.

I treći Amandman

Sa razdjela 21 glava 01 potrošačka jedinica 001 Ministarstvo za obrazovanje nauku i mlade, ekonomski kod subanalitika i funkcija kako je navedeno u materijalu oprema za fiskulturnu salu u OŠ Behaudin Selmanović umanjiti iznos od 2000 KM a na razdjelu 21 glava 01 potrošačka jedinica Ministarstvo za obrazovanje nauku i mlade ekonomski kod subanalitika kako je navedeno u materijalu dogradnja VII OŠ u Blažuju dodati iznos od 1000 KM. I ekonomski kod 821200 subanalitika kako je navedeno u materijalu dogradnja OŠ Dobroševići, dodati iznos od 1000 KM. Dakle riječ je o jednoj preraspodjeli u iznosu od 2000 KM. Obrazloženje: navedena preraspodjela izvršena je sa ciljem otvaranja pozicija za OŠ Dobroševići i VII OŠ u Blažuju. I u slučaju neizvršavanja drugih planiranih projekata predviđena sredstva na tim projektima bi imala mogućnost preraspodjele na ove dvije pozicije.

Evo time je ovo uvodno izlaganje te amandmani završeni.

Predsjedavajući:

Zahvaljujem ministru Halebiću na iscrpnom izlaganju. Premijer Konaković ima dodatno pojašnjenje.

Premijer Elmedin Konaković:

Ovaj dio morao biti ovako dug i iscrpan zbog stenograma, da ne bi ste ponovo čitali ovo kada budete se eventualno izjašnjavali o amandmanima. Dobro je da je Halebić pročitao sve i razloge podnošenja amandmana i obrazloženja zašto su ovi amandmani odbijeni. Ja ću pokušati u nekoliko minuta zaista da sublimiram širi osvrt na budžet i molio bih vas da danas krenemo s jednom činjenicom ovo je rebalans budžeta. Dakle izmjena i dopuna postojećeg budžeta. Ovdje razgovor o neki stvarima koje bi trebale biti kapitalne ili jesu ili nisu dovoljno kapitalni kreću od toga da smo od nekoga trebali uzeti da raspoređeni novac i otvoriti nove pozicije na kojima to eventualno pokrećemo. On je u suštini tek danas odraz dijela naših politika. Većeg dijela naših politika. On je danas pretpostavka da sve naredne budžete donosimo mnogo lakše i da budu mnogo više razvojnog i kapitalnog karaktera. Danas ojačavamo tri najbitnija alata da se danas ne usvoji rebalans budžeta mi bi smo bili Vlada koja bi napravila suficit od nekih 15 do 17 miliona u našem CV-u to ne bi bilo tako strašno. Ne bi smo mogli riješiti nekoliko ozbiljnih problema i nekoliko zakonskih obaveza. Dakle danas ojačavamo MUP Kantona Sarajevo , Tužilaštvo Kantona Sarajevo i Inspekciju Kantona Sarajevo sa ozbiljnim brojem uposlenika koji su pretpostavka da rješavamo one krupne probleme u Kantonu Sarajevo i stvaramo pretpostavku za mnogo bolju prihodovnu stranu u narednom budžetu. Taj višak koji je također sreća nije neka naša posebna aktivnost sredstava koji se pojavio u raspodjeli budžeta povećanja poreza zbog kojih imamo nekih 12 čini mi se miliona smo mi dočekali sa velikim veseljem i planirali raspoređivati na drugačiji način. Međutim zakonske obaveze su doplatak na dijelu boračkog ministarstva za koji ne znam šta bi smo da se nije desilo to povećanje. Isto tako izvršne presude za koje prvi put jedna Vlada predviđa izvršenje izvrših presuda koje su čini mi se nekih 40 miliona već formalnih i ima ih još. Uposlene, ustvari uposlenike MUP-a koji će od septembra biti na svojim radnim zadacima za koje ne bi smo imali sredstava da ih nismo iz ovih 12 miliona mogli servisirati. Još neke zakonske obaveze iz oblasti socijale i oblasti pravde i uprave koje pratimo i vjerovatno ćemo na njih morati posebno pravdi i upravi dodati neka sredstva na izvršavanju ovih sankcija, ustvari na ležanjima ovim u zatvorima za koje mi plaćamo a ne možemo procjenjivati tačan iznos. Tu nam već pokazatelj pali crveno svjetlo da ćemo još neka sredstva tamo morati prebaciti i to naravno iz ovog viška sredstava. Tako da otprilike i naravno tu je jedan mali mikro projekat koji bi trebao biti podrška privrednim subjektima. Riječ je o kreditno garantnom fondu za koji ćemo sa SERDOM i bankom obezbjediti, cijenimo desetak milina na naš uloženi milion. I pomoć direktno i proizvođače i one zdrave privredne subjekte u Kantonu Sarajevo tako što ćemo sufinansirati dio njihovih kamata kod zaduženja i pomoći tu neke nove vrijednosti. Dakle zapošljavanja. Taj projekat je spreman nakon usvajanja ovog rebalansa budžeta moguće ga je implementirati. Razgovarali smo o budžetu na nacrtu budžeta. Ja sam sve ovo govorio na identičan način. Neki od vas su se u javnoj raspravi potrudili malo više neki malo manje i javnost također su imali neko je imao malo onako pasivniji neko aktivniji odnos prema raspravi i neke su nam sugestije pomogle. Mi smo uvažili dokument koji je došao iz SBB-a u dijelu u kom smo procijenili i mi. Najviše smo skidali ako ste primijetili s kabineta premijera smo skinuli sve ove što je trebalo biti neki projekata prema nevladinom sektoru. Ja mislim da je tako trebalo biti i rasporedili smo na one stvari na koje ste nam vi u javnoj raspravi otprilike sugerisali. Jutros o tome ću vas ja izvijestiti, mislim da je to najznačajnija stvar, u ovom dijelu amandmanskog djelovanja, posebno Vlade smo usvajali za mene ključni, jedan od kapitalnih amandmana za rješavanje jednog velikog problema plaćanje duga BH gasu. Mi smo jučer završili razgovore sa predstavnicima BH gasa i napravili smo sljedeći dil. Da ćemo sa ovih 5 miliona koje Vlada predlaže iz dijela sufinansiranja deficita napraviti dobar dil za Kanton Sarajevo tako što ćemo na tih 5 miliona dobiti smanjenje cijene isporuke gasa od BH gasa prema Sarajevo gasu u iznosu 10 do 15 % s tim što ćemo se obavezati da su to sredstva kojima servisiramo taj famozni dug koji je sada veći od 55 miliona. Taj dogovor je napravljen, taj će dogovor biti

potvrđen u idućoj sedmici i cijenimo da je to za nas kapitalno zato što bi trebali stabilizirati isporuku gasa u ovoj sezoni i ne bi trebalo biti nikakvih turbulencija. Dakle to je ono zbog čega smo se odlučili jutros tek na ovaj amandman. I dužni smo vas o tome informisati. Otvorili smo nekoliko novih pozicija, o tome je govorio Halebić zato što su t amandmani smisleni. Mi ne mislimo da je ni jedan amandman vaš bio bez smisla samo što su neki zadirali u druge dijelove politika Vlade Kantona Sarajevo- ja bih bio najsretniji da možemo obezbjediti fond od 3 ili 4 miliona stipendija i posebno u sektorima koje ste i vi potvrdili a Vlada ih prepoznala da su razvojnog kapaciteta. U IT sektoru i drvnometalske industrije činjenica da je nama to prijeko potrebno. Mi smo otvorili razgovor o zakonu studentskom standardu i vodi ga resorno Ministarstvo sa predstavnicima studentskog parlamenta UNSA u kom se dijelom rješava taj dio sredstava za bolji status studenata i njihovo finansiranje. Nismo spremni da ta sredstva obezbjeđujemo na način kako ste nam vi predložili. Dakle mislimo da zadiremo u ono što je stabilizirajući proces.- posebno ne u Gras. Ja ne mislim da će Gras u stečaj. Danas mnogo hrabrije o tome govorimo nakon prvih pokazatelja koji su odlični. Nakon stabilizacije od cca 600.000 njihovog mjesečnog gubitka, nakon što sada uz pomoć ministarstva za rad i socijalnu politiku penzionišemo njih 130. nakon što je tih 130tak više od 100 možemo reći nepotrebnog kadra a mali je broj vozača i nakon što preuzimamo kontrolu štampe i prodaje karata u kom je zadnji mjesec to bilo na iznosu od 845 000 KM a u januaru je to bilo 620 000. u odnosu na isti mjesec prošle godine blizu 100 000 KM povećanja naplate karata samo u segmentu kontrole. A tek sada uspostavljamo segment i štampe i kontrole. Tako da mislimo da bi sada udar na Gras u ovom trenutku kada mi stabiliziramo iz Turske smo jučer dobili novi kontingent autobusa koji bi trebao biti realizovan u narednih nekoliko mjeseci još 30tak, cijenimo da bi to bilo dovoljno da Gras skoro pa potpuno stabiliziramo i nismo spremni baš sada udariti na taj proces koji je za nas stabilizirajući i zbog toga nismo prihvatili amandman koji i je za nas apsolutno opravdan i namjeravano naravno na tom segmentu u budućnosti djelovati. Imamo ovdje još dvije stvari koje nismo pojačali. To je ta Opština Novo Sarajevo sala u kojoj smo obećali neka sredstva, nismo ih još uvijek našli. Posebno mi je žao što nismo pomogli lokalnu zajednicu u Hadžićima koja ide u jedan projekat obezbjeđenja. Ja ću se time pozabaviti u narednim mjesecima analizom. Jedna je stvar predmet privatizacije druga je stvar potencijal koji bi kupili otvaranjem novih industrijskih zona i o tome ćemo vas izvještavati. Sada se nismo odlučili za taj korak. Naravno ovdje smo poslali jedna prateći dokument koji govori o segmentu zapošljavanja. Govorili smo i na inicijativama najviše o njemu. To je ključ za sve nas. Kontrola moratorija koji je Vlada uvela, tamo gdje je to zakonski skoro pa nemoguće. To je ono što moramo raditi javno i transparentno i to je jedini način da se borimo sa neozbiljnim upravljačkim strukturama kojih u Kantonu Sarajevo istina ima dosta. Dakle ponavljam da ćemo na socijali i pravdi morati pratiti parametre i eventualno preraspodjelom ta sredstva povećavati na ove dvije oblast. I ovdje smo napravili jedan proces u kom smo predvidjeli sredstva za neke segmente gradnje u obrazovanju ukoliko ne budu imali projektnu dokumentaciju u ovoj godini, mi smo otvorili nove pozicije da to radimo za one koji su spremni da novac ne prenosimo u naredne godine nego ćemo na narednom budžetu to uraditi. Imali smo sastanak sa predstavnicima boračkih organizacija i sindikata i državnih službenika iz srednjeg obrazovanja. Tu smo saglasni sa prijedlogom resornog ministra Kazazovića da se uštede koje će biti značajne već u ovoj godini koriste dijelom za plaćanje izvršnih sudskih presuda. A dijelom za investiranje u naučno nastavni proces opremu, informatizaciju. I o tome će nas Ministarstvo informisati nije bilo potrebe da se tu bavimo amandmanima. Sa predstavnicima boraca smo se dogovarali da pojačamo nekoliko njihovih zahtjeva. Četiri smo našli čini mi se prostora također u višku prihoda koje Ministarstvo saobraćaja ove godine pokazuje napredak da se na dijelu prihodovne strane više novca pojavljuje. Pa smo udovoljili nekim zahtjevima i ostao je ovaj jedan u kom smo prihvatili sugestije SBB-a. Jutros smo razgovarali sa predstavnicima Kluba da i eventualno sa te pozicije pojačavamo ove druge za koje možda

bude više pažnje ili bude prioritet- tako da su to izmjene u okviru zakona, manje od 2 ili 3% eventualno cjelokupne vrijednosti budžeta. Nama dozvoljene. Mi ćemo kao Vlada to uraditi, ali vas prije toga o tome evo u ovom slučaju informišemo. Dakle, o amandmanima je gospodin Halebić rekao sve. Ja pravim jedan malo širi osvrt na amandmane. Naravno da i ta poslovna kako ste nazvali ovaj dio koji olakšava informacije investitorima. Ja sam o tome rekao na inicijativama. Mi radimo još krupniji proces. Dakle AIC je organizacija pri Svjetskoj banci sa kojom ćemo za 30 000 u narednih četiri ili pet mjeseci uspostaviti model mnogo bržeg izdavanja dokumenata u prostorno planskoj dokumentaciji izdavanja saglasnosti u komunalnoj privredi i naravno samim tim mnogo lakši pristup informacijama. On podrazumijeva i izmjenu Zakona o prostornom uređenju. I to smo u okviru naših aktivnosti već dogovorili i taj protokol o saradnji pravimo za puno manje para a dobit ćemo ovo što ste od nas tražili u amandmanu plus ogroman iskorak u dijelu izdavanja ovih administrativnih papira. Dakle oni su već sa svojim znanjem iz ZDK i lokalnih zajednica pokazali parametre koji direktno utiču na prihodovnu stranu. Mislim da nam je to trenutno bolje rješenje. Time smo evo odgovorili na ono što su bili vaši zahtjevi. Ja se zahvaljujem na konkretnim i korektnim javnim raspravama, sugestijama- amandmane smo prokomentarisali u dijelu socijale nismo vidjeli tu zakonsku obavezu za amandmane kolegice Srna Bajramović. Dakle izanalizirali smo stanje trenutno o potrošnji, ljudi će sigurno dobiti svoje plate, tu nije ništa upitno i dobit će ih u skladu sa zakonom s koeficijentima koje smo mi ovdje usvojili, ni mane ni više. Koliko bude potrebe mi ćemo naravno hitno reagovati. Ne može se desiti da zakonska obaveza u ovom budžetu, ni jedna koja nam je propisana i obavezna, zapne. Dakle to će biti sigurno isfinansirano, a iz ovog nekog sredstava uštede mi ćemo neka sredstva preraspoređivati. I sigurno ćete o tome biti blagovremeno informisani. Hvala.

Predsjedavajući:

Hvala premijeru na uvodnim napomenama. Uvaženi zastupnik Mirza Čelik. E ovako, ja ću konstatovati znači na prijedlog Mirze Čelika, predsjednika Kluba SDA traže pauzu od sat vremena za ručak. Da li se slažu predsjednik Kluba Solaković? Slaže. Uvaženi zastupnik Pindžo? Slaže se. Pleho? Slažemo se. Kojović? Slažemo se. Molim vas, vidimo se u 14,30 da nastavimo sa radom. Hvala.

NASTAVAK NAKON PAUZE

Predsjedavajući:

Nastavljamo sa radom 6. redovne sjednice. Da li predstavnici radnih tijela žele riječ? Nema. Ima li pitanja? Nema.

S obzirom da nemamo pitanja, prije otvaranja rasprave, obavještavam vas da su se Skupštini Kantona Sarajevo obratili: Faruk Bešlić predsjednik Sindikata srednjeg i visokog obrazovanja, nauke i kulture Kantona Sarajevo, Salih Kruščica predsjednik Samostalnog sindikata državnih službenika i namještenika u organima državne službe, predstavnik Sindikata Kantona Sarajevo Adil Aljić traži obraćanje, sudske vlasti i javnim ustanovama u FBiH, kao i gradonačelnik Grada Sarajeva, Prof. Dr. Ivo Komšić zahtjevima za obraćanje na današnjoj sjednici, vezano za tačku dnevnog reda Prijedlog budžeta Kantona Sarajevo za 2015 godinu.

U skladu sa članom 115 Poslovnika Skupštine Kantona Sarajevo gosti učestvuju u radu Skupštine prema odobrenju Kolegija.

S obzirom da su zahtjevi imenovanih stigli nakon održane sjednice Kolegija, a Poslovníkom je propisano da ukoliko se ukaže hitna potreba da gost učestvuje u radu i raspravi pred Skupštinom, Skupština može na sjednici odlučiti da mu se da riječ.

Molim poslanike da se izjasne o prijedlogu da se Skupštini obrati Faruk Bešlić predsjednik Sindikata srednjeg i visokog obrazovanja, nauke i kulture Kantona Sarajevo.

Za je glasalo 2 poslanika, protiv niko i suzdražnih 23.

Konstatujem da nismo odobrili obraćanje gospodina Faruka Bešlića.

Molim vas za mir. Molim vas napustite salu bez ikakvih komentara. Hvala vam i doviđenja.

Molim poslanike da se izjasne o prijedlogu da se Skupštini obrati Salih Kruščica predsjednik Samostalnog sindikata državnih službenika i namještenika u organima državne službe, sudske vlasti i javnim ustanovama u FBiH, tj njihov predstavnik Sindikata Kantona Sarajevo Adil Aljić. Ko je za?

Za je 2 glasalo poslanika, protiv niko i suzdražnih 23.

Konstatujem da nismo odobrili obraćanje gospodina Saliha Kruščice.

Molim poslanike da se izjasne o prijedlogu da se Skupštini obrati Prof.dr. Ivo Komšić, gradonačelnik Grada Sarajeva.

Za je glasalo 13 poslanika, protiv niko i suzdražnih 12.

Konstatujem da nismo odobrili obraćanje gospodina Komšića.

Otvaram raspravu. Ko se javlja za raspravu?

Poslanik/zastupnik Edin Forto:

Hvala vam. Pozdravljam sviju. Ja bih naveo, danas bih razgovarao ustvari o nekoliko stvari koje ova Vlada radi, koje bih ja mogao nazvati lošim navikama prethodnih Vlada a u poslijeratnom periodu Kantona Sarajevo. Ne bih puno elaborirao o tome da ovaj rebalans iako je gospodin premijer rekao da imamo u vidu da je ovo rebalans a ne budžet, iako kada smo imali budžet stalno je govorio da čekamo rebalans kada govorimo o velikim promjenama koje su najavljene. Mi smo Ekspoze gdina premijera dočekali sa blagim oduševljenjem zbog svih stvari koje je nabrojao kao probleme i koje on očigledno vrlo dobro razumije, ali nekako ni u budžetu ni u ovom rebalansu koji je ustvari samo ispravka prihoda sa viših nivoa nismo osjetili da je to neki radikalni zaokret koji ustvari nama svima ovdje obećan. Ja bih samo bih kratko rekao, pobrojao bih ustvari ovih nekoliko, gospodin Konaković je rekao ustvari da nešto što mi je zapelo za uho. Reforme ne idu kroz budžet. Nego se reforme rade pozitivnim zakonskim propisima. To ste danas rekli. To bi možda vrijedilo ako bi mi imali stvarno jedan set loših zakona koji su već na snazi i kada nam ne bi davao budžet mogućnost da mi radikalno zaokrenemo način na koji radimo. Postoje neki zakoni ja sada naravno Naša stranka to stalno ponavlja ali mi ćemo to opet ponoviti, postoji Zakon o stečaju koji propisuje šta određene firme moraju raditi u određenim uslovima u kojima se nalaze. Ova Skupština i ova Vlada upravljaju firmama koje po Zakonu o stečaju moraju ići u stečaj. Mi praktično doslovno kršimo Zakon i pokušavamo naći neke izlaze gašenjem požara previjanjem rana i na neke slične načine prelijevanjem i dodatnim transferima iz budžeta u firme za koje mi uopšte ne znamo kakve će rezultate polučiti. Znači to je nešto što bi mi očekivali od ove Vlade. To nismo vidjeli u ovoj godini, nadamo se da ćemo vidjeti u sljedećoj godini. Dobre stvari koje smo vidjeli, to je ono što svi govorimo su tužioc, policajci i inspektori, ja bih još samo napomenuo da u Inspektoratu fali 75 ljudi. A mi ćemo dobiti po najavi 23. da tužilaca fali 30 a mi ćemo dobiti 10. nadam se da će ova Vlada nastaviti sa zapošljavanjem, popunjavanjem kapaciteta ovih institucija. Kratko ću nabrojati loše navike koje ova Vlada radi, a koje se nadam da možda već od sljedeće godine možemo izbjeći. Ona jedna je zakašnjelo izvještavanje. Ja ne znam kako to do sada nikome nije smetalo. Ali danas smo dobili odgovore na naše amandmane. Mi smo uložili pet amandmana. Dobili smo u obrazloženjima tih amandmana na primjer da neka stavka ne mogu se prebaciti novci jer su oni već izvršeni u određenom iznosu u prvoj polovini godine. Zašto nismo dobili izvršenje budžeta zajedno sa

ovim dokumentom? Ministar gospodin ministar finansija je također u nekim svojim obrazloženjima rekao da čak se pozvao na izvršenje za sedam mjeseci. Znači ova Vlada posjeduje informacije o izvršenju za sedam mjeseci a mi nemamo nikakve informacije. Mi smo sjedili i radili na ovom budžetu, predložili amandmane da bi se ispostavilo da tih novaca više nema. Mislim da je ova praksa zakašnjelog izvještavanja, ja ne znam kako to nekim normalnim jezikom da kažem, ali to vam je isto kao da jedna kantonalna firma o kojoj ćemo isto na ovoj sjednici govoriti, NO te firme polovinom decembra 2014 godine usvojio plan i pohvalio se time u svom izvještaju, usvojio plan nabavke za tu godinu. Znači ovo je neka slična situacija. Mi sada u septembru radimo budžet, ne znamo šta smo uradili, šta se do sada desilo u ovoj godini i onda dobijamo obrazloženja na osnovu nečega što nismo ni vidjeli. Ne znam jesam li dobro dočarao ovaj problem ali ovo je loša navika koja bi ova Vlada morala izbjeći sljedećim godinama. Mi moramo znati šta se dešava sa izvršenjem već dva mjeseca nakon izvršenja, mi nema razloga da nemamo izvještaja o izvršenju budžeta. To je jedna stvar. Druga stvar je strašno odsustvo analitike iza stavke u budžetu. Ova Vlada se hvali velikim brojem poteza koje povlači u borbi protiv korupcije. Transparentnost je jedna od najboljih alatki za borbu protiv korupcije to je dokazano. Transparentnost nije kada vi objavite 240 stranica tabela na internet stranici. Transparentnost je kada to objavite i jezikom razumljivom svima objasnite šta se krije iza tih stavki. Šta znači stavka u Ministarstvu privrede 80.000 KM ostali programi za vanredne aktivnosti. To je transfer neprofitnim organizacijama. Ja sam uvjeren da ministar odmah sada može ustati i reći šta to znači, ali mi to ne možemo nikako znati. Vi da bi znali, potpuno da bi razumjeli ovaj budžet vi morate nazvati ministra ili nekoga iz ministarstva i obići sve ljude koji rade na budžetu i stavku po stavku ih pitati. Niti će oni imati vremena za to niti ćete vi imati efikasno vrijeme da se pripremite za ovaj budžet. Mi jednostavno ne možemo dozvoliti da postoji stavka transfer UNSA od 66 miliona KM. Jeste li igdje vidjeli da se troši 66 miliona državnih para da nema nikakvog objašnjenja na šta se troši. Znam da je ova Vlada najavila uvođenje Univerziteta u trezorsko poslovanje ali mi moramo imati analitiku da bi se uopšte mogli kritički osvrnuti na dokument koji dobijamo. I naravno treća loša navika ove Vlade su transferi firmama koje gutaju toliko novca postoje neke strašne procjene da je u zadnjih 10 godina do milijarde maraka otišlo u našu kantonalnu i komunalnu privredu. Znači to su firme koje koliko god novca da im date oni će ih potrošiti. Potpuno je razumljivo ovo što je premijer Konaković u svom izlaganju rekao, da se tim firmama daje ono samo najosnovnije. I da smo krenuli u reforme. Međutim, to je sve lijepo za čuti, ali ne možete davati kockaru novac prije nego što krene u kockarnicu. Vi morate prvo izvršiti reorganizaciju ovih firmi pa tek onda nastaviti sa transferima u onoj mjeri u kojoj je opravdano. Transferi javnim preduzećima je jedna od najlošijih navika ovih Vlada, prethodnih Vlada bez odgovornosti kako se ti novci troše jer mi također nemamo izvršenje ni od ovih firmi kako su poslovale sa šest mjeseci. Možda Vlada ima sve te informacije ali mi koji ovdje sjedimo i samo dobijamo materijale to sigurno ne znamo. U zaključku ja bih rekao da naših pet amandmana iznosilo jednu treću jednog procenta iznosa budžeta. Znači ako to je bilo prilično, to nije toliko ambiciozno sa naše strane ne zato što mi nismo ambiciozni nego jednostavno zbog toga što ovaj budžet da bis e dobro napravio on se mora napisati ponovo. Ali mi smo u skladu sa našom politikom da se bavimo uvijek konstruktivnim djelovanjem, predložili smo pet amandmana za koje mislimo da su u ovom trenutku bitni, mislim da ova Vlada ima dobra obrazloženja za neke stvari oko podrške IT sektoru i ovo što smo čuli, ovo što se tiče biznis centra. Gospodine premijeru. Vi ste spomenuli, mi smo vrlo dobro upoznati sa vašim aranžmanima sa Međunarodnom finansijskom koorparacijom, pojednostavljenja procedura. Mi imamo ljude koji rade u tom timu. Mi znamo vrlo dobro šta ovaj Kanton očekuje i mi znamo vrlo dobro da je ovaj Biznis centar potreban. Osoba koja radi u tom timu iz IRC nam je rekla da moramo imati ovaj Biznis centar. A vi se pravdate ne osnivanjem biznis centra postojanjem tog programa sa (nerazumljivo). To je jedna stvar također još bih samo komentarisao da ova Vlada čini mi se

ne prepoznaje problem koji imamo sa odsustvom kvalitetne deratizacije i dezinfekcije. Mi smo prije pet godina, prije svih drugih govorili koji ćemo imati problem kada su se pojavili problemi sa psima lualicama, vidjeli smo šta Zakon znači, vidjeli smo kako se ne sprovodi, vjerujte mi možemo imati puno ozbiljnije probleme nego što danas imamo, ako ova Vlada ne shvati ozbiljnost. Naš amandman je bio značajno povećanje sredstava, a mi ćemo u narednom periodu pokrenuti, već na sljedećoj sjednici pokrenuti izmjenu Odluke kojom se izvršava preventivna deratizacija i dezinfekcija dva puta godišnje. Eto ja bih samo toliko, još bih najavio da ćemo tražiti od ove Skupštine da se izjasni o pet naših amandmana. Ne bi bilo loše da vidimo šta drugi misle o tome. Vlada je to odbila, nadam se da ćemo u budućnosti konstruktivnije sarađivati. Hvala.

Poslanik/zastupnik Slaviša Šućur:

Hvala predsjedavajući. Pa evo ja ću ponoviti nešto što sam rekao i kada je premijer davao ekspozice. Ono što smo znali o premijeru je da je inteligentan čovjek i da je izuzetno dobar govornik. I on te svoje vrline i te kako dobro koristi. Mi smo danas, ja mislim kada bi neko mjerio vrijeme, više od 50 minuta imali priliku da čujemo ponavljanje dijelova ekspozice koji jako dobro zvuče i ja sam i tada rekao, ako se to desi, to je nešto fantastično. Međutim, prošlo je pet mjeseci od ekspozice. Pogledate dnevni red današnje sjednice. Tehničke ispravke u nekim zakonima, odluke koje se inače u drugim kantonima koji su normalno ustrojani, odluke koje donose opštinska i gradska vijeća. Uopšte se ne bave stvarima kojima se mi bavimo kao velikim strateškim stvarima. Gubimo energiju i gubimo vrijeme, ne radimo ono što bi trebalo. Najave opet ok. Ali ništa nismo vidjeli. U cijelom budžetu jedna stavka koja nije bila u nacrtu koje je premijer vrlo mudro uočio jer smo se svi za to zakačili, od silnih najava, to je bila priča o Tužilaštvu. E tu se pojavilo novih 120 – 130.000 i to je nešto što je ok. Ali realno, ništa drugo. Da prihvatimo premijerovo da je teško, da je tijesno, da je većina budžeta i bolje bi bilo ministru da nije pokušavao objasniti kako je ovo razvojni budžet jer mislim da se puno toga moglo i bolje upotrijebiti da jeste. Ali puno više od toga je nužda davno stvorenih obaveza. I ne vidimo mi taj zamah ne vidimo ga čak ako prihvatimo i to da se to ne realizuje kroz budžet ili rebalans, ne vidimo ni u zakonima. Imamo najava milion. Još ni jednog zakona reformskog ovdje ne vidim, nakon pet mjeseci od ekspozice, da ne kažem skoro godinu dana nakon izbora. I ja imam s tim problem. Ja sam tada rekao, ja zaista želim da vjerujem i šutio sam. Preko sto dana nismo ni kritikovali ništa, dali vam vremena da vidimo šta će se desiti. Sada sam zabrinut. Ništa se ne dešava. Ima druga stvar, ja ću se vratiti opet, sramota. Grad Sarajevo, to je sramota. Glavni grad svake države je simbol, to je nešto oko čega se njeni građani okupljaju, u šta gledaju, to je nešto što je svagdje bitno. Ono što se dešavalo ovdje je neviđena civilizacijska sramota. Kanton Sarajevo, nije to niko uradio ni iz Banja Luke, ni Širokog brijega je 96 godine opljačkao Grad Sarajevo, to je rekao Ustavni sud. Da ne bi neko rekao da ja sada nešto izmišljam. Postoji presuda Ustavnog suda da je Kanton Sarajevo neustavno oduzeo imovinu Gradu Sarajevu. Postoji druga presuda koja je rekla da je isto tako neustavno oduzeo nadležnosti. Ima Ustav FBiH, ima Ustav Kantona, ima Statut Grada Sarajeva gdje je pobrojano. Kanton Sarajevo godinama flagrantno krši ta prava i doveo je Grad Sarajevo do jedinice za implementaciju nekih projekata koji oni eto samilosno ponekada udijele. Gradonačelnik glavnog grada svake države je ličnost. Naš gradonačelnik je čovjek koji mora da dođe ovdje da molim i ne da mu se riječ u ovoj kantonalnoj Skupštini. Gospodo, time se ruši i država. Ruši se nešto što postoji stotinama godina i nikada ovakav budžet ne može dobiti moju podršku. Činjenica je možete vi to poricati koliko hoćete, ja znam, jer sam bio tada u federalnom parlamentu, u radnoj grupi koja je radila, ničim vi nećete objasniti ljudima u drugim kantonima zašto stanovnik u Kantonu Sarajevo vrijedi dva puta više kada se dijele pare. Jedini argument koji je prošao i prihvaćen je što Kanton Sarajevo finansira Grad Sarajevo koji je glavni grad države i ima posebne potrebe. Šta smo mi uradili. Dakle, koristimo to pravo uživamo to pravo, a ne damo Gradu ništa. Da je ovdje išta normalno, da se

poštovale odluke Ustavnog suda, Statut grada, Grad Sarajevo bi trebao vjerovatno imati budžet preko 100 miliona. I obavljati mnoge poslove koje sada Kanton po meni potpuno nepotrebno i nakaradno obavlja. Ni jedan grad, ni jedan Kanton nema tolike probleme s komunalnom privredom kao Kanton Sarajevo. Zašto? Zato što se napravila papazijanija, što se pobrkalo nešto što radi nivo zakondavne vlasti, sa poslovima lokalne samouprave. U Kanton Sarajevo se potpuno izgubila percepcija šta je to lokalna samouprava, koja je njena uloga i šta bi trebala da radi. I to je nešto što, pazite, nije bitno, to će se završiti. Postoje presude suda, neko će odgovarati za to. Ja vam tvrdim ne izvršavanje sudskih presuda je zatvor šest mjeseci minimalna kazna. Ja mislim da ovo neće moći još dugo trajati, nešto će se desiti. Bit će priče poslije, kada budemo razgovarali i o Zavodu za izgradnju koji uporno pokušava da uknjiži nešto Ustavni sud rekao da na to nema pravo. Ljudi se ubiše, primarni zadatak da uknjiže nešto što je opljačkano. Ne ide. Ako hoćete prave reoforme, premijeru, ja znam da hoćete, u nekim stvarima ima naznaka ali ne vidimo rezultate. Ne vidimo ni kako vi to radite. Jedna od ključnih reformi u Gradu Sarajevu mora biti ova priča da se razriješi više jednom taj Gordijev čvor i da Kanton napokon počne da poštuje Ustav ove države, zakone ove države, i da Gradu Sarajevu prepusti ono što mu s pravom pripada. Hvala.

Poslanik/zastupnik Adnan Solaković:

Imam par pitanja kroz ovu svoju diskusiju. Analizom pitanja se odnose na mnoga ova ministarstva pa želio bih da mi odgovore ako nije problem ministri. Analizom dokumenta Izmjena i dopuna budžeta Kantona Sarajevo za 2015 godinu uvidio sam da dio zahtjeva uloženi kroz javnu raspravu je prihvaćeno i ovom prilikom se zahvaljujem Vladi Kantona koje je imalo razumijevanja ponuđen od strane SBB-a. Ali bih se još jednom osvrnuo na nekoliko stavki po pojedinim potrošačkim jedinicama. Neprofitne organizacije i pomoć vjerskim zajednicama. Predloženi transfer vjerskim zajednicama kao i rekonstrukcija, adaptacija i sanacija vjerskim objektima da se objedine i da sveukupno iznos od 500.000 KM se podijeli vjerskim zajednicama srazmjerno broju stanovnika.

Ministarstvo za boračka pitanja postavljam: nisam vidio nigdje planirana sredstva za školovanje djece boraca čije smo pravo dali Zakonom o dopunskim pravima boraca pa ako mi neko može objasniti šta je sa tom stavkom.

Ministarstvo saobraćaja predlaže 5 miliona KM za rješavanje imovinsko pravnih odnosa na primarnim gradskim saobraćajnicama. Smatram da ova sredstva treba da budu planirana u Direkciji za ceste jer se namjenska sredstva mogu trošiti u te svrhe a u duhu uštede budžetskih sredstava.

Ministarstvo prostornog uređenja i zaštite okoliša. Molim da mi se objasni zašto su u budžetu planirana sredstva za finansiranje komunalnih redara i to sa 209.000 na poziciji u JKP Rad, i 150.000 KM u JKP Park. A uz sve moje napore ne vidim efekte rada tih redara i da li uopšte mogu opravdati svoj rad i postojanje. Ovo pitam zato što kroz analizu budžeta može se vidjeti da se ovim preduzećima se iz budžeta Kantona Sarajevo plaća sve od troškova plaća pa do pojedinih usluga i održavanja. Želim da mi se pojasni gdje se troše sredstva koja se naplate od građana za određene usluge JKP koje nisu male. Tj. U koje svrhe ide sopstveni prihod preduzeća. Primjera rad, JKP Pokop svoje usluge naplaćuje odmah i sve su veoma skupe, a Kanton ih finansira po pitanju plaća i drugih materijalnih troškova. Također u KJU Zaštićena prirodna područja nigdje nema prikazanih vlastitih prihoda i šta se finansira sa tim ostvarenim prihodima. Interesuje me zašto nisu nigdje prikazani troškovi tj izdaci za energiju, komunalne usluge, tekuće održavanje i druge materijalni troškovi u Ministarstvu privrede, finansija, kulture i sporta, rada, socijalne politike i raseljenih lica, zdravstva, obrazovanja, nauke i mladih. Da li ova ministarstva ne troše za svoj rad, ni materijal ni usluge. Ministarstvo privrede je predvidjelo velika sredstva za projekte za koje ne znamo šta su, a realizovat će ih JKP ZOI 84 i KP Skenderija. Kao i sredstva za zaštitu vodotoka. Kojih vodotoka, na kojem području, o kakvim projektima s radi i u kojim opštinama? Mislim da smo o svemu trebali

imati malo više informacija, pogotovo što se radi o velikim materijalnim izdvajanju i namjenskim sredstvima. Ministarstvo zdravstva mislim da se treba iznaći mogućnosti finansiranja za sprovođenje programa prevencije narkomanije, alkoholizma i drugih ovisnosti i za tu namjenu povećati iznos centru za borbu protiv narkomanije, alkoholizma i drugih ovisnosti. Ministarstvo za obrazovanje, nauku i mlade. Molim da mi se obrazloži zašto još uvijek visoko obrazovanje nije ušlo u sistem trezorskog poslovanja i na osnovu čega se izdvaja iznos od 66.140.000 KM, za visoko obrazovanje kada koliko imam informaciju da do sada nisu utvrđeni kriteriji od strane Vlade na prijedlog ministarstva obrazovanja, nauke i mladih za finansiranje visoko-školskih ustanova u skladu sa Zakona o visokom obrazovanju. Do kada ćemo posebno finansirati razne komisije u obrazovanju, koje građani ovog Kantona koštaju više od pola miliona, a mogu se provesti pod redovan posao uposlenika ministarstva? Također izgradnja Univerzitetske biblioteke predviđeno je u iznosu od miliona KM, kao vlastito učešće a u budžetu je prikazano da ide iz sredstava budžeta. Zaista iz godine u godinu i to traje skoro deset godina, pojavljuje se u budžetu škola Behaudin Selmanović sa izgradnjom školske dvorane i opremanjem iste. Da smo pošli sa izgradnjom cijele školske zgrade do sada bi smo je završili. Zaista mi nije jasno šta se to toliko radi u toj školi. Insistiram da se do donošenja nacrtu budžeta do 2016 pošalje obavijest Vladi FBiH da preuzme obaveze finansiranja Zavoda za odgoj muške djece i omladine u Sarajevu koja je njihova ustanova. Mislim da mi nismo toliko bogat Kanton da možemo i dalje finansirati ustanove koje nismo osnovali, odnosno nismo preuzeli prava osnivača.- takva je i ova ustanova za koju i danas izdvajamo na godišnjem nivou 571.300 KM. A ista je od 02.06.2008.godine u nadležnosti FBiH, koja postavlja upravljačku strukturu kao i članove UO i NO i vrši nadzor nad tom ustanovom. Također o apsurdima koji se nalaze u dokumentu rebalansa budžeta o kojem upravo diskutujemo i ovoj ustanovi koja nije od kantonalnog značaja govori i činjenica da su predviđeni troškovi po presudama uposlenika Kantona Sarajevo a uposlenici su ovog zavoda, nisu uposlenici Kantona. JU Djeca Sarajeva, planira se otvaranje novih vrtića. Pitanje se odnosi kako misli otvoriti nove vrtiće bez povećanja broja uposlenih uzimajući u obzir da u ovom momentu nedostaje uposlenika u ovoj ustanovi i da li će ugroziti redovno obavljanje djelatnosti u ovoj ustanovi? Ministarstvo kulture i sporta postavljam pitanje sljedeće pitanje se odnosi na memorijalne turnire i zašto je prestalo skoro svako finansiranje memorijalnih turnira u čast onih koji su branili ovaj Grad i ovu državu i zahvaljujući kojima mi danas ovdje sjedimo? Ministarstvo za rad, socijalnu politiku, raseljena lica i izbjeglice molim da mi se odgovori šta se može sa 150.000 KM koliko je potpisan ugovor od jula 2012 kojim je planirano za izgradnju zgrade za interno raseljena lica na lokalitetu Baruthane u Općini Stari Grad. Tražim da se nepovoljni ugovor koji je Kanton Sarajevo ima sa GTA Sarajevo o zakupu objekta u Otesu riješi. Tako da se iznađe mogućnost kupovine tih zgrada kako bi ovaj nepovoljan ugovor prešao u ugovor od interesa za Kanton. Koliko šticećenika, odnosno korisnika Terapeutske zajednice Kampus Kantona Sarajevo nisu stanovnici Kantona Sarajevo. Napominjem da je ova zajednica formirana za potrebe korisnika sa područja Kantona Sarajevo a prema informacijama sa terena najmanje korisnika je iz Sarajeva , a boravak i smještaj kao i terapije za sve koji borave u ovoj ustanovi plaća Kanton Sarajevo. Hvala lijepo. Nadam se da će odgovoriti ministri, premijer, i još jednom se zahvaljujem na usvojenim amandmanima.

Ja se izvinjavam kao šef Kluba nisam se izjasnio kada sam se zahvalio za amandmane, predsjedavajući ja se izvinjavam, SBB neće podržati ovaj budžet. Hvala lijepo.

Poslanik/zastupnik Zvonko Marić:

Hvala vam lijepo. Znaete kako, premijer i resorni ministar finansija su rekli puno toga i čini mi se da nas je pomalo komirala ono izlaganje. Moglo je to nekako da se sažme u nešto kraće zbog gledateljstva a i zbog samih nas. Mislim da na tragu ovoga što je gospodin Forto govorio

mišljenja sam dakle da stvarnih, suštinskih reformi, širokih reformi koje su neophodne nema. Nema bez zakona odgovarajućih. Jer jedno prelijevanje sa stavke na stavku budžeta ne znači reforma. Apsolutno ne, to je i premijer rekao, prilikom svog izlaganja. Ja mislim da bez širokih reformi a vi sami govorim na poziciju ne možete riješiti sve probleme koji su nagomilani i čini mi se oni su ispostavljanje računa za pogubnu politiku koja je vođena u proteklom periodu. To mi daje za pravo da sam skeptičan u sve ovo što se radi. Ja mislim prije svega da na neki način mi tumaramo od rebalansa budžeta do rebalansa budžeta. To nije pravi način. Znači da ne postoji jasan cilj, jasna namjera, jasan plan koji bi smo svi mi podržali, između stranaka koje sjede i predstavnika stranaka koje sjede u ovom parlamentu, vjerovatno postoje velike političke razlike ali bi trebao da postoji jedan cilj oko kojeg se svi moramo okupiti. Sve ove mjere koje su tobože mjere navedene i nisu neke mjere jer ovaj rebalans budžeta nema ni jednu ozbiljnu mjeru. Ni jednu ozbiljnu mjeru. To što je prebacivano sa jedne stavke na drugu, ili što smo u neizvjesnosti da li će biti uopće ostvareno tih 800 000 KM koje raspodjeljujemo a pri tome zanemarujemo Damakov mač koji visi stalno nad glavama, to su utuženja. Zar nisu utuženja Damakov mač koji nas može u nezgodnu situaciju dovesti? Zašto ne računamo na tako nešto? Ja mislim prije svega da ovo što se čini je jeftina kupovina vremena sa teškim posljedicama. Volio bih da sam vidio ovdje i jedan reformski Zakon, koji bi kako reče gospodin Forto ili popravili ili bi smo popravili one zakone koji imaju svoje manjkavosti. Naprosto ovo mi sve više liči na sprječavanje totalnog kraha finansijskog sloma, ne liči mi na to, već naprosto rekao bih na prolongiranje toga. Ne na sprječavanje već prolongiranje. Naravno niko ovdje ko sjedi ne vjerujem da je sretan zbog toga, ne čini mu to zadovoljstvo jer ni mi sami ne vidimo svoju šansu u tako nečemu. I zato svjedoci ste da smo od prvoga dana podržavali svaku normalnu ideju bez obzira na političke razlike između nas. I to se može potvrditi i vidjeti kroz glasanja za određene mjere odluke, zakone, itd. Ja ne vidim razloga da se ovdje neko plaši što neko otvoreno govori o sumornoj stvarnosti u kojoj živimo. Znate, govori se ta panika, zapravo nam može biti ili ne, proizvod nečega što je imaginarno. Panika nije odraz teškog stanja u koje je neko zapao, to je osjećaj više bezizlaznosti i dezorijentacije. I zato mi smo se suzdržavali i evo i danas ću to isto učiniti i ponavljao sam i nekoliko puta. Dok nije bilo stotinu dana Vlade, suzdržavali smo se bilo kakvih kritika, to ću i danas uraditi i uvijek sam govorio 15 – 20% od onoga što bih mogao da kažem ali iz nekih obzira i neke atmosfere koja bi trebala ovdje da radi, da Vlada, konstruktivne atmosfere sam izbjegavao tako nešto. Tako ću i danas isto učiniti. Imamo situaciju oko javnih poduzeća, koje su rak rana ovog Kantona. Nije to stanje od jučer. To stanje traje još od davnih vremena možda i dva desetljeća. I ta loša praksa nastavljen je i danas. Ja ne mogu da se načudim da u ovom parlamentu još uvijek tražimo odgovor na tako nešto se izvještaji pozitivni da kažem u žargonu, obaraju a prihvataju negativni izvještaji. Ako je to reformska politika, onda ja nemam šta da kažem na to. Mislim da to nije obećavajuće i naravno zbog svega toga, a mogao bih mnogo toga da kažem i kažem suzdržavam se, mislim da što se tiče Kluba zastupnika SBB-a ne može ovako nešto naići na razumijevanje i podršku. Hvala vam lijepo.

Poslanik/zastupnik Mario Vukasović:

Zahvaljujem se predsjedavajući. Prije svega kažem da se slažem da budžet nije sjajan ali isto tako ja iskreno nisam vjerovao da ćemo doživjeti neku totalnu promjenu u ovih nekih mjesec i po, dva te da ćemo dobiti potpuno novi iskonstruisani budžet. Složio bih se sa kolegom Šućurom kada govori u dijelu koji se odnosi na Grad Sarajevo i zaista mi je teško gledati na nivo na koji je došao grad a s druge strane opet pohvalna mi je namjera Vlade se rebalans ipak uradi jer je Kanton Sarajevo ipak jedini Kanton koji je obećao da će uraditi rebalans i da je to učinio. Mogao bih naći dosta stvari sa kojima se ne slažem a isto tako dosta amandmana koji su predloženi smatram da su neki od njih ipak mogli biti usvojeni da su mogli naći mjesto u rebalansu. Tu bih prije svega izdvojio amandman koji se odnosi na stipendije na fakultetima

sa deficitarnim zanimanjima, kao što je npr Elektrotehnika. Međutim ovo za nas za Demokratsku frontu, za Klub Demokratske fronte nije razlog da rebalans ne podržimo jer smatramo da je namjera Vladi bila dobra i da neki potez kao što je izdvajanje za već pomenuto izdvajanje za Tužilaštvo već povuklo neke rezultate što vidimo po jučerašnjim hapšenjima u JP Gras. Klub DF-a nije u potpunosti zadovoljan ali ćemo podržati ovaj rebalans zbog stvari koje smatramo pozitivnim i sugerišemo Vladi da već sada počne razmišljati i raditi na pripremama za budžet iduće godine kako bi konačno 2016 godine građani imali budžet kakav i zaslužuju jer iduće godine je sve otvoreno i neće biti nikakvog prostora za izgovore. Hvala.

Poslanik/zastupnik Fikret Prevljak:

Ne mogu da ostane ravnodušan nikako nakon onoga što je kolega Šućur iznio za Grad Sarajevo. Ako ćemo pravedno da govorimo, što se tiče Grada Sarajeva ja ću vam odmah na početku reći ja bih predložio da se ukine, da ga nemamo nikako. Zašto? Hajde da se pitamo Grad Sarajevo ko je sve to počasni građanin Grada Sarajeva, ko su im to sve počasni građani Grada Sarajeva. Ako se vratimo unazad 20 godina, ko bi to mogao biti počasni građanin, ko je to nas napadao ovdje, odakle su došli ti počasni građani, gdje su bili kada je bila ovdje da kažem gungula 92-95, gdje su bili? Bili su možda u tim nekim zemljama koje su nas napadale. A oni su počasni građani. Gospodo ko može biti počasni građani? Oni pali borci, šehidi koji dadoše svoje živote i saborci koji su dali svoje dijelove tijela. Oni i njihove porodice trebaju da budu te počasni građani. Nek mi kaže neko iz Sarajeva kada je bila neka spomen ili obilježje ili polaganje cvijeća šehidima gdje su bili? Jesu li ikada došli i obišli taj jedan spomen da polože s nama cvijeće? Nisu došli. Zašto Opština Trnovo, Hadžići, Ilijaš, Vogošća, Ilidža, nije u Gradu Sarajevo, zašto? Ako znamo da sama Ilidža ima preko 100 000 stanovnika. I Ilidža se prostire do Nedžarića, Vogošća, a šta je uzimao Grad Sarajevo od njih, od Trnova? Ljepotu, prirodnu, Bjelašnicu, skijalište. Od Hadžića šumu, Bjelašnicu, od Ilidže Igman, vode. Znamo da sa Ilidže 90% se snadbijeva Sarajevo vodom Grad Sarajevo. Od Ilijaša naku Ljepotu, šume i od Vogošće. Ni jedno to mjesto nije Grad Sarajevo. E hajmo da ta mjesta, odnosno te opštine budu isto Grad Sarajevo. I onda bi se mogli složiti i podržati i gradonačelnika i da nam se ovdje obrati. A kada je rečeno Gradu Sarajevu da ukinu savjetnikom ni jednog nisu ukinuli, sve su zadržali i pozicije i funkcije. I svoje plate visoke ni jedan nije smanjio. To je što se tiče toga. Evo ja bih zamolio i moje kolege ispred SBB-a ako mogu da promijene mišljenje jer bi mi želja bila da budemo jedinstveni i složni na ovome što kažu rebalansu pa u buduće mogu sigurno im garantovati i pomoći da to bude onako i po njihove, jer nije nam želja samo da ovaj rebalans bude da kažem neke dvije stranke DF-a i SDA. Želja bi nam bila da budemo složni, objedinjeni, jedinstveni, a boga mi i ove prijedloge koje oni također oni daju i predlažu da im bude usvojeno idući put. Hvala.

Poslanik/zastupnik Slaviša Šućur:

Pa ja moram svom ratnom drugu odgovoriti. Ja ne znam ni jednog borca koji je 92 krenuo da brani Kanton Sarajevo. Ljudi su branili svoj grad, i svoju državu. Kanton je nesretno posljedica nespretnih pregovora, ljudi bez vizije koji su dozvolili HDZ-u da nam proda nešto što nam je kamen oko vrata ovo godina i boga mi ne znam kako ćemo iz toga iskopati. Ono što je nesreća kada nešto traje toliko dugo, onda se stvore strukture koje brane sebe. I ne postoji više ništa drugo što je bitno ja se bojim da je to ono što se nama ovdje i desilo. Ono nisam ja izmislio šta su poslovi lokalnih zajednica, gradova i opština. Postoji Europska povelja o lokalnoj samoupravi i mi smo je potpisali. Postoje i ljudi koji su tumačili. Reći ću vam i to ako se počnete pozivati na Ustav koji je dao neke nadležnosti kantonu, ko se bavi ozbiljno ovim pitanjima vidjet će da je od Venecijanske komisije Vijeća Europe našeg Ustavnog suda, rečeno da kada se čita Ustav FBiH gdje je logika da se govori o zakonodavnim nadležnostima jer Kanton je zakonodavni nivo vlasti. A da je presunkcija

obavljanja poslova na jedinicama lokalne samouprave. Nemojte mi reći da VIK nije na teritoriju Grada nego da ima drugih opština nego da vam kažem, nekada davno Grad Sarajevo je nastao kao međuopštinski sporazum. I sve javne funkcije interesne zajednice koji nisu izmislili komunisti u Jugoslaviji koji postoje stotinama godina u Europi su formirani upravo zbog toga. Da bi jedinice lokalne samouprave ujedinjavala svoje potencijale gdje je racionalno da zajednički obavlja određene poslove. Ono što je neprirodno da zakonodavni nivo vlasti se brka u poslove lokalne samouprave i to je nešto ako se išta. Predsjedavajući završavam.

Predsjedavajući:

Jel može jedna digresija samo da se držimo teme. Samo me interesuje tema je budžet samo da se toga držimo.

Poslanik/zastupnik Slaviša Šućur:

Bila je priča konkretno i ja odgovaram na budžet. I to je dakle priča. To ima načina kad neko hoće da uradi. Ja opet kažem. Tragično. Ja znam kako je to sve krenulo. Bio sam 96 u ovoj Skupštini, neću da pričam sada o tome. Možemo pričati. Ako ne znaju u Kantonu Sarajevo kako se to može organizovati ja sam voljan da sjednemo i da pričamo jer ja imam jako dobru predstavu kako bi se to sve uradilo a da bude onako kako zadovoljava i Evropsku povelju i zakone i sve. Hvala.

Poslanik/zastupnik Zvonko Marić:

Hvala. Ja bih samo u najkraćem jer nije ovo trenutak za velike rasprave svom dragom drugu Fikretu Prevljaku kratko kazao na ovo što je rekao na kraju. On je apelirao na SBB da bude u tome i to je sasvim u redu i korektno ali reći da ako misle u buduću da im bude usvajano ono što oni predlažu onda bi trebalo da glasaju. Mislim da SBB ne predlaže te promjene te korekcije zbog sebe nego zbog građana i ukoliko nisu one konstruktivne zbog SBB-a ih ne treba ni usvajati. Mi to radimo zbog interesa građana i pokušali smo biti konstruktivni u svemu tome i dati doprinos da se to što pravilnije i neke stvari isprave i što pravilnije raspodjeli. Prema tome ne zbog SBB-a i nikada nemojte zbog SBB-a usvajati bilo šta ako to nije interes građana. Hvala.

Poslanik/zastupnik Kemal Ademović:

Hvala. Moja diskusija će se zaista suštinski razlikovati od većine dosadašnjih govornika. Dakle prije svega sve ono što kažem uvjeren sam da je tako, uvjeren sam u to i uvjeren sam se kroz aktivnosti koje posmatram u ovih pet mjeseci od kada je ova Vlada na sceni. Dakle, prije svega hoću da čestitam ovoj Vladi što je uspjela za pet mjeseci da uradi ovaj rebalans budžeta koji naravno nije sjajan i ne može biti sjajan ni jedan rebalans budžeta u situaciji kada je taj budžet na granici. Dakle kada je taj budžet na granici održivosti i likvidnosti itd. Jer su zakonska davanja gotovo blizu te granice iznosa od 690 miliona. I nema prostora za neke reforme kako ih neki posmatraju barem u budžetu nema takvog prostora. A zašto ga nema? I stoga više me čudi istupe nekih zastupnika koji o tom govore a na sceni smo do jučer imali opciju SDP iz koje dolazi recimo kolega Šućur koga jako cijenim kao čovjeka, i kao zastupnika, ali sam morao reagovati, a ta Vlada je napravila deficit od 98 miliona koji je kamen o vratu ovom kantonu narednih najmanje još pet godina. Dakle prošli saziv Vlade uspio je da umanji taj deficit ispod 100 miliona, jer je prešao bio 100 miliona. Dakle sada je negdje oko 90. i ova Vlada je planirala kroz mandat od 4 godine da taj deficit svede na nulu. U tom deficitu su sadržane investicije eventualne ovog Kantona ukoliko ne dođe do stabilizacije i povećanja prihoda na neki drugi način. Dakle ubiranjem prije svega poreza na području Kantona Sarajevo i suzbijanja sive ekonomije u oblasti naplate poreza koje ubire Kanton Sarajevo. Dakle, očigledno je i činjenica je da je ovaj budžet i ova Vlada već pokazala

tendenciju stabilizacije. Pa imamo činjenicu da je isplata plaća bila došla do 31 i 30 u mjesecu., čak je jednom prešla taj famozni prag. Dakle jedna čitav mjesec. I ne zbog toga što je to nekome bila volja nego zbog tog deficita ogromnog koji je pogodio ovaj Kanton kao elementarna nepogoda sada je već to se pomjera svaki mjesec po jedan dan i već je isplata plaća svim budžetskim korisnicima 25 u mjesecu. Dakle pitajte te budžetske korisnike, oslušnite malo raspoloženje kod tih ljudi šta oni kažu. I oni se čude kako se ovo dešava. Sve zakonske isplate koje su zakonom predviđene ne kasne i mi nemamo pod prozorom štrajkove bilo koje socijalne kategorije koja traži isplatu nadoknada jer se one blagovremeno isplaćuju. Šta to pokazuje? To pokazuje da se dešava stabilizacija budžeta. Ona nije došla sama od sebe. Da je ova Vlada rastrošna, i da nije preduzela mjere stabilizacije, ušteta itd. onda bi se moglo sasvim sigurno desiti još sto miliona deficita novog. Najlakše je potrošiti ono što nemaš. Ali ova Vlada je vrlo odgovorna. I troši novac onaj koji ima na raspolaganju. E sada naravno u tom trošenju novca uvijek se može naći prostor i reći da ga neko netransparentno troši itd. ja u to ne ulazim. Ja nemam uvid u cjelokupan Kanton da znam da li svaka institucija budžetski korisnik, njih 160 i koliko, da li svi transparentno troše novac. I kada bude izvršenje budžeta, kada bude izvještaj o radu Vlade, onda ćemo moći o tome da pričamo. Ali su me ove neke stvari ponukale da govorimo. Nisam mislio da govorim danas kada je u pitanju budžet jer obično mi griješimo kada je u pitanju prijedlog budžeta. Što nam je danas na dnevnom redu onda se govori samo o amandmanima, o ne prihvatanju, prihvatanju, opravdanosti, neopravdanosti amandmana jer sav ostali dio kroz nacrt kroz javnu raspravu je završen dakle, i nema se šta više ispričati. Sve je ispričano. Govori se samo o onima amandmanima i onom dijelu gdje su podneseni amandmani kako je to uradio predsjednik Kluba SBB-a Solaković. Ja naravno ne pozivam nikoga da podrži budžet, svako će po svojoj savjesti ono što je donio iz centrale, tako će se odnositi prema ovom rebalansu budžeta. Ali moramo biti korektni i u onom dijelu gdje se kaže da je premijer slatkorječiv i dobar govornik itd. i to koristi itd. Ljudi koji to upute očigledno ne prate u potpunosti aktivnosti Vlade, zaista je Vlada otvorila gotovo svaki sektor. I u svakom sektoru pokušava da neke stvari pokrene pozitivne procese. Zaista iskreno bez imalo zadržke. Ovo su informacije koje ja imam i one informacije koje izlaze u medije i ono šta zaista znam i kroz pripreme materijala itd. i zaista nastojim da pratim rad Vlade. Zaista nema mjesta sarkazmu niti stvaranja ambijenta beznađa u kojem je dovoljno što neki zlonamjerni mediji svakodnevno stvaraju takvo beznađe da se mi osjećemo gore nego one izbjeglice iz zaljevskih zemalja koje dolaze u Makedoniju, Srbiju, Mađarsku itd., a ne bi trebalo da bude tako. Da bi okrenuli stvari, onda bi trebali barem da damo šansu ovoj Vladi da je podržimo pozitivnim odnosom, pozitivizmom, da pokušamo da izgradimo taj bolji ambijent. Vlada mora imati neki rok za to. Ne može to biti ni 100 dana, ni tri mjeseca ni pet mjeseci. Vlada nakon jedne godine mogla bi da položi račun šta je to radila u toj godini itd. Dakle, slažem se da nema nekih krupnih reformskih zakona, mada su u pripremi, kako smo čuli. U pripremi su zakoni u oblasti turizma. Dakle detektovane su oblasti koje bi mogle da konsolidiraju finansijsku situaciju Kantona i u toj se oblasti rade zakoni. Pa ne može Zakon nastati za deset dana ni preko noći. Dakle tu su potrebne vrlo ozbiljne analize da bi se izradio ozbiljan Zakon. I da bi se znalo kud i kako usmjeriti tu reformu. Ne želim kolege zastupnici, ako sam nekoga pogodio, ne želim da budem zlonoramjeran i da me tako doživite. Zaista želim da budem potpuno iskren, potpuno otvoren i ako treba da primim bilo koju kritiku, spreman sam to da uradim. I na kraju Zakon o lokalnoj samoupravi koji tretira i Grad je gotovo svake godine u programu rada ove Skupštine. Kao i vi Šućur ja bih mogao svaki put da postavim to pitanje šta se do sada dešavalo sa Zakonom o lokalnoj samoupravi itd. Šta se dešava tu? Evo šta se dešava. Dakle bilo je pokušaja da se Zakon postojeći Zakon o lokalnoj samoupravi da se izmijeni. Međutim kada opštine sjednu za pregovarački sto one koje se zovu gradske i one koje nisu gradske itd. teško da mogu naći zajednički jezik. Dakle teško mogu da nađu zajednički jezik i raspodjeli nadležnosti i potpunosti se slažem nije to nikakvo mudro slovo na papiru niti neka definicija da je stanje gotovo neodrživo, da imamo tri nivoa vlasti,

da je općina, Grad i Kanton. Ako bi realno razmatrali situaciju, kada bi BIH došla u poziciju da ima pet regija da nema entitete onda kantoni apsolutno ne bi bili potrebni. Dakle, kantoni su višak vlasti. Ali mi sada imamo situaciju kakvu imamo i ona je ustavna kategorija. Kanton je ustavna kategorija. Dok se na nivou države ta situacija ne promijeni. Ne može se desiti sada da evo mi kažemo evo Kanton će se sada odreći tih i tih nadležnosti ukoliko se kroz javnu raspravu svih subjekata općine, Grada i Kantona to ne usaglasi i vidi da li je to dobrobit i šta je u dobrobiti građana ovog Kantona i gradskih općina i Grada a šta to nije. Stvari se mogu posmatrati i ovako i onako. Ja se još jednom izvinjavam. Hvala.

Poslanik/zastupnik Segmedina Srna Bajramović :

Zahvaljujem za riječ. Zapravo nisam uopće definirala razlog mog javljanja da li je to replika ili diskusija, šta li već. No pošto Slaviša Šućur nije tu, a nekoliko puta je spominjano njegovo ime pa spominjan i SDP i kao što to reče kolege Kemal Ademović, pa ćemo krenuti malo prijatnijem tonu, kojeg ja jako uvažavam, baš kao što nema mjesta sarkazmu, tako nema mjesta u zaobilaženju činjenice da SDA nije bila u vlasti svega tri mjeseca koliko je trajala koalicija sa SBB-om i nema mjesta zaobilaženju činjenice da je svaki budžet radio danas zastupnik bivši ministar Kozadra i onda niste sačekali ni sto dana te Vlade već nakon 71 dana izglasali ste nepovjerenje. Dakle svaki budžet od 2009 godine uradio je, nekada ministar, danas zastupnik Kozadra. Kada je u pitanju Zakon o lokalnoj samoupravi ja ne znam nekako mi ne liči na vas da ste to zaboravili, također smo to čini mi se imali to na dnevnom redu, Skupština taj Zakon nije podržala, i čini mi se da upravo zastupnici SDA nisu bili za Zakon o lokalnoj samoupravi. Ako me sjećanje dobro služi. I ja ću iskoristiti ovo da se ne bih dalje javljala, pošto sam bila predlagačica ova dva amandmana, većinu stvari kada je u pitanju budžet, zapravo sam rekla prilikom rasprave o nacrtu. Tako da se čini mi se više jednostavno nema smisla ponavljati, jer je više nego očigledno kada se pogleda rebalans budžeta kako se i dalje nastavlja višegodišnja praksa menadžmenta troškovima, a dok su prihodi većinom na automatskom pilotu. Na žalost svi smo svjesni da to nije put izlaska iz teške finansijske situacije u kojoj se nalazimo, a li očigledno je i dalje politički pragmatizam, snažniji i od struke i od političke odgovornosti. Dakle, ma koliko se to nekima ovdje neće dopasti, ja ću također ponoviti, želim jasno reći, da mi je žao što Vlada Kantona Sarajevo i dalje nastavlja lošu praksu ignorisanja zahtjeva i potreba, finansijskih potreba Grada Sarajeva što jednostavno nije dobra politička poruka, i ide na ruku onima koji devastiraju državnost i značaj glavnog grada BIH. Radi se o jedinstvenom slučaju u svijetu da glavni grad države ima problem sa vlastitim finansiranjem i jednostavno Vlada i Skupština Kantona Sarajevo ja sam barem takvog mišljenja moraju biti ti koji će u ovom prelaznom periodu pokazati odgovornost za iznalaženje rješenja finansiranja Grada kroz budžet Kantona Sarajevo. Ja sam kao što smo već čuli danas, analizirajući budžet pripremila dva amandmana koji su zapravo imali za cilj pokušati korigovati neke stavke koje su prema mom mišljenju u tom trenutku imale zakonsko uporište za korekciju. Radilo se o amandmanima koji su u javnoj raspravi kod zahtjeva korisnika vrlo jasno naveli kako se radi o pokrivanju obaveza koje su nastale izmjenama zakona koje ova Skupština nedavno usvojila, te u drugom slučaju pokrivanju sredstava u smislu finansiranja troškova ustanove. Dakle, ja moram reći da prihvatam obrazloženje ministara Halebića, jer ono što nije bilo vidljivo iz javne rasprave, ja sam zapravo amandmanima i reagovala jer ovo što smo danas čuli nije se vidjelo iz javne rasprave, ali evo ministar je rekao da će biti dovoljno sredstava za isplatu bruto plaća. Želim vjerovati ministru a svakako ćemo pratiti izvršenje budžeta da vidimo da li se to zaista tako i odigralo. Ili kako je to premijer rekao unutar onih svojih 50 minuta nema razloga da i jedna zakonska obaveza zapne. Dakle ja povlačim svoje amandmane. Odnosno neću tražiti od Skupštine da se izjasni o istima. Zahvaljujem. Toliko.

Predsjedavajući:

Zahvaljujem uvaženoj zastupnici Srni. Ovo je replika koja se pretvorila u diskusiju, možemo to smatrati kao diskusiju više nego replikom jer niste replicirali. A imamo repliku uvaženog zastupnika Kozadre pa uvaženog zastupnika Čomora.

Poslanik/zastupnik Muhamed Kozadra replika:

Pozdravljam sve prisutne i naše gledaoce. Ne želim replicirati ovdje ali ću samo vratiti na moja obrazloženja koja jesam pet godina iz ove skupštinske govornice plasirao u javnost pred sve poslanike koji jesu ovdje. Neki su glasali neki su bili protiv. Kada sam obrazlagao i ovaj budžet koji smo donosili onda sam rekao da smo na granici nemogućoj ispoštovati sve zakonske obaveze koje jesu. A kada govorimo o zakonima i svi oni koji govore danas ovdje o reformama onda moraju da znaju koji je to nivo i koji su to zakoni koji prije svega na osnovu kojih se pune budžeti; Zakon o indirektnim porezima, da ih ne nabrajam carinama, akcizama, putarinama itd, Zakon o dohotku, Zakon o porezu na dobit, Zakon o plaćama i naknadama uposlenika državnih službenika i namještenika, znači sve zakoni koji nisu u nadležnosti Kantona. Možemo na indirektan način da učestvujemo u ideji za promjenu tih zakona, odnosno predlagati putem naših poslanika i delegata u Domu naroda. Znači Kanton Sarajevo je zaista i svaki Kanton i jedinice lokalne samouprave onemogućeni da mogu donositi reformske zakone a ko je pročitao ovaj budžet, a čita ga svake godine i diskutuje, ovdje onda može da vidi da je ukupno tih prihoda namjenskih prihoda, vlastitih prihoda i onih prihoda koji se ostvaruju na osnovu zakona koje donosi i uredbi koje donosi Kanton je nepunih 80 miliona u odnosu na 690 miliona. Znači koja je to mogućnost ovdje za reformski stav i promjene Kantona i kantonalne vlasti. Nikakva. Kada smo donosili ovaj budžet rekli smo ovdje da bi smo ispoštovali 100% obaveze sve koje po zakonu kada svi resorni ministri a ministar finansija to samo sublimira svede u jednu cifru i kaže da je to 600 ili 700 miliona, onda smo rekli da fali 25 miliona da bi ispoštovali prihoda koji se ostvaruju. Prihodi koji su javni prihodi, porez na dohodak, porez na dobit i ostali porezi koji imaju taksu itd. da ih ne nabrajam sve ne mogu da isfinansiraju sve opšte potrebe i to od namjenski prihoda koji se koristi pa i u ovom rebalansu budžeta kada ste govorili da nije u redu da je onaj budžet koji je evo nazivali ste ga Kozadrin budžet da nije realan da je nemoguć, on je realan bio. Sto posto realan bio i evo povećanje prihoda na sreću ili na žalost nekoga, ja imam priliku da imam izvorno informaciju o svim prihodima na nivou države koji se prikupljaju, oni su u ovom trenutku za 144 miliona veći u odnosi na isti period prošle godine, a u kojem dijelu učestvuje i Kanton Sarajevo. Znači ne moguće je od ministara tražiti ovdje da reformski dio, kapitalni dio, progresivni dio uvede kada ima obavezu prije svega da ispoštuje zakonske, svi kada govorimo o plaćama, svi kažemo male plaće, mali izdaci itd. Moramo prvo to postrojiti. Moramo iz socijalne sfere.

Predsjedavajući:

Ako je replika, vrijeme je isteklo.

Poslanik/zastupnik Muhamed Kozadra:

Repliku i diskusiju. Neću se javljati ja sam.

Predsjedavajući:

Onda je ovo replika pred diskusiju, nastavite.

Poslanik/zastupnik Muhamed Kozadra:

Ja sam na početku ne želeći da repliciram svima neg sam zaista želio da kažem odbijte mi od diskusije kompletno, uključite i ovo što sam želio da repliciram. Znači mi ćemo imati. Sada smo u situaciji znači ovih dana da krojimo nacrt budžeta za narednu godinu. Već su određene

predradnje po kalendaru izrade budžeta odrađene. Ministarstvo finansija, ja znam da to odrađuje i gdje ćemo biti u prilici ovdje da diskutujemo, ne o Vladi prethodnoj ili o vladama prethodnim. Na žalost imali smo ih puno i imali smo iste politike koje su se provodile sa različitim akterima ovdje. Ja vas molim dajte podršku Vladi kako i na koji način bi se uključili u sveobuhvatni proces. Ne možemo mi ovdje govoriti o smanjenju plata ili prinadležnosti koje su preko trećine budžeta ovdje ili o transferima. Neko govori o transferu. Kako transfer nije ušlo visoko obrazovanje u trezorsko poslovanje i moramo govoriti i na taj način sve dok ne uđe a voljom ovog parlamenta on će ući ne voljom Vlade. Ako mi naredimo i ako mi to hoćemo, onda hajmo dajmo da izglasamo da do 31.12. sve se provedu predradnje kako bi visoko obrazovanje ušlo u trezorsko poslovanje. Svi zakoni koji se odnose i sve isplate koje se odnose na mi smo pokazali u ovoj analizi koju ste imali zaista, ja se žalostim da ljudi nisu eklatantne cifre koje jesu i tačne iz budžeta, mi smo ih ovdje prezentirali, da ih ne koriste, ne može ni ova Vlada. Ova Vlada je došla tri mjeseca je bilo izvršenja kada su došli. Tri mjeseca je prošlo izvršavao se budžet i sada evo da je bilo sem ovih 12 – 13 miliona većeg porasta prihoda ti koji su se mogli uključiti u ono što mi želimo i amandmanima ovdje da postignemo, ne osporavajući ni jedan amandman da svako iz svog ugla poboljša situaciju u tom sektoru o kom želi on da to čini, a Vlada bi naj sretnija bila da to i učini. Stoga ja vas molim da diskutujemo i kritike dajemo Vladi samo iz dijela gdje je zaista njena nadležnost i moć da nešto promijeni. A nikako ne možemo promijeniti ni jedan od zakona, da se ne ponavljam. U tom smislu da prebacujem bilo kome. Niti prethodnim.- ja sam jedan od onih koji je učestvovao spreman da podnesem i kritike i odgovornost svoju za ono sve ali smo se kretali u onoliko sredstava koliko je bilo. Može samo rast prihoda i uštede da se nalazimo na nivou bez deficitarnog poslovanja ovdje na nultom poslovanju samo na ta dva načina i nikako drugačije. Zahvaljujem.

Poslanik/zastupnik Eldar Čomor replika:

Hvala predsjedavajući. Pa samo vezano za repliku ili diskusiju kolegice Srne Bajramović, za one 71 dan trajanja Vlade SDP-a i SBB-a, mislim da to je trajalo malo duže. Naravno smjena jeste uslijedila nakon 71 dana ali je ta Vlada nastavila imenovana je 19.06 i radila sve do imenovanja nove Vlade 21.11. ja mislim da je to puno više od 71 dana. I za to vrijeme napravljen je deficit od 98 miliona KM koji je i danas dan omča oko vrata i ovoj Vladi i Vladi prije ove Vlade itd. Ono što je istina treba tako da se kaže, treba da se govori, i ako treba sto puta ponoviti treba je ponavljati. Dalje, Zakon o principima lokalne samouprave je bio u ovim skupštinskim klupama i meni se ne čini kao što to kolegica kaže činilo joj se da zastupnici SDA nisu glasali za taj Zakon. Ne, upravo samo 7 zastupnika SDA je podržalo taj Zakon o principima lokalne samouprave. Predložen od strane ministarstva pravde tada je čini mi se ministrica bila Velida Memić i to je tada bio najveći stepen suglasnosti lokalnih samouprava, odnosno općina, Grada i Kantona. Tada najveće moguće usaglašavanje stavova svih učesnika u svemu tome. Znači samo sedam zastupnika SDA je podržalo Zakon i niko više.

Poslanik/zastupnik Slaviša Šućur replika:

Okolo Grada Sarajeva, odavno mi nemamo isto mišljenje. I ja kažem zaista tragično je koliko u ovom kantonu uopšte ne postoji razumijevanje za potrebu da se odnosi između lokalne samouprave i Kantona uredi, ali nije bitno. Ono na šta sam želio replicirati je onaj dio gdje on pokušava da nama objasni kako je ovo budžet koji je budžet nužde. To je ono što sam ja rekao. Ja sam rekao samo jednu stvar da jedino što je meni smetalo što je premijer pokušavao da nama objasni kako je ovo veliki razvojni zaokret a evo sam gospodin Kozadra da u suštini od toga nema ništa. Dakle ovo je budžet nužde i zašto praviti toliku veliku priču? Svi bi lakše puno prošli da je to tako i rečeno; ljudi malo smo dobili više para, hajmo mi to nekako raspodijeliti, jedina reformska stavka je 120.000 KM od 700 miliona. Eto. I to je nešto ovo ostalo. I to treba reći, ljudi to vam je tako, nemojte da se. I do sada smo mogli vjerovatno

završiti više od pola tačkica dnevnog reda da je to bilo tako. Evo ja kažem, imamo posla nemojte da gubimo vrijeme na priču ponavljanje onoga što želimo da uradimo. Hajmo nešto raditi.

Poslanik/zastupnik Muhamed Kozadra odgovor na repliku:

Žao mi je Grad Sarajevo nisam pomenuo imam presudu pred sobom ovdje, ovo o kojoj ste vi na početku rekli i o njoj ćemo drugi put diskutovati. Ali kada sam rekao da prema prihodima i svemu onom da ovaj budžet je ovakav kakav jeste, nisam govorio ono što je gospodin Ademović govorio ovdje i premijer, o aktivnostima koje se vode da u dijelu koje će obezbijediti funkcionalnost svih 165 budžetskih korisnika nisam to želio da ponavljam, to oni čine i to oni rade i prave onaj dio mogući koji je sa strane i od Vlade obavezan da to čini da napravi funkcionalnost sistema i uštede koje može da napravi i prihode koje može da ostvari. O tome nisam govorio. Govorio sam samo o tome što mi i viši nivou vlasti trebaju da učine kako bi obezbjedili ovo o čemu hoćemo, razvojni momenat i ono sve što je navedeno u ovom budžetu, 71 miliona. To jeste iz dijela namjenskih sredstava vlastitih sredstava i najmanjim dijelom iz budžeta. Jer budžetska sredstva nisu dovoljna za kapitalna ulaganja a ovdje o budžetu, nije se govorilo o prijedlogu budžeta o svim projektima koji su sadržani u budžetu na indirektan način a iz kredita su. Znači svi projekti od ovog prečistača od saobraćajnica itd. Sve su to kapitalni projekti koji su na indirektan način uključeni u budžet i dali smo garancije, donijeli za odvijanje toga. Znali on ima to ministar nije govorio jer se ne nalazi u ovom dijelu a govorili smo kada smo donosili budžet i kada je bio nacrt budžeta pomenuti su svi ti projekti razvojni kapitalni.

Predsjedavajući:

Zahvaljujem uvaženom zastupniku Kozadri. Ukoliko se više niko ne javlja za riječ.. uvaženi zastupnik Aljović se javlja za riječ.

Poslanik/zastupnik Hamed Aljović:

Zahvaljujem predsjedavajući. Selamim i pozdravljam sve prisutne. Moja diskusija će se odnositi na osnovno i srednje obrazovanje. Pošto nam je premijer najjavljivao a i ministar obrazovanja o racionalizaciji i uštedama, ja ovdje istina vidim u nekim školama a u nekim ne vidim. Pa imamo škola gdje se smanjio broj učenika po stotinu a povećao se budžet za plate. Ne za drugo nego za bruto plate. 50 i 100 hiljada. Npr. škola iz koje ja dolazim, Blažuja, povećao se broj učenika i upisanih i ukupno učenika, plate ostale iste, kao što je i logično. Ostao isti koeficijent, ista osnovica, isti bi trebao biti broj uposlenika ili manji a povećalo se stavka za plate. Znači, šta ovo dovodimo u situaciju ljude da i ja sada kada izađem iz ove Skupštine odem u školu i trošim koliko god hoću jer će mi dogodine dati više. Pa evo uzimam prijem škola Hamdija Kreševljaković, smanjio se broj učenika a povećao se budžet za plate 50.000. jel to samo zato što tamo Sivro radi pa treba njega nadomiriti ili? I ili škola gdje ja radim 7. Osnovna škola povećao se broj upisanih učenika za 30, znači to je jedan izvršilac više a plate ostale iste, stavka za plate. Što znači da se i u toj sumi može uštediti još. Ili imamo škola na Ilidži i Novom Gradu gdje po 100.000 povećana stavka na plate. Ja sam inače matematičar ali ta mi formula nije poznata. Kako se uspjelo da smanjio se broj učenika, ostale iste osnovice, isti koeficijenti a plate potrebe za plate se povećale. Imamo ovdje isto stavku kapitalni transferi. Pa imamo vidim Vlada planira pravljenje škola do škole. Znači znamo da škola na Aneksu, prva škola nema učenika jer se smanjuje. Pravi se nova škola koja neće imati učenika. A malo ću postati dosadan, imamo školu u Blažuju, istina tu ja radim, gdje je napravljena škola, deset godina se pravi i treba 300 000 KM da se otvori škola, nema ni marke. A djeca dole idu u školu u nehumanim uslovima. Škola napravljena za vrijeme Kraljevini Jugoslaviji. Drvene grede. Znači 30 učenika na spratu su u učionici gdje su drvene grede. A oni gore kada se pomjere dole pada malta na ove dole u prizemlju. Vjerovatno

nemirna. A 30 ih ne u učionicama. Nije kao u nekim školama 16 učenika. Zato treba više za plate zato što ima 12 učenika u odjeljenju. Ali evo predložio bih premijeru, odakle bi mogao uštediti znači nije trebao nikome uzimati, samo to ja kako sam došao u ovu skupštinu da ukine nezakonito plaćanje sindikalnih povjerenika Sivrinih. To je 1,2 milion svake godine se da nezakonito budžeta poreskih obveznika Kantona Sarajevo. Za plaćanje za nerad sindikalnih povjerenika. To nema nigdje. Imamo sada u školi nastavnik matematike radi sa 20 časova i ima istu platu kao nastavnik tjelesnog koji je sindikalni povjerenik sa 16 časova. Zamislite kakav se razdor napravi u ustanovi. Čovjek sa 16 časova samo zato što je sindikalni povjerenik. Kada saberete koliko ima 120 škola, to vam je 1,2 miliona na godišnjem nivou. Toliko košta pravljenje jedne sportske dvorane u školi. Deset godina, deset sportskih dvorana. A mi nemamo 300.000 stavku da bi se škola otvorila gdje djeca sada sam vam rekao rade u četiri smjene. Znači gdje su drvene grede. Pitanje je dana kada će one propasti jer su napravljane 1932. to svi znaju od opštine, Kantona, to deset godina se povlači. Istina premijere je vamo nekim amandmanom rekao da će se to prebaciti. Ali je logično da su se poredali prioriteti. Škola na Šipu, Aneksu, to su škole do škole. I ove škole nemaju učenika. A ne kad napravite još jednu školu, 200 metara razmak od škole do škole. Pa jeftinije bi bilo platiti autobus pa da voza djecu nego. Ali nisam ja protiv, treba škole praviti ali trebalo je prvo poredi tamo gdje su nehumani uslovi. Znači škola konkretno o kojoj ja pričam nema ni salu, nema učionica, nema zbornicu nema ništa. Pa ima direktor evo ga sjedi. Ako sam problem ja ću podnijeti ostavku. Samo da vam kažem o čemu se radi i svi su to znali, deset godina je taj problem. Tako da molio bih premijera da mi malo ovo obrazloži, pogotovo oko ušteta, a smanjio se broj učenika u nekim školama povećala se stavka za plate. Hvala.

Poslanik/zastupnik Adnan Solaković replika:

Nekorektno je za vrijeme koaliranja sa SDP-om, SBB koji je bio dva ili tri mjeseca da se to prebaci deficit od 91 milion a to se odnosi na zastupnika Eldara Čomora koji je prozvao da smo mi krivci za deficit od 91 milion. Molim gđina zastupnika da mi kaže iz kojeg je to segmenta ukradeno, jer ovdje sve što se radi o novcu kojeg nema ili je otišao na krivu stranu se smatra ukradenim. Prema tome molim vas da mi se samo kaže iz kojeg segmenta je ukraden taj novac gdje je SBB učestvovao. Dalje, molim vas argumentovano insistiram ispred SBB-a da se procesuiraju ti ljudi iz ove naše stranke ako su bili u kriminalnim vodama. To zahtijevam a vi ste u vlasti, pa molim vas da to i sprovedete. Hvala lijepo.

Poslanik/zastupnik Eldar Čomor – odgovor na repliku:

Kolega Solaković je postavio neka pitanja ovdje. Ja kao zastupnik nisam govorio o 98 miliona KM ukradenih. Već o 98 miliona KM stvorenih obaveza koje se ni dan danas nisu isplatile do kraja. O tome govorim. A govorio sam o Vladi koju je predvodio SDP, govorio sam o vladi u kojoj je ministar finansija gospodin Sendijarević u augustu mjesecu istu tu Vladu na čelu sa premijerom sa Fikretom Musićem upozorio da nema sredstava da se mora izvršiti rebalans budžeta da se prestanu trošiti sredstva, da se donese odluka o privremenoj obustavi trošenja tih sredstava, međutim, Vlada Fikreta Musića nije poslušala vlastitog ministra finansija, koji je sigurno stručnjak iz te oblasti i do mjesec novembra su stvorene obaveze u iznosu od 98 miliona KM kojih nije bilo u budžetu Kantona Sarajevo. Znači na takav način je stvoren deficit. A u toj Vladi osim SDP-a u to par mjeseci bio je i SBB. Što je istina, istina. Eto.

Poslanik/zastupnik Slaviša Šućur replika:

Gđinu Čomoru, samo vrlo kratko ja bih zaista volio vidjeti tog koji uspije ispotpisivati 98 miliona za tih par mjeseci. To je nešto nevjerovatno. Da li su radili po budžetu koji je napravio tadašnji ministar finansija neću ime spominjati, ja čovjeka poštujem. Ili su ga probili. Ako jesu brate nek odgovaraju, treba ih objesiti odmah. A provjerit ću ja podatke,

nemojte se sikirati ja ću doći sa tačnim podacima o svim deficitima iz svake godine, i naslijeđenim i ovakvim i onakvim, da ne pričam o fakturama šta je 90 zatečeno, pa i 96 a šta je ostalo. Hvala.

Poslanik/zastupnik Eldar Čomor odgovor na repliku:

Iz 2011 godine prenesen je deficit u budžet 2012 godine, bio je znači planirani 24 miliona. Sve ostalo ostalih 74 miliona je napravila Vlada SDP-a a o detaljima stručnije i kompetentnije kolega Muhamed Kozadra.

Poslanik/zastupnik Muhamed Kozadra replika:

Zaista je deplasirano danas govoriti ja sam iza ove govornice ovdje i u medijima i u javnosti govorio o deficitima koji su nastajali od 2009 godine, od pojave ekonomske krize. Ugroženost Kantona Sarajevo pada prihoda, o vladama svim u kojima ja sam bio u četiri Vlade, prema tome ja sam o tome govorio. U dijelu koji mi danas spominjemo, pokušavamo da osporavamo ovaj prijedlog izmjena i dopunama gdje se nameće deficit iz 2012 godine. On jeste nastao i ja sam obrazložio kako je nastao i u koje je vrijeme nastao. To su bile analize pred nekima od ovih poslanika koji jesu ovdje i javnost kompletna to zna. Mislim da nemamo potrebe danas raspravljati o tome, ako treba produžiti ćemo raspravu još ja imam i uživo i u pisanoj formi ovdje sve to što jesam činio i radio i vama prezentirao ovdje nekoliko puta i na video zidu o svemu onome što jeste i kako je nastajalo. Stoga daj da se vratimo u dio onaj koji znači izmjene i dopune budžeta za 2015 godinu.

Poslanik/zastupnik Predrag Kojović poslanička/zastupnička intervencija:

Zahvaljujem predsjedavajući. Mislim zaista smo skrenuli, ovdje je tema rebalans, mi slušamo već ne znam koliko raspravu na temu ko je više uništio Kanton Sarajevo, SDA ili SDP. Ako ima neke nedoumice možemo glasati o tome ali stvarno molim vas da vratite diskusiju na ovu temu. Mislim ja se slažem oni su ustvari svi u pravu, mislim ovo sve što govore svi su u pravu.

Poslanik/zastupnik Zvonko Marić – druga diskusija:

Zaista ne bih se javljao i rekao sam da neću da govorim o nekim stvarima ali sam ponukan diskusijom gdina koji je govorio o školama i obrazovanju i u najkraćem bih samo da kažem dvije stvari. Evo gospodin Konaković i sve kada bi htio ne bi mogao da pobjegne od svoje prvobitne izjave kada je bilo vrijeme imenovanja mandataru kada je bio kandidat i rekao da ne bježi od odgovornosti. Ja mislim da je to bio neki naslov. Ja stalno insistiram na odgovornosti. Ali evo najnoviji primjer. Ja sam se tada pitao zar može neko da bježi od nečega što u ovoj državi ne postoji. Odgovornost ne postoji, neću da ulazim sada u psihološke i sociološke aspekte, ali evo gospodine Konakoviću konkretno. Novoimenovana direktorica JU Djeca Sarajeva zbog ponovljenog upisa proizvela je dug od 40.000 KM. Zato što ugovori nisu potpisani 01.09. i prema tome od 01.09. neće biti uplata. Da li će odgovarati za tako nešto? Druga stvar kada je moj uvaženi kolega pominjao sindikat gdina Sivre nisam želio da plasiram ovaj papir ali ako već Vlada izdvaja za sindikat gdina Sivre tolike novce, a on pri tome ne znam na koji način ubire još dodatna sredstva i to potpisuje i protokole i ugovore sa agencijama, ja ću ostaviti naravno premijeru ovo i resornom ministru Kazazoviću da pogledaju i tu su sve škole poimenice koje su potpisale taj ugovor, nema smisla sada da je pominjem, da se toj agenciji ugovorom obavezuje ta agencija da će donirati po 10% od ukupnog iznosa ostvarenih aranžmana u obliku donacije. I ako pri tome Vlada izdvaja toliko novac i ovaj novac se ubire. Pa ja ne znam šta ti sindikati zapravo rade. Evo ja ću gospodine Konakoviću ako vi nemate ništa protiv vama iskopirati ovaj dokument da se preispita ova stvar, jer očigledno da sindikati izvan svih propisa i čini mi se da dominiraju u svim ovim procesima. Hvala.

Predsjedavajući:

Zahvaljujem uvaženom zastupniku Mariću. Ukoliko se više niko ne javlja za riječ, zaključujem raspravu. I dajem riječ premijeru Konakoviću.

Premijer Elmedin Konaković:

Ja bih volio da prvo riješimo ovu zadnju dilemu. Hoćete da kažete da ova Vlada na čelu sa SDA finansira sindikat sa kojim se ruši Vlada SDA na federaciji i borba protiv ovog Zakona o radu. Mi smo na vrhu stepena demokratskih procesa u državi BIH zajedno sa onima sa kojima sam i neke od vas vidio da rušite Vladu i Zakon o radu, mi ih finansiramo. I od toga kreću kritike na račun ove Vlade. Tako je kod nas trenutno stanje. Imam ja stenogram sa nacrtu budžeta. I njega sam iščitao prvo danas kada sam se pripremao za ovu sjednicu gdje sam rekao da ćemo argumentima razgovarati kada vi svi za dva ili dva i pol mjeseca koliko traje rasprava o budžetu ponudite bolja rješenja. Ne teoretski ne retorički, kako ja to dobro radim, kako kaže gospodin Šućur, nego praktično aktima, amandmanima, prijedlozima, u javnoj raspravi. Prokomentarisat ćemo šta smo mi to dobili u dva mjeseca rasprave o budžetu a šta smo mi to dobili danas. Od kolege Šućura nismo dobili ništa. A od kolegice Segmedina Srne dobili smo jedan akt u kom se kaže jednu instituciju jednu JU iz oblasti socijale favorizujte i dajte im više para i istu takvu jednu iz kulture. I to je prijedlog izmjena budžeta. Ovo je rebalans budžeta. To je prijedlog suštinski svega što smo od vas dobili. Jednu iz socijale, nemojte ostale, nek ovi u Centru za socijalni rad imaju veće plate od svih ostalih, jer su valjda vrijedniji. I jednu u kulturi. I pri tom i to je demokratsko SARTR. Koji bi trebao imati veće troškove a nema ih. Njih nema trenutno u budžetu. To su vaši prijedlozi izmjena budžeta. I danas nama pričate kako mi ne radimo ništa. Ja ću vam sada nabrojati šta mi to sve radimo. I nabrojati ću vam sve ove, i ponovo će vjerovatno trajati duže, jer ću vam ja to ponavljati stalno. Vi možete izaći slobodno kolega Šućur. Volio bih samo da čujete ovo o Gradu tu s vama dijelom slažem, ali volio bih da čujete odgovor. Ja sam sjedio i strpljivo slušao sve vaše i nisam bio nervozan i nisam mahao rukama. I ni to nije parlamentarno što radite. Dobacujete mi iz zadnje klupe. Od vas ja to ne očekujem. Od Naše stranke smo dobili od kolege Forte ono što je on najbolje definisao. On kaže ovako mi smo predložili 1/3 od 1% procenta izmjena budžeta. Vi ste to rekli. Tamo gdje se potpuno slažem. Potpuno se slažemo. I vi favorizujete studente Elektrotehničkog fakulteta kojem ćemo ubrzo morati pokloniti 4 miliona KM. Morati pokloniti. Ili će propasti investicija izgradnje hotela zato što je njihov dekan i resorni ministar iz SDP-a napravio komisiju bez saglasnosti Vlade i Skupštine dao investitoru zemlju a zauzvrat napravljen sprat Elektrotehničkog fakulteta. I potpisali smo mu krivičnu prijavu. I jednom i drugom. Ali ćemo morati riješiti taj problem jer je za nas ponovo nerješiv kao Vladu. Nama je ostavljen i nemamo izbora. Dakle odgovornost krivična postoji. 4 miliona će dobiti Elektrotehnički fakultet. To će biti direktna podrška razvoju ovog IT sektora. Dakle svašta ste nam pričali. Morate mi dati priliku da odgovorim ja na to imam pravo i iskoristit ću svoje pravo. I to ću početi sada iz početka kako ste raspravljali. Ustvari prvo jedan osvrt, današnje neusvajanje rebalansa budžeta znači sljedeće: suficit ove Vlade, na kraju kalendarske godine. I u CV-u piše Halebiću suficit 12 + 6, 18 miliona KM. Neće biti uposlenih u MUP-u. Bit će ih samo ne znamo kako ćemo im platiti plate. Neće biti novih tužilaca 10+10. neće krenuti procedura. Neće biti 23 nova inspektora. Neće ih biti jer u postojećem budžetu toga nema. Vi morate odobriti da to bude. Neće se početi plaćati izvršne presude gdje smo pozicionirali 3 miliona i počinjemo priču. Prvi put Vlada Kantona Sarajevo počinje priču izvršnih presuda. Neće biti 1 milion KM udruženih sa SERDOM, milion sa bankom puta 5, vjerovatno 10 ili 8 ili 12 miliona direktne podrške privrednicima u Kanton Sarajevo. Neće biti vodomjera za kontrolu vodovoda 300 ovih ključnih u kojima počinjemo borbu protiv VIK-a bilo čije strukture da su ga dosada vodile i bilo koja partija da je tamo radila. Neće biti besplatnog obezbjeđenja utakmica onoga oko čega se ja ne slažem s kolegom Kojovićem mislim da to mora biti zato što MUP jedino u Kantonu Sarajevo naplaćuje tu

uslugu. Ni jedan drugi Kanton ne naplaćuje. A činjenica je i da više radi i da se na neki način mora obešteti da im se mora dati taj prekovremeni rad u iznosu od 250.000 koliko smo mi planirali i dat ćemo ih MUP-u- neće biti biti mogućnosti povećanja troškova ležanja u zatvorima, imamo indikatore da se to dešava. Nemamo taj novac. Sa boračkom populacijom, tu je po meni najveći paradoks ovog cijelog budžeta. Ja sam s političkog aspekta da vam iskreno kažem kada razmišljam politično, a sve manje, kunem se, razmišljam formalno i stalno nas sve pozivam da se ujediniamo oko ponude i rješavanja problema a s političke strane kada smo razgovarali ja sam rekao za politiku bi bilo super da sve prihvatimo od SBB-a pa da nam SBB ne glasa za budžet. Pa vi objasnite borcima u čije ste vi ime otišli napravili presjek rekli nama treba ih ovdje podržati, mi prihvatili sve što ste vi rekli, onda vi kažete znate mi sada za to nećemo glasati. S političkog aspekta vi imate na to pravo. Imate apsolutno pravo da to objašnjavate onima u čije ste ime pisali ovoj Vladi, ona prihvatila sve što ste vi nama tamo pisali, osim Huma. A za Hum se slažemo samo je nemoguće izvući ljudima stolicu 500.000 KM i ostaviti ih na ledini. Mi ćemo sve učiniti da to FBiH vrati nazad. Mi nećemo da finansiramo. To ste isto potpuno u pravu. Mi ćemo to uraditi samo ne može sada. To je jedino što nismo prihvatili. Neće biti dječjeg doplatka, zakonske obaveze u segmentu boračke populacije koju smo prebacili kod ministra Muharema Fiše. Jer smo ga iz socijale prebacili na borcu. Milionski iznos. Neće biti riješeno grijanje. Grijanje sam rekao 5 miliona je čip, adut na osnovu kojeg nama BH gas kaže kada date tih 5, mi ćemo vam spustiti malo cijenu da iz te cijene nemam vraćate pare, ne možete snižavati nego ćete dati mjenice na razliku u cijeni., na tu razliku u cijeni dajete mjenice a do kraja godine ćete nam iz te razlike u cijeni vratiti još 10 miliona. Mi s ovih pet rješavamo 15. i na pragu smo rješenja s ovim parama u budžetu. Toga opet neće biti. Neće biti, ovdje smo napravili jedan previd, rekli smo neće biti u rebalansu budžeta. Jedno smo preduzeće u Trnovu odštetili u odnosu na ona komunalna i to ćemo ispraviti to smo se dogovorili kod ministra Hasanspahića, ti će ljudi dobiti taj novac nakon ovog rebalansa, zato što ćemo iz istog ministarstva, to je mala korekcija, njih koje smo jedine ostavili neriješene, sada ćemo ih riješiti ako se ovo desi. Neće biti riješena škola Čomore i svi vi ostali. Neće biti riješena. Mi smo napravili, kolega Hamed je odlično poredao stvari. Ja ću dati odgovore na to pitanje. Jedna od njih je i ta škola u Blažuju, druga je u Dobroševićima i ove ostale koje namjeravamo graditi. Rekli smo to kada smo prezentirali budžet. Otvorili smo pozicije po 1000 imate ih u budžetu. Zato što ćemo na te pozicije staviti prioritete. Ja mislim da su prioritete Hadžići i Blažuj. To je stav Vlade i mi imamo mogućnost jer je otvorena pozicija u rebalansu a neće biti ako ne bude rebalansa. Ja sam to rekao više puta i na sjednici Vlade, imaju stenogrami. I zato smo jutros imali hitnu sjednicu da uvrstimo ove dvije i da iz ušteda finansiramo jer je istina da su u Blažuju slama ljudima iznad glave. I naravno da je činjenica i da imamo potrebe da analiziramo potrebu otvaranja novih škola. I to je istina. I vjerujte da ćemo to raditi. Odgovorit ću posebno na ovaj dio ušteda jer njega posmatram izdvojeno iz ove cijele priče. Ovoga u budžetu neće biti. Šta mi to radimo? Vi ste nama rekli ovdje da je to retorika. Ja kažem da vi kolega Šućur samo govorite retorički. Ni jedan zarez boljeg rješenja niste ponudili. Tri ključna problema Kantona Sarajevo prije nego što smo došli u Kanton, bili su psi lualice, bili su gradski prevoz i b ili su grijanje u Kantonu Sarajevo. Ja sam više puta rekao da je to najveći. Sva tri smo napravili ogromne iskorake za samo pet mjeseci. Vi možda nas malo precjenjujete pa kažete da smo za pet mjeseci trebali napraviti i ekonomsku i zakonodavnu reformu. Da smo trebali imati pet zakonodavnih strašnih zakona i jedan budžet reformski koji je trabo dati odgovore na sva pitanja. Ovo sve možete zajedno sa nama provjeriti. Dakle, psi lualice, gradski prevoz, grijanje. Govorite nam o transparentnosti. Mi smo Vlada koja je pozvala CCI javno zvanično da dođe da prati naše sjednice. Mi smo javno uputili zaključkom Vlade poziv CCI da dođe na naše sjednice. Mi radimo Essencijalnu listu lijekova. Prvi put od kada postoji Kanton tako što smo svaki dokument dali svakom zainteresovanom sudioniku u ovom procesu i čekamo ih 15 dana i dobijamo vrhunske prijedloge mjera. I to nije transparentno. To je rekao kolega Forto. Trebalo bi biti

transparentnosti. Znači, prvi put se Essencijalna lista usvaja tako da smo imali sastanak sa 14 JU iz zdravstva i da smo iste papire prosljedili privatnicima koji su u farmaciji i u ljekarskom segmentu izrazili zainteresovanost svima, svaki dokument. I svi su nam na osnovu toga poslali određene reakcije. U obrazovanju je sljedeće stanje. Vi znate da se ljudi zapošljavaju u septembru. Vi znate da se tehnološki viškovi i ova kalendarska školska godina počinje u septembru. A budžet mi planiramo ili u martu ili u decembru i ovo jesu ostaci budžeta i procjena. Ministarstvo obrazovanja je prezentiralo Vladi Kantona Sarajevo uštede od 400.000 KM mjesečno. To sigurno još uvijek nije linerano vjerovatno onako kako će biti za narednih par mjeseci prebačeno na svim školama i vrlo je moguće da tu neke škole imaju prednost, favorizovane su i moguće baš ovako kako vi to govorite a mi prvu put imamo kontrolu nakon ovih odluka o kojima smo povećali broj učenika u odjeljenjima, imamo 200 ljudi manje u sistemu obrazovanja. Prvi put u zadnjih šest ili sedam godina imamo manji broj uposlenih i izvršilaca. Znači da imaju dva termina. Uposleni i izvršioc. Prvi put imamo manje za 200 ljudi. To je samo prvi korak reforme obrazovanja i naravno potpuno se slažemo da ćemo izanalizirati i ove aspekte. Znam ja da košta jedan sindikalac četiri sata manje. To je dosadašnje pravo sindikalne organizacije. Mi ćemo razmisliti hoće li to tako ostati ili će to biti vijeće uposlenika ili će to biti neki novi nivo organizovanja ljudi u obrazovanju. Ali ima jedna ključna stvar, ja sam svoj ekspeze počeo sa obrazovanjem. Jutros sam to rekao predsjedniku Sindikata srednjeg obrazovanja. Ja bih volio da su se oni obratili, posebno bih volio da se obratio gradonačelnik. Mislim da smo mu tu priliku trebali dati. Ono što je naš cilj da u narednoj godini u 16 u budžetu ljudi imaju bolja primanja u obrazovanju. Jer je to broj jedan reforme svake. Mi radimo sve, uzet ćemo mi u obzir tužbe. S tim ćemo početi nove pregovore zahvaljujući tom Novaliću i tom zakonu o radu koji će biti ozdravljenje ovog sistema. To će biti naš čip za pregovore, ali ćemo uraditi sve da masa za plaćanje ljudima u obrazovanju bude barem malo veća ove godine a sve veća narednih godina. To je koncept i njega počinjemo sa tih 5 miliona skoro na nivou godine ako ćemo 400.000 držati prosjek i opet se vraćam na ono-, svi to moramo kontrolisati. Kvartalno ćemo vama slati izvještaje to sam isto rekao, i to je isto transparentnost da vidite u kojoj se to javnoj ustanovi pojavljuje neko ko po zakonu smije primiti nekoga. Bez Kazazovića, bez Hasanspahića, Lukića, bez mene, smije njemu to Zakon dozvoljava. Predlažem vama da kao zakonodavni organ pokrenemo neke izmjene zajedno zakona koji bi vratili prava načina izbora školskog odbora. To su također reforme. Mi smo izradili i brzo ćemo usvojiti Uredbu o kontroli sopstvenih prihoda. To isto nikada nije bio slučaj. I to nije retorika. To je na stranici Vlada.ks.gov. ba. Ima tamo novosti i tamo piše sve šta mi radimo evo već pet i pol mjeseci. Imali smo 16 redovnih i 7 vanrednih sjednica Vlade. I svi akti koje smo usvojili stoje tamo. Kontrola sopstvenih prihoda znači sljedeće ogroman je broj ljudi koji upravljaju našim novcem da mi ne možemo imati uticaja na njih. Za mene je to početak ulaska na trezor akademske zajednice. Jer je prva stvar uredba koju je donio ministar Kazazaović kada je došao na posao, bila Uredba o platama i o kontroli sopstvenih prihoda. A sada to objedinjujemo na sve budžetske korisnike. Procjenjujemo da u prvi mah ulazimo u kontrolu 20 miliona KM i tu nam se dešava sljedeće: ljudi te pare troše a mi ne znamo kako a po istom osnovu dajemo mi iz budžeta iste pare, mi nećemo njima uzimati novac, samo ćemo znati da tamo gdje su ga potrošili mi ne dupliramo i ne dajemo ponovo. Imamo danas sljedeću situaciju: stenogram sa nacrtu javnu raspravu i ponuđena rješenja Vlade, zastupnika, njihovih političkih partija, ekonomskih savjeta tih političkih partija, ja znam da sve bolje organizovane stranke imaju svoje jake ekonomske savjete ako niste znali, to je tako. Ljude sa kojima se savjetuje, ja sam to često radio pa sam nekada izgledao puno pametniji nego što jesam. Čujete od ozbiljnih ljudi neki prijedlog koji prihvatite pa izgledate dobro. Nismo ništa od toga dobili na ovaj budžet da kažemo da je to revolucionarno, zato što je to nemoguće. Ne optužujemo mi vas, ali nemojte vi zbog toga optuživati nas. Zakone koje radimo. Vi radite zakone, mi ih predlažemo. Mi smo rekli koji su to koji će se u narednom periodu desiti. I šta je to od obima posla koji smo mi uradili do sada,

pa nismo do sada usvojili tih pet reformskih. Evo na dnevnom redu je Zakon, imate to provjerite na stranici Vlade, Zakon o obrazovanju ostalih. Značajan reformski Zakon u Ministarstvu privrede, direktna je podrška malim i srednjim preduzećima. Obavezuje nas na tri miliona naredne godine podrške istom. I neke koje smo već usvojili. Ove uredbe o kojima govorimo. Brze izmjene zakona kod Lukića u kojima smo spriječili ove panoe da postavlja kako ko hoće i da poslije toga ubire procese. Dakle niz mjera. U Grasu smo najponosniji šta tamo trenutno radimo iz nemoguće situacije. Vi ste svi, ja sam nekada mislio da je to nemoguće. Nije više nemoguće. Nego je izgledno. I opipljivo da mi tamo stalno iz dana u dan popravljamo stanje. I kaže kolega Šućur vi ste retoričar i vi ovdje samo lijepo pričate, ništa ne radite i pri tom niste ponudili ništa. Ili SBB je ponudio opciju poboljšanja budžeta, super ste to hoćemo, i onda rekao mi sada nećemo za to glasati. Ne usvajanjem ovog budžeta neće biti ovih procesa koje smo mi rekli i planirali budžetom. Neće biti pretpostavke da 23 novih, znamo mi da bi nama trebalo 70. znamo mi da bi u Tužilaštvu trebalo još 30. sve je to tako. 100%. Samo neka neko kaže kako i odakle iz kojih sredstava. Evo rekli smo sada imamo neke sitne koje smo oprihodovali veće mimo ovog budžeta. Znamo mi da postoje anomalije u Djeci Sarajeva i naravno da nam je cilj da se otvaraju novi vrtići. Nagovijestili smo i to kako ako ste zaboravili da vam ponovimo. Napravili smo anketu, roditelji se slažu da povećamo cijenu. Uposlenici i vijeće roditelja potpisali nam akt i rekli ok je, povećajte za 20 ili 30 KM a onda iz toga uposlite nove ljude a onda iz toga nam otvorite nove vrtiće jer tamo ima lista čekanja 600 djece koje ne možemo da primimo. Ja sam o tome govorio ko obrazovnoj i prihodovnoj strani budžeta i u tom pravcu isto radimo proces. I to je činjenica. Naravno da se dešavaju. Ovo mi Kazazović ako ima potrebe može objasniti oko Djece Sarajeva ovo što je kolega Marić govorio, normalno da će biti odgovornost. Mi smo uspjeli doći do onoga koji je mislio da je nedodirljiv. Koji je prije deset godina napustio ovaj sistem i simbol je korupcije i kriminala u Kanton Sarajevo. i mi smo sa Pravobranilaštvom i Tužilaštvom takvog dokačili i stavili ga pred lice pravde. I svakog ćemo sljedećeg. Dakle mi smo time pokazali šta mislimo o transparentnosti o korupciji i sve ova Vlada. I sada smo dobili salve kritika na to kako mi ne radimo u ovom procesu ništa. Neću odgovarati na ovo što je SBB govorio, jer smo sve učinili da dobro iskomuniciramo, sve smo učinili da čujemo vas, da prihvatimo. Jutros smo imali sastanak. Vi ste došli ovdje sa setom novih pitanja i rekli ste nećemo glasati za budžet. Vi objašnjavajte onima u čije ste ime nama donijeli prijedloge koje smo mi prihvatili i sada kažete nećemo ga podražati. To je vaša obaveza ja ne želim da odgovorim na vaša pitanja. Grad Sarajevo.

Predsjedavajući:

Molim vas, mir. Premijer još nije završio.

Premijer Elmedin Konaković:

Kolega Šućur, tamo u kancelariji u Gradu Sarajevu sjede politički predstavnici vaše partije kao savjetnici čije plate koštaju sve nas, ne poštuju Zakon koji smo mi ovdje donijeli. Takav Grad Sarajevo je problematičan. Koliko ga mi pozitivno shvatamo. Sve smo projekte grada Sarajeva smo uvrstili u budžet. Sve za koji su nam uputili zarez. Sve što su rekli da im je bitno, nećemo da im plaćamo plate. Kolega Šućur nećemo da im plaćamo plate. Finansirali smo biciklističku stazu niko se od nas nije uslikao oni su se uslikali, neka su. Rješava problem naš pravobranilac polazne stanice, dajemo Grasu imovinu Gradu završili smo protokol i jedva našli rješenje zajedno sa njihovom administracijom u kojim će dobiti od nas sve da profunkcioniše žičara da im ne propadnu pare. To je bilo, sve zahtjeve za projekte nema ni jedan da su ga tražili da smo ga mi odbili. Nemamo zakonski osnov da finansiramo Grad. Vi ste sami predložili rješenje i usvojili ste zaključak, izmjene zakona na federalnom nivou i ono što mi je najviše od vas zasmetalo pa sam možda zato prema vama ličan. Stanovnik Kantona Sarajevo vrijedi dva puta više zato što proizvodi pet puta više. Zato što se odavde generiše

40% bruto društvenog proizvoda države BIH. Zato što udar na taj dio ekonomije koji hrani pola Federacije, znači udar na državu i znači kolaps Kantona Sarajevo. I neodgovorno je da vi u ovoj Sali, pitate ono što pitaju nevladine organizacije iz Mostara, kako to vrijedi stanovnik Sarajeva dva puta više. To je u najmanju ruku neodgovorno i nije istina. Ponder dva je ublažavanje nepravde prema Sarajevu. Jer kada se radila izmjena tog zakona ustvari kada se usvajao rekli su ubili smo Sarajevo šta ćemo, pa su rekli dat ćemo mu ponder 2. nije to samo zbog Grada, jer odavde ode to Kozadru pitajte 1,3 milijarde a vrati se 300. u svijetu ne postoji takav model. Uvijek je prvi parametar koliko se ubere u nekoj sredini poreza po tom se prvom parametru u najvećoj mjeri vraća. A mi pristajemo na Fond solidarnosti. I treba da se desi kolaps Kantona Sarajevo zato što vi kažete da je dva puta vrjedniji stanovnik Kantona Sarajevo od Tuzlanskog. Retorika kojom hoće ljudi nesposobne Vlade iz drugih Kantona da nam pošalju njihove propale komunalne firme pred našu zgradu. Zato nikada nećete imati sagovornika, ne u ovoj Vladi ni u meni lično. Dakle to je paradoksalno, grad Sarajevo nam je prebitan sve smo uradili da ispštujemo sve ono što su od nas tražili. Neću još dugo. Ja sam se žalio kao zastupnik stalno što ne ograničite premijera i ove ministre imate i vi. Ja sam to rondala četiri godine i svaki put sam rekao vi imate veća prava ali ova prava minutaže imam ja veća i ja ih sada koristim. Posebno zato što ste nas izrešetal sa 50 stvari koje nisu tačne. Ja na to ne pristajem. Mi smo ponudili ono što sam nabrojao i ako treba do sutra ću ponavljati. Vi kažete mi to nećemo. Ok. Ta rješenja. Imate bolja? Dajte nam bolja i mi ćemo odmah po tim rješenjima raditi. Ima još ovdje jedna bitna stvar kolega Forto. Loše navike Vlade. Nisu to loše navike, to su zakonske obaveze. Zakonska obaveza koja kaže JKP čiji ste osnivač morate finansirati sve deficita što naprave. Sve što naprave minusa. To nama kaže Zakon. Mi to ne radimo nego radimo sljedeće. Radimo popravljanje stanja u tim JKP. Ali to nije tako. Vi kažete oni gutaju novac. Imate ljude u IFC vi kažete ima Naša stranka ljude u IFC. Mi u IFC imamo ljude koji su nam rekli da tih 20 000 treba. Mi smo dali 30.000 samo s druge pozicije, samo s druge pozicije. To smo vam rekli. 30.000 a oni će dati 120 ili 200, Halebiću? 180 000 će dati oni. Imamo 210 za projekat koji je veći od ovoga što ste vi nama trenutno predlagali. Transfer UNSA. Ne zna niko, naravno da ne zna. Ni mi ne znamo šta se dešava sa 66 miliona a meni dekan jednog od fakulteta kaže renovirat ću prozore jer imam više 2,5 miliona od planiranih sredstava od samofinansirajućih studenata. Ja sam to govorio. I ponavljam ali šta je rješenje. Trezor. I mi smo rekli idemo ka tome idemo ka trezoru. U svakom smo od tema povelj priču ka rješenju. Neke puno brže nego što je i nama samima to izgledalo da se može. Svašta vi pitate samo pet godina nema rješenja. Vlada SDP-a nije poslušala ozbiljnog ministra finansija kada je upozorio da se mora donijeti odluka o obustavi izvršenja budžeta. Nego ga je negirala i 3,5 ili 4 mjeseca trajalo trošenje budžetskih sredstava bez da su se prihodovala. Prva stvar koju je uradila nova Vlada je bila odluka o obustavi izvršenja budžeta ako se toga sjećate u mjesecu decembru. Ogroman je to problem i balast. I niko ne bježi od odgovornosti. Ako ste vidjeli mi stvarno ne bježimo od odgovornosti. Sve žive ljude za koje mislimo da ne rade dobro posao, procesuiramo borimo se, pokrećemo, ojačavamo ove alate ovim budžetom. Ovim ga budžetom ojačavamo. Vi ako mislite da to ne treba, da trebamo slijediti neke političke stavove i doći u situaciju da se ništa od ovih stvari ne rješava, mi na to pristajemo, mi ćemo i dalje kao Vlada raditi maksimalno ozbiljno u okviru dokumenta koji nam vi donesete. A on se zove budžet Kantona Sarajevo. Ja vam se zahvaljujem.

Predsjedavajući:

Jedan princip kojeg se ja držim kada su pitanja, inicijative i kada se zaključi rasprava, dozvolim da postavite novo pitanje. Niste zadovoljni odgovorom. Ovo nisu pitanja i inicijative. Ovo je završena zaključena rasprava. Premijer je pojasnio ono što ste vi tokom diskusija raspravljali i rasprava je zaključena. Ne dozvoljavam nikome riječ.

Poslanik/zastupnik Zvonko Marić:

Ispravka krivog navoda gospodine Bukva. Postoje ispravke krivih navoda i vi ste dozvolili klasničnu zloupotrebu.

Predsjedavajući.

Samo malo gospodine Mariću. Nisam vam dao riječ. Dozvolite. Jeste li se javili za ispravku krivog navoda. Izvolite riječ imate ispravak krivog navoda gospodin Marić.

Poslanik/zastupnik Zvonko Marić ispravka krivog navoda:

Hvala vam gospodine Bukva. Premijeru, također moram zaista da vam kažem i sada sam čak sklon da vjerujem da je gospodin Šućur u pravu. Ispravka navoda krivog je sljedeća. Vi ste na populistički način demagoški pomenuli kategoriju boraca a imali smo toliko prijedloga i vi ste sami rekli, ali nije ovo izborna godina. Odreknite se populizma i demagogije. I naveli ste samo taj primjer. I druga stvar. Ispravka krivog navoda je također ta, nismo mi rekli da nećemo glasati za rebalans budžeta. To je totalna neistina. Mi samo izražavamo. Pazite imaju tri mogućnosti. Gospodine Konakoviću dugo ste sjedili ovdje imate kategoriju za protiv i suzdržan. SBB dakle izražava rezerve iz prostog razloga što ne prepoznavamo ni u jednoj stavki prebacivanja sa stavke na stavku reformske procese za koje se mi zalažemo u osnovi. To je ključna stvar. To što vi pokušavate da ostavite dojam povišenim tonom da nam se obraćate i prozivate nas i nekoliko puta govorite o tome, to je naše pravo. Mi smo se za borcu zalagali u postojećoj situaciji i prema tome zar imate vi strah da neće proći ovaj rebalans budžeta? Pa imate parlamentarnu većinu. Dozvolite nama da se izjasnimo sa određenom rezervom u nastojanju da se pokrenu reformski procesi. To je ispravka krivog navoda. Krivo ste naveli, pokušavajući da zavedete gledatelje demagoškim putem i populističkom pričom. To je nedopustivo za vas i vi morate biti odgovorni za sve ono što kažete u Sali.

Poslanik/zastupnik Slaviša Šućur ispravka krivog navoda:

Predsjedavajući pod jedan, vaša je dužnost da štite dostojanstvo ovog doma, ja ne znam ni jedan parlament u kom premijer ima zadnju riječ. Da ne kažem ništa o tome da je isti premijer dana su nekoliko navrata rekao kako je on naložio hapšenje nekih ljudi u nezavisnoj instituciji, mene je to prepalo. Ako on zadnju riječ u parlamentu i on tužiocu kaže koga će hapsiti. Oprostite ja mislim da nešto tu ne štima. Što se tiče ispravke krivog navoda, možda je i to krivi navod, možda premijer nije mislio tako, ali je boga mi tako zvučalo. Neću se izvinuti, vi ste lijepo rekli: mi smo sa Tužilaštvom i desilo se to. Oprostite vi sa Tužilaštvom za nešto što se desilo prije 20 godina, možete vi pravdati to kako hoćete. Nešto nije kako treba. Druga stvar, ja sam zaista bio vrlo jasan, ja sam rekao da ja razumijem koliko ste vi ograničeni. Samo sam rekao nemojte nas pokušavati ubijediti da radite nešto ogromno i veliko, kada u suštini ovo su izmjene koje utiču na vrlo mali dio budžeta. Dakle 98% budžeta ostaje isto kao na početku godine. Mi smo protiv tog budžeta bili. Ovih 2% izmjena ne daje dovoljno elemenata, ja sam tačno naveo razlog i dalje se neću s vama složiti, zbog kog ću biti protiv. Vrlo jasno, vrlo decidno. Što se tiče takvog statusa Grada Sarajeva ja sam vama rekao. To je odraz jedne dugogodišnje politike ubijanja Grada. Vi sve to možete reći to je tako. Bilo je tu i vaših načelnika i gradonačelnika, neću o tome da pričam, meni ne bitno. Ja bih volio da Grad Sarajevo bude ono što treba da bude, a malo pročitajte Europsku povelju, malo naučite za šta je bitno da postoji grad kao jedinica lokalne samouprave i zašto ne valja kada državni nivo vlasti kao što je Kanton zakonodavni obavlja poslove za koje piše zakone i vrši nadzor. A ono što se nama dešava je direktna posljedica toga. I još jednu stvar. Vaša priča da Kanton Sarajevo proizvodi 40 % molim vas. Pogledajte malo parametre iz realnog sektora. Nemojte mi pričati. Upravo Sarajevo je glavni grad i ovdje su državne institucije, ovdje su velike firme, i to su pare koje dolaze iz cijele BIH. Pogledajte koliko od raznih budžetskih korisnika se tih para potroši u Sarajevu a koliko realni sektor u Sarajevu proizvodi. I onda mi dođite sa

podacima koliko je to posto. A da ne kažem da je takva sumanutu politika koja je godinama trajala, ta arogancija Sarajeva je dovela do toga da nas ne vole, ne samo u Banja Luci, nego nas ne vole ni u Goraždu ni u Zenici, ni u Tuzli, nigdje, jer ljudi osjećaju da nešto nije u redu. Ako se mi budemo tako ponašali, ja samo o tome govorim, da mi možda smo najodgovorniji da gradimo i državu, da gradimo odnos prema glavnom gradu, da gradimo nešto što će svi drugi. Ja vam zato kažem, malo razmišljajte nemojte tako biti zatvoreni i sebični u ono što je interes Kantona. Ja sam to rekao. Problem svake strukture.

Predsjedavajući:

Vrijeme je isteklo tri minute za ispravku krivog navoda. Uvaženi zastupnik Kojović i molim vas poslije toga uvaženi zastupnik Rađo, da se držimo teme. Navedite tačno ispravku krivog navoda, a da ne idemo u širinu da ne pričamo opet na staro što smo pričali tokom cijele Skupštine.

Poslanik/zastupnik Predrag Kojović ispravka krivog navoda:

Zahvaljujem predsjedavajući. Ja ću se zaista, neću komentarisati još jedan briljantan govor našeg premijera, ali ću samo ove ispravke krivog navoda. Mi jesmo bili protiv toga, mi nismo protiv toga premijeru da se utakmice obezbjeđuju. One se moraju obezbjeđivati. Bili smo protiv toga da se to finansira iz javnih sredstava za jedan profesionalni klub koji svojim nastupima u međunarodnim takmičenjima i trgovinom igrača zarađuje ogromne iznose sredstava, a pogotovo smo protiv toga da u istu poziciju niste doveli organizatore kulturnih događanja koji također snose tu vrstu troškova itd. Znači vi ste rekli da smo mi protiv obezbjeđenja. Druga stvar koju ste rekli, koju samo želim poentirati kao ispravka krivog navoda je vi nemate pravo finansirati deficite komunalnih kompanija prije nego što u skladu sa zakonom uradite neke prethodne korake. A to je: da utvrdite ekonomsku cijenu te usluge i onda sasvim svjesno donesete odluku da zbog nekih razloga koji mogu biti vaši politički razlozi nećete naplaćivati tu cijenu, nego da ćete je subvencionirati iz budžeta. I mislim samo za kraj, mislim da zaista vi u tretmanu naših amandmana niste pokazali istu ozbiljnost koju smo mi pokazali kada smo ih zaista radili. Jer vi dovodite sljedeću stvar. Mi smo željeli da finansiramo odnosno da napokon uvedemo jednu kulturu među našim srednjoškolicima da upisuju tehničke fakultete. Da ne idu studirati fakultete koji će ih voditi direktno na biro za zapošljavanje i zato smo zahtijevali da na neki način Vlada subvencionira upis studenata na tehničke fakultete pogotovo one smijerove koji se tiču IT sektora, a vi to dovodite u istu ravan sa činjenicom da ćete vi morati četiri miliona KM platiti iz budžeta za kriminal koji se dogodio u ovoj vlasti kada ste vi bili na vlasti sa drugim partnerima. Znači ta 4 miliona to je kriminal koji vi morate sada da pokrijete jer ta zemlja koja je data naravno je bila puno više vrijedna. Ovo što smo mi podnosili amandmane se odnosilo na nešto što je politika Vlade, što je upisna politika i smjer u kome bi trebalo ovo društvo da ide.

Poslanik/zastupnik Dževad Rađo ispravka krivog navoda:

Hvala lijepo predsjedavajući. Ja želim da se zahvalim Vladi što je usvojila dio amandmana koje smo uputili mi kao politički projekat. Ne radi se o svim. Lično sam ja podnio tri amandmana koji se tiču Ministarstva za boračko invalidsku zaštitu. To je liječenje u zemlji i inostranstvu i banjaska liječenja. Prihvaćen je samo jedan. Za banjaska liječenja. Ostalo je minimizirano. Druga stvar, mi se nemamo kome pravdati jer mi dolazimo iz te populacije. Ja sam ih pisao lično.

Predsjedavajući:

Oprostite može li konkretno napraviti koji je to ispravak krivog navoda. Samo da se držimo.

Poslanik/zastupnik Dževad Rado:

Konkretno. Da su prihvaćeni svi a nisu. Samo je djelimično prihvaćeno u iznosu od 150.000 KM. Tačno je to da smo imali jutros sastanak ali nije tačno ostatak priče. Pa je rečeno hajmo mi sada eto koordinacija udruženja da se to daje kao jednokratna pomoć za legalizaciju priključaka električne energije, između ostalog. To je zakonska obaveza po dopunskom pravima boraca, to postoji i u tom slučaju mi nismo naravno spremni da predizborna obećanja stranaka koje su bile na vlasti, i sada su na vlasti, pokrivamo tim sredstvima. Znači, amandmane sam ja napisao i napisao sam po kojim stavkama i odakle obezbjediti sredstva. I kada se to desi u punom kapacitetu naravno da smo zadovoljni. I druga stvar što se tiče pasa lotalica, na našu inicijativu, našeg Kluba 09.04. je donešen Zakon 2009 godine. Prema tome, trebalo je samo ispoštovati taj Zakon i ne bi danas uopšte imali potrebe ni priče da razgovaramo na tu temu. Hvala lijepo.

Poslanik/zastupnik Segmedina Srna Bajramović – ispravak krivog navoda:

Zahvaljujem uvaženi predsjedavajući za razumijevanje i novu priliku što ste mi dali riječ. Zapravo, nakon premijerovog izlaganja, premijeru ja bih vas zaista zamolila da ne omalovažavate bilo koje amandman koji dođe od bilo kojeg zastupnika. Ovi amandmani koje sam ja predložila su bili simbolične naravi. I zapravo su u tom trenutku iz onoga što je proisteklo iz javne rasprave činilo mi se da postoji zakonski osnov, kako sam to i rekla u svojoj diskusiji, da se naprave korekcije na određenim stavkama. Nakon obrazloženja ministra Halebića rekla sam da amandmane neću dati na glasanje. Prihvatila sam obrazloženje. Ali nedopustiv je način na koji se vi obraćate ovoj Skupštini. Zbilja je nedopustiv i ja vas molim da se koncizno fokusirate na tačke dnevnog reda a ne da svaki put držite predizborni skup u Skupštini. Pored toga što marketinški dominirate vladom, nema smisla da stalno mijenjate uloge. Ponekad mi se čini da nikako da shvatite da više niste zastupnik. Dakle, nemate niti jedan nastup ispod 10 minuta i svaku temu iskoristite da kažete stvari koje vi želite bez da prethodno dotaknete temu zbog koje ste. Zahvaljujem

Poslanik/zastupnik Eldar Čomor – poslovnička intervencija:

Poslovnička intervencija u kontekstu vraćanja svih zastupnika pa i mene samoga u temu oko koje pričamo. Ako je ispravak krivog navoda znači premijer je rekao to i to, ja mislim da to nije tako i tako. A obrazlagati pod tim nazivom ponašanje, retoriku itd. premijera mislim da nije fer i korektno. I na kraju krajeva mi iskoristili svoje pravo da ovdje kažemo šta god hoćemo pa bilo to ovako i onako a ne dati premijeru pravo da govori s druge strane isto tako nije fer i korektno.

Premijer Elmedin Konaković:

Kolega Kojoviću vi ste možda ako sam, ne ne vi ste potpuno korektno odgovorili i to su možda bili krivi navodi. Dakle ja hoću da objasnim mi ne vidimo isto tu sliku. Ja ne mislim tako kao vi kada je riječ o organizaciji utakmica. I to je jedino što sam ja rekao nisam vas optužio. U ovom drugom dijelu se potpuno slažem sa vama. Dakle da se prvo moraju donijeti po procedurama definisane cijene, iznosi subvencija i ako vidite, mi stvarno i to radimo, i opet se vraćam na proces i period koliko mi vremena provodimo na svojim radnim mjestima i koliko smo dugo Vlada. Znamo i uređujemo tu oblast koja je istina, potpuno ne uređena. Imam jedno suštinsko pitanje za svijetu nas. Svi koji kažu stečaj Grasa, kako bi organizovali javni gradski prevoz? Stečaj Grasa znači: gubljenje svega što trenutno Gras posjeduje, nema vozni jedinica, nema ničega što je u vlasništvu Grasa. Mi tu proceduru izučavali godinu i pol dana i odlučili se za drugi korak koji nam daje značajne rezultate. Ima i stenogram sa ove sjednice, pa naredna, pa opet jedna, pa ćemo sve to mjeriti. I tu imamo samo drugačiji pristup. Tretman amandmana ja mislim da tu niste u pravu. Mislim da smo tretirali amandmane, izučili pokušali naći ta rješenja. Vi ste upravo opet suprotstavili svoj stav, stavu politike ove

Vlade. Stav politike Vlade je da ne diramo subvencije Grasa. Stav politike Vlade da taj informativni centar razvijemo kroz ovaj koncept i da imamo još unapređenje mi za 30 a vi predložili 20.000. i to je potpuno jasno. Da djeca upisuju tehničke fakultete IT sektor ja mislim da ovo nije put. Mi radimo sve da mijenjamo tu upisnu politiku. I imamo probleme zbog toga imamo pritiske. Nisu neatraktivni, oni se upisuju, njima treba ojačavati kapacitete, ojačavati tamo naučno nastavne procese. I to će biti put. Jer vi i ja znamo i pričali smo s ljudima ekspertima iz ove oblasti. Da djeca koja trenutno završe ovaj fakultet nemaju minimum znanja potreban da bi bili konkurenti na svjetskom tržištu rada. To vi i ja dobro znamo. I u tome mi vidimo reformu ovog dijela obrazovanja. A ne stipendije tamo gdje znamo da su ovakvi procesi. I ni na kraj pameti mi nije bilo, bio sam više metaforičan, ironičan sam bio kada sam rekao dat ćemo 4 miliona jer ćemo to morati uraditi. Naravno da to nije podrška studentima. To sam više rekao iz muke. Jer će se to morati desiti. A ne zato što mi tamo dajemo studentima 4 miliona KM. Nego što su kriminalci uradili taj posao. I ispravka krivog navoda, nije bila SDA u vlasti. To je ispravka krivog navoda, u tim trenucima. Resorni ministar koji je tada bio u sastavu Vlade, nije bio u kapacitetu Vlade koja surađuje sa SDA. Svaki glavni grad, kolega Šućur, u svojoj organizaciji ima na svom području i velike firme i ambasade i po osnovu tog dijela prihoda veliku prednost u odnosu na druge gradove i opet im se porez vraća njima a ne ide u manje gradove, jer takav glavni grad ima deset puta zahtjevniju strukturu organizacije života u takvom glavnom gradu, u kojem je teže organizovati i život i kretanje i ekonomsko i svako drugo u glavnom gradu a lakše je deset puta u nekom koji to nije. I evo vratimo se na te manifestacije sportskih u toku godine, Kanton Sarajevo obezbijedi 1700 MUP. Sportskih manifestacija. U drugim kantonima za svoj radni vijek to ne obezbijedi jedan policajac. Ovdje za jednu godinu obezbijedi. Zbog toga mi proizvodimo više novca, zbog toga se duplo više novca mora vraćati jer ga mi proizvodimo. A još jednom da ponovim, 1,3 milijarde proizvedemo a 300 nam se vrati. I mi smo predlagali usporedbu i privrednog i realnog sektora i ovog državnog sektora. Nemamo ništa protiv da se potpuno podijeli i Telecom i Elektroprivreda i na sve pristajemo, ali ne pristajemo na ukidanje pondera 2, to je smrt za Kanton Sarajevo i time udar na državnu ekonomiju kolega Šućur. Ja sam vas čačnuo u nešto što možda nisam trebao. To neću ovog puta prešutiti. Sve smo amandmane koji su imali realan odnos prihvatili. Nismo one za koji ste tražili iz namjenskih sredstava koja se namjenski troše, namjenski obojena sredstva ne možemo reći uzet ćemo od parkinga pare, prihodujuemo i dat ćemo na borcu. Da možemo riješili bi mnogo problema., ne može. Moramo poznavati strukturu zakona i raspodjele prihoda. Namjenska obojena sredstva ne mogu i sve što ste poslali a smisleno je mi smo prihvatili, nije to jedan, nego su to tri od četiri amandmana. Onoliko koliko ste napisali u svom dokumentu. I to je bio odnos ove Vlade, i zato ja ponavljam, ja jesam dugo kolega Mariću u ovom parlamentu i znam šta znači biti suzdržan za materijal za koji se mora glasati. To znači ne dati podršku tom materijalu. Kada sam vas pitao, nema tu rezerve. Vi ste uz te amandmane mogli priložiti i sve ostale za koje mislite da poboljšavaju strukturu budžeta. A niste ni jedan, ni vi ni kolegica Srna. Nisam bio ni tu, ne znam šta sam tu loše uradio. Ponovit ću dakle, izdvojiti nekoga nezakonito u segmentu socijale, izdvojiti nekoga nezakonito u segmentu kulture, za mene je to nezakonito. Nema zakonskog osnova da uposlenik Centra za socijalni rad ima veća primanja od uposlenika u Gerontološkom centru. Mi smo glasali za taj Zakon. Čak mislim da ste bili za. I nemamo zakonski osnov, i to sam rekao i to vam ponavljam. Nemamo zakonski osnov nije trošio SARTR više para. Trošio je koliko je trebalo i mi mu dali koliko je trebalo. Što bi dali još 15.000? to na nekom drugom kulturnom projektu ima više svrhe. Tako sam govorio o vašim amandmanima. A mogli ste ponavljam sa svim vašim ekonomskim kapacitetima dobro oraganizovane partije koja je dugo upravljala procesima ponuditi puno više od toga. Ja sam samo o tome govorio. A sasuli ste salvu kritika na račun Vlade koja je uradila sve ono što sam ja pobrojao, što možete naći na stranici Vlade i što već daje značajne rezultate u radu ove Vlade. Hvala.

Predsjedavajući:

Zahvaljujem premijeru. Završavamo. Prelazimo na izjašnjavanje po amandmanima. Pošto je zastupnica Segmedina Srna Bajramović odustala od amandmana prelazimo na amandmane od Naše stranke.

Da li Klub poslanika Naše stranke ostaje pri svojim Amandmanima? Da.

Ako ostaje, molim poslanike da se izjasne o istima.

Amandman I

Ministarstvo zdravstva, pozicija 614300 KAN011 074 Sprovođenje programa obavezne preventivne sistematske deratizacije u Kantonu Sarajevo 120.000 KM povećava se za 880.000 KM.

Ministarstvo saobraćaja, pozicija 614400 EAO004 107 Pokrivanje razlike do ekonomske cijene za penzionerske mjesečne pretpl. karte KJKP „Gras“ 5.000.000 KM smanjuje se za 430.000 KM.

Ministarstvo saobraćaja, pozicija 614400 EAO007 107 Subvencionisanje troškova studentskih karata 1.450.000 KM smanjuje se za 450.000 KM.

ZA JE GLASALO 5 POSLANIKA, SUZDRŽANO 4 I PROTIV 20 .

KONSTATUJEM DA SKUPŠTINA NIJE PRIHVATILA AMANDMAN.

Amandman II

Ministarstvo za obrazovanje, nauku i mlade, iza pozicije 614200 LAM001 096 Stipendije učenicima i studentima 100.000 KM dodaje se nova pozicija Stipendije studentima Odsjeka za računarstvo i informatiku Elektrotehničkog fakulteta Univerziteta u Sarajevu 450.000 KM.

Ministarstvo komunalne privrede i infrastrukture, pozicija 614400 WAO003 051 KJKP „Rad“ Sarajevo, Komunalni redari, 628.700 KM smanjuje se za 314.350 KM.

Ministarstvo finansija, pozicija 614300 JAN001 041 „SERDA“ 400.000 KM smanjuje se za 135.500 KM.

ZA JE GLASALO 15 POSLANIKA, SUZDRŽANO 1 I PROTIV 17.

KONSTATUJEM DA SKUPŠTINA NIJE PRIHVATILA AMANDMAN.

Amandman III

Ministarstvo za obrazovanje, nauku i mlade, iza pozicije 614200 LAM001 096 Stipendije učenicima i studentima 100.000 KM dodaje se nova pozicija Stipendije studentima Odsjeka za automatiku i elektroniku, Odsjeka za elektroenergetiku i Odsjeka za telekomunikacije Elektrotehničkog fakulteta Univerziteta u Sarajevu i studentima Mašinskog fakuteta Univerziteta u Sarajevu 333.000 KM

Ministarstvo komunalne privrede i infrastrukture, pozicija WAO004 051 KJKP „Park“, Komunalni redari 450.000 KM smanjuje se za 225.000 KM.

Ministarstvo finansija, pozicija 614300 JAN001 041 „SERDA“ 400.000 KM smanjuje se za 108.000 KM.

ZA JE GLASALO 15 POSLANIKA, SUZDRŽANO 4 I PROTIV 13.

Ja bih zamolio, znam da smo umorni, za malo strpljenja i mira, jer stvarno ne možemo vas čuti.

ZA JE GLASALO 16 POSLANIKA, SUZDRŽANO 4 I PROTIV 13.

KONSTATUJEM DA SKUPŠTINA NIJE PRIHVATILA AMANDMAN.

Amandman IV

Ministarstvo za obrazovanje, nauku i mlade, iza pozicije 821600 091 Rekonstrukcija i investiciono održavanje dodaje se nova pozicija Opremanje računarskih centara 150.000 KM.

Neprofitne organizacije i pomoć vjerskim zajednicama, briše se pozicija 615300 BDU001 085 Rekonstrukcija, adaptacija, sanacija i izgradnja vjerskih objekata 150.000 KM.
ZA JE GLASALO 14 POSLANIKA, SUZDRŽANO 4 I PROTIV 15.
KONSTATUJEM DA SKUPŠTINA NIJE PRIHVATILA AMANDMAN.

Amandman V

Ministarstvo privrede, pod ekonomskim kodom 613000 dodaje se nova pozicija Poslovni centar Ministarstva privrede 20.000 KM.

Ministarstvo privrede, pozicija 614300 IAN025 047 Podrška sajmovima u organizaciji KJP „ZOI 84“ i KJP „Skenderija“ 85.000 KM smanjuje se za 20.000 KM.

ZA JE GLASALO 11 POSLANIKA, SUZDRŽANO 8 I PROTIV 14 .

KONSTATUJEM DA SKUPŠTINA NIJE PRIHVATILA AMANDMAN.

MOLIM POSLANIKE DA PRISTUPE IZJAŠNJAVANJU O PRIJEDLOGU IZMJENA I DOPUNA BUDŽETA KANTONA SARAJEVO ZA 2015. GODINU.

ZA JE GLASALO 20 POSLANIKA, SUZDRŽAN niko I PROTIV 10 .

KONSTATUJEM DA JE SKUPŠTINA DONIJELA IZMJENE I DOPUNE BUDŽETA KANTONA SARAJEVO ZA 2015. GODINU.

Imamo još jednu tačku dnevnog reda pa ćemo prekinuti ovu skupštinu i zakazati novi sastanak.

Četvrta tačka dnevnog reda.

AD – 4.

PRIJEDLOG ZAKONA O IZMJENAMA ZAKONA O IZVRŠAVANJU BUDŽETA KANTONA SARAJEVO ZA 2015. GODINU

Prijedlog zakona ste dobili uz poziv za sjednicu. Molim predstavnika Predlagača da podnese uvodne napomene. Ima li potrebe? Nema potrebe. Da li predstavnici radnih tijela žele riječ? Ne. Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM POSLANIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA ZAKONA O IZVRŠAVANJU BUDŽETA KANTONA SARAJEVO ZA 2015. GODINU.

ZA JE GLASALO 24 POSLANIKA, SUZDRŽANIH 4 I PROTIV 1.

KONSTATUJEM DA JE SKUPŠTINA DONIJELA OVAJ ZAKON .

Molim vas samo još jedno obavještenje. Prekidamo rad i nastavak sljedeći već zakazujemo 09.09. srijeda u 10,00 sati nastavak ove sjednice.

Premijer Elmedin Konaković:

Ja samo dvije sekunde. Običaj je da se u ime Vlade zahvalim za podršku u Rebalansu budžeta i nadam se da ćemo naredni od danas raditi s malo više hemije u skupštinskoj Sali, konkretnim prijedlozima svega što vidite drugačije od Vlade a mi ćemo vrlo rado prihvatati te sugestije. Zahvaljujem se.

S T E N O G R A M
NASTAVKA 6. RADNE SJEDNICE
SKUPTŠINE KANTONA SARAJEVO
ODRŽANE 09.09.2015.GODINE

Predsjedavajući:

Otvaram nastavak Šeste Radne sjednice Skupštine Kantona Sarajevo.

Pozdravljam uvažene kolege i kolegice poslanike, članove Vlade i uvažene goste, kao i predstavnike medija koji prate rad današnje sjednice.

Nadam se da će cijenjeni gledaoci Televizije Kantona Sarajevo sa pažnjom pratiti rad današnje Skupštine, te im upućujem pozdrave, a svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 32 poslanika što je dovoljan broj za punovažan rad i odlučivanje.

Izostanak sa ove sjednice opravdali su: zastupnica Ćudić, zastupnik Mašović i zastupnik Mešanović.

Podsjećam vas da smo na prethodnom zasjedanju koje je održano 02.09.2015.godine obradili prve četiri tačke Dnevnog reda, te nam tako preostaju sljedeće tačke. Javio nam se uvaženi zastupnik , šef Kluba SDA u vezi deklaracije pa dajem riječ uvaženom zastupniku Mirzi Čeliku.

Poslanik/zastupnik Mirza Čelik:

Zahvaljujem predsjedavajući. Pozdravljam sve prisutne kao i gledaoce pored malih TV ekrana. Naravno Klub SDA je podnio Deklaracijom u skladu sa Poslovnikom Skupština Kantona Sarajevo , članom 121, i ja ću sada tekst Deklaracije sa obrazloženjem pročitati. Zamolit ću naravno stručne službe da podijele ovaj tekst deklaracije svim zastupnicima.

Citiram:

Najoštrije osuđujemo postupke vlasti u RS-u koja sistematski krši prava djece povratnika na način da im se uskraćuje pravo na izbor jezika i pravo na nacionalnu grupu predmeta. Skupština Kantona Sarajevo apeluje da Visoki predstavnik u BIH, Parlamentarna Skupština BIH, Vijeće ministara učine sve kako bi se zaustavila narastajuća diskriminacija i osiguralo pravo povratnika na kvalitetno obrazovanje u skladu sa međunarodnim standardima. Skupština Kantona Sarajevo poziva sve nivoe vlasti u BIH da preuzmu mjere iz svoje nadležnosti kako bi se uklonili svi oblici diskriminacije i segregacije u obrazovnom sistemu.

Obrazloženje:

U članu 11. Općeg okvirnog sporazuma za mir u BIH stoji da je sporazum sklopljen u Parizu dana 14.12.1995.godine na bosanskom, hrvatskom, srpskom i engleskom jeziku. S tim da je svaki tekst jednako vjerodostojan. Polazeći od te činjenice, nedvojbeno je da je Općim okvirnim sporazumom za mir u BIH, bosanski jezik priznat kao jedan od službenih jezika u BIH. A nikako bošnjački jezik kako to u posljednje vrijeme pokušava prezentirati Ministarstvo prosvjete i kulture RS-a. Potpisivanje Općeg okvirnog sporazuma za mir u BIH, BIH se obavezala na poštivanje međunarodnih dokumenata iz oblasti ljudskih prava, koji imaju primat u odnosu na domaće zakonodavstvo. Univerzalna deklaracija o ljudskim pravima 1948 Povelja UN-a 1945, Evropska konvencija o ljudskim pravima i osnovnim slobodama 1950, Međunarodna konvencija o ukidanju svih oblika diskriminacije 1965 i Konvencija o pravima djeteta 1989 su dokumenti koje je BIH prihvatila i obavezala se na njihovo provođenje i poštivanje. Svjedoci smo da se u jednom dijelu BIH sistematski krše ljudska prava, pravo na obrazovanje i pravo na jezik, iako je univerzalnom Deklaracijom potvrđeno da se sva ljudska bića rađaju slobodna i jednaka u dostojanstvu i pravima. BIH bi trebala osigurati da se uživanje prava i slobode zagarantovanih međunarodnim dokumentima i Ustavom obezbijedi bez diskriminacije po bilo kom osnovu. Kao što su pol, rasa, boja kože, jezik, vjeroispovijest, političko ili drugo mišljenje, nacionalno ili socijalno porijeklo, veza sa nekom nacionalnom manjinom, imovinsko stanje, rođenje ili drugi status. Jedno od osnovnih ljudskih prava koje se u razvijenom društvu ni pod koju cijenu ne dovodi u pitanje je pravo na obrazovanje i pravo na jezik. Prema međunarodnim standardima roditelji imaju pravo birati na kojem jeziku će učiti njihova djeca kao i po kojem će planu djeca izučavati predmete iz

nacionalne grupe. Država, odnosno u konkretnom slučaju RS koja je nadležna za oblast obrazovanja treba osigurati poštivanje međunarodnih standarda i ne smije ugrožavati prava djece. U ovom slučaju Ministarstvo prosvjete i kulture odnosno RS ne smije da se ne samo da se nije suzdržala od kršenja prava djece nego je svojim postupcima dovela da se djeca povratnici koji nemaju isti pristup obrazovanju, kao i djeca iz većinskog naroda u tom entitetu osjećaju ugroženim i da budu diskriminirani. Imajući u vidu navedeno, u ime Kluba zastupnika u Skupštini Kantona Sarajevo podnosim ovu Deklaraciju i ujedno tražim da se o istoj izjasni Skupština Kantona Sarajevo ili odmah po čitanju ove Deklaracije ili nakon pauze ukoliko šefovi klubova imaju potrebu da ovo još jednom pročitaju pa da ukoliko bude potrebe izmijene ovaj tekst Deklaracije. Ja vam se zahvaljujem.

Predsjedavajući:

Zahvaljujem uvaženom zastupniku Čeliku. Deklaraciju ste sada dobili pa ćemo se naknadno izjašnjavati ili poslije pauze, pa ćemo vidjeti.

Ako ste odmah da možemo da radimo, ako ste svi saglasni da se izjasnimo odmah.

Poslanik/zastupnik Predrag Kojić:

Zahvaljujem. Ironično je da ovaj tekst koji smo dobili počinje rečenicom u skladu sa Poslovnikom i onda navodi član jer naravno ovdje se radi o nastavku sjednice za koju je dnevni red utvrđen još davno i mi na ovako nešto ne bi smo imali pravo. Da smo prihvatili recimo moj prijedlog prije dvije tri sjednice, ako se sjećate o izmjeni poslovnika jer ja apsolutno smatram da Vlada kao i poslanici imaju pravo da u ovakvoj situaciji nametnu zbog stvari koje se događaju oko nas u stvarnom svijetu, da nametnu neku tačku, mi bi smo danas ovo uradili u skladu sa Poslovnikom. Ja uporno upozoravam da pogotovo ljudi koji čine vladajuću koaliciju SDA I DF umjesto da kršimo odredbe Poslovnika ili odredbe zakona za koje smatramo da su loši a pri tome sjedimo na mjestu u kojima se te odredbe formulišu i kreiraju da ih mijenjamo i da onda radimo u skladu sa zakonom. To je što se tiče ove formalne zamjerke na ovakav pristup. Mi smo iznenađeni ovom još jednom političkom deklaracijom koja se upućuje ovoj Skupštini koja nije nadležna po ovom pitanju iako je naš politički stav prema problemu o kojem Deklaracija govori saglasan sa ovim što pišete. Ali evo sada ćemo, nadam se, ja ipak mislim da bi jedna pauza od pet do deset minuta bila korisna s obzirom da smo zatečeni ovim prijedlogom da se iskonsultujemo i da pogledamo malo da li možemo napraviti neke korekcije u ovom jeziku koje bi eventualno onda činile ovo prihvatljivim za sve. Hvala.

Predsjedavajući:

Ja ću dati jednu konstataciju da su ova sva dešavanja sada trenutna i ne znamo da li ćemo imati možda skupštinu u ovom mjesecu zato smo ovu Deklaraciju prihvatili da se sada pročita. A inače sada da ne dajemo pauzu izjašnjavat ćemo se nakon pauze koja bude u toku današnje skupštine da imate vremena da raspravite i da vidite.

Sada ćemo pročitati nastavak dnevnog reda.

Poslanik/zastupnik Mirsad Pindžo replika:

Hvala uvaženi predsjedavajući. Pozdravljam sve prisutne koji danas prisustvuju zasjedanju kao i gledaoce koji prate današnje zasjedanje. Žao mi je što ovako počinjemo sjednicu ali jednostavno moram reagirati. Prije tri mjeseca Kolegij Skupština Kantona Sarajevo formirao je radnu grupu koja će nam dostaviti ovdje izmjene i dopune ili potpuno novi Poslovnik koji upravo vodi kolega Kojić. Zato je nekorektno na ovaj način da sada se pozivamo na sve to. A strpljivo čekamo već tri mjeseca izmjene tog Poslovnika koji treba upravo da potpiše i predloži gospodin Kojić. Hvala.

Poslanik/zastupnik Predrag Kojović odgovor na repliku:

Mislim samo da smo načisto o ovom pitanju. A kolega Pindžo to odlično zna i ne znam zašto. Tačno je da je Skupština imenovala radno tijelo u kome sam ja bio član i čekali smo mjesec i po dana da se sazove sastanak i nakon mog insistiranja da nije određeno ko je predsjednik tog radnog tijela i ko treba da saziva sastanak, vi ste rekli da to budem ja. I ja sam sada predsjednik tog radnog tijela. U ovom periodu od tri mjeseca, a možemo pitati našu sekretaricu novu, vd Skupštine, ko je molim vas jedina osoba koja je dostavila svim članovima komisije bilo kakve primjedbe i prijedloge izmjena poslovnika? Možete li reći na mikrofoni ko je. I samo da završim, i shvatajući da stvari koje se tiču poslovnika se događaju samo pred TV kamerama i da vaši članovi nisu donijeli nikakve primjedbe i vaša stranka do sada nije dostavila nikakve primjedbe ja sam prošao cijeli Poslovnik i sa vd sekretaricom dogovorio za sljedeću sedmicu sastanak, i vi ćete imati prijedlog izmjena i dopuna poslovnika na sljedećoj sjednici Skupštine Kantona Sarajevo.

Predsjedavajući:

Zahvaljujem uvaženom zastupniku Kojoviću.

Poslanik/zastupnik Mirsad Pindžo – odgovor na repliku:

Kolega Kojoviću kada kažete da je ovo predstava onda molim vas da budete korektni i precizni. Zaključak o formiranju radne grupe koja će sačiniti izmjene i dopune ili potpuno novi Poslovnik smo upravo na moj prijedlog dali da to urade upravo opozicija koja najviše kritikuje taj Poslovnik. Ali bi morali onda reći da niko iz DF-a nije u toj komisiji prema tome nije vam ni mogao dostaviti. Hvala.

Almira Kulovac Šetkić p.o. sekretar Skupštine:

Pozdravljam uvažene zastupnike. Ja ću dakle odgovoriti na pitanje uvaženom zastupnika Kojovića. Dakle istina je da je zastupnik Kojović dostavio prijedlog izmjena i dopuna poslovnika koji je dostavljen svim članovima radne grupe. Do sada nismo dobili bilo kakve komentare na te dostavljene izmjene. Hvala.

Predsjedavajući:

Zahvaljujemo sekretaru. Nastavljamo. Pročitat ćemo dnevni red nastavka 6. radne sjednice a glasat ćemo poslije pauze koja bude u toku Skupštine. Hvala.

Nastavak 6. radne sjednice Skupštine Kantona Sarajevo. Dnevni red:

5. Prijedlog zakona o izmjenama Zakona o upotrebi znakovnog jezika u Kantonu Sarajevo-skraćeni postupak;
6. Prijedlog zakona o izmjenama Zakona o pečatu Kantona Sarajevo-skraćeni postupak;
7. Prijedlog zakona o izmjenama Zakona o upotrebi grba i zastave Kantona Sarajevo-skraćeni postupak;
8. Prijedlog zakona o izmjenama Zakona o proglašavanju žalosti u Kantonu Sarajevo-skraćeni postupak;
9. Prijedlog zakona o izmjenama Zakona o objavljivanju propisa i drugih općih akata u "Službenim novinama Kantona Sarajevo" - skraćeni postupak;
10. Prijedlog zakona o izmjenama i dopunama Zakona o izvršenju sankcija u Kantonu Sarajevo;
11.
 - a. Prijedlog odluke o izmjeni naziva ulice, na lokalitetu Mejtaš-Bjelave na području Općine Centar-MZ „Mejtaš-Bjelave;

- b. Prijedlog odluke o izmjeni naziva ulice, odnosno preimenovanje ulice na području Općine Novi Grad- MZ "Briješće"
 - c. Prijedlog odluke o izmjeni naziva ulice,na lokalitetu Soukbunar na području Općine Centar-MZ "Soukbunar";
 - d. Prijedlog odluke o izmjeni naziva djela ulice,na lokalitetu Kromolj na području Općine Centar-MZ "Betanija-Šip";
12. Prijedlog Odluke o davanju saglasnosti za realizaciju projekta „Rekonstrukcija, nadziđivanje, izmjena elemenata i materijala vanjskog izgleda fasade“ kroz zajedničku gradnju dvije etaže nad postojećim objektom JU Dom zdravlja Kantona Sarajevo – Organizaciona jedinica Dom zdravlja Ilijaš, na kojima je kao nosilac prava korištenja upisana JU Dom zdravlja Kantona Sarajevo kao i jedne etaže nad postojećim objektom Općine Ilijaš na kojoj je kao nosilac prava raspolaganja upisana Općina Ilijaš;
13. Prijedlog odluke o promjeni naziva Javna ustanova Srednja trgovačka škola u Javna ustanova Srednja poslovno – komercijalna i trgovačka škola;
14. Izvještaj o radu Pravobranilaštva Kantona Sarajevo za 2014. godinu;
15. Izvještaj o izvršenju sankcija u Kantonu Sarajevo za 2014. godinu;
16. Izvještaj o radu i finansijskom poslovanju Zavoda za izgradnju Kantona Sarajevo, za 2014. godinu;
17.
 - a. Izvještaj o radu i poslovanju JP „Televizija Kantona Sarajevo“ d.o.o. Sarajevo za 2013. godinu;
 - b. Izvještaj o radu i poslovanju JP „Televizija Kantona Sarajevo“ d.o.o. Sarajevo za 2014.godinu;
18.
 - a. Izvještaj o poslovanju KJP "ZOI '84" Olimpijski centar Sarajevo d.o.o. Sarajevo za 2013. godinu;
 - b. Izvještaj o poslovanju KJP "ZOI 84" Olimpijski centar Sarajevo d.o.o. Sarajevo za 2014. godine;
19.
 - a. Izvještaj o poslovanju KJP Centar "Skenderija" d.o.o. Sarajevo za 2013. godinu;
 - b. Izvještaj o poslovanju KJP Centar "Skenderija"d.o.o. Sarajevo za 2014. godinu;
20.
 - a. Izvještaj o poslovanju KJP “Poljoprivredno dobro Butmir” d.o.o. Sarajevo - Ilidža za 2013.godinu;
 - b. Izvještaj o poslovanju KJP "Poljoprivredno dobro Butmir" d.o.o. Sarajevo - Ilidža za 2014. godinu;
21.
 - a. Izvještaj o poslovanju Kantonalnog javnog preduzeća za gazdovanje državnim šumama “Sarajevo – šume” d.o.o. Sarajevo za 2013. godinu;
 - b. Izvještaj o poslovanju Kantonalnog javnog preduzeća za gazdovanje državnim šumama "Sarajevo-šume" d.o.o. Sarajevo za 2014. godinu;
- 22.

- a. Izvještaj o poslovanju KJP "Veterinarska stanica" d.o.o. Sarajevo za 2013. godinu;
 - b. Izvještaj o poslovanju KJP "Veterinarska stanica" d.o.o. Sarajevo za 2014. godinu;
23. Studija o zdravstvenom stanju stanovništva, higijenskim prilikama i zdravstvenoj djelatnosti u Kantonu Sarajevo u 2014. godini, sa Mišljenjem Ministarstva zdravstva i Prijedlogom mjera za poboljšanje zdravstvenog stanja stanovništva i higijenskih prilika na Kantonu Sarajevo;
24. Informacija o finansijskom poslovanju javnih ustanova iz oblasti predškolskog, osnovnog, srednjeg i visokog obrazovanja i nauke za 2014. godinu (zbirno).

Prelazimo na petu tačku dnevnog reda.

AD – 5.

PRIJEDLOG ZAKONA O IZMJENAMA ZAKONA O UPOTREBI ZNAKOVNOG JEZIKA U KANTONU SARAJEVO-SKRAĆENI POSTUPAK

Prijedlog zakona ste dobili uz poziv za sjednicu. U skladu sa članom 158. stav 2. Poslovnika Skupštine Kantona Sarajevo molim predstavnika Predlagača da nam ukratko obrazloži razloge za donošenje ovog Prijedloga zakona po skraćenom postupku.

Ministar Enver Smajkan:

Uvaženi predsjedavajući, uvaženi dopredsjedavajući, uvaženi zastupnici, uvaženi premijeru I uvaženi ministri, dragi gosti i poštovani gledatelji TVSA. Dobar dan i sve vas srdačno pozdravljam. Prije davanja razloga za izmjenu ovoga zakona rekao bih da Vlada povlači na današnjem zasjedanju Skupštine Izvještaj o radu TVSA i poslovanju za 2013 godinu i Izvještaj o radu i poslovanju TVSA za 2014 godinu. Također bih rekao da nekoliko zakona koje ću ja sada pročitati njihova izmjena se vrši iz istih razloga tako da nema potrebe da obrazlažem ponavljam te razloge, pročitat ću. Tako da ovo obrazloženje koje sada kažem za Prijedlog zakona o izmjeni zakona upotrebi znakovnog jezika u Kanton Sarajevo odnosi se i na sljedeće zakone. To je Prijedlog zakona o izmjenju zakona o pečatu Kantona Sarajevo, Službene novine Kantona Sarajevo broj 3/09 prečišćeni tekst,

Predsjedavajući:

Uvaženi ministre, dozvolite mi samo sekund. Poslije ćemo raspraviti samo da nam pojasnite zašto je skraćeni postupak a poslije ćemo pojašnjenja. Samo da nam pojasnite zašto je skraćeno pa da se Skupština izjasni da li ćete raspravljati o skraćenom postupku ili ne, a poslije ćemo ako može.

Ministar Enver Smajkan:

Dakle ovdje se radi, prijedlog je u skraćenom postupku izmjene ovih zakona jer se radi o zakonskoj obavezi usaglašavanja prekršajnih odredaba ovoga zakona sa novim zakonom o prekršajima koji je donesen 2004 godine FBIH kojim se samo propisuje novi raspon visine novčanih kazni koji je značajno veći od ranijeg raspona propisanih Zakonom o prekršajima. Dakle radi se o usaglašavanju visine novčanih kazni ovim kantonalnim zakonima za povredu kantonalnih propisa, u skladu sa Zakonom o prekršajima FBIH.

Predsjedavajući:

Zahvaljujem ministru. Sada bih zamolio uvažene zastupnike da se izjasnimo da li ćemo raspravljati o ovome po skraćenom postupku. Ima li pitanja oko izlaganja ministra? Nema. Otvaram raspravu. Ako se niko ne javlja za riječ

Molim poslanike/zastupnike da se izjasne da li ćemo pretres Prijedloga zakona o izmjenama Zakona o upotrebi znakovnog jezika u Kantonu Sarajevo provesti po skraćenom postupku.

ZA JE GLASALO 22 POSLANIKA, PROTIV 8 I SUZDRŽAN niko.

KONSTATUJEM DA JE SKUPŠTINA PRIHVATILA PRIJEDLOG DA SE PRETRES PRIJEDLOGA ZAKONA PROVEDE PO SKRAĆENOM POSTUPKU.

Molim predstavnika Predlagača da podnese uvodne napomene.

Ministar Enver Smajkan:

Dakle ne znam da li treba da se izjašnjavamo da li mogu da pročitam ostale zakone gdje se mijenjaju iz istih razloga tako da nemam ponovo, da objedinimo da ne bih ponovo podnosio.

Predsjedavajući:

Može, slažemo se.

Ministar Enver Smajkan:

Dakle, radi se o Prijedlogu zakona o izmjenama Zakona o upotrebi znakovnog jezika u Kantonu Sarajevo, Službene novine Kantona Sarajevo broj 11/11 i 15/11., te sljedeći Prijedlog Zakona o izmjenama Zakona o pečatu Kantona Sarajevo Službene novine Kantona Sarajevo broj 3/09 prečišćeni tekst, Prijedlog Zakona o izmjenama Zakona o upotrebi grba i zastave Kantona Sarajevo Službene novine Kantona Sarajevo broj 3/09 prečišćeni tekst i Prijedlog zakona o izmjenama Zakona o proglašenju žalosti u Kantonu Sarajevo Službene novine broj 24/08 i Prijedlog zakona o izmjenama Zakona o objavljivanju propisa i drugih općih akata u službenim novinama Kantona Sarajevo Službene novine Kantona Sarajevo broj 18/11 prečišćeni tekst. Kao što sam već rekao, razlozi za donošenje izmjena ovih zakona sadržani su u zakonskoj obavezi usklađivanja prekršajnih odredbi ovih zakona sa odredbama Zakona o prekršajima kojima je određen novi raspon novčanih kazni koje se mogu propisati zakonom. Ujedno i odredbama člana 103 Zakona o prekršajima FBiH propisan i rok u kome se to treba učiniti od šest mjeseci, što na žalost nije učinjeno blagovremeno. Dakle radi se o jednoj zakonskoj obavezi ali i potrebi usaglašavanja prekršajnih odredaba ovih zakona jer prekršajne odredbe za prekršaje kazne propisane ovim zakonima nisu mijenjane od 2006 godine. Tako je i raniji Zakonom o prekršajima FBiH bila propisano da se za prekršaj propisan zakonom novčana kazna može izreći fizičkom licu u iznosu od 1500 KM, odgovornoj osobi u pravnom licu 3000 KM a pravnom licu 15 000 KM. Novim ovim zakonom propisan je raspon kazni na način da se fizičkom licu novčana kazna može izreći u rasponu do 10.000 KM, odgovornom licu u pravnom licu do 20.000 KM i pravnom licu do 200 000 KM. Dakle vidimo značajno veće iznose svih kazni. Istovremeno novim zakonom o prekršajima FBiH, ovim iz 2014 godine propisana je mogućnost oslobađanja plaćanja 50% iznosa novčane kazne ako se kazna plati u zakonom propisanom roku. Prema tome predložene izmjene ovih kantonalnih zakona predstavljaju usaglašavanje visine novčanih kazni u granicama raspona tih kazni propisanih Zakonom o prekršaju FBiH. Pri određivanju visine kazni vođeno je računa o osnovnim principima i načelima kaznene politike, značaja povrijeđenog dobra ali i također o činjenici da će propisani veći iznosi novčanih kazni preventivno uticati na počinioca prekršaja. Također ove nove kazne opravdane su i sa aspekta

fizikalne politike jer predstavljaju prihod u budžet Kantona Sarajevo. Predlažem Skupštini Kantona da po skraćenom postupku usvoji i donese predložene izmjene ovih zakona.

Predsjedavajući:

Zahvaljujem uvaženom ministru Smajkanu. Da li predstavnici radnih tijela žele riječ? Ne. Ima li pitanja? Ne. Otvaram raspravu.

Poslanik/zastupnik Zvonko Marić:

Uvaženo predsjedništvo, svi prisutni, poštovani gledatelji, dakle mi u principu nemamo ništa protiv ovoga što vi predlažete. Međutim sve češće i učestalije se suočavamo sa činjenicom da se ovdje radi po skraćenom postupku ako znamo da ima redovni. Pa i sami ste svjesni da svaki skraćeni postupak nosi određene slabosti i bojim se da ćemo trpjeti zbog toga. Da ćemo imati teške posljedice ako postane ovo praksa. Znači principijelno, zašto izbjegavamo redovne procedure. To je ključno pitanje. Nemamo ništa protiv ovakvih prijedloga i naravno da ćemo ih podržati ali protiv ove prakse zaista imamo. Hvala vam.

Predsjedavajući:

Zahvaljujemo uvaženom zastupniku Mariću. Da li se još iko javlja za riječ. Ukoliko se više niko ne javlja za riječ, zaključujem raspravu.

MOLIM POSLANIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA ZAKONA O UPOTREBI ZNAKOVNOG JEZIKA U KANTONU SARAJEVO.

ZA JE GLASALO 28 POSLANIKA, SUZDRŽAN niko I PROTIV niko .
KONSTATUJEM DA JE SKUPŠTINA DONIJELA OVAJ ZAKON .

AD – 6.

PRIJEDLOG ZAKONA O IZMJENAMA ZAKONA O PEČATU KANTONA SARAJEVO - SKRAĆENI POSTUPAK

Prijedlog zakona dobili ste uz poziv za sjednicu. Pošto je već ministar dao uvodne napomene da li predstavnici radnih tijela žele riječ? Ima li pitanja? Otvaram raspravu. Ukoliko se više niko ne javlja za riječ, zaključujem raspravu.

MOLIM POSLANIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA ZAKONA O PEČATU KANTONA SARAJEVO.

ZA JE GLASALO 27 POSLANIKA, SUZDRŽAN niko I PROTIV niko .
KONSTATUJEM DA JE SKUPŠTINA DONIJELA OVAJ ZAKON .

AD – 7.

PRIJEDLOG ZAKONA O IZMJENAMA ZAKONA O UPOTREBI GRBA I ZASTAVE KANTONA SARAJEVO-SKRAĆENI POSTUPAK

Da li predstavnici radnih tijela žele riječ? Ima li pitanja? Nema. Otvaram raspravu. Ukoliko se (više) niko ne javlja za riječ, zaključujem raspravu.

MOLIM POSLANIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA ZAKONA O UPOTREBI GRBA I ZASTAVE KANTONA SARAJEVO.

ZA JE GLASALO 27 POSLANIKA, PROTIV niko, SUZDRŽAN niko .
KONSTATUJEM DA JE SKUPŠTINA DONIJELA OVAJ ZAKON .

AD – 8.

PRIJEDLOG ZAKONA O IZMJENAMA ZAKONA O PROGLAŠAVANJU ŽALOSTI U KANTONU SARAJEVO -SKRAĆENI POSTUPAK

Da li predstavnici radnih tijela žele riječ? Ne. Ima li pitanja? Ne. Otvaram raspravu.
Ukoliko se niko ne javlja za riječ, zaključujem raspravu.

MOLIM POSLANIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA ZAKONA O PROGLAŠAVANJU ŽALOSTI U KANTONU SARAJEVO.
ZA JE GLASALO 28 POSLANIKA, PROTIV niko, SUZDRŽAN niko.
KONSTATUJEM DA JE SKUPŠTINA DONIJELA OVAJ ZAKON .

AD – 9.

PRIJEDLOG ZAKONA O IZMJENAMA ZAKONA O OBJAVLJIVANJU PROPISA I DRUGIH OPĆIH AKATA U "SLUŽBENIM NOVINAMA KANTONA SARAJEVO" - SKRAĆENI POSTUPAK

Da li predstavnici radnih tijela žele riječ? Ne. Ima li pitanja? Ne. Otvaram raspravu.
Ukoliko se niko ne javlja za riječ, zaključujem raspravu.

MOLIM POSLANIKE DA PRISTUPE IZJAŠNJAVANJU O PRIJEDLOG ZAKONA O IZMJENAMA ZAKONA O OBJAVLJIVANJU PROPISA I DRUGIH OPĆIH AKATA U "SLUŽBENIM NOVINAMA KANTONA SARAJEVO".
ZA JE GLASALO 28 POSLANIKA, PROTIV niko, SUZDRŽAN niko . KONSTATUJEM DA JE SKUPŠTINA DONIJELA OVAJ ZAKON .

AD – 10.

PRIJEDLOG ZAKONA O IZMJENAMA I DOPUNAMA ZAKONA O IZVRŠENJU SANKCIJA U KANTONU SARAJEVO

Prijedlog zakona ste dobili uz poziv za sjednicu. Molim predstavnika Predlagača da podnese uvodne napomene.

Ministar Enver Smajkan: UVODNO IZLAGANJE

Predsjedavajući:

Zahvaljujem uvaženom ministru Smajkanu. Da li predstavnici radnih tijela žele riječ? Ne. Ima li pitanja? Ne. Otvaram raspravu. Ukoliko se niko ne javlja za riječ, zaključujem raspravu.

MOLIM POSLANIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O IZVRŠENJU SANKCIJA U KANTONU SARAJEVO

**ZA JE GLASALO 26 POSLANIKA, PROTIV niko I SUZDRŽAN niko.
KONSTATUJEM DA JE SKUPŠTINA DONIJELA OVAJ ZAKON.**

AD – 11.

- a) Prijedlog odluke o izmjeni naziva ulice, na lokalitetu Mejtaš-Bjelave na području Općine Centar-MZ „Mejtaš-Bjelave“;
- b) Prijedlog odluke o izmjeni naziva ulice, odnosno preimenovanje ulice na području Općine Novi Grad- MZ "Briješće"
- c) Prijedlog odluke o izmjeni naziva ulice, na lokalitetu Soukbunar na području Općine Centar-MZ "Soukbunar";
- d) Prijedlog odluke o izmjeni naziva djela ulice, na lokalitetu Kromolj na području Općine Centar-MZ "Betanija-Šip";

Prijedlog odluke ste dobili uz poziv za sjednicu. Obzirom da se sve četiri podtačke odnose na istu tematiku, predlažem da vodimo objedinju raspravu a izjašnjavat ćemo se pojedinačno. Molim poslanike da se izjasne o ovom prijedlogu.

ZA JE GLASALO 27 POSLANIKA, PROTIV niko I SUZDRŽANO niko.

Konstatujem da smo usvojili ovaj prijedlog.

Molim predstavnika Predlagača da podnese uvodne napomene.

Predlagač je Komisija za obilježavanje, čuvanje i njegovanje historijskih događaja i ličnosti, uvaženi zastupnik Bjelak ima riječ.

Poslanik/zastupnik Nermin Bjelak: UVODNO IZLAGANJE U IME KOMISIJE

Predsjedavajući:

Zahvaljujem uvaženom zastupniku Bjelaku. Da li predstavnici radnih tijela žele riječ? Ne. Ima li pitanja? Otvaram raspravu. Ukoliko se niko ne javlja za riječ, zaključujem raspravu. Prelazimo na pojedinačno izjašnjavanje.

a)
MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O IZMJENI NAZIVA ULICE, NA LOKALITETU MEJTAŠ-BJELAVE NA PODRUČJU OPĆINE CENTAR-MZ „MEJTAŠ-BJELAVE“
ZA JE GLASALO 27 POSLANIKA, PROTIV niko I SUZDRŽAN 1 .
KONSTATUJEM DA JE SKUPŠTINA DONIJELA OVU ODLUKU.

b)
MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O IZMJENI NAZIVA ULICE, ODNOSNO PREIMENOVANJE ULICE NA PODRUČJU OPĆINE NOVI GRAD- MZ "BRIJEŠĆE"
ZA JE GLASALO 24 POSLANIKA, PROTIV niko I SUZDRŽANO 3.
KONSTATUJEM DA JE SKUPŠTINA DONIJELA OVU ODLUKU.

c)
MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O IZMJENI NAZIVA ULICE, NA LOKALITETU SOUKBUNAR NA PODRUČJU OPĆINE CENTAR - MZ "SOUKBUNAR"
ZA JE GLASALO 27 POSLANIKA, PROTIV niko I SUZDRŽAN 1.
KONSTATUJEM DA JE SKUPŠTINA DONIJELA OVU ODLUKU.

d)

MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE IZMJENI NAZIVA DJELA ULICE, NA LOKALITETU KROMOLJ NA PODRUČJU OPĆINE CENTAR - MZ "BETANIJA-ŠIP"

ZA JE GLASALO 24 POSLANIKA, PROTIV I SUZDRŽANO .

KONSTATUJEM DA JE SKUPŠTINA DONIJELA OVU ODLUKU.

AD – 12.

PRIJEDLOG ODLUKE O DAVANJU SAGLASNOSTI ZA REALIZACIJU PROJEKTA „REKONSTRUKCIJA, NADZIĐIVANJE, IZMJENA ELEMENATA I MATERIJALA VANJSKOG IZGLEDA FASADE“ KROZ ZAJEDNIČKU GRADNJU DVIJE ETAŽE NAD POSTOJEĆIM OBJEKTOM JU DOM ZDRAVLJA KANTONA SARAJEVO – ORGANIZACIONA JEDINICA DOM ZDRAVLJA ILIJAŠ, NA KOJIMA JE KAO NOSILAC PRAVA KORIŠTENJA UPISANA JU DOM ZDRAVLJA KANTONA SARAJEVO KAO I JEDNE ETAŽE NAD POSTOJEĆIM OBJEKTOM OPĆINE ILIJAŠ NA KOJOJ JE KAO NOSILAC PRAVA RASPOLAGANJA UPISANA OPĆINA ILIJAŠ

Prijedlog odluke ste dobili u dopunskom materijalu. Molim predstavnika Predlagača da podnese uvodne napomene.

Ministrica Emira Tanović Mikulec: UVODNO IZLAGANJE

Predsjedavajući:

Zahvaljujem uvaženoj Tanović Mikulec. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM POSLANIKE DA PRISTUPE IZJAŠNJAVANJU O PRIJEDLOGU NAVEDENE ODLUKE.

ZA JE GLASALO 28 POSLANIKA, PROTIV niko , SUZDRŽAN niko .

KONSTATUJEM DA JE SKUPŠTINA DONIJELA ODLUKU.

AD – 13.

PRIJEDLOG ODLUKE O PROMJENI NAZIVA JAVNA USTANOVA SREDNJA TRGOVAČKA ŠKOLA U JAVNA USTANOVA SREDNJA POSLOVNO – KOMERCIJALNA I TRGOVAČKA ŠKOLA

Prijedlog odluke ste dobili u dopunskom materijalu. Molim predstavnika Predlagača da podnese uvodne napomene.

Ministar Elvir Kazazović: UVODNO IZLAGANJE

Predsjedavajući:

Zahvaljujemo ministru Kazazoviću. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O PROMJENI NAZIVA JAVNA USTANOVA SREDNJA TRGOVAČKA ŠKOLA U JAVNA USTANOVA SREDNJA POSLOVNO – KOMERCIJALNA I TRGOVAČKA ŠKOLA.

ZA JE GLASALO 26 POSLANIKA, PROTIV niko, SUZDRŽAN niko.
KONSTATUJEM DA JE SKUPŠTINA DONIJELA ODLUKU.

AD – 14.

IZVJEŠTAJ O RADU PRAVOBRANILAŠTVA KANTONA SARAJEVO ZA 2014. GODINU

Izvještaje ste dobili uz poziv za sjednicu. Molim predstavnika Predlagača da podnese uvodne napomene.

Pravobranilac Kemal Karić: UVODNO IZLAGANJE

Predsjedavajući:

Zahvaljujem uvaženom pravobraniocu Kariću. Poslije ćemo s pitanjima. Zahvaljujemo na uvodnim napomenama. Da li predstavnici radnih tijela žele riječ? Ima li pitanja?

Poslanik/zastupnik Predrag Kojović:

Zahvaljujem predsjedavajući. Mislim imam naravno i neka pitanja ali ću ujedno par komentara u par minuta i neću se onda više javljati.

Predsjedavajući:

Ako može prvo pitanje a poslije ćemo raspravu otvoriti ako imate sada pitanja.

Poslanik/zastupnik Predrag Kojović:

Onda ću se ja suzdržati, ja ću se u toku rasprave javiti.

Poslanik/zastupnik Slaviša Šućur:

Ma evo ja sam htio postaviti pitanje pošto jel Pravobranilaštvo kao osnovnu funkciju ima zaštitu imovine Kantona Sarajevo. Mi znamo da je Kanton donio Zakon o imovini čije su bitne odredbe koje definišu faktički pa i 90% imovine Kantona Sarajevo osporeno od Ustavnog suda. Mene živo zanima kako vi tretirate i šta vi uopšte smatrate imovinom Kantona Sarajevo kada imamo u vidu sve ove činjenice. Ustav Kantona Sarajevo je rekao da Kanton može steći imovinu kupovinom ili u skladu sa federalnim zakonom ili zakonom BIH. Ustavni sud je jasno rekao da je ono što je definisalo najveći dio imovine neustavno. Pa mene zaista zanima kako vi ovo sve skupa posmatrate da ne kažem da Kanton Sarajevo nikada nije ispoštovao presudu Ustavnog suda. Da postoji rješenje o neizvršenju. I mene živo zanima kako će se sve skupa ovo dalje odvijati. Hvala.

Poslanik/zastupnik Edin Forto:

Hvala vam. Ja imam samo jedno pitanje. Mislim da je ovaj izvještaj ovih 45 strana koje smo dobili vjerovatno najzanimljivije štivo koje smo dobili u ovoj godini. Moje je pitanje vezano za ovu eksproprijaciju i isplate o kojima ste govorili u izvještaju i sada u vašem izlaganju za izgradnju saobraćajnica I transverzale i Južne longitudinalne. Da li je moguće da su ljudi koji

su bespravno gradili na tim trasama dobili pravo na naknadu. Jer ja vrlo dobro znam šta je EBRD banka koja je zahtijevala da se obešteti svaki način, sva ekonomska šteta koja za lokalnu zajednicu koje ove gradnje prouzrokuju mislim da čini mi se da je ovaj Kanton to malo liberalno to imeplentirao pa su tako svi dobili pravo na naknadu, čak i oni koji su bespravno gradili na trasi budućih saobraćajnica. Ako možete samo kratko to pojasniti. Hvala vam.

Predsjedavajući:

Zahvaljujem uvaženom zastupniku Forti. Pošto nemam više pitanja, prije nego otvorimo raspravu dao bih da odgovorim. Javio se ministar Smajkan da da odgovor i pravobranilac Karić.

Ministar Enver Smajkan:

Hvala predsjedavajući. Evo ja ću samo uvaženom zastupniku Šućuru vezano za pitanje Zakona o imovinu, kada je u pitanju imovina Kantona Sarajevo. Kratko objašnjenje. Imamo prijedlog Skupštine ovog Kantona je u nacrtu i u planu je izmjena i dopuna zakona o imovini. Ja moram reći da je to pitanje jako osjetljivo i jako diskutabilno. Dakle ja se slažem sa komentarom gđina Šućura. Mi imamo prvo u BIH neriješeno pitanje imovine bivše JNA. Imovine bivše SFRJ koja je na teritoriji BIH i Kantona i imamo unutar FBIH imovine RBIH. Dalje imamo spor na pitanje kada je u pitanju Kanton Sarajevo šta pripada općini, šta pripada Gradu, šta pripada kantonu, šta pripada FBIH, a šta BIH od sve te imovine. Vrlo je složeno pitanje i pitanje je trebalo biti rješavano sa nivoa države. Mi moramo da funkcionišemo. Na žalost niko nije imao ni snage ni volje a možda ni znanja da krene sa rješavanjem tog pitanja. Dakle, ja kao bivši pravobranilac FBIH dosta involviran u tu problematiku i pokušat ću, bar ću pokušati osnovno da kroz ovaj Zakon, naravno zajedno sa pravobranilaštvom drugim ljudima koji se razume u imovinsko pravne odnose da razriješimo to pitanje ali isto i pitanje koje ne bi bilo neustavnih odredaba postojećeg zakona da izmijenimo da učinimo da to bude legalno i legitimno i prihvatljivo za sve društveno političke zajednice u državi BIH. Hvala puno.

Pravobranilac Kemal Karić:

U pravu ste gospodine Forto. I meni je to bilo strašno. I kada sam preuzeo tu funkciju ja sam na sve moguće načine pokušao da uvedem naše pozitivne propise u primjenu toga. Jer ste imali ne samo objekte koji su nelegalno izgrađeni. Imali ste objekte koji su izgrađeni sa privremenim dozvolama koje su istekle prije nekih 10 godina. A i da su na snazi kada bi se primjenjivali naši pozitivni propisi tada bi značilo da bi se oni morali ukloniti o trošku graditelja na zahtjev opštine koja je izdala odnosno organa koji je izdao to odobrenje. Međutim, nakon niza sastanaka i sa predstavnicima Međunarodne banke za obnovu i razvoja i linkove smo otvorene imali i na sve načine su oni mene pokušavali, čak su mene okrivili jedno vrijeme da sam ja kompletno tu izgradnju saobraćajnica zaustavio jer se ja nisam mogao s tim pomoriti. I opet smo uspjeli. To je njihov ultimatum bio ili ćete prihvatiti ili neće prihvatit ovo kreditiranje. Pošto su već vlada je prihvatila ta kreditna sredstva kamate su išle na ta sredstva, radovi su stali i kompletne saobraćajnice su bile zaustavljene. Naše nije bilo tu da, koliko smo mogli sačuvali smo u skladu sa našim propisima. Međutim Skupština je donijela takvu odluku mi se isključivo možemo pridržavati takve odluke. Gospodin Šućur samo bih ja rekao tačno je da je presudom Ustavnog suda proglašen neustavnim član 2, 4 i 5. to se odnosi na imovinu grada ali imao mi znači ove druge odredbe koje primjenjujemo u skladu sa zakonom što moramo primjenjivati.

Predsjedavajući:

Zahvaljujem gđinu Kariću. Otvaram raspravu.

Poslanik/zastupnik Predrag Kojović:

Zahvaljujem predsjedavajući. Samo sam vrlo ću kratko, ne bih htio da prođe ovaj izvještaj, ovog organa, koji je nekako nakon niza godina postao aktivan i počeo raditi tačno sjećam se kada smo imenovali novog pravobranioca. Drago mi je da ste iz ladice izvukli slučaj Centrotans doo garaža kod Narodnog pozorišta, kome kao što znate vrlo malo nedostajalo da dođe u jednu fazu u kojoj bi šteta po Kanton Sarajevo iznosila možda i 50 i više miliona. I sada čak je onda bilo prihvaćeno kao prihvatljiva varijanta da nas to košta samo 10 miliona. Međutim vi ste krenuli čini mi se u pravom pravcu a to je ono što smo mi ukazivali ovdje zaista od prvog dana da je taj ugovor ništavan i upravo o tome ovaj jedan dio koji niste spomenuli, koji mene zanima, neka vrsta retoričkog pitanja. S obzirom da znamo da je taj ministar koji je dao tu koncesiju uradio to protiv zakonito on je morao imati između ostalog pošto se radi pogotovo o imovinsko pravnim odnosima, morao je imati odluku, mišljenje Pravobranilaštva, a da ne govorim o tome da je odlukom Vlade specifično bilo rečeno da mora doći sa tim prijedlogom koncesije na Vladu, što nije uradio. Zanima me, s obzirom da smo već u četvrtoj godini od kako je ta koncesija data i na opšti oblik zastare, jeste li podnijeli prijavu protiv tog ministra koji je ovaj Kanton bio pripremio za taj finansijski zločin od 50 miliona, taj napad na budžet Kantona Sarajevo. Ja neću namjerno da govorim ime čovjeka, vi znate tačno o kome se radi. Što se tiče ove južne longitudinalne i ovog pitanja nadoknade ljudima čiji su objekti izgrađeni nelegalno, vi ste upoznati sigurno sa federalnom situacijom prilikom izgradnje autoputa gdje su naišli na istu situaciju u smislu uklanjanja nelegalnih objekata gdje je specifično federalnim zakonom rečeno maksimalno što se može uraditi za te ljude da se nadoknadi tzv. građevinska cijena objekta. Ja mislim da je to standard ispod koga ni mi ovdje u kantonu ne bi smo smjeli nikako pristati i ne dozvoljavati ovo je da vam kažem naša zemlja, nije ovo zemlja EBRD-a, koji je divan partner i pomaže nam finansijski ali da nas oni tjeraju da radimo nešto što ne samo nepošteno, nego nezakonito, malo je kako bih rekao malo je za mene neprihvatljivo. Ono što niste istakli ovdje, ja sam se nadao da ćete istaći, mislim da malo građani vide neke apsurdne slučajeve i situacije s kojima se vi pogotovo nosite, a koje govore o problemima o kojima je možda i premijer govorio na prošloj sjednici, o sudskom sistemu. Mi imamo sudije u našoj zemlji smatraju da oni ne bi trebali da plaćaju porez kao ostali građani u ovoj zemlji. Naše sudije smatraju u kantonu da bi oni trebali biti izuzeti iz poreskog sistema koji se odnosi na sve građane. I to je jedna od tužbi gdje sudije tuže Kanton zašto se njima naplaćuje porez kao svim ostalim građanima. I to je jedan od slučajeva u kojem Pravobranilaštvo također mora da nas brani. Inače 75% njihovog posla predstavljaju tužbe uposlenika protiv ovoga Kantona. I to je strašno da mi imamo toliko administraciju i da toliko broj ljudi koji radi u administraciji su ustvari nezadovoljni svojim poslom. Ja se nadam da novi Zakon o radu i sada novi Zakon o državnim službenicima će omogućiti i ovoj Vladi ili nekoj drugoj Vladi da pomogne tim ljudima da nađu negdje bolji posao za sebe koji će im više odgovarati u svakom smislu i da ćemo se kako bih rekao riješiti između ostalog i na taj način jednog viška administracije. Ono što niste spomenuli a što je ja mislim trebalo spomenuti s obzirom da znamo koliko premijer Konaković ulaže i koliko u njih ulažemo mjesečno u spašavaju nespasive firme Gras koja je dužna 156 miliona i mi njima znači otprilike jedno 1,5 – 2 miliona svakog mjeseca moramo subvencionirati a oni nas tuže za 123 miliona, jel tako? Znači i to je jedan slučaj. I onda samo da završim prije nego kako bih rekao završim, to je također jedan apsurdni slučaj u kome Agencija za besplatnu pravnu pomoć koju smo mi osnovali ovdje kako bi pružala građanima besplatnu pravnu pomoć, je ustvari postala besplatna advokatska kancelarija koju koriste uposlenici Kantona da tuže Kanton. Dakle, mi finansiramo advokate uposlenika koji tuže Kanton i onda okupiramo resurse Pravobranilaštva, da nas brani od tih. I sada će se pred nama pojaviti odluka da ta Agencija za besplatnu pravnu pomoć da im treba još pravnika jer ima još puno ljudi koji hoće da tuže Kanton, pa ćemo mi recimo zaposliti te ljude u Agenciju za besplatnu pomoć a zahtjeve Pravobranilaštva koje također moli da zaposli još nekoliko ljudi da bi se odbranilo od

tih tužbi možda recimo nećemo odobriti. O tome sam govorio o principu na kome bi trebalo da funkcioniše Agencija za besplatnu pravnu pomoć puno prije i ranije i ona se očigledno pretvorila u svoju najgoru varijantu koja je to moguća. I samo za kraj bih vas zamolio, naravno da je neophodno i važno da kada naš advokat koji zastupa Kanton pobijedi da tako kažem laički u slučaju nekom, treba osim naknade štete da ima pravo i na nagradu i da ta onda nagrada ide u budžet Kantona Sarajevo. Jer to je jedan veliki prihod. Znači kada neko nas tuži i pobijedi na sudu on osim naknada troškova i štete ima pravo i na nagradu. Znači, pošto je dobio slučaj traži neku vrstu, to nije nagrada pravni naziv za to, ali je to znači jedna finansijska kazna koja se prema onoj strani koja je izgubila sudski spor uspostavlja. E a kada naš advokat dobije protiv nekoga ko nas je tužio recimo neopravdano neosnovano, mi nemamo pravo na tu naknadu. Da bi se to promijenilo i da bi bila ravnopravnost ljudi u sudskom postupku neophodne su izmjene federalnog zakona koji govori o tom postupku. I ja bih zamolio ministra da poslanicima, nama koji se nalazimo u Domu naroda pripremi, ako možete pošto zaista vi to sigurno najbolje poznajete da nam pripremite koje su to odredbe u kojim zakonima koje trebamo promijeniti i da zaista ovi poslanici iz Kantona Sarajevo pokušaju da se izbore da to postane novo pravilo i Zakon. Hvala.

Poslanik/zastupnik Mersiha Mehmedagić:

Zahvaljujem uvaženi predsjedavajući. Pozdravljam sve prisutne kao i gledaoce Kantona Sarajevo koji prate današnje zasjedanje. Naime na početku ću se najprije osvrnuti na metodološki pristup u izradi ovog izvještaja. Efikasnost rada Pravobranilaštva nije se mogla kvalitetno ocijeniti kroz ovaj izvještaj jer isti kroz tabelarni prikaz predmeta po vrsti spora daje samo statističke podatke o broju predmeta. U 2014 godini u radu Pravobranilaštva evidentirano je ukupno 5201 predmet koji su razvrstani po predmetu spora sa prikazanim stepenom riješenosti. Neupuštajući se dublje kako rekoh statističku analizu konstatovat ćemo samo da je primjetan rast broja predmeta u odnosu na prethodnu godinu za 194. znači nedostaje značajan podatak o podnesenim tužbama prema vrijednosti navedenih sporova i novčana vrijednost realizovanih sporova. Ovaj pokazatelj bi bio važan indikator i za planiranje budžeta jer bi se znala visina obaveza nastalih po sudskim presudama, posebno iz radnog odnosa kao i potraživanja po osnovu dobijenih sporova. Stoga smatramo da bi Pravobranilaštvo u suradnji sa ministarstvom pravde i uprave trebalo otkloniti ovaj metodološki propust. S obzirom da je Pravobranilaštvo u sačinjavaju izvještaja pribjeglo i opširnijem opisu pojedinih predmeta mogli smo kroz konkretne slučajeve vidjeti efikasnost i značajan pomak u radu. Naime, neću se ponovo osvrutati obzirom da je pravobranilac detaljno opisao slučaj Elektrotehničkoga fakulteta i Leik doo Sarajevo samo ću istaći da Pravobranilaštvo u ovom slučaju ne samo da je zaustavilo nezakonit prenos vlasništva koji je dogovoren mimo saglasnosti Skupštine, nego je cijeli spis uputilo na razmatranje dalje postupanje Tužilaštvu Kantona Sarajevo radi eventualnog utvrđenja elemenata krivičnog djela svih učesnika u navedenom postupku a posebno predstavnika Kantona. Pored ovog primjera odličnog reagovanja Pravobranilaštva bez obzira što je nastala ta obaveza od 4 miliona KM nemoguće je ne uočiti slučajeve u kojim smatramo da Pravobranilaštvo nije iskoristilo sva raspoloživa pravna sredstva da zaštiti imovinu Kantona. To je slučaj, jedan od slučajeva izgradnje podzemne garaže kod Narodnog pozorišta koji je opet kolega Kojović malo detaljnije obradio pa se neću ponavljati, istaći ću samo da nam je u ovom kontekstu interesantno šta je Pravobranilaštvo poduzelo ili imalo namjeru poduzeti protiv onih koji su doveli Kanton u situaciju da sklopi ovakav ugovor. Jedan slučaj koji do sada nije pomenut a koji je posebno zanimljiv jeste slučaj Metromedija doo. Također smatramo da u ovom slučaju Pravobranilaštvo nije adekvatno zaštitilo interes Kantona. Naime, Direkcija za puteve Kantona Sarajevo je uklonila 58 nelegalno postavljenih reklamnih panoa navedene firme kojima se nakon toga gubi svaki trag. Presudom općinskog suda u Sarajevu Direkcija je obavezna vratiti Metromediji u posjed ispravne reklamne panoa ili isplatiti 143.636 KM a

zahtjev za nadoknadu za izgublenu dobit koju je tražila Metromedija u iznosu od cca 972.000 sud na svu sreću odbija. Zbog toga što Direkcija ne zna gdje su nastali uklonjeni panoi koje je Direkcija i uklonila nanescena je šteta kantonu za dosuđeni iznos uvećan za zatezne kamate. Pravobranilaštvo je u ovom slučaju postiglo nagodbu o međusobna potraživanja Kantona prema Metromediji doo Sarajevo svela na 46.951 KM. Dalje je zanimljivo da je Ministarstvo saobraćaja Kantona Sarajevo zaključenom van sudskom nagodbom preuzelo obavezu da postojeći ugovor o zakupu prostora za reklamiranje sa Metromedijom produži na period od pet godina da bi se navedeni dug izmirio kroz zakupninu i dodjelu novih 35 lokacija za reklamiranje. U ovom slučaju, Pravobranilaštvo nije tražilo odgovornost Direkcije za puteve Kantona Sarajevo za nanescenu štetu dok je u slučaju Leik i Elektrotehnički fakultet isto Pravobranilaštvo je jasno tražilo odgovornost posebno predstavnika Kantona Sarajevo. I na kraju ovo definitivno nije pristup koji je primijenjen u slučaju kao što reko Elektrotehničkog fakulteta te tražimo od Pravobranilaštva da bez razlike o kome se radilo postupa dosljedno i u skladu sa zakonskim ovlaštenjima u interesu Kantona, prije svega. Pored toga Pravobranilaštvo u daljem radu ne može zaključivati vansudske nagodbe bez jasnog stava nadležnog ministarstva i Vlade, jer se isto pokazalo štetnim u navedenoj praksi. Uz sve navedene pozitivne ali i negativne primjedbe Klub DF-a daje punu podršku Pravobranilaštvu i smatram opravdanim zahtjev za odobrenje upošljavanja dva zamjenika pravobranioaca i njihovo pozicioniranje u budžetu za narednu godinu. Zahvaljujem.

Poslanik/zastupnik Kemal Ademović:

Hvala. Uvaženi predsjedavajući, zamjeniče predsjedavajućeg, kolegice i kolege zastupnici premijeru i članovi Vlade, predstavnici javnih institucija, ustanova, gledaoci TVSA sve vas selamim i pozdravljam. Dakle ja ću samo kratko da izrazim zadovoljstvo radom kantonalnog Pravobranilaštva. Dakle ovaj, ako to mogu tako nazvati ovaj novi saziv kantonalnog Pravobranilaštva na čelu sa ovim pravobraniocem Karićem je prije svega počeo da radi svoj posao i pokazao je integritet zastupanja i odbrane i zaštite imovine Kantona Sarajevo vrlo komplikovanim teškim situacijama u kojima zaista treba pokazati integritet u vremenu u kojem živimo. Tu pored znanja koje naravno primarno i neophodno potrebna je određena doza hrabrosti i ovog integriteta kojeg sam spomenuo na kraju. Dakle, iz tog razloga želim da pružimo i dalje podršku ovom kantonalnom pravobranilaštvu da u narednim godinama, ili narednom izvještajnom periodu ako bog da da uložiti dodatne napore kako bi se u svim komplikovanim slučajevima koji još nisu završeni on uspio da izbori i da zaštiti imovinu Kantona Sarajevo. Hvala.

Predsjedavajući:

Zahvaljujem uvaženom zastupniku Ademoviću. Ukoliko se ne više niko ne javlja za riječ zaključujem raspravu.

MOLIM POSLANIKE DA PRISTUPE IZJAŠNJAVANJU O IZVJEŠTAJU O RADU PRAVOBRANILAŠTVA KANTONA SARAJEVO ZA 2014. GODINU.

ZA JE GLASALO 21 POSLANIKA, PROTIV 7 I SUZDRŽANIH niko.

KONSTATUJEM DA JE SKUPŠTINA USVOJILA OVAJ IZVJEŠTAJ.

AD – 15.

IZVJEŠTAJ O IZVRŠENJU SANKCIJA U KANTONU SARAJEVO ZA 2014. GODINU

Izvještaje ste dobili uz poziv za sjednicu. Molim predstavnika Predlagača da podnese uvodne napomene.

Ministar Enver Smajkan: UVODNO IZLAGANJE

Predsjedavajući:

Zahvaljujem uvaženom ministru Smajkanu. Da li predstavnici radnih tijela žele riječ? Ne. Ima li pitanja? Nema. Otvaram raspravu. Ukoliko se niko ne javlja za riječ, zaključujem raspravu. Molim službe samo pozovite zastupnike na glasanje.

MOLIM POSLANIKE DA PRISTUPE IZJAŠNJAVANJU O IZVJEŠTAJU O IZVRŠENJU SANKCIJA U KANTONU SARAJEVO ZA 2014. GODINU.

ZA JE GLASALO 19 POSLANIKA, PROTIV 7 I SUZDRŽANIH 2.

KONSTATUJEM DA JE SKUPŠTINA USVOJILA OVAJ IZVJEŠTAJ.

AD – 16.

IZVJEŠTAJ O RADU I FINANSIJSKOM POSLOVANJU ZAVODA ZA IZGRADNJU KANTONA SARAJEVO, ZA 2014. GODINU

Izvještaje ste dobili uz poziv za sjednicu. Molim predstavnika Predlagača da podnese uvodne napomene.

Pomoćnik direktorice Zavoda za izgradnju Kantona Sarajevo Dragan Ivanović: UVODNO IZLAGANJE

Predsjedavajući:

Zahvaljujem gđinu Draganu Ivanoviću na uvodnim napomenama. Da li predstavnici radnih tijela žele riječ? Ima li pitanja? Otvaram raspravu.

Poslanik/zastupnik Slaviša Šućur:

Zahvaljujem. Evo u izvještaju Zavoda radi se o obimnom izvještaju što je logično s obzirom na sve poslove koje Zavod obavlja i teško je donijeti neki sud. Ulaziti previše u detalje, zaista ima puno toga. Ono što bih htio reći je ustvari vezano za moju diskusiju kada se radilo o pravobranilaštvu. Vidimo da značajan dio poslova se svodi na uknjižbu imovine i mislim da e tu Zavod nalazi na skliskom terenu, dakle na potpuno nedefinisanom prostoru. Znamo opet da je Kanton preuzeo osnivačka prava nad Zavodom a za građevinsko zemljište je i ranije jel tako, kao korisnik, znači društveno vlasništvo nosilac prava raspolaganja bio je ovaj Zavod za izgradnju. I opet dolazimo do istog problema o kome govorio i ministar Smajkan i ja, ja mislim da je to nešto što će nas skupo koštati u budućnosti ako se ne razriješi. Zavod se bavi i dalje uknjižbom te imovine a bez da zaista postoji pravi osnov. Dakle nije određen titular društvene imovine. Ono što je državna imovina ne zna se ko je taj ko je vlasnik. Sada više nema prava raspolaganja sada se radi o vlasništvu. Ne ali evo po zakonu o stvarnim pravima.

Predsjedavajući:

Molim vas, ako bude bilo potrebe kasnije ćete odgovoriti gospodine Ivanoviću bez dobacivanja. Mir molim vas.

Poslanik/zastupnik Slaviša Šućur:

U redu mislim gospodin Ivanović i ja smo razumjeli o čemu se radi. Mislim da je to nešto što sada već postaje nepodnošljiv problem. Da li će Zavod postati vlasnik svog građevinskog zemljišta, vlasnik, ima li to smisla i logike, a ne znam ko bi drugi mogao. Dakle to može biti ako uredimo pitanje ili grad ili opština ili Kanton. Mada moj lični stav je da bi trebalo da sva imovina koji viši nivoi vlasti ne koriste za obavljanje svojih funkcija trebalo bi po meni da

pripada lokalnim zajednicama. Ali to nije bitno. Međutim evo ljudi rade, intenzivno jer imaju zakonsku obavezu da riješe to pitanje a možda rade nešto što je potpuno nezakonito ili neustavno ili nedefinisano. Još jednom u ovom kontekstu dakle apel na i Federaciju, ali mislim da Kanton Sarajevo pogotovo ima interes da insistira da se ovo pitanje podhitno riješi na višim nivoima vlasti sa donošenjem Zakona o stupanju na snagu Zakona o stvarnim pravima. Zaista ulazimo na vrlo opasno područje. Hvala.

Predsjedavajući:

Zahvaljujem zastupniku Šućuru. Ukoliko se više niko ne javlja za riječ, zaključujem raspravu.

MOLIM POSLANIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU ZAVODA ZA IZGRADNJU KANTONA SARAJEVO, ZA 2014. GODINU.

ZA JE GLASALO 16 POSLANIKA, PROTIV 7 I SUZDRŽANIH 5.

KONSTATUJEM DA JE SKUPŠTINA NIJE USVOJILA OVAJ IZVJEŠTAJ.

Predsjedavajući:

17. tačku dnevnog reda uvaženi ministar Smajkan je povukao, Izvještaj JP Televizije Kantona Sarajevo. Prelazimo na 18. tačku dnevnog reda.

AD – 18.

- a) **IZVJEŠTAJ O POSLOVANJU KJP "ZOI '84" OLIMPIJSKI CENTAR SARAJEVO D.O.O. SARAJEVO ZA 2013. GODINU;**
- b) **IZVJEŠTAJ O POSLOVANJU KJP "ZOI 84" OLIMPIJSKI CENTAR SARAJEVO D.O.O. SARAJEVO ZA 2014. GODINE**

Obzirom da se oba izvještaja odnose na isto javno preduzeće, predlažem da vodimo zajedničku raspravu, a izjašnjavat ćemo se pojedinačno za svaku poslovnu godinu .

Molim poslanike da se izjasne o navedenom prijedlogu?

ZA je glasalo 27 poslanika, PROTIV niko, SUZDRŽAN niko.

Konstatujem da smo prihvatili navedeni prijedlog.

Izvještaje ste dobili uz poziv za sjednicu. Molim predstavnika Predlagača da podnese uvodne napomene.

Ministar Muharem Šabić:

Uvaženi predsjedavajući, dopredsjedavajući, uvaženi zastupnici, premijeru, kolege ministri i ministrice, gosti, poštovani gledaoci pored TV ekrana. Koristim priliku prije nego što pređem na izvještaj o poslovanju ZOI'84 da u ime Vlade povučem Izvještaj o poslovanju KJP za gazdovanja šuma „Sarajevo šume“ d.o.o. Sarajevo za 2013 i 2014 godinu.

UVODNO IZLAGANJE ZA KJKP ZOI'84

Predsjedavajući:

Zahvaljujem uvaženom ministru Šabiću. Da li predstavnici radnih tijela žele riječ? Ima li pitanja?

Poslanik/zastupnik Adnan Solaković poslovnička intervencija:

Kao prvo ne vidim ovdje uopšte predstavnika ZOI'84 ni direktora u Sali. Učestala je pojava, a od prošlog mandata pa do sada smo donijeli odluku da predstavnici firmi, odnosno direktori budu prisutni na svojim izvještajima. Čak šta više, tolika je otišla drskost da je to maltene kao privatna firma da više ni u radnim tijelima nisu prisutni. Molim vas nemojte da nam se ponavlja da dignitet Skupštine, dignitet Vlade i ministara bude minimiziran na taj način. Ne vidim razloga zašto direktori ne budu prisutni svojim izvještajima.

Predsjedavajući:

Zahvaljujemo uvaženom zastupniku Solakoviću. Imamo pitanja molim vas prije otvaranja rasprave.

Poslanik/zastupnik Selma Filipović:

Dozvolite mi da pozdravim sve prisutne kao i gledaoce pored malih ekrana. Ja imam samo jedno pitanje za ministra i za menadžment koje konkretne mjere za sanaciju će poduzeti menadžment da ovo preduzeće počne raditi normalno i da ne posluje negativno. I da li je interes Kantona Sarajevo da dopusti da ovo preduzeće koje je jako važno za Kanton Sarajevo godina negativno posluje i još jedno pitanje, odnosno kao komentar ne vjerujem da nedostatak snijega može uzrokovati toliko negativno poslovanje ZOI.

Poslanik/zastupnik Kemal Ademović:

U 2014 godini za vrijeme Vlade koju je predvodio Muhamed Kozadra dogovoreno je da se nakon rekonstrukcije da se robne rezerve izmjesti gore u Zetru ovaj dio koji se sada trenutno rekonstruiše. Jer su robne rezerve tamo kod nekog privatnika i plaćaju se kirija na mjesečnom nivou. Da li će se to desiti je li ostao taj dogovor na snazi. Da li će se to desiti i kada? Jer ja sam gore pano prije Zetre već je istaknut jedan ogromni pano na kome se te prostorije nude na iznajmljivanje. Piše da ima 10.000 kvadratnih metara za iznajmljivanje. Pa me samo zanima, nisam informisan dovoljno, da li će se ispoštovati ovaj dogovor koji je postigla ova Vlada Muhameda Kozadre. To je jedno pitanje, drugo. Ova rekonstrukcija koja se dešava, dakle prije rekonstrukcije na toj plohi bilo je šest teniskih terena tvrde podloge. Sada imam poluinformaciju, naravno nije tačno, nisam izvršio uvid gore u dokumentaciju, nisam nikoga zvao, sada pitam ovdje, imam poluinformaciju da će se tu izgraditi jedan veliki fubalski teren. To je neka vrsta koncesije, ne znam ko to može promijeniti, ko može da uradi tako nešto da to ne bude na Vladi i na Skupštini. Pitam da li će gore, ako zna ovdje predstavnik predlagača, da li će gore ostati i dalje ti teniski tereni ili će biti nešto drugo. Hvala.

Poslanik/zastupnik Edin Forto:

Hvala vam. Imam dva pitanja za direktora firme. Da li je ovo preduzeće imalo nelegalno rukovodstvo u jednom periodu kada je predsjednik Skupštine firme odstupio, dao ostavku, imenovan je za direktora i onda je bio jedan period koji firma nije imala skupštinu i ona je koliko se ja sjećam vd Skupštine, članovi su izabrani tek polovinom ove godine. Ovo je samo pitanje da razjasnimo. Drugo je, zanima me kolika je vrijednost imovine ove firme, znači u markama kolika je vrijednost imovine firme ZOI'84. hvala.

Predsjedavajući:

Zahvaljujem uvaženom zastupniku Forti. Pošto nemamo više pitanja da li ima potrebe prije otvaranja rasprave za odgovorom. Uvaženi ministar Šabić će odgovoriti.

Ministar Muharem Šabić:

Hvala predsjedavajući. Mada se pitanja ne odnose na ove izvještaje ja ću svakako, Skupština Kantona Sarajevo ima pravo da o svemu raspravlja i da ima relevantnu informaciju. Kao što

znate sanacioni program ZOI84 je usvojio prošli saziv Skupština Kantona Sarajevo i on je ovih dana, ovih mjeseci stigao na realizaciju. Mi imamo dosta tu problema. Šta mi pokušavamo uraditi? Prvo hoćemo da uradimo tamo finansijsku konsolidaciju. Suština tog sanacionog programa da dovede u poziciju KJKP ZOI'84 je da se riješi viška uposlenika koji su nesistematski primani, kao što piše u izvještaju kao što znate. I da ih dovedemo u situaciju da prihoduju da budu konkurentni na tržištu usluga koji oni nude. Praktično prve rate tog sanacionog programa kredita sada stižu u septembru. Šta je urađeno? Njihova upravna zgrada tamo izdata i svi kapaciteti na Zetri koji imaju bit će stavljeni u poziciju da se može od njih prihodovati. Kao što znate ispod staze4 za brzo klizanje nalaze se skladišni kapaciteti koji su možda najnamjerniji skladišnom kapacitetu u Gradu Sarajevu za tu vrstu usluga. U toku je aktivnost da se Direkcija za robne rezerve dovede tamo. Znači po sanaciji krova, taj prostor je prokišnjavao zato što je konstrukcija krova bila propustila, znači sama ploha staze predstavlja krov od skladišta. Radovi se krajem septembra završavaju i onda ćemo biti u poziciji da uvedemo Robne rezerve. Već je Ministarstvo pokrenulo aktivnosti u tom pravcu, i potpisali smo predugovor i nadamo se da ćemo ih vrlo brzo vidjeti po završenju radova kako bi se taj novac tako i prihodovao u ZOI 84 od tog prostora. To je djelimično odgovor uvaženom zastupniku Ademoviću. Znači uključeno je nije pravobranilac ovdje, imali smo čitav niz sastanaka prošli mjesec na tu temu kako se desilo da robne rezerve budu smještene u privatnu kompaniju, ja ne znam, a to skladište tamo je zjapilo. Doduše trebalo je riješiti krov dovesti ga u tehničko tehnološke uslove da može odgovoriti potrebna zahtjeva skladištenja roba Direkcije robnih rezervi. Hvala. Za ostatak firma mislim da kolegica iz ZOI treba odgovoriti.

Predsjedavajući:

Zahvaljujem uvaženom ministru Šabiću. Otvaram raspravu.

Poslanik/zastupnik Ismir Jusko:

Poštovani predsjedavajući, uvažene kolege i kolegice, i gledaoci ispred malih ekrana koji posmatraju ovu sjednicu. Izuzetno mi je žao što direktor ZOI nije sa nama u Sali. Mislio sam da je slučajno preskočio kada smo imali prvu sjednicu ovdje pa nije bio tu. Ali evo vidim da ga nema ni u drugom. Direktore KJP bez obzira ko podnosio izvještaj o njihovom radu redovno se sjedilo u ovoj Sali, čekali su da njihov poslodavac ova Skupština donese odluku da li je njihov izvještaj prihvaćen ili ne. Sama činjenica da direktor dva puta izbjegava da bude ovdje sa nama, pokazuje koliko je spreman da se suoči prije svega sa nama, kao njegovim poslodavcem a onda druga stvar da se suoči sa građanima Kantona Sarajevo koji gledaju ovo putem malih ekrana. Poruka je čista i jasna. Ovo je jedan od najtužnijih izvještaja koji smo mi dobili. Razvojna strategija Kantona Sarajevo bazira se na turizmu. ZOI 84 treba da bude rudnik novca a ne preduzeće koje u ovom momentu posluje 8,5 miliona KM u gubitku kada uzmemo zbirno 2013 i 2014 godinu. Iks puta pitamo naše građane zašto ne idete na planine, a oni uvijek daju jedan te isti odgovor. Šta nam vi to nudite gore. ZOI, odnosno menadžment ZOI sveo se na to da samo tri mjeseca u sezoni Bjelašnica odnosno olimpijske ljepotice budu aktivne. A onda iznosimo jednu drugu činjenicu. 300 km biciklističkih staza, preko 1000 km planinarskih staza, apsolutno neiskorišteni resursi. Menadžment ZOI 84 troši na reprezentacije po 66 000 KM; po 60 000 KM troši na telefone, nisu u stanju da isplaniraju jedan put u Austriju da vide kako ljudi u ljetnom turizmu više zarade nego u zimskom. A imaju iste resurse kao i mi ako mi čak nemamo i bolje. Menadžment ZOI očigledno pokazuje da nema ni misiju, nema ni viziju, nemaju predstave gdje njihovo preduzeće treba da bude. Devet mjeseci ljeta, jeseni i proljeća gore osim povremenih kazana graha apsolutno ništa se drugo ne dešava. Ja ću mu dati samo jednu ideju, odnosno jednu informaciju. Grupa entuzijasta prije sedam godina 2007 godine pokreće priču koja se zove Sarajevski maraton. Prvu godinu 25 trkača smo imali na stazi. Ovu godinu par hiljada. Coca cola im je generalni sponzor i za njih imaju još ne znam koliko sponzora. Međutim menadžment ZOI nikada nije

palo na pamet da iskoristi ono što nam je na domak ruku. Ako oni nemaju ideja zašto ne raspišu konkurs, ne danu studentima Fakulteta sporta i tjelesnog odgoja, Ekonomije, Odjela za turizam da naprave projekte u kontekstu doktora, u kontekstu magistarskih radova, diplomskih radova, razvoj naših olimpijskih planina. Pa ćete vidjeti kakve će ljudi ideje donijeti. I neka tim ljudima daju priliku da svoje ideje realizuju na terenu i onda će naše olimpijske ljepotice dobiti ono što trebaju da dobiju. Žao mi je što u našem izvještaju nije bilo stanja o voznom parku pa bih gospođu koja je tu, opet kažem žao mi je što ona tu sjedi, volio bih direktora da gledam u oči i da njemu postavim ovo pitanje, šta je sa voznim parkom, izvještajem voznog parka ZOI? Postavljam pitanje gdje je vozilo Toareg ZOI, gdje je vozilo Škoda Octavia? Želim da nam se dostavi ta informacija da javnost dozna gdje se ta dva vozila nalaze. U ovom momentu neću da dajem informacije koje posjedujem ali tražim da nam se dostave i da ova Skupština i ovo tijelo zna i naravno da informišemo građane Kantona Sarajevo. Jedan od rijetkih izvještaja koje ću s obje ruke podržati za ne. Odgovorno tvrdim da u ovom kantonu postoji veliki broj ljudi koji i te kako mogu stati na čelo tog preduzeća i povesti ga u pravu stranu. Ja molim, apeliram na one koji imaju uticaja da postave ljude na tom mjesto neka postave kadrove koji od tog preduzeća mogu napraviti ono što mu pripada. Mi smo imali rukovodioce gore koji su bager dovodili i ravnali olimpijsku stazu koja je u centimetar rađena po svim olimpijskim standardima a sada imamo malte ne gore ruglo, 70% svog vremena lično provodim na olimpijskim planinama, to je žalost. A imamo rudnik para koji nam je nadomak ruku. I samo ću reći jednu stvar, Radnici nikada nisu krivi uvijek su krivi lideri i oni koji stoje na čelu firmi. Nema pogrešnih ljudi ima samo pogrešnih vođa koji nemaju ideja, nemaju vizija niti znaju pretočiti to u misiju. Hvala.

Dopredsjedavajući Sabahudin Delalić replika:

Zahvaljujem predsjedavajući. Selamim i pozdravljam sve prisutne kao i gledaoce pored malih ekrana. Normalno imam repliku i u potpunosti se slažem ovome što je gospodin Jusko govorio samo ne možemo tražiti ovdje krivce i tražiti direktora jer znamo da je direktor koji je sada novi, on je došao krajem oktobra mjeseca, tako da je ovo izvještaj njegovih prethodnika. Pa ne bih želio da se to sve njemu pripiše i da o njemu pričamo pošto je on sada trenutno direktor. A o njegovom izvještaju ćemo raspravljati u narednoj godini. Znači izvještaj za 2015 raspravljat ćemo o direktoru Midhatu Hubijaru koji je sada trenutno. A ovo se u potpuno slažem i s obje ruke sam i ja za „ne“ za ovaj izvještaj. Zahvaljujem.

Poslanik/zastupnik Edin Forto:

Hvala vam. Ja bih, nadam se da neću dugo, imao sam puno dužu prezentaciju vezano za ovu firmu. Ova firma je jedna od centralnih u našim politikama koje smo radili za prošlu godinu za izbore i imamo stvarno koga zanima puno ideja kako bi se ove lokacije mogle razviti da značajno doprinose novac u budžet a ne ovo što se trenutno dešava da mi ustvari iz budžeta radimo transfere prema ovoj firmi. Zbog toga sam postavio pitanje prije ovih rasprava kolika je tačno imovina, koja je vrijednost jer znam da se nešto knjižilo u zadnjem periodu pa da uporedim vrijednost imovine sa gubicima koja ova firma radi. Bilo ko se bavi poslovanjem ovo su neke stvarno nevjerovatne činjenice. Vi imate u 2013 godini 4,5 miliona KM gubitka. Znači da bi ispostavili usluga i proizvoda, karata, da bi prodali 4,5 miliona nečega napravili su troškove 10 miliona KM. Mislim taj odnos prihoda i gubitka je nevjerovatan. Ja ne mogu da vjerujem da se ovo dešava. Sada možemo mi govoriti bila sezona nije bilo snijega, slaba sezona, nevjerovatno je da ste isporučili 4,5 miliona nečega a za to ste potrošili 10 miliona KM. To treba ponoviti nekoliko puta da bi ljudi shvatili kolika je loša situacija u ovoj firmi. Pri tome kao i u svojim prethodnim diskusijama ne bih imenovao ni direktora ni jednog posebno, slažem se sa ovom opaskom da imamo novog direktora, treba mu dati šansu. Ali ova skupština je upravo vlasnik tog preduzeća. Znači moramo steći neku sliku kako je moglo doći

do ovoga. Kako je došlo do situacije u kojoj mi upravljamo firmom koja ima ovakvo poslovanje. Ja bih stvarno volio da vidim ko može dići ruku za izvještaj iz 2013 godine. Ovo je stvarno nevjerovatno. Što se tiče 2014 godine očito je da je sanacioni program nešto što je donekle ublažilo ove efekte ali opet to je samo vrh ledenog brijega. Ovdje ima još toliko posla za napraviti ne samo u konsolidaciji troškova nego ovo što je kolega Jusko govorio, dajte da vidimo bilo kakvu viziju šta ćemo uraditi sa ovim lokacijama. Ne radi se samo kao što je u izlaganju premijera kod Ekspozea svog o šestosjedu koji će nas odvesti brže sa dna kada imamo snijega na vrh. Radi se o puno puno više stvari. Ne postoji ni jedan zimski centar koji preživljava u razvijenoj Europi koji nema ljetni program. Ne može zimski centar preživjeti a da nema ljetni program. To jednostavno više ne postoji. Moramo pokazati puno bolju viziju i šta želimo uraditi sa ovom firmom i sa ovom nevjerovatno vrijednom imovinom kojom ova firma raspolaže. Također još jedna stvar koju ova Vlada je uradila i ova Skupština odobrila. Kredit za sanaciju ove firme je uzet i založena je upravna zgrada. Iznos kredita je manji od vrijednosti, procjene realne građevinske procjene te zgrade. 8,25% je kamata sa BOR bankom. Ja vam tvrdim ne postoji država na svijetu koja se po ovom kamati trenutno zadužuje. Ne postoji. Znači Čad ima bolju kamatu za zaduživanje za nešto za šta jedna država garantuje. Znači 8,25% a pri tom svi krediti međunarodnih finansijskih institucija koje mi uspijemo dobiti za neke dobre projekte su ono od 1 do 2%. To na nivou nečega što se samo svodi na trošak obrade kredita. 8,25%. Ima tačno u izvještaju koliko je to godišnje. Ja mislim 400.000 KM samo kamate. Mislim ovo nije način na koji ćemo mi ispraviti ovo preduzeće da radi kako treba. Ovo nije kritika novoj Vladi, oni su sada u hodu preuzeli ovu firmu. Ali dajte molim vas da pokrenemo raspravu, ovo je još jedna firma koja zaslužuje posebnu tematsku sjednicu. Da vidimo kao razviti ove lokacije. Imate lokaciju Trebevića. Mi imamo puno ideja šta bi se tu moglo uraditi, Igman, Bjelašnica, Zetra. To je nevjerovatna imovina koja nama umjesto da puni budžet pravi gubitke. Ja stvarno bez obzira ko je sada u rukovodstvu ja ne vidim kako neko može podržati ove minuse koji su napravljeni koji su odštetili građane i koji su ustvari na štetu svima nama. Hvala vama.

Poslanik/zastupnik Zvonko Marić:

Hvala lijepo. Znae kako, mislim da je ovo izuzetna hrabrost ministra Šabića da na neki način prezentira ovaj izvještaj. Gospodine Šabiću vi ste ministar i morate voditi računa odgovorna osoba koja daje u neku ruku podršku ovakvom stanju u preduzeću koje nije, moram kazati nije loše nego je katastrofalno i više od toga. Nemojte da budete saučesnik u ovakvim radnjama tako što ćete prikrivati neke stvari koje se odnose na dugogodišnje mahinacije i sve ono što se dešavalo. Ja vas samo upozoravam dobronamjerno, jer u jednom trenutku vi ste se nasmijali podacima koje je gospodin Jusko iznosio. Hoćete da vam kažemo ko vozi Tuarega i Octaviju i koliko je koštala popravka jednog ili drugog automobila. Zašto ste prikrili gdje je vozni park. Nije to smiješno. To je javno poduzeće. Toliko o tome. Što se tiče ostalih stvari moramo da imamo u vidu da se ovi izvještaji sve prave u nekom modalitetu ili rekao bih metodologiji koja je vrlo čudno. Kao i da ih pravi sve agencija sve su sračunate na manipulaciju. Za ovo stanje u ovom poduzeću, nije samo sebe nego ga je neko uzrokovao. Ministar Šabić kaže znate bilo je zaposleno više radnika. Znae nije to nevažna stvar. To je uzrokovalo štetu i ne možete prelaziti tako preko te činjenice. Zato ja i insistiram na odgovornosti konstantno. Neko je odgovoran za sve to što se desilo. To je javno poduzeće. To nije nevažna stvar što su se zapošljavali bez potrebe i prekomjerno ljudi u tom poduzeću i izazvali ono što su izazvali. Druga stvar, vi sami znate da je u 2014 godine to poduzeće najmanje radilo. Šest prvih mjeseci je bio štrajk upozorenja toga se svi sjećamo. Pa je bio generalni štrajk. Je li tako? Pa sve dok nije dobijen kredit pod znamo kakovih okolnostima i šta je dato u zalog od 9,5 miliona nije se uopće radilo. Devet i po zaostalih plaća je plaćeno, jel tako? A onda su uslijedili blokirani računi, isključena struje telefona itd. Samo podsjećam. I odmah da kažem, imenovan je NO na čelu sa Ramizom Kadićem a direktor je bio Džemal

Bisić. Novi NO odbor na čelu sa prof. Mehmedalijom Hadžovićem koji je imenovan u junu 2014 godine znamo i sami da je tek čovjek raspisao konkurs za direktora u oktobru mjesecu. To je činjenica. Ali nije raspisano konkurs za izvršne direktore. To svi znamo. Jedna od imenovanih izvršnih direktora je bila i Sabina Lojo, dva puta v.d. mandatu. Preduzeće skoro godinu dana nije u punom sastavu što se tiče rukovodstva i to znamo. Nije imenovan treći član uprave. Pa stoga pitam kako je moguće da se odlučivalo o ugovorima koji su bili iznad 10.000 KM. Kako se postupalo u situacijama kada se glasalo 1:1? Sve su dakle to stvari koje govore o kršenju poslovnika o radu uprave. Za direktora ZOI 84 imenovana je osoba koja je obnašala funkciju predsjednika Skupštine u ovom poduzeću a ne ispunjava dva ključna uvjeta. Nije razriješen bio dužnosti predsjednika Skupštine poduzeća, nije imao certifikat za predsjednika člana NO, i člana uprave u JP po Uredbi Vlade FBiH da ne citiram službene novine i broj. Može se jasno provjeriti. Znači NO je prekršio ovu Uredbu jer je namjerno izostavio ovaj poseban uslov u javnom konkursu. Predsjednik Skupštine gospodin Midhat Hubijar je razriješen ove dužnosti tek nakon 8 mjeseci. Skupština Kantona Sarajevo dana 08.05.2015 godine. A evo i dio nezakonitih radnji. Netransparentan raspored kreditnih sredstava, toga smo svjedoci. Skupštini Kantona Sarajevo dostavljen je izvještaj od strane resornog ministra broj 07-05-05-2901/15 od 13.04.2015 godine pregled obaveza dobavljačima ne poklapa sa pregledom iz programa sanacije. Vrlo važna stavka. A gospodin ministar nam govori o mjerama sanacije. Pa valjda je to učinjeno da poslanici ne mogu da se snađu kako pored rekordne zimske sezone, dobijenog kredita i drugih prihoda nisu uplaćeni svi doprinosi i druge obaveze. Bez provjere resorni ministar je samo prepisao ovaj izvještaj i prosljedio ga Skupštini Kantona. I on sada sudjeluje u ponižavajućim stvarima i degradaciji ovog parlamenta. Ne možemo više ovakve izvještaje da primamo. Valjda neko treba da ih iskontrolira prije nego što dođu na dnevni red. Zatim novo imenovani direktor gospodin Hubijar je odmah po prijemu dužnosti poništio odluku o formiranju Disciplinske komisije i komisije za implementaciju Programa zbrinjavanja viška zaposlenika jer su navodno do tadašnji bili nepodobni. Komisija za implementaciju programa zbrinjavanja viška zaposlenika je tako dobro radila a direktor sve aminovao da je sud već vratio na posao dva radnika. Muberu Berilo i Nihada Podruga. Sud ustanovio da nije ispoštovano zakonska procedura prilikom otpusta zaposlenika kao tehnološki višak otpuštene su i trudnice koje su bile na trudničkom odsustvu. Slučaj Berine Gavranović. Zbog tužbi zaposlenika sudski troškova, troškova sudskog vještaka, troškova advokata isplate plaća i doprinosa retroaktivno radnicima koji su presudom suda vraćeni na posao ZOI je izložen dodatnim rashodima. Za ovo je odgovorna uprava poduzeća. Skoro tri godine nije razdužena akontacije radnice Lejle Cikote u iznosu od 8000 KM. A prošle godine imenovanoj je omogućeno da ode iz poduzeća. Ko će da odgovara za ovaj slučaj? Kako se pravda taj manjak u blagajni? Direktor Hubijar je otpustio 10 radnika više čime je prekršio Pravilnik o organizaciji i sistematizaciji radnih mjesta u ZOI'84. po programu sanacije treba da zadrži 140 a trenutno ima 136 o čemu gospodin ministar nije govorio. A doveo je svog vozača na određeno vrijeme na jedan do dva mjeseca kako je izjavio za medije a taj vozač radi skoro godinu dana. I u ovom slučaju je prekršen Program o zbrinjavanju viška zaposlenika otpustio jednog a zaposlio drugog na isto radno mjesto. Radnicu koja je primljena kao pripravnik na godinu dana po završetku Ekonomskog fakulteta koja treba u neku ruku da radi na tom mjestu i ekonomista je i ispunjava uslove postavljena je na mjesto sekretarice direktora a dotadašnja sekretarica prebačena na drugo radno mjesto. Nadležne inspekcije Kantona Sarajevo su ustanovile niz nepravilnosti u ovom poduzeću a po prijavi zaposlenika primjer zapisnika inspektorata rada i zaštite na radu, socijalne zaštite i prosvjetne inspekcije broj

Predsjedavajući:

Može samo jedna sugestija da se držimo 2013 i 2014 godine.

Poslanik/zastupnik Zvonko Marić:

Ja se držim upravo toga. Dakle radnica Mirsada Karić kao blagajnik je otpuštena proglašena tehnološkim viškom a za ove poslove angažovan je zamislite interni revizor. Postavlja se pitanje kako može interni revizor da radi na blagajni i da prodaje karte. Zar nije ovo za rubriku vjerovali ili ne. U tom periodu preduzeće je bilo bez ovog organa jer novi direktor interne revizije nije imenovan. Jedan član je bio na bolovanju a treći interni revizor usmeno raspoređen na mjesto blagajnika za vrijeme sezone klizanja u Zetri. I prilikom posjete ZOlu od strane premijera Vlade Kantona Sarajevo , resornog ministra dana 07.04. direktor Hubijar za TVSA je izjavio da je preduzeće u 2014 godini profit od 3 miliona a samo plaće iznose 3,2 miliona. I evo završit ću, još su brojne nepravilnosti ali istodobno moram kazati da na neki način morate povesti računa o ovome što se radi u ovom poduzeću koje je još jednom žrtva pogubne politike koja je djelovala u ovom periodu. I molim vas na neki način moram da ukažem da sam koristio ove informacije za ovo izlaganje iz inspekcijskih nalaza izvještaja uprave, sindikata zaposlenika i elektronskih i pisanih medija. Ovo je samo dakle dio nepravilnosti i zahvaljujem se a imao bih još puno toga da kažem.

Poslanik/zastupnik Amel Mekić:

Hvala vam predsjedavajući. Pošto se prvi put javljam želim sve da vas pozdravim posebno premijera, ministre, zastupnike i naravno gledaoce ispred TV ekrana. Pa gledajte, rekonstrukcija piste košta 2,5 miliona KM. Pošto sam ja non stop silom prilika bio vezan za Zetru mogu da vidim da je gore bio na djelu društveni nemar. Zbog čega to govorim? Želim da se utvrdi ko je i na koji način uništio pistu i tako doveo do prokišnjanja skladišta koje se nalazi ispod staze. Mi cijelo vrijeme napadamo ZOI. Ok. Imaju oni argumenata da se brane a i da se ne odbrane. Kada želimo da ZOI zaradi više novca on treba da bude konkurentan da podigne svoj kvalitet usluge na veći nivo. Ja mislim da je Bjelašnica upitna zbog vertikalnog transporta i žirafa za osnježavanje. Ako se te dvije stvari ne riješe ja mislim da Bjelašnica nikada ne može da postane neka skijaška zvijezda i da svojim kvalitetom privuče turiste. I stoga opet postavljam pitanje premijeru kada će odvojiti sredstava za izgradnju istih? Mislim da Bjelašnica, naša olimpijska ljepotica zaslužuje da se modernizuje kompletna infrastruktura i da se napokon uredi od ulaska od parkinga pa do vertikalnog transporta. I naravno proširivanje i uređivanje staza. Hvala i toliko od mene.

Poslanik/zastupnik Mirsad Pindžo:

Zahvaljujem predsjedavajući. Pošto su moji prethodni dosta toga rekli ja ću samo malo dodati a da se ne ponavljam. Krenut ću od početka imovina kojom upravlja JP ZOI 84 je odlukom ovog organa Skupština Kantona Sarajevo javno dobro. E kako se raspolaže javnim dobrom vidimo iz ovih izvještaja. Kada je u pitanju odnos onih koji su dobili povjerenje organa da upravljaju tim javnim dobrom govori i današnji podatak. Kolegi ću ja odgovoriti zašto nema direktora da se pojavi pred svojim poslodavcem da odgovori na pitanja. Ja ću vam odgovoriti ovako dotični misli da je on vlasnik privatne piljare, i da ima toliko jaka leđa u svome političkim mentorima da se može ovako ponašati i zato danas nije ovdje. Ova Skupština će morati natjerati Vladu da sve te siledžije koji se na taj način ponašaju uvede u red ili ih posmjenuje a da dovedu ljude koji znaju i hoće napraviti posao od javne imovine. Da (nerazumljivo) nećemo mi odstupati od izvještaja i stalnih upozorenja, razgovaramo o 2013 i 2014. tačno, taj isti gospodin što je već pomenut je predsjedavao skupštinom preduzeća koja je telefonski odobrala projekte koje nikad nije vidjela u iznosima većim od 5 miliona. Prema tome i ovo je i njegov izvještaj i u tom svojstvu je trebao biti danas ovdje a naravno i kao direktor koji je obnašao funkciju pola godine u 2014 godini. I program sanacije koji je usvojila ova Skupština Kantona je krenuo u realizaciju tada. A kako? Program sanacije vam je ko švedski sto. Uzet ću šta mi odgovara a ono što mi ne odgovara bez obzira šta kaže Zakon e to neću. U 2014 godini da ne bih odstupio od ovoga što stalno upozoravate je krenuo program

sanacije i otpušteni su uposlenici tehnološki višak. Na stranu ove informacije koje su kolege dale da je radila po jednom programu koji je odobrila Vlada Kantona Sarajevo radila je jedna komisija, pa radila druga komisija i na kraju odluka direktora bez obzira i na jednu i na drugu komisiju i bez obzira na kriterije a dokaz za to je pet prekršajnih prijava Kantonalne uprave za inspeksijske poslove i presude suda da su uposlenici bili u pravu. Žalosnije od svega toga što se u istom mjesecu prima novih 12 uposlenika a ni jedan od tih prekobrojnih tehnološkog viška. Govorim činjenice iz izvještaja inspekcije koja je obavila nadzor. Na stranu kakva je naša inspekcija. Onakva kako oni to rade ona nama ne treba nikako. Vrlo brzo bih došao u poziciju da predložim da ukinemo tu inspekciju jer nema potrebe da postoji. Zašto? Zato što konstatuje stanje i kaže ne može ništa poduzeti. Jedino šta može dati prekršajni nalog da se plati kazna i opet iz državnih jaslara. Preduzeće plati kaznu zato što neko tamo radi. Uputi na nezakonite radnje upute one koji rade nezakonito kako će izbjeći pa da šteta bude manja. Evo vam jednog primjera. Otpuste se uposlenici koji imaju specifična zanimanja, koji su potrebni tom preduzeću a zadrži se naravno administracija koja ne treba. I onda kada to inspekcija konstatuje onda ih posavjetuje haj vi te uposlenike koji nemaju ta specifična zanimanja i specifična znanja uputite ih na obuku i naravno o trošku preduzeća. Pa šta je tu sanacija? Šta je tu ekonomičnost? Ne. Nije bilo ni po zakonu ni po programu sanacije nego samovolja i po ličnim interesima i privatnim i jaranskim i stranačkim. To su činjenice koje govore iz onoga što su ustanovili državni organi. Ako hoćete imena možemo samo da ne bi ostali dugo, a koga zanima može i to vrlo jednostavno provjeriti. Program sanacije evo kada smo kod direktora da vam još jednu informaciju dopunim. Kao predsjednik Skupštine koji podnosi ostavku Skupština preduzeća i NO promijeni uslove za imenovanje direktora. Pa umjesto pet godina smanji se na 2 godine radnog iskustva da bi se prilagodili uslovi da bi imenovani mogao biti imenovan. U isto vrijeme on je još uvijek član Skupštine. I vi mi kažete da se on pojavi ovdje. On nema potrebe da se pojavljuje. Pitanje je kome organi, ja sam to pitao Vladu i očito Vlada se neće u buduće moći tako ponašati, da se pravi kao da je se ne tiče da procesi teku mimo Vlade. Kome odgovaraju članovi uprava, NO i skupština. Ko im daje instrukcije. Jer Vlada sa ovakvim ponašanjem da samo primi znanju izvještaj i proslijedi ga Skupštini i onda nikom ništa. Skupština kaže svoju riječ, da li je zadovoljan provođenjem politika, zakona i ostaloga odbije neke izvještaje. To bi trebalo Vladi da bude znak da Skupština Kantona kao poslodavac Vladi nije za dovoljna stanjem u toj oblasti, u tom preduzeću u toj ustanovi da mora poduzeti mjere. Na stranu i zaključak skupštine kojim je defnisano neusvajanje izvještaja automatizmom Vlada mora razriješiti upravljačke strukture. Vlada se tako ne ponaša. I Vlada je na dobrom putu da izgubi povjerenje bar kada je u pitanju Klub DF-a ako se bude tako ponašala u narednom periodu. Ali da idemo na program sanacije. Šta imamo danas od programa sanacije? U programu sanacije je rečeno i prilikom odobravanja kreditnog zaduženja u ovoj Skupštini vrlo jasan precizan zaključak i vrlo jasno precizno utvrđeno šta se i po kojim redoslijedom isplaćuje iz tog kredita uz obavezu da organima preduzećima i Vladi Kantona da informiše skupštinu o realizaciji kredita. I moje zastupničko pitanje uprava preduzeća i ministar samo prepisao kopi pejt odgovor koji je dobio iz ZOI 84 se pojašnjava gdje je potrošeno 20 , 30 ili 50.000 od tog kredita. A 2,5 miliona to nema potrebe da se objašnjava. A ja ću vam reći zašto. Zato što je Uprava za šumarstvo kada je bila poduzeta aktivnost da se sanira preduzeće prije donošenja programa sanacije da se plate ti radovi koji su gore radili po odluci tadašnje Vlade, ljudi iz uprave za šumarstvo su rekli da nema projekta ne može s utvrditi jesu li u kom obimu izvedeni radovi. Ja sam to čitao iz dokumenata. Kako je onda moguće da se bez ikakvih provjera odjednom mimo svih procedura i utvrđenih pravila u tom programu sanacije odobrenog od strane Skupštine plate baš prvo ti radovi? Kako je to moguće? Naravno da je moguće zato što su privatni interesi u pitanju. Ovaj posao koji je zamišljen da se preduzeće sistemski uništi i da se dovede u kome je učestvovao i aktuelni direktor Vlada mora zaustaviti. Vlada mora zaustaviti. Kada je u pitanju vertikalni transport još jedna u nizu i kada je krenula devastacija ZOI 84 ja ću vas kolega informisati da je

potpisan ugovor sa austrijskom firmom o izgradnji kabinske žičare na vrh Bjelašnice u kome stoji da kada se god to bude radilo da ne može zaključiti sa drugim dobavljačem nego mora s njim. Pa od sada pa do 50 godina. E ko ima pravo da tako radi. Koje su posljedice. Posljedice da i danas imamo preduzeće 84 u gubicima da ne znamo šta radi, da su uposlenici na minimalcu a i danas se uposlenici primaju. I danas se primaju naravno mimo programa i mimo zakona. Jer Zakon kaže da ako ima potrebu zapošljavanja moraju prvo oni koji su otpušteni. To se i danas ne poštuje. Ako hoćete imena i prije mjesec dana da vam kažem ja imam i te podatke. To nigdje ne vodi. Vlada konačno mora preuzeti odgovornost obavezu upravljanja procesima i zaustaviti ovo što se i trenutno dešava u ZOI 84 i drugo Vlada mora ispuniti obavezu i ovu skupštinu informisati o načinu utroška svake marke od tog kredita i o trenutnom stanju u preduzeću ZOI 84 da bi ono konačno krenulo ka ozdravljenju. A naravno da Klub DF-a neće prihvatiti ovaj izvještaj a to bi za Vladu trebalo da znači šta bi morala poduzeti jer ova Skupština je poslodavac Vladi a naravno i organima preduzeća i Skupštini preduzeća koji ova Skupština imenuje. Hvala lijepo.

Predsjedavajući:

Zahvaljujem zastupniku Pindži. Ukoliko se niko ne javlja za riječ zaključujem raspravu. Dajem riječ premijeru Konakoviću.

Premijer Elmedin Konaković:

Poštovani predsjedavajući, dopredsjedavajući, sekretaru, poštovane zastupnice, zastupnici u Skupština Kantona Sarajevo, poštovane ministrice i ministri u Vladi Kantona Sarajevo, cijenjeni direktori KJP, gosti, poštovani gledaoci TVSA eselamu alejkum i dobar vam dan. Što bi rekao kolega Pedža Kojović svi ste u pravu. Izvještaj po zakonu o javnim preduzećima jednom godišnje skupština JKP u članu 5 ili 6 tog zakona podnosi osnivaču Skupštini Kantona Sarajevo. Dakle, procedura kojoj je ova Vlada potpuno razjasnila. Način pripremanja dokumenata je sljedeći. Mi smo nekoliko puta sam vam o tome govorio zato što mi apsolutno odbija jedan dio odgovornosti koji nam se ovdje nameće, a za jedan dio apsolutno se slažem. U priređivanju dokumenta možemo prihvatiti izvještaj i proslijediti ga Skupštini. Mi smo administracija za ono što Skupština vaša koju birate izvještava vas osnivača Skupština Kantona Sarajevo. Dakle, ako ne prihvatamo taj izvještaj ne prihvatamo ga uglavnom iz nekih formalnih razloga nedostatka nekog dijela dokumenta ali ne ulazimo u njegov meritum i ne ocjenjujemo ga. Jer skupština preduzeća podnosi izvještaj Skupštini Kantona. To je procedura u JKP. Napravili smo jednom čak jedan propust pa smo jedan dokument poslali bez čini mi se da je to bilo u Tržnicama bez skupštine preduzeća pa smo ga hitno vratili u proceduru. To je kada ne prihvatimo izvještaj. I tražimo dopunu izvještaja da bi ga vama proslijediti u zakonom propisanom obliku. Ja sam više puta govorio i ponovit ću. Koliko procesa ovo zakonodavstvo ima ili naši zakoni imaju u kojima Vlada nema apsolutno nikakvu mogućnost da direktno utiče na rad menadžmenta preduzeća javnih ustanova čiji je osnivač- o tome govorimo stalno i ja ću to stalno ponavljati. Koliko samo ovlasti daje Zakon izabranom direktoru i menadžeru tog preduzeća je po mom mišljenju skandalozno. I mi smo uspostavili jedan model da imamo puno više kontrole kao vlada u odnosu na sve dosadašnje Vlade koje ja u potpunosti shvatam zašto nisu mogle imati kontrolu upravljanja nekih mehanizmima jer vam se u JKP dogovore predstavnici koje mi u ime političkih partija imenujemo pa je bolje biti s NO i skupštinom svog preduzeća nego sa skupštinom a posebno vladom Kantona Sarajevo koja vam u procesu usvajanja ili ne usvajanja izvještaja, direktoru jednog JKP ništa ne znači. Niša ne znači naš stav tom direktoru JKP. O 13 i 14 sam ja ovdje govorio stalno i ponavljao o ovom preduzeću stalno. Kako je to preduzeće koje treba da puni kasu budžeta Kantona Sarajevo a na žalost imamo situaciju u kojoj je ono u dubokom i velikom deficitu. Reći ću nekoliko stvari o kojima se također slažem ali krug činimo, u tom procesu smo činili svi. Sa posebnim akcentom na menadžment tih preduzeća. Menadžmente koji su se

smjenjivali, imenovali smo ih mi i politički predstavnici koji su radili toliko štetne stvari po ovo preduzeće i jedan su od primjera koje ja također često koristim inertnosti uposlenika ovog preduzeća i posebno sindikata koji posmatra kako mu direktor preko sistematizacije na neodređeno vrijeme primi 100 ljudi. I ne kaže ni riječi. A kada isti ljudi sjednu na taj kazan i pojedu mjesečno oko 2 miliona plata naravno srozao je firmu na nivo na kom se ona sada nalazi. Onda oni štrajkuju pred opet vladom Kantona Sarajevo. Ustvari Vladi Kantona Sarajevo jer mi smo ti koji sa njima imamo obavezu da uglavnom komuniciramo. Preko 100 ljudi u sistematizaciji. Čini mi se 12 i 13 u ta dva perioda za vrijeme direktora Salke Hasanefendića primljeno preko 100 ljudi preko sistematizacije. Zna se šta se još tada desilo. Imate broj sezonski radnika i to bi trebao biti koncept upravljanja ovom firmom. Kada imate manji broj uposlenika po potrebi agažujete sezonske, koristite neki budžet javne radove Kantona koje mi finansiramo, pripravnike koji vam malo rasterete radnu snagu i rastao je. 100 ljudi je na neodređeno i rastao je broj sezonskih radnika u odnosu na godine ranije. A smanjivali su se prihodi. ZOI gazduje nekretninama u Kanton Sarajevo koje su ekskluzivnog karaktera. Gazduje čak i Koloseumom za koji mi stalno imamo dilemu jel on treba biti Skenderiji ili treba. Sada je ZOI-ev. Sada je od jednog narkomana uzet dat drugom narkomanu pitanje opredjeljenja nas. I to je stalno pitanje. Gazduje ekskluzivnom zgradom u centru grada, gazdovao je i doveli smo ga u takvu situaciju da je u minusu sa budžetom strašnim. Poseban akcenat na ovo što je sada kolega Jusko govorio. Još uvijek ne vidimo ni milimetar pomaka da neko bude inventivan u tom preduzeću i smisli nešto i kopira nešto što ljudi rade širom svijeta. Mi smo kao Vlada sada uradili napore strašne radimo, radimo čak dijelove posao ljudu koji se bave, koji bi to trebali imati kao primarni zadatak i razvijamo ostale resurse i potencijale. Feri je prodali su Feri ljudi, sud je prodao Feri. Pa je kod nas došao investitor sa kojim ćemo mi brzo praviti tri sportska terena i zatvorenu dvoranu koja treba da riješi glavno pitanje ljetne infrastrukture na Bjelašnici. Mi u to ulažemo maksimum napora jer će on oživiti sve kapacitete gore Bjelašnice i sve ostale hotele samim tim povećati vjerovatno ZOI-u mogućnost da nekim ljetnim malim tračnicama na koje se stavi ko na Krajinjskoj gori onaj mali bob oprihodujete dnevno 2000 – 3000 KM jer je to praksa i niz drugih aktivnosti koje se tamo ne dešavaju. Ima drugo pitanje, teško je naravno sad da se i dešavaju. Iz čega da se finansiraju. Iz čega sada ZOI za isfinansira jedan takav projekat. I ako ima možda sada inventivnih ljudi tamo njima je primarno bilo to da se na neki način stabilizuje rashodovna strana i da se to dovede na minimalac i nekako ti ljudi s druge strane jedini trenutno rade po Zakonu o minimalcu. U svim drugim JKP nema minimalca a ogromni su gubici. Dakle i to je zakonska obaveza. Kada ste u minusu imate zakonsku obavezu da idete na minimalac. Naravno protivnik s druge strane vam je kolektivni ugovor i sada je prilika da mi to rješavamo. Sada je prilika da u novom kolektivnom ugovoru riješimo te stvari. U kojima u vremenu krize u preduzeću ne može biti plata 1000 KM i TO 16 KM. To je nemoguće. Ja bih volio naravno da budete direktniji. Sve što imate vi ovoj Vladi da kažete eventualno o stanju koje ja se neću sada fokusirati na 15, govorim o 13 i 14. mi ćemo to sa zadovoljstvom tražiti informacije te koje insisnuiramo ili imamo informacije da se tamo sada trenutno događaju procesi automobili ko je šta vozio, ko je šta slupao, ko je kome šta prodao. Mi ćemo to u ime ove Skupštine tražiti jutro jer mi nemamo takav odnos da bilo koji politički mentor bilo kome može status nedodirljivog. Znači ja sam iz kuloara slušao te priče evo danas ćemo zvanično kroz resorno Ministarstvo zatražiti informaciju od direktora u ovoj godini a onda ćete i nas i njega slušati ako ne izgubimo povjerenje DF-a tako brzo. Pa brzo ne bude neka nova Vlada ovdje. Nas ili naše nasljednike slušati o ovome što sada govorimo. Evo i ja sam to čuo sada pa odgovaram. Dakle u tom dijelu ne želim da prihvatim odgovornost kao što ne želim, evo mi smo danas, ja mislim da mi je sada na stolu ono što 15 dana pokušavamo dobiti iz poreske uprave. Imamo indikacije da menadžeri ovih preduzeća imaju i dalje bez obzira na Zakon koji smo ovdje usvojili o iznosima primana naših direktora na čelu ovih ustanova. Imamo informacije da su ona opet puno veća od one tri prosječne federalne plate.

Nalaze modus životnih osiguranja, nalaze modus posebnih uslova rada, svi zarađuju i dalje više od resornih ministara evo opet je Vlada kriva. Mi to nećemo. Dakle ne želimo da preuzimamo na sebe nefunkcionalnost preduzeća kojima je Skupština osnivač upravlja kroz svoje organe. Skupštinu i NO. dakle gdje god nam Zakon to dozvoljava vi ste vidjeli kako se mi odnosimo prema tom problemu i odnosit ćemo se isto prema svima. Dakle sada je ne znam da li ima procesa. Ako mislite da ne usvajanje izvještaja u zdravstvu možda imamo primjera u kojima još nismo promijenili tamo menadžmente a Skupština nije usvojila izvještaje to je samo zato što nemamo zakonski osnov. Što neka od tih a neke ćemo brzo, evo neke sada imamo na dnevnom redu idućih sjednica i to je materija koja je mjesec ili dva dana stara. Mi ćemo ovdje sve izvještaje koje vi ne usvojite koji su usklađeni svojim aktima statutom promijeniti menadžment u roku od mjesec dana. Dakle ispoštovat ćemo tu zakonsku proceduru i ne vidim što bi to trebalo biti sporno o tome nas. Tu nas ocjenjujete vi. Slobodno recite sada koji su to slučajevi da odmah zaključimo ili da nas vi obavežete zaključkom da se to ipak desi. Kabinska žičara je jedan termin i po onome što ja imam kao informaciju i gospodin Pindžo ali nisam još vidio papir da je ekskluzivno pripalo pravo čak firma se zna Doplmajer ili neko je dobio pravo da samo oni mogu kad god se bude radila ne moramo raditi kabinsku žičaru, šestosjed na Bjelašnici jer bila je ideja u kojoj smo posegnuli i za sredstvima EBRD-a pa smo išli pregovarati sa EBRD-om zbog EYOF-a onda nam se pomakao EYOF. Ja vas pozivam sve zajedno da primarna kapitalna investicija u 16 godini na budžetu bude šestosjed na Bjelašnici i novac za osnježavanje staze. Jednu stvar morate znati s aspekta struke: Bjelašnica je planina čija staza završava na 1460 metara a vrh je na 2087 metara. I u svijetu u kom mi živimo svi su svoje skijanje pomijerali na preko 2000 hiljade jer su vremenski uslovi danas takvi da vi ne možete garantovati uspješnu sezonu ako nemate savršene mašine za zasnježavanje kao Austrija koje koštaju stotine miliona maraka. Mi ih nemamo. Dakle izlazak konceptualno skijanja od vrha do pola planine je primarni zadatak koji nije velika investicija. Jer do 1400 ćete doskijati samo ako su zime kao prošla. A ako su zime kao godina prije, nećete, i to je drastičan udar na ZOI, to nije šala. I to je sigurno egzaktno. Dakle na 1400 ne možete skijati skoro nigdje u Europi, nema tih malih planinama ako nemate savršeno zasnježavanje i pri tom, i za to vam treba -2 ili do +2. kada ide na +5 i +7 nema skijanja. To jeste jedan od izvora finansiranja ZOI-a, a drugi su, i pitanje je zašto, kada ste vidjeli koji je zadnji koncert u Zetri? I što čekamo da to u Zetri radi samo isključivo neka agencija koja će od toga oprihodovati. Šta su druge aktivnosti koje mi proizvodimo u našim preduzećima. To je pitanje za menadžment preduzeća. Šta su inventivnosti? Šta su novi trendovi? Šta su informacione tehnologije danas a šta su prije 15 godina. To je nešto čime ćemo se mi baviti. Ali opet kažem nama je mogućnost da to smijenimo kada vi ne usvojite izvještaj. Kako ćemo smijeniti ako ljudi su tamo imenovani na mandat, rade, usvoji im se izvještaj na Skupštini, i nema. I još jedno pitanje, primjećujete li vi da je ovo 13 i 14. dakle mi govorimo da nismo mi kao ovaj dom, ja sam ovdje sjedio, nismo razmatrali 13. pa smo onda vratili dok ne budu 14 i na mišiće ponovo neke ljude zatezali, šarfali da nam pošalju izvještaje ljudi. Dakle, Gras još nismo razmatrali tek će biti naredna sjednica a septembar je. Dakle to je naše stanje, mi ni jednim svojim aktom do sada nismo pokazali da ćemo štiti nekoga ko ne radi dobro posao a ocjeni rada JKP to je na vama, po članu 5 ili 6 Zakona o javnim preduzećima, Skupština Skupštini podnosi izvještaj. Vi ne usvojite, kažete ovo nije dobar menadžment mi po hitnim procedurama radimo na tome da nađemo boljeg. Hvala.

Predsjedavajući:

Zahvaljujem uvaženom premijeru Konakoviću. Prelazimo na pojedinačno izjašnjavanje po podtačkama. Pošto se javio uvaženi zastupnik Marić, imao je raspravu, dajte mu mikrofon, dopunsko pitanje.

Poslanik/zastupnik Zvonko Marić:

Hvala lijepo. Prije svega gospodine Bukva za vas jedna molba, ali i pitanje dopunsko za premijera. Molim vas da u buduće zahtijevate ako se nešto uvrsti u dnevni red da se ne povlače izvještaji poduzeća. Ja mislim da su prošle neke određene procedure. Nema povlačenja jer to odmah izaziva sumnju. Nemojte da nas tjerate da se klanjamo, ne direktorima, nego maketama od direktora. Dakle, većina njih su makete od direktora. Nego neka poštuju ovaj parlament i neka poštuju i vas i kompletan saziv. A što se tiče ovoga želio bih samo gđinu Konakoviću, pazite, ovo stanje kakvo jeste nije od jučer. Ono ima svoje duboke korijene. Mene interesa ko je stvorio ovakav ambijent? Ko je stvorio ovakav model da vi nemate ingerencija nad direktorima poduzeća. Moramo kazati da tamo postoji uprava, Skupština poduzeća, NO, i direktor. Pa zašto nije neko iz NO, ko je u vrijeme Hasanefendića bio u Skupštini i NO? koje su stranke tada bile na vlasti? To su ključna pitanja. Nemojte da, jer ni mi ovdje niko u Sali nije od jučer, a ni gledatelji da ih ponižavamo tom pričom to nije bilo kada smo mi bili. Na to dobijate povjerenje zato što prebacujete odgovornost sa jedne Vlade na drugu. Koliko puta smo u ovoj Sali čuli da je odgovorna neka prethodna Vlada ili neki prethodni saziv. To ne vodi ničemu. Ja sam sto puta rekao ne možete rješavati probleme ukoliko ne riješite, ne uđete u uzroke tih problema. To je nemoguća misija i to je kraj priče. Hvala.

Predsjedavajući:

Zahvaljujem uvaženom zastupniku Mariću. Prije nego što dam riječ, ja sam dužan odgovor uvaženom zastupniku Mariću. Po članu 150 Poslovnika predlagač ima pravo da povuče materijal sa Skupštine.

Uvaženi zastupnik Solaković, imamo samo, ispravak krivog navoda, niste se javljali u raspravi nemate pravo riječi, samo ako je šta.

Poslanik/zastupnik Adnan Solaković:

Pitanje premijeru jer vidim premijer ima ko marketinški ovdje.

Predsjedavajući:

Molim te, nemamo pitanja su završena.

Poslanik/zastupnik Adnan Solaković:

Molim vas, premijer je maloprije rekao da Skupština donese odluku i da će se smijeniti menadžment i ostali. Ja pitam premijera zašto je u ranijim unazad dvije Skupštine pozitivne izvještaje obarao a negativne usvajao? Hvala lijepo.

Premijer Elmedin Konaković:

Evo samo ponovite pitanje i pojasnite. Pozitivne mi obarali a negativne usvajali. Vlada, govorite o Vladi?

Poslanik/zastupnik Adnan Solaković:

Govorim o parlamentu. Vaša koaliciona.

Premijer Elmedin Konaković:

Pa što pitate mene govorite o parlamentu? Ne ja sam to htio pitati vas sve vas što sjedite tu. Dakle vi ste parlament vi ste Vlada.

Poslanik/zastupnik Adnan Solaković:

Ne, ne vaša upravo vaša koaliciona koju vi predstavljate.

Predsjedavajući:

Molim vas, samo malo reda ovdje. U buduću molim vas, znači ima princip, koji su se javljali u raspravi, u učestvovali u toku rasprave kada zaključim raspravu, dajem riječ onima koji nisu zadovoljni odgovorom, nema nove rasprave kada sam zaključio raspravu. Nema pitanja. Oni koji su toku rasprave učestvovali poslije premijera imaju pravo na dodatno pitanje. Zahvaljujem.

Premijer Elmedin Konaković:

I to možete promijeniti. Ova radna grupa koju predvodi kolega Kojović na izradi Poslovnika može Poslovníkom urediti sve, a li do tada bi trebali poštovati Poslovnik. Taj isti Poslovnik nama dozvoljava ne nama, i vama, i vi možete biti predlagači materijala za sjednicu skupštine Kantona Sarajevo i tamo piše da predlagač može do kraja rasprave, kada god hoće povući materijal. I to je procedura potpuno ustanovljena i više godina prakticirana u ovom istom domu, i to pitanje je odgovorio kolega Bukva. Ja imam potrebu da ga ponovim. Ustvari neću više govoriti kolega Bukva, vi ste zastupnici mi smo Vlada. Ja predstavljam Vladu Kantona Sarajevo. Ja bježim od tih političkih tema koliko god mogu, zanemarujući svoju političku pripadnost, egzaktnu svojoj političkoj partiji, pokušavam da ovdje Vlada i Skupština prave malo bolji ambijent za rad. A možda je ovo baš prava prilika da pokažemo kako ovdje ne može niko od nas pobjeći od odgovornosti evo kada je u pitanju ZOI: evo ja ću to plastičnije objasniti. Dakle svi smo se izmijenjali na tom preduzeću. Svi redom. Sve Vlade, i sve politike. I evo najplastičniji primjer možda je, osim, ja nije Naša stranka i nje DF koji ne novi, nisu ljudi koji, uglavnom govorim o ovim velikim konceptima koji su upravljali procesima. U vrijeme najvećeg problema ovdje članovi NO su bili iz SDA, direktor je bio iz SDP, predsjednik sindikata je vijećnik SBB iz opštinskog vijeća Stari Grad i još je niz takvih istih u tom preduzeću koje je napravilo strašan problem građanima Kantona Sarajevo. I mi sada ovdje možemo dvije stvari. Možemo se raspravljati do prekosutra, ko su čiji su, ko je više u procentima, ili možemo reći, evo što je predložila Naša stranka: mi čekamo prekosutra da dođete ili u u ponedjeljak ili utorak da dođete s prijedlozima koji bi doprinijeli ozdravljenju ZOI zato što imate ideje o funkciji Igmana, o funkciji Zetre, sve ćemo to prihvatiti, razmotriti i sve što budemo mogli uraditi uraditi ćemo onako kako smo uradili s vašim inicijativama elaborat o saobraćaju, Higijenski servis, sve ćemo isto raditi. Ja mislim da je bolje da prakticiramo ovaj drugi model. Jer za ovaj prvi do sutra se možemo raspravljati ali smo svi odgovorni ako govorimo o politikama, dakle to je odgovor na pitanje kolegi Mariću, poimenično taj i taj čovjek. Evo mogu sve i jednog nabrojati, članove NO, znam sve kojeg je predložila koja politička partija, znam šta je radio predsjednik sindikata dok su primani ovih sto ljudi, a šta je onda radio kada je došao ovdje nama pred zgradu kada su oni počeli jesti mjesečno svaki po 250.000, dakle 100 novih ljudi. I u tome nema hajra za nas da se oko toga raspravljamo osim. 2011 ovo je preduzeće poslovalo pozitivno. Dakle 2011 Izvještaj ovog preduzeća je bio pozitivan. I zamislite sada to, 12, 13, 14 i vidite danas tanje. Prije 2011 bilo opet negativno ali evo ima nekoliko godina, evo direktorice, uzet ćemo i te podatke, bilo je godina kada je bilo pozitivno i nekada sam manjim minusom. Nismo nikada imali ovaj problem. Zadužili smo se na 8,25 kamate, ljudi prije nas jer nije bilo izbora. Ovdje vam je dolazio uposlenik ZOI-a koji sjedi u Zetri koji zamalo nije ostao bez noge jer nije imao zdravstveno osiguranje. I to je bio pritisak na Vladu koja je odlučivala hoće li kreditom to sanirati ili neće sanirati. Vjerovatno bi i mi uradili isto da smo u toj poziciji bili. Birate između ljudskih života i kamate 8,25 i nije država nego preduzeće. Slažem se. I kolateral je loš, slažem se. Samo što bih volio da vidimo, nisam ni ja tada iz ove klupe ponudio bolje rješenje pa da danas kažem ljudima koji su radili trebali ste možda ovako. Ali eto mi danas imamo priliku da vidimo šta rade, da ojačamo, da izanalaziramo šta je s imovinom, da predložimo projekte koji će gore oživiti ljetnu ponudu. Ljetna ponuda je izlaz. Da procijenimo hoće li Maršal integrisati se sa ZOI-em ili je šteta. Jer će nam biti novi veći teret, to već

radimo mi kao Vlada i slobodno ocjenjujte taj dio da li je dobar ili nije. Ako ne budu usvojeni izvještaji, evo danas ako ne usvojite izvještaje to ne znači smjenu ovog menadžmenta. Po onome što mi vidimo. I u to se nismo ni petljali jer je vaše da kažete stav. A nismo ništa suprotstavili onome što smo danas čuli od Skupštine Kantona i od svakog zastupnika jer je to činjenica i istina. Preduzeće koje treba da donese, paralela, ima drugo preduzeće koje je profitabilno 50 – 60.000, na pitanje zašto niste više ljudi jer imate monopol na tržištu, tamo direktorica finansija kaže, pa uzeo bi nam Kanton te pare da smo više zaradili. To je stanje trenutno. Maloprije sam nisam završio to, meni su sada javili iz Poreske uprave da imam na stolu informacije koje Vlada traži već 15 dana tražimo od Poreske uprave primanja ljudi koja tamo rade, koja su veća, vidjet ćete od svakog ministra i od premijera. Rukovodilaca ovih procesa. Sada sam dobio taj podataka, SMS-om su mi javili. Obznanit ćemo ga vama i javnosti sutra. Dakle to je srž i suština ovog problema. A to su uglavnom bili zakonom zaštićeni ljudi. Evo sada tražimo model da otpakujemo i da možemo promptno smjenjivati. Ponavljam žao mi je beskonačno što nismo uspjeli da Vlada bude skupština preduzeća. Beskonačno mi je žao. Evo svaki dan se to potvrđuje. Zato što bi tek tada mi direktno odgovarali vama za procese za koje je nadležna Skupština preduzeća. I istina je Ministarstvo pravde radilo svoj posao, nije u skladu sa zakonima postojećim, ali ni ovo što sada imamo nije u skladu sa zakonom. Da smo mi Skupština preduzeća naš bi protok prema NO i menadžmentu bio onakav kakav bi bilo logično da imamo. A danas ga još uvijek nemamo. Uspostavljamo kontrolu procesa, posebno JKP.

Poslanik/zastupnik Mirsad Pindžo dodatno pitanje:

Ja neću pitati premijera nego samo jednu ispravku ovoga o čemu je govorio. Poslovnički se to može podvesti i ovako i onako. Nisu svi odgovorni gospodine premijeru i vi to vrlo dobro znate. Skupština u prethodnom sazivu je uradila ono što je najbolje mogla u situaciji kada se saznalo u kojem je preduzeće stanju, napravila program sanacije neki tako, uprava, NO, Skupština preduzeća, predložili Vladi, Vlada predložila Skupštini i usvojen program sanacije. Problem je u tome što se taj program sanacije ne provodi, a imovina založena. I na to upozoravamo. Drugo, Vlada ovo što ste vi sada govorili, Vlada i Skupštine preduzeća, to vam ne daje za pravo da vi ne provodite Ustav i Zakon, i da ne upravljate procesima. Ako ne možete vi direktno a onda vi predlažete ovoj Skupštini pa će Skupština naložiti skupštinama preduzeća. Prema tome, to vas ne oslobađa od odgovornosti da ne radite i ne upravljate procesima u Kanton Sarajevo. Mi to od vas tražimo da upravljate procesima za koje ste odgovorni po Ustavu i zakonu. Hvala lijepo.

Premijer Elmedin Konaković:

Taj drugi dio i taj završetak je definicija zakonita i naša obaveza. Dakle u ovome što radimo sigurno ima i procesa u kojima nismo onoliko brzi koliko bi mi voljeli biti. Ali ima puno onih u kojima jesmo. Nudili smo vama a vi nam pomagali izmjenama i korekcijama nekih stvari koje nisu bile funkcionalne i to ćemo sigurno raditi i u budućnosti. I to je model. Ne možemo drugačije. Mi možemo samo prvo vama ići sa zahtjevom a vi prema skupštinama i to evo u ime Vlade Kantona Sarajevo ja tu vrstu obaveze apsolutno prihvatam. Valjda smo malo vratili povjerenje DF-u ovom diskusijom. Hvala.

Predsjedavajući:

Zahvaljujemo premijeru Konakoviću. Prelazimo na pojedinačno izjašnjavanje po podtačkama.

a)

MOLIM POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KJP "ZOI '84" OLIMPIJSKI CENTAR SARAJEVO D.O.O. SARAJEVO ZA 2013. GODINU

ZA je glasalo niko poslanika, PROTIV 31, SUZDRŽAN niko.

KONSTATUJEM DA SKUPŠTINA NIJE USVOJILA IZVJEŠTAJ.

b)

MOLIM POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KJP "ZOI '84" OLIMPIJSKI CENTAR SARAJEVO D.O.O. SARAJEVO ZA 2014. GODINU

ZA je glasalo niko poslanika, PROTIV 31 poslanik, SUZDRŽAN niko.

KONSTATUJEM DA SKUPŠTINA NIJE USVOJILA IZVJEŠTAJ.

Dajem prijedlog, na prijedlog klubova, ako se slažu pauzu za ručak sat vremena. Pauza za ručak sat vremena. Hvala.

NASTAVAK NAKON PAUZE

Predsjedavajući:

Molim uvažene zastupnike da zauzmu svoja mjesta da krenemo sa radom. Prije nego pređemo na sljedeću tačku dnevnog reda zamolio bih zastupnike da se izjasne o Deklaraciji koju je predložio Klub SDA a koju ste dobili na početku Skupštine. Tako da molim zastupnike da se izjasne ko je za deklaraciju.

Poslanik/zastupnik Mirsa Pindžo – poslovnička intervencija:

Hvala vam gospodine predsjedavajući. Pošto smo mi dobili tekst Deklaracije i obrazloženje, ima nešto što je ovdje zapisano, ja hoću da vjerujem da je greškom napisano i hoću da se ovo popravi prije izjašnjavanja. U predzadnjem pasusu ili kako da ga nazovem, obrazloženja stoji država, odnosno u konkretnom slučaju RS. To jednostavno nije tako i to ne može da stoji u Deklaraciji. Tu mora da stoji Država, odnosno njeni sastavni dijelovi ili organizacioni dijelovi, pa onda može stajati u konkretnom slučaju RS, jer ovim mi kažemo da je RS država.

Predsjedavajući:

Slažem se i predlagač je to već ovdje nama dostavio naknadno pa smo mislili. Evo dat ćemo predlagaču riječ, predsjedniku Kluba SDA.

Poslanik/zastupnik Mirza Čelik:

Zahvaljujem predsjedavajući. Sam tekst Deklaracije ste trebali predsjedavajući pročitati bez obrazloženja. I takav tekst Deklaracije da usvojimo. Obrazloženje nije potrebno za Deklaraciju i ja sam mislio da ćete vi pročitati tekst Deklaracije i da se zastupnici o tome izjasne. Znači obrazloženje možemo smatrati uopće da nije,. To sam ja obrazloženje pripremio čisto da bi zastupnici stekli dojam o ovome gore navedenom što piše u Deklaraciji. Evo. Ja vam se zahvaljujem. Znači pročitajte tekst Deklaracije pa da se izjasnimo o njoj. U cijelosti tako da ostane u stenogramu. Hvala.

Predsjedavajući:

Nije nikakav problem, nismo ga pročitali jer ste vi na početku ali evo nema problema. Znači da bude jasno ja ću sada pročitati prijedlog deklaracije i poslije toga ćemo se izjasniti bez obrazloženja.

Deklaracija:

Najoštrije osuđujemo postupke vlasti u Republici Srpskoj koja sistematski krši prava djece povratnika na način da im se uskraćuje pravo na izbor jezika i pravo na nacionalnu grupu predmeta. Skupština Kantona Sarajevo apeluje da Visoki predstavnik u BIH, Parlamentarna skupština BIH, Vijeće ministara učine sve kako bi se zaustavila narastajuća diskriminacija i osigurala prava povratnika na kvalitetno obrazovanje u skladu sa međunarodnim standardima. Skupština Kantona Sarajevo poziva sve nivoe vlasti u BIH da preduzmu mjere iz svoje nadležnosti kako bi se uklonili svi oblici diskriminacije i segregacije u obrazovnom sistemu.

Zamolio bih zastupnike da se izjasne o ovoj Deklaraciji, ko je za?

Za je glasalo 25 poslanika, protiv niko i suzdržan niko.

Konstatujem da je Skupština usvojila ovu Deklaraciju. Hvala.

Prelazimo na 19. tačku dnevnog reda.

AD – 19.

a) IZVJEŠTAJ O POSLOVANJU KJP CENTAR "SKENDERIJA" D.O.O. SARAJEVO ZA 2013. GODINU;

b) IZVJEŠTAJ O POSLOVANJU KJP CENTAR "SKENDERIJA" D.O.O. SARAJEVO ZA 2014. GODINU

Obzirom da se oba izvještaja odnose na isto javno preduzeće, predlažem da vodimo zajedničku raspravu, a izjašnjavat ćemo se pojedinačno za svaku poslovnu godinu .

Molim poslanike/zastupnike da se izjasne o navedenom prijedlogu?

ZA je glasalo 25 poslanika, PROTIV niko, SUZDRŽAN niko.

Konstatujem da smo prihvatili navedeni prijedlog.

Izvještaje ste dobili uz poziv za sjednicu. Molim predstavnika Predlagača da podnese uvodne napomene. S obzirom da smo sve ove izvještaje dobili u pisanom materijalu ako ima potrebe predlagač u kratkim crtama, a ako nešto nije što je u izvještaju, onda nema potrebe. Zahvaljujem se.

Da li predstavnici radnih tijela žele riječ? Ima li pitanja? Otvaram raspravu.

Poslanik/zastupnik Slaviša Šućur:

Zahvaljujem se. Razlog što sam se javio, mislim da nema smisla da pređemo preko ovog a da ne kažemo. Znam da smo se ispričali svi oko ZOI 84, znamo da je dobar dio problematike JP je identičan. Identifikovali smo ključni problem, a to je problem koji traje godinama, a to je način kako biramo menadžment i način kako se oni ponašaju u skladu s tim, kome odgovaraju i ko ih je izabrao i to je nešto na čemu se mora sistematski poraditi. Mi smo imali reformu koja do 2006 u nekim firmama i nekim nivoima vlasti dala određene rezultate. Dakle tada je zaista bila propisana procedura birani su najbolji kandidati i to je bilo dosta transparentno.

Međutim, na žalost od 2006 ja moram konstatovati da su stvari krenule nizbrdo i mi smo ponovo dobili kao potpuno legitimnu prihvaćeno od javnosti i od nas samih da se ljudi biraju po stranačkom principu. Znači cijela reforma koja je deset godina rađena da izađemo iz tog začaranog kruga da dobijemo dobre, sposobne, kvalitetne ljude u NO firmi, u skupštinama, i na žalost srozano je. Ja mislim ako se ne dohvatimo tog problema nećemo daleko doći. Što se tiče Skenderije ona zaista zaslužuje malo ozbiljniju pažnju ne toliko kao firma nego kao pojava. Nigdje u svijetu javni objekti koji imaju takav karakter, sportsko kulturni centri rijetko egzistiraju po čisto tržišnom principu i oni zaista na neki način svojim programom i aktivnostima koji se u njima odvijaju održavaju neku želju i politiku društveno političke zajednice u kojoj rade. Skenderija je nastala znamo svi izgrađena je samo-doprinosom, znamo svi dobro koji smo u ovom gradu živjeli i radili kakvu je funkciju imala, koliko je prošlo sportista kroz njene dvorane, koliko je prošlo kulturnih događaja, koliko je prošlo muzičara, Sarajevo je izgradilo svoj nekakav kompletan imidž na onom što se dešavala u tom prostoru. Nekako na žalost ono što nam se desilo nakon rata, masa tih objekata, masa kulturnih institucija, evo i javnih preduzeća su na neki način smatrana plijenom političkih partija. I način kako su birani menadžmenti. Ako ste imali dobrog menadžera, imam sada informacija od nekih ljudi koji svoj posao zaista godinama dobro rade pod kakvim su pritiscima upravo da bi zaposlili neke ljude, dostavljaju se spiskovi, vrši se stravičan pritisak i ljudima se ne da. Ako su i dobri ljudi, ako hoće da rade, jednostavno im se ne dozvoljava. Nije problem, Skenderiju nećemo riješiti ako analiziramo samo finansijski izvještaj. Ili ako pokušamo neki program sanacije. Bez zaista ozbiljnog strateškog pristupa strateškog plana, naše čvrste odluke kao Skupštine i Vlade koja diktira na neki način dešavanja da sport i kultura imaju malo širi društveni značaj da ih ne treba mjeriti samo kroz čiste suhe finansijske parametre, mi nećemo riješiti problem Skenderije, imat ćemo jedan objekat, na kraju ćemo se pitati koliko će nas koštati da uklonimo ruševine kako su stvari počele da se dešavaju. Nije bitno. Imali smo priliku danas čuti, ponekad čovjeka dovodi u dilemu kako da se postavlja prema izvještajima JP. Ako sudite o tome da treba dati pozitivan izvještaj svima koji prikazu pozitivan finansijski rezultat, negativan svima kada je negativan. Mislim da nas neće daleko dovesti. Postoje djelatnosti i preduzeća koja zaista ne mnogu bez subvencija, bez uticaja budžeta ne mogu da postoje. Ono što je problem koji godinama uočavam i u FBiH to je problem ovdje, mi cijenimo neke izvještaje a ustvari ne znamo šta je bio zadatak ljudi koji su u određenom momentu postavljeni da upravljaju tim preduzećima. Nikada politike, tu dakle govorim o nama i o skupštinama i o vladama nisu dale kada se bira novi menadžment vi morate ljudima dati vrlo precizne zadatke i šta očekujete od njih da ostvare za godinu dana, dvije godine ili četiri godine. Bez toga mi pričamo o nečemu a ne znamo ustvari šta sudimo i šta s čim poredimo. Ako vi dovedete najboljeg menadžera na svijetu da vodi Željeznice FBiH i za četiri godine uzmete njegov izvještaj vidi čovjek gubitak napravio i vi ćete reći to treba smijeniti. A čovjek je uradio možda najbolje što je mogao ali možda je promijenio stvari. Ali mi ne postavljamo zadatke i ne znamo na osnovu čega da mjerimo. Ja mislim da je važno, čuli smo šta je govorio premijer, šta su govorile naše kolege poslanici. Otprilike se to tu vrti ali nikako da definišemo tačno šta mi to od ljudi hoćemo, šta od ljudi očekujemo. Dosta stvari koje je rekao premijer su bile dobre, i način kako bi mi trebali rješavati osim jedne stvari gdje sam uočio mali problem, a to je upravo priča o tome kao eto ovi izvještaji govore o nekim menadžerima, to se ne tiče sadašnjeg menadžera ZOI, a čovjek bio predsjednik skupštine. Logika stvari nalaže da ako mi izglasamo nekoj firmi nepovjerenje odnosno ne usvojimo izvještaj podnosi Skupština. Da se razumijemo. Skupština je ta koja podnosi izvještaj. To je dakle mi nismo usvojili izvještaj Skupštine, logika je da se smijeni Skupština. Da se izabere novi, da smijenimo NO, novi NO smijeni menadžment. Kada govorimo personalno, u ovom slučaju ne možemo zanemariti odgovornost čovjeka koji je godinama bio predsjednik Skupštine tog društva i praviti se da je sada čovjek je nevin jer on je tek preuzeo firmu, a u suštini svo vrijeme taj lanac odgovornosti je trebao da se odvija na ovaj način. Hajmo biti

principijelni koga god zakači, to mene zaista ne zanima, evo usvajamo izvještaj 13,14. čak i ovo do sada. Hajmo u buduće, hajmo zaista pokušati da budemo principijelni. I kada budemo birali nove ljude hajmo jednom prekinuti više s tom praksom. Podjele moje je ovo, moja je Skupština, moj je direktor, tvoje je ovo. Na kraju oni svi zajedno pod nečijim pritiskom, pod nečijim zadacima, ili pod nečijim patronatom rade stvari koje imovinu Kantona naše silne planove, snove o tome kako ćemo biti uspješan Kanton negdje u neki jarak strpano. Ja evo zato kažem ja bih zaista volio, mislim da nije kritika nego jednostavno apel da pokušamo da se ponašamo malo drugačije ako ne počnemo raditi na takav način bojim se da nećemo daleko dogurati. Zahvaljujem.

Predsjedavajući:

Zahvaljujem zastupniku Šućuru. Ukoliko se više niko ne javlja za riječ, zaključujem raspravu. Zato što nije bilo podnošenja uvodnih napomena dobili ste izvještaj zato smo dali samo. Ima samo jedna kratka, samo kratko da ne dužimo, premijer Konaković.

Premijer Elmedin Konaković:

Samo ću i u svoje ime i u ime ministra Šabića, nisam ja, sve se slažem s kolegom Šućurom. Dakle, prije svega u definisanju ciljeva ljudima koje tamo stavljamo, činjenici da neki rade u drugačijim okolnostima, nije isto voditi firmu kojoj date monopol na tržištu i ima normalne prihode i onoj kojoj neekonomskom cijenom eventualno ugrozite poslovanje. To je broj jedan. Broj dva nisam zaista ja sam govorio o kontekstu ne usvajanja izvještaja samo pa sam rekao ne odnosi se, pa sam rekao mi ćemo smijeniti odmah menadžment ako se ne usvoji izvještaj ali sam rekao samo sam konstatovao da u odnosu na direktora koji je trenutno u ZOI vjerovatno s aspekta zakona od oktobra do decembra nema zakonski osnov. Ne braneći nikako njegovu ulogu u Skupštini preduzeća. Ne bih da to ostane uopšte u zraku i komentarišući s ministrom Šabićem neko je komentarisao kako je i on, ne je samo iznio uvodno izlaganje kada je riječ o ZOI, ni jednom rečenicom nije afirmisao izvještaj nego je pročitao statistiku. Tako da nam je i to ostalo samo da prokomentarišemo. Hvala.

Poslanik/zastupnik Adnan Solaković:

Evo upravo što je premijer rekao kako je ministar izlagao za ZOI. Prema tome, maloprije smo govorili kako direktori ne dolaze, kako se arogantno ponašaju prema naredbodavnoj vlasti i prema Skupštini. Ne dolaze i ne dolaze na radna tijela. Međutim, nemojte da isto to radimo mi, sada prema direktorima koji su tu prisutni. To su ipak naše firme. Ovaj izvještaj što je uvaženi gospodin ministar htio da obrazloži da nam iznese, to mi znamo svi što se tiče tih cifara i to. Međutim, molim vas veoma je bitno to je ipak naša firma, da i direktor te firme izađe da nam obrazloži neke probleme koje on vidi lično sa svog aspekta. To je veoma bitno, to je ipak naša firma. Toliko, hvala lijepo. I volio bih da dozvolite ako Skupština dozvoljava da se čovjeku da pet minuta ili ne znam koliko vam treba, pet šest minuta da nam se obrati da nam kaže stanje u firmi kakvo je. Hvala lijepo.

Predsjedavajući:

U principu ovo je izvještaj direktora Skenderije. Ali evo na vaše insistiranje, i na direktora, s obzirom da je ispoštovao i došao tu ja mu dajem pet minuta da se obrati Skupštini.

Direktor JKP Centar „Skenderija“ Hajriz Bećirević:

Uvaženi predsjedavajući, predsjedništvo, cijenjeni zastupnici, uvaženi premijeru Dino, ministri, javnost, ja vas sve selamim i pozdravljam. Drago mi je da sam dobio ovih pet šest minuta da kažem koju riječ o izvještaju i ja, kada ste me god, pozvali ovdje, ja sam bio prisutan u Sali, za ove četiri godine mog mandata i obrazlagao ono što ste tražili od mene. Prošli put kada sam bio ovdje 13 godine, ja sam tada zamolio zastupnike, a ima ih od prošlog

saziva, da nam date mogućnost da pokažemo ono što možemo da uradimo za ove tri godine. Ja mislim da smo mi to i opravdali ako pogledate ovaj naš izvještaj za 13 i 14 godinu. Ja sam zadužio 1,2 miliona kada sam došao na mjesto menadžera, oko 1,3 miliona. Znači duga. Evo ako sada ste čitali 13 i 14 godinu a nadamo se da ste to dobro pročitali, vidjeli ste da je sada gubitak negdje 300 i nešta hiljada KM. Za 15 godinu u ovoj 2015 godini za prvih šest mjeseci naši pokazatelji na ovom izvještaju su šestomjesečnom negdje oko 200.000 KM. Mislim da je Skenderija i svi uposlenici u Skenderiji ipak ono opravdala što sam ja obrazlagao 13 godine. Ja moram da kažem par stvari problema da ukažem na određeni broj problema sa kojima se Skenderija susreće od 99 godine pa možda i ranije, ali koji su prisutni cijelo vrijeme i bit će prisutni dok god to ne riješimo. To je najveći problem u Skenderiji. Ja sam prošli put isto tvrdio da kada bi Vlada Kantona imala malo više sluha i pomogla Skenderiji, Skenderija bi sigurno mogla samostalno da radi i da ne bude u gubitku. Broj jedan problem koji se nama nameće to je protokol koji je potpisan iz 2006 godine koji je težak oko 12 miliona KM. Do sada, do ove 15 godine, Skenderija je smanjila, ostvarila refundirala i uradila taj protokol na 7 miliona i nešto. Znači bez ičije pomoći 7 miliona naravno uz pomoć Vlade do sada gdje su oni izdvoji i kompenzirali negdje oko 1,3 miliona. Znači 6 miliona preko Skenderije je prešlo gdje smo mi to odradili. Protokol govorim o Privrednom gradu sa ulagačima. Drugi problem koji je nas zadesio, a stvarno pisao sam ne znam ni koliko puta, Ministarstvu privrede i Vladi da krov Ledene dvorane koji je pao 12 godine, da uzmemo kredit od 5 miliona da napravimo i da stavimo u funkciju Ledenu dvoranu i sa tim sam garantirao da sa Ledenom dvoranom Skenderija može izaći na zelenu granu i da vraća kredit podignut onaj koji se podigne od banke. Na žalost nismo imali razumijevanja čak smo dobili napismeno gdje se kaže da to nije investicija. Drugim JP se daju 10 – 12 miliona koji ulažu u plaće i doprinose. Ja se sam čudim kako to jedno sa drugim povezati šta je to investicija i šta nije investicija. Treća stvar gdje smo mi naglasili i tražili smo da nam pomognu a to je upravna zgrada koju smo mi oslobodili od 1000 kvadrata znači praznog prostora, gdje smo dali po 8 KM da određene službe Kantona Sarajevo koje su možda u privatnim prostorima da se napuni taj prostor, i to negdje iznosi oko 150.000 KM na godišnjem planu i vidite ovo sada ako uzmemo 200.000 koliko smo u gubitku znači već bi na taj način Skenderija mogla da bude skoro na pozitivnoj nuli. I da ne dulji, ja se moram vama zahvaliti. Ja znam da ovdje ima određenih ljudi koji su i pročitali i koji nisu. Koji su prihvatili ovako i onako. Ja prihvatam svaku odluku, pa bila i politička ili ova odluka, kako god vi glasate, ja vam dajem na savjest, vidite odlučite, smatram da ova izvještaj zaslužuje pozitivan izraz vas i naravno da damo mogućnost i dalje uposlenicima da vidimo do kraja da možemo ovo regulisati da naravno pokušao u narednih šest mjeseci Skenderija ovih 200.000 KM još sanira i možda izađe na neku pozitivnu nulu. Ja se zahvaljujem i nadam se da nisam.

Predsjedavajući:

Zahvaljujem se direktoru Bećireviću i prelazimo na izjašnjavanje po podtačkama.

a)

MOLIM POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KJP CENTAR "SKENDERIJA" D.O.O. SARAJEVO ZA 2013. GODINU ZA JE GLASALO 15 POSLANIKA, PROTIV 7 I SUZDRŽANIH 2. KONSTATUJEM DA SKUPŠTINA NIJE USVOJILA IZVJEŠTAJ.

b)

MOLIM POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KJP CENTAR "SKENDERIJA" D.O.O. SARAJEVO ZA 2014. GODINU.

Na zahtjev uvaženog zastupnika Solakovića predsjednika Kluba SBB pojedinačno izjašnjavanje za 2014.

p.o. sekretar Almira Kulovac Šetkić:

1. Ademović Kemal - ZA
2. Akšamija Goran - protiv
3. Aljović Hamed - ZA
4. Avdibegović Neira - PROTIV
5. Babić Ana - ZA
6. Bajrović Izudin – ODSUTAN
7. Bjelak Nermin - SUZDRŽAN
8. Bukva Sejo - SUZDRŽAN
9. Čelik Mirza - SUZDRŽAN
10. Čomor Eldar - SUZDRŽAN
11. Ćudić Sabina – OPRAVDANO ODSUTNA
12. Delalić Sabahudin - ZA
13. Dovadžija Amar - SUZDRŽAN
14. Filipović Selma - ZA
15. Forto Edin - PROTIV
16. Halilović Semir - ODSUTAN
17. Jusko Ismir - ZA
18. Kerla Bibija - SUZDRAŽANA
19. Kojović Predrag - ODSUTAN
20. Kozadra Muhamed – ODSUTAN
21. Marić Zvonko - ZA
22. Mašović Amor – OPRAVDANO ODSUTAN
23. Mekić Amel – ZA
24. Mešanović Safet – opravdano odsutan
25. Mehmedagić Mersiha - PROTIV
26. Okerić Elmedin - ZA
27. Pindžo Mirsad - PROTIV
28. Pleho Haris - SUZDRŽAN
29. Prevljak Fikret - ODSUTAN
30. Rađo Dževad - ZA
31. Solaković Adnan - ZA
32. Smajić Rasim - ODSUTAN
33. Srna-Bajramović Segmedina - ZA
34. Šućur Slaviša - ZA
35. Vukasović Mario – PROTIV

Predsjedavajući:

Za je glasalo 13 poslanika, protiv 6 i suzdržano 7.

KONSTATUJEM DA E SKUPŠTINA NIJE USVOJILA IZVJEŠTAJ.

AD – 20.

- a) **IZVJEŠTAJ O POSLOVANJU KJP “POLJOPRIVREDNO DOBRO BUTMIR” D.O.O. SARAJEVO - ILIDŽA ZA 2013.GODINU;**

b) IZVJEŠTAJ O POSLOVANJU KJP "POLJOPRIVREDNO DOBRO BUTMIR" D.O.O. SARAJEVO - ILIDŽA ZA 2014. GODINU

Obzirom da se oba izvještaja odnose na isto javno preduzeće, predlažem da vodimo zajedničku raspravu, a izjašnjavat ćemo se pojedinačno za svaku poslovnu godinu .
Molim poslanike/zastupnike da se izjasne o navedenom prijedlogu?

ZA je glasalo 25 poslanika, PROTIV niko, SUZDRŽANIH 1.
Konstatujem da smo prihvatili navedeni prijedlog.

Izvještaje ste dobili uz poziv za sjednicu. Molim predstavnika Predlagača da podnese uvodne napomene. Ima li potrebe u kratkim crtama? Nema potrebe imate izvještaje. Da li predstavnici radnih tijela žele riječ? Ima li pitanja?
Otvaram raspravu. Ukoliko se niko ne javlja za riječ, zaključujem raspravu.

Prelazimo na pojedinačno izjašnjavanje po podtačkama.

a)

MOLIM POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KJP "POLJOPRIVREDNO DOBRO BUTMIR" D.O.O. SARAJEVO - ILIDŽA ZA 2013.GODINU

ZA JE GLASAO 1 POSLANIK, PROTIV 17 I SUZDRŽANIH 7.
KONSTATUJEM DA SKUPŠTINARIJE USVOJILA IZVJEŠTAJ.

b)

MOLIM POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KJP "POLJOPRIVREDNO DOBRO BUTMIR" D.O.O. SARAJEVO - ILIDŽA ZA 2014.GODINU

ZA JE GLASAO 1 POSLANIK, PROTIV 16 I SUZDRŽANIH 7.
KONSTATUJEM DA SKUPŠTINA NIJE USVOJILA IZVJEŠTAJ.

21. tačku je Vlada povukla tako da Izvještaj nećemo raspravljati.

AD – 22.

a) **IZVJEŠTAJ O POSLOVANJU KJP "VETERINARSKA STANICA" D.O.O. SARAJEVO ZA 2013. GODINU;**

b) **IZVJEŠTAJ O POSLOVANJU KJP "VETERINARSKA STANICA" D.O.O. SARAJEVO ZA 2014. GODINU**

Obzirom da se oba izvještaja odnose na isto javno preduzeće, predlažem da vodimo zajedničku raspravu, a izjašnjavat ćemo se pojedinačno za svaku poslovnu godinu .
Molim poslanike da se izjasne o navedenom prijedlogu?

ZA je glasalo 25 poslanika, PROTIV 1, SUZDRŽAN niko.
Konstatujem da smo prihvatili navedeni prijedlog.

Izvještaje ste dobili uz poziv za sjednicu. Molim predstavnika Predlagača da podnese uvodne napomene ako je potrebno. Nije.

Da li predstavnici radnih tijela žele riječ? Ne. Ima li pitanja? Otvaram raspravu.

Poslanik/zastupnik Slaviša Šućur;

Ma evo ovo je također prilika da popričamo, radi se o izuzetno bitnoj djelatnosti i o preduzeću koje treba da ima vrlo značajnu javnu ulogu. A uporno se nalazi u problemima. Želim samo da kažem da je ovdje zaista problem što nikada nismo definisali, dakle politika nikada nije definisala koji je to dio poslova koji oni rade u javnom interesu a šta je to što rade na tržištu. I sve ono što je javni posao koji oni rade mora biti finansirano i pokriveno iz budžeta. A onaj drugi dio, naravno sve što oni preko toga uspiju da zarade na tržištu je nešto što je dobro došlo i što treba očekivati od svakog menadžmenta da posveti odgovarajuću pažnju. Razlog što opet sam se javio to je preduzeće koje godinama ima strahovit problem sa menadžmentom. Tamo su stalno u pitanju previranja, štrajkovi, meni je neshvatljivo da jedna tako bitna djelatnost se prepusti stihiji i da imamo godinama apsolutni kaos a da niko zaista nije ništa uradio da se zavede red da ljudi rade ono što je posao koji je jako bitan za javno zdravlje i za opšte dobro. Toliko. Hvala.

Predsjedavajući:

Zahvaljujem zastupniku Šućuru. Ima li još neko da se javlja za riječ? Zaključujem raspravu. Prelazimo na pojedinačno izjašnjavanje o podtačkama.

a)

MOLIM POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KJP "VETERINARSKA STANICA" D.O.O. SARAJEVO ZA 2013. GODINU

ZA JE GLASALO 0 POSLANIKA, PROTIV 14 I SUZDRŽANIH 8.

KONSTATUJEM DA SKUPŠTINA NIJE USVOJILA IZVJEŠTAJ.

b)

MOLIM POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KJP "VETERINARSKA STANICA" D.O.O. SARAJEVO ZA 2014. GODINU

ZA JE GLASALO 0 POSLANIKA, PROTIV 10 I SUZDRŽAN 13.

KONSTATUJEM DA SKUPŠTINA NIJE USVOJILA IZVJEŠTAJ.

AD – 23.

STUDIJA O ZDRAVSTVENOM STANJU STANOVNIŠTVA, HIGIJENSKIM PRILIKAMA I ZDRAVSTVENOJ DJELATNOSTI U KANTONU SARAJEVO U 2014. GODINI, SA MIŠLJENJEM MINISTARSTVA ZDRAVSTVA I PRIJEDLOGOM MJERA ZA POBOLJŠANJE ZDRAVSTVENOG STANJA STANOVNIŠTVA I HIGIJENSKIH PRILIKA NA KANTONU SARAJEVO

Studiju ste dobili uz poziv za sjednicu. Molim predstavnika Predlagača da podnese uvodne napomene ako treba. Dobili ste. Zahvaljujem. Da li predstavnici radnih tijela žele riječ? Ne. Ima li pitanja? Otvaram raspravu.

Poslanik/zastupnik Segmedina Srna Bajramović:

Zahvaljujem predsjedavajući za riječ. Pozdravljam sve prisutne. Nadam se da ćemo imati dovoljno strpljenja, žao mi je da nismo čuli ministricu. Jeste istina je dobili smo materijale,

mogli smo sve to pročitati. Naprosto sam imala potrebu da kažem, odnosno prije nego kažem nekoliko stvari kada je u pitanju ova studija željela sam čestitati svima koji su direktno radili na istoj, jer odavno nisam imala priliku zapravo vidjeti kvalitetniji dokument kada je u pitanju presjek stanja u jednoj društvenoj sferi. Radi se o dokumentu koji ima ogromnu vrijednost za sve one koji će u budućnosti biti aktivni sudionici kreiranja javnih politika. Današnja Skupština čini mi se ima i neku simboliku kada je u pitanju sami dnevni red, imamo budžet, odnosno imali smo budžet u prvom dijelu prošle sedmice, kapitalne informacije u sferi obrazovanja i zdravstva kao dva ključna temelja rekla bih svih javnih politika te izvještaj o izvršenju sankcija koji dijelom predstavlja pokazatelj efikasnosti tih javnih politika, sistema naspram društvenih devijacija s kojima se susrećemo. Što se tiče same studije ona definitivno i argumentirano pokazuje presjek u ključnim sferama zdravstvenog stanja stanovništva, higijenskih uslova života te stanje infrastrukture u zdravstvu koje svako sa svoje strane može ocijeniti na različite načine. Mislim da u ovom momentu nije uopšte toliko prioritetna ocjena aktuelnog stanja koliko je izuzetno, ponavljam, korisno da napokon imamo kvalitetan nalaz koji nam daje mjerljivu osnovu za buduće strateško planiranje. Nadam se kako ova studija i rezultati iste neće biti povod bilo kakvih političkih nadmudrivanja i ubjeđivanja kako je nešto moglo biti bolje jer je činjenica kako se radi o oblasti za koju sam zapravo potpuno sigurna kako ne postoji ona podjela na poziciju i opoziciju. Izuzetno je važno, ponovit ću još jednom da budemo svjesni značajnih sredstava koja ulažemo u ovaj sektor te ako danas sa ovom studijom imamo pregled rezultata koji nisu prioritetno i samo rezultat investiranja u zdravstvo nego više godišnje multisektorske javne politike u drugim segmentima društva. Nisam neki ekspert iz ove oblasti, ovo je samo bio moj skromni doprinos ali imala sam potrebu da kažem par stvari koje su po meni izuzetno važan, odnosno podsjetiti na neke od njih. Na činjenicu zapravo da mnoge studije koje se rade u zemljama EU o zdravstvu naznačavaju promjenu smjera percepcije. Smatra se da sadržaj istraživanja treba okrenuti drugim izvorima problema u odnosu na dosadašnje gdje rezultati danas sve češće upućuju na zdravstvene nejednakosti neovisne toliko o ponašanju pojedinaca u očuvanju tog zdravstvenog kapitala koliko o socio ekonomskim nejednakostima u društvu zapravo. Novi su studije u desetak evropskih zemalja pokazale veliku ovisnost upravo socijalnih faktora i zdravlja, potvrđujući tezu o važnosti socioekonomskih nejednakosti kao temeljnih uzroka zdravstvenih nejednakosti. Stoga je izuzetno važno da prestanemo zdravstvo tretirati kao dominantno fiskalno kategoriju te da i u sferi drugih politika tražimo prije svega za njegovo rasterećenje kao i boljeg zdravstvenog stanja stanovništva. To je dominantno onim što ja vidim čitajući podatke navedene u ovoj studiji. Očigledno je da kod nas ne postoji usklađenost socijalne zdravstvene obrazovne okolišne politike i politike radnog zakonodavstva. Socijalne determinante i faktori koji utiču na zdravlje pokazuju na žalost tendenciju pogoršanja, što na žalost svi vidimo kroz svakodnevni život. Zato na kraju još jednom želim čestitati autorima a apelirati na sve nas da pokušamo koliko je moguće u skladu sa našim nadležnostima harmonizirati stvari koje će značiti kvalitetnije i humanije okruženje za život a samim tim i osnove za neku novu studiju sa nadamo se boljim rezultatima u odnosu na ovu koju danas razmatramo. Toliko zahvaljujem.

Predsjedavajući:

Zahvaljujem uvaženoj zastupnici Srna Bajramović. Ukoliko se više niko ne javlja za riječ, zaključujem raspravu.

MOLIM POSLANIKE DA PRISTUPE IZJAŠNJAVANJU O STUDIJI O ZDRAVSTVENOM STANJU STANOVNIŠTVA, HIGIJENSKIM PRILIKAMA I ZDRAVSTVENOJ DJELATNOSTI U KANTONU SARAJEVO U 2014. GODINI ZA JE GLASALO 23 POSLANIKA, PROTIV niko I SUZDRŽANIH niko.

KONSTATUJEM DA JE SKUPŠTINA USVOJILA STUDIJU.

AD – 24.

INFORMACIJA O FINANSIJSKOM POSLOVANJU JAVNIH USTANOVA IZ OBLASTI PREDŠKOLSKOG, OSNOVNOG, SREDNJEG I VISOKOG OBRAZOVANJA I NAUKE ZA 2014. GODINU (ZBIRNO)

Informaciju ste primili uz poziv za sjednicu.

Molim predstavnika Predlagača da podnese uvodne napomene ako je potrebno.

Da li predstavnici radnih tijela žele riječ? Ima li pitanja? Otvaram raspravu. Pošto se iko ne javlja za riječ, zaključujem raspravu.

KONSTATUJEM DA SMO INFORMACIJU PRIMILI K ZNANJU

Obzirom da smo iscrpili sve tačke Dnevnog reda današnje sjednice u 15,45 sati zaključujem rad na 6. Radnoj sjednici i zahvaljujem se zastupnicima.